

17.

ARCHÆOLOGICÆ
Philosophicæ :
SIVE
DOCTRINA
ANTIQUA DE
Rerum Originibus.

LIBRI DUO.

Autore THOMA BURNETIO, S.T.P.

EDITIO SECUNDA.

ACCEDUNT
Ejusdem Epistolæ duæ de Archæo-
logiis Philosophicis.

L O N D I N I :

Impensis A. BETTESWORTH &
C. HITCH, ad Insigne Leonis Rubri,
in vico vulgò dicto *Pater-Noster-*
Row. M.DCC.XXXIII.





AUGUSTISSIMO PRINCIPI

GULIELMO,

Magnæ Britanniae, Franciæ & Hi-
berniae REGI.



ISI cò me propemodùm
compulisset grati animi &
officii ratio, Sacrum tanti
Principis nomen studiis meis
quibuscunque non ausus
essem inscribere. Tibi enim, cui debe-
mus omnia, fortunas integras, liberta-
tem, vitam ipsam : ac chariorem ipsâ
vitâ, Religionem : parum est offerre te-
nuis ingenii, aut otii literarii, munuscu-
la. Neque Laudibus tuis celebrandis pa-

A 2

res

res esse possumus, qui referendis gratiis sumus impares.

VIRUM Magnanimum, Inclytissime Princeps, duæ maximè virtutes constituunt: Fortitudo & Clementia. Non Te Fortem esse dicimus, sed querimur: animæque prodigum, in quâ nostrum omnium salus, nostrum omnium capita periclitantur. Neque Clementiam tuam prædicamus, toti Orbi notissimam: sed nequid detrimenti capiat Respublica, ex nimia Cæsaris indulgentiâ, oramus supplices.

AFFECTENT alii inanes sine Marte Triumphos, sine Virtute Lauros. Sed magni Ducis, aut fortis Viri, Qui meretur honores, numeret, oportet, si non sua vulnera, saltem sua prælia: quæ gessit, quibus medius interfuit, ardens inter enses & ignes. Et qui Clementiæ laudes assequi velit, non Urbium & Oppidorum incendia aut cineres, non Agrorum devastaciones, nobis posterisve ostentare debet, in suæ Clementiæ monumenta.

DEDE-

Epistola Dedicatoria.

DEDECENT prætereà Virum Magnum, mala fides, læsa fœdera & Sacramenta publica : quæ jus divinum & humanum, apud omnes gentes rata & religiosa esse voluerunt. Degeneres animos hoc arguit, & frustrà quærunt præclarum magnanimitatis titulum, qui viri probi & honesti non respondent officiis. Alii autem sunt tui mores, Rex Serenissime, partes aliæ : Testor enim totius Europæ fidem, actionibus tuis publicis, domi aut foris, in bello aut in pace, nullam unquam fraudis aut dolosæ mentis hæsisse labem, nullam aspergi posse maculam.

HÆ Tibi erunt Laudes : neque recensere opus est, aut genus, aut proavos : longo licet ordine, gestisque egregiis memorabiles. Quod enim stemma Regium Nassavico illustrius, quod antiquius ? aut suis, aut vicinis, aut orbi Christiano, salutarius. Sed Tibi sufficit tua Virtus ; & dulcior est suo Marte quæsitæ gloria, quàm à majoribus repetita. Pergas, Dux Invictissime, secundo Numine : Britannis, ut pridem

A 3

Batavis,

Epistola Dedicatoria.

Batavis, servitutis jugum excutere, pristinam in bello virtutem accendere, & antiquam utriusque gentis dignitatem novis trophæis adornare. Ac ut olim Ferarum & Monstrorum Hercules, ita Tyrannorum Domitor, Gens Nassavica semper audiat.

MAJESTATI TUE

Humillimè Subditus,

& à Sacris Famulus,

T. BURNETIUS.

PRÆ-



PRÆFATIO

A D

LECTOREM.



*I*N historia Gentis humanæ partem facit non exiguam Res Literaria. In historiâ autem rei literariæ, nihil præstantius aut utilius, quàm cujusque placita philosophica, & quid in scientiis profecerint, exponere : cætera, quæ historiam literariam constituere solent, qualia sunt philosophorum vitæ, natales, obitus, laudes, peregrinationes, benè aut malè gesta, & hujusmodi plura, complent hæc quidem, ornantque materiam ; sed minoris sunt momenti, cùm id agimus, ut humanæ cognitionis semina & progressus, & divinæ Providentiæ hæc in parte regimen & æconomiam, investigemus. Quare in hoc opere, quod præmanibus est, missis his minutiis, aut le-

viter tactis, sententias Veterum de Rerum naturâ potissimum inquirimus. Idque in laudem & vindicias Antiquitatis; ut neque fungos fuisse Majores nostros, neque nobiscum natam esse sapientiam, ostendamus.

Ab omni ævo, quousque licet pedem referre Patrum per vestigia, & præteritorum temporum revocare memoriam, constat, Gentem humanam, non tantum de summo Numine, sed etiam de Mundo naturali, de Rerum Ortu, & Occasu & Vicissitudinibus intermediis, (quæ Triasunt omnia) notitias habuisse, non veras modò, sed aliquatenus divinas: quasque aded à Noachidis ipsis, aut à prima forsan hominis origine, potius quàm ab inventione privata, aut à demonstratione naturali, repetendas esse censeo.

Prætereà, in aliis rebus & capitibus, quæ secundam in philosophiâ classem constituunt: nempe de naturâ cælorum, & cælestium corporum, Syderumque, tam Fixorum quàm Errantium, speculationes: patet multis exemplis, de his non male statuisse Antiquos, neque eos fugisse penitus horum Corporum materiam & compositionem. Quinetiam quod Mundi Systema dicitur, sive Universi forma & ordo, hoc non invenisse Pythagoram suapte ingenio, sed inter ἀπόφιντα Orientalia, cum multis aliis non vilioris

oris pretii, repertum, in Græciam primum invexisse, haud temerè creditur. Denique tertiæ classis philosophemata, quod spectat, quæ supellectilem hujus Terræ, putà Elementa, & corporum Terrestrium ordines & qualitates, respiciunt, fateor Antiquos in his explorandis parum profecisse, & in hac re maximè eruditioni veterum prælucere philosophiam hodiernam: cui suas laudes minimè invidemus. Ut paucis dicam, A maximis exorsa est, & ad minima progredietur philosophia: ac decurso literarum, rerum, temporumque stadio, unà cum fine Mundi, si Deus voluerit, consummabitur sapientia.

Exiguum id esse fateor, quod, ex philosophiâ Barbaricâ, vel etiam inter Græcos antiquissimâ, integrum & illæsum retinemus. Sed quemadmodum ex fractis columnis & exesis marmoribus, Græcorum Architectonicam discimus & admiramur: ita ex majusculo aliquo fragmento veteris philosophi, de cæteris partibus sui operis, secundum symmetriæ leges, & de totâ fabricâ judicium ferimus. Utcunque in his Archæologiis, veterumque dogmatis, eruendis, scriptores Classicos, Græcosque potissimùm secuti sumus. Neque quicquam affinximus cuiquam, ex amore aut invidiâ. Sed prætermisiss nonnunquam erroribus,

erroribus, quos ex narratorum inscitia, aut incuria, aut denique malevolentia; oriri potuisse suspicamur: quod pulchrum, quod utile, & memoriâ dignum, id maximè in aspectum lucemque proferre, operæ pretium duximus.

Denique, in antiquâ doctrinâ enarrandâ, non pauca commentati sumus de Fabuloso Philosophandi genere. Quod per multa sæcula, multasque gentes, obtinuit. Et licet jam exoleverit id genus orationis, locumque cesserit severiori doctrinæ, non abs re esse duxi admonere Lectores, quâ figurâ dicendi, aut quo charactere styli, sapiusculè usi sunt veteres; ut ab eorum scriptis tenebras depellerem, aut iniqua opprobria. Illis utique non erat religio, per fabulas & honestas fraudes instruere populum: id quod nos dicimus officiosè mentiri. Deos suos crediderunt humanum genus regere, non dissimili ratione quâ nos regimus infantes aut pueros: ad modum sui capti & virium: celatâ sæpe veritate, aut aptis coloribus fucatâ, quo meliù: consulant eorum salutem. His blanditiis & ornatâ Mythologâ usos esse veteres, notissimum est: qui fas esse voluerunt Legumlatoribus & sapientibus, laxare veritatis habenas ob bonum publicum, & prore natâ, μετὰ τῆς ποιῶνς συραστόρων. Sed ab eorum fabulis sigillatim interpretandis,

dis, quo nihil magis lubricum, manus
semper abstinui; memor dicti Aristotelis,

Περὶ μὲν τοῦ μυστικῆς στοιχείου, ὅτι ἀξίον μετὰ σπου- 3 Metaph.
δαῖς σκοπεῖν. Sed de hac re satis. 4.

Animus mihi erat, post exactam Tellu-
ris Theoriam, cui jam ultimam manum
adjecimus, Mundi Aspektabilis Theoriam
conscribere. Non quidem universim, ne-
que enim tantæ provinciæ me parem esse
sensi: sed Theoriam Sacram, in usum
Theologiæ studiosorum; ut Operum Dei
magnitudinem, ordinemque: & quibus
reguntur legibus, illis pro virili expo-
nerem. Hæc enim nôsse, omnium docto-
rum interest, & Theologorum maximè:
quò in rebus creatis Creatoris sapientiam
& magnificentiam intueri, & cum ratione
ac intelligentiâ celebrare, valeant. Pro-
inde scire oportet, quid sint, & quæ con-
sistent materiæ, maximæ illæ Mundi moles,
Sydera: Cæli exercitus, Dii Gentium.
Et quas subinde mutationes & metamor-
phoses subeant, volvente temporum Orbe.
Quid inter Stellæ, Lucidæ & Opacæ,
Fixæ & Errantes, intersit: & quæ sit
utriusque origo, & quatenus in singulis
habitetur, secundum rationes probabiles.
Harum rerum Contemplatio animum eri-
git & dilatat, & immensi mundi replet
imagine. Hinc incidimus in cogitationes
Deo dignas, & nosmetipsos & Terrellam
nostram, tanquam quisquilias aut ramen-
ta

ta Operum Dei, despiciamus & pro nihilo putamus. Dein, si ad inferiora descenditur, operæ pretium erit disquirere, unde oriantur Corporum Terrestrium differentia, Quibus particulis consent Elementa, & ex illis particulis, quo modo singulorum vis & proprietates emergant. Et sic de reliquo Telluris apparatu, tam animato, quàm inanimato. Denique, quærendum est, in quo consistat Corporis & Animæ, tam distinctio, quàm unio: & qui ratione agant in Corpus nostrum, Animamque, objecta externa. Hæc & hujusmodi generalia & graviora capita, quæ instar clavis esse possunt ad reliqua referenda, si benè perspecta essent Theologis, nullum locum relinquerent ad Philosophastris: quorum malæ causæ proficit nostra in rebus naturalibus imperitia. Factant enim apud ignaros, explicari posse sine Numine, vel, ut aiunt, mechanicè, totam rerum naturam. Quo nihil mendax magis, aut absurdius.

Hæc olim apud me statueram seorsim tractare, & quàm poteram, dilucidè. Sed ingruit senectus, appropinquat mors, & melioris ævi dies, cùm hæc clariùs elucebunt. Juvet interea, tenue aliquod monumentum reliquisse, vitæ non otiosè peractæ: & brevi quasi functum militiâ, deinceps à laboribus requiescere.

E L E N.



ELENCHUS CAPITUM.



LIBRI I.

CAP. I.  *ATIO & propo-
situm hujus Operis.
Quatenus Telluris
Theoriam respiciat,
Quatenus Historiam Philosophicam.*

Pag. 1

CAP. II. *Conspectus Philosophiæ An-
tiquæ per varias Terrarum Gentes.
Primum, de Scythis, Celtis, & Æthi-
opibus.*

5

CAP. III. *Indorum Orientalium per-
lustratio. Speciatim de Serum & ve-
terum Brachmanum literis & Philoso-
phia.*

17

CAP.

CAP. IV. <i>De Assyriis & Chaldeis.</i>	Pag. 25
CAP. V. <i>De Persis, eorumque Magis.</i>	33
CAP. VI. <i>De Arabum & Phœnicum historiâ literariâ.</i>	42
CAP. VII. <i>De Hebrais, eorumque Cabalâ.</i>	58
CAP. VIII. <i>De Aegyptiis & multi- fariâ eorum literaturâ.</i>	98
CAP. IX. <i>De Philosophiâ Græciani- câ, & primò de Orphicâ.</i>	148
CAP. X. <i>De Philosophis Græcis post Orpheum: & primò de Ionicis.</i>	186
CAP. XI. <i>De Pythagorâ, & Sectâ Pythagoricâ.</i>	204
CAP. XII. <i>De Sectâ Eleaticâ, & de Stoicis.</i>	225
CAP. XIII. <i>De Platonis, Aristote- licis, & Epicureis.</i>	240
CAP. XIV. <i>De origine Philosophiæ Barbaricæ.</i>	260



LIBRI II.

CAP. I.		<i>Ntroducō & summa secundi Libri. De Chao Antiquo uni- versalis Traditio, & de ipsius moti- bus in genere.</i>	273
			CAP.

CAP. II. *De formâ Telluris primigeniæ generatim, & de Mundi statu triplici.* Pag. 285

CAP. III. *De formâ Telluris Primigeniæ speciatim, & præcipuis ipsius differentiis ab hodiernâ. Harum differentiarum manifestæ notitiæ apud Antiquos reperiuntur.* 298

CAP. IV. De naturâ, modo, & causis Diluviorum: & potissimum de Universalis. 311

CAP. V. De situ Telluris primæ, ad Solem recto: & secutis inde proprietatibus; Quales sunt Ver perpetuum, sive perenne Æquinoctium, per totum Terrarum orbem: Cælum Impluvium & sine Iride. Primorum hominum Longævitas. 337

CAP. VI. De mutato Telluris, Cælive, situ: olim recto, hodiè obliquo: & secutis inde phænomenis: aliorum veterum testimonia. 351

CAP. VII. De Narratione Mosaicâ circa Paradisum, & circa Naturæ rerumque humanarum statum, in Mundo novo. 375

CAP. VIII. *De Rerum Originibus in primo capite Genesæ expositis: & de modo interpretandi Hexaëmeron Mosaicum.* 403

CAP.

CAP. IX. *Dubiis & objectionibus occurratur, quæ ab iis, qui literæ Hexæmeri adhærent, contra præfatam expositionem urgeri poterunt.* Pag. 426

CAP. X. *Quæ prætereà consideranda sunt, tam rerum momenta, quàm Authorum testimonia, ut in hac causâ æquum iudicium feramus.* 447

APPENDIX. *De Brachmanis hodiernis apud Indos, eorumque Dogmatibus.* 477

Ad Virum Clarissimum A. B. circa nuper editum de Archæologiis Philosophicis Libellum, Epistola Prima. 489

Ad Virum clarissimum A. B. circa nuper editum de Archæologiis Philosophicis Libellum, Epistola Secunda. 495





ARCHÆOLOGICÆ Philosophicæ.

CAP. I.

Ratio & Propositum hujus Operis. Quatenus Telluris Theoriam respiciat, Quatenus Historiam Philosophicam.



UM primum ad scribendum de TELLURE animum applicui, id tantum mihi propositum fuit, ut ipsius Theoriam physiologicè tractarem, solâ rationis vi, & naturâ duce; intactis omninò, aut Sacris Literis, aut Gentium monumentis. Sed, ut solent inter tractandum succrescere materia &
B argu-

argumenta, ita mihi contigit in illo Opere : nam inter philosophandum nova lux suborta est, tam è Sacris Libris, quàm antiquorum Scriptis : quæ, veluti testes injussi, aut invocati, suâ sponte, & inceptâ jam causâ, comparuerunt.

QUUM verò prima Naturæ fundamenta rerumque origines, repetitâ curâ & cogitatione dignissima sint ; tam propter materiæ ipsius dignitatem, quàm quòd aditum nobis aperiant cæteris omnibus in naturâ cognoscendis ; operæ pretium esse duxi, hunc veluti commentarium aut appendicem, ad Telluris Theoriam seorsim conscribere, atque ea omnia complecti, quæ secundæ cogitationes, ex dictis utriusque generis monumentis, in memoriam revocabant.

SUNT autem in præfatâ Theoriâ duæ partes : quarum prima agit de Præterito Mundi statu, altera de Futuro. Facies autem & mutationes Mundi adhuc futuræ, sunt potissimum *Conflagratio*, & quæ hanc sequitur, *Renovatio*, sive novi Cœli, & nova Terra. De his autem tot & tanta, in tertio & quarto libro ejusdem Theoriæ, congestimus testimonia, tam ex Sacro Codice, quàm ex Gentium scriptis, ut nec pluribus, nec fortioribus opus esse videtur ; præsertim cùm Christiani nominis perpauci hæc capita in controversiam adducant. Prima autem pars
Theoriæ,

Cap. I. *Archæologia Philosophica.*

3

Theoriæ, quæ de rerum Originibus, aut *mundo Originario* tractat, multorum fugit oculos & animum: quibus nempe tenuia sunt, &, instar aëris aut umbrarum, evanida; quæ tantum θεωρητικῆς, & ex causarum contemplatione, demonstrantur. His ut aliquo modo subveniamus, in hujusce tractatus libro secundo, *Triplitem* Mundi naturalis statum (quod unicum totam Theoriam complectitur) in sacris literis fundari, ostenditur: veterumque sapientum antiquissimâ traditione confirmari. Ut iis, qui veritatis gustum habent quovis modo, non desint, sui generis, & qualia appetunt, argumenta.

PER Mundum autem *Originarium*, cujus jam meminimus, intelligo Mundum Antediluvianum: idque exemplo Sancti Petri, qui eundem appellat ὁ κόσμος ἀρχαῖον (2 Epist. ii. 5.) *Mundum Originalem*, ut à Vulgatâ redditur. Per *Archæologias* itidem intelligo ea maxime, quæ hunc Mundum ἀρχαῖον respiciunt: ita tamen ut Diluvium ipsum, & quæ eo spectant, aut protinus subsequuntur, eodem nomine complectar.

NOTUM est, Antiquos præteritam Mundi ætatem in tria intervalla distinxisse, ἄσπετον, μυθικόν, ἱστορικόν: tempus *Obscurum, Fabulosum, Historicum*. *Obscurum* erat, quod Diluvium præcessit, te-

nebris & oblivione, magnâ ex parte, ob-
rutum. *Fabulosum*, quod proximè suc-
cessit Diluvio usque ad Olympiadas ;
quòd nulla sit apud veteres istius inter-
valli historia, præterquam incerta & fa-
bulosa. Tertium autem, incœptis Olym-
piadibus, veræ historiæ subjicitur. Quæ
ad duo illa spectant intervalla super-his-
torica, fatis propriè dici possunt ἀρχαιολο-
γία: strictius autem & propriissimè ea
sic dieuntur, quæ primum intervallum
& Mundum primævum respiciunt.

SED præter hæc antiquissima, histori-
am quandam Philosophicam conteximus ;
non universalem, sed quoad Dogmata :
atque ea potissimum quæ ad rerum ori-
gines spectant ; notato insuper cujusque
gentis aut sectæ genio, & modo philoso-
phandi, vulgari vel arcano, accurato vel
fabuloso. Hæc primum Librum occu-
pant ; atque ei proposito, præter alia,
inserviunt, ut, relictis fœcibus, leviori-
bus etiam & superfluis, antiquæ philo-
sophiæ, quod liquidum & syncerum est,
retineamus.

QUEMADMODUM verò qui longas
navigationes instituunt, quandoque So-
lis luce fruuntur ad dirigendum cursum,
quandoque cæterarum Stellarum ; ut res
patitur & Cœli ratio : ità cùm in tempo-
ra remotissima inquirendum est, & rerum
longinquarum memoriam, non eadem
ubique

Cap. II. *Archæologiæ Philosophicæ.*

5

ubique luce frui licet, nec eosdem sequi duces ; sed, pro rebus & temporibus, alia atque alia erit vis luminis, atque testium autoritas: perpensis autem omnibus causæ momentis, in illam partem nos flecti patiamur, quâ clarior est & probabilior, si non prorsus ineluctabilis, ratio.

C A P. II.

Conspectus Philosophiæ antiquæ, per varias Terrarum Gentes : Primùm de Scythis, Celtis, & Æthiopibus.

EXPOSITO fine & summâ ratione hujus Operis, quærendum proximè, quæ via tenenda sit, ut eò perveniamus. Omnes omnium libros pervolvere, nec vacat, nec juvat ; quare, ut argumenti nimis vagi partes inutiles amputemus, libet primùm inquirere in originem & sedes antiquæ Sapientiæ, ut quibus Monumentis recondita sit, & unde petenda, paucis & compendio videamus.

IN hâc autem indagatione qualicunque, non opus erit ascendere ad tempora antediluviana, mundi que principium : nam omnis rerum scientia à Diluvio super-

stes, & quæ ad nos pervenire potuit à Majoribus, latuit olim in unius Noachi pectore ; unde ad Filios, Nepotes, Posterósque, & cum eorum sobole in Terrarum orbem, manavit. Neque etiam necesse erit harum omnium Gentium & Populorum propagines & partitiones sequi ; cum ex iis paucæ literarum aut sapientiæ nomine claruerint : sufficit autem ad institutum nostrum, Gentes Antiquas ità dispescere, aut digerere eo ordine, qui omnes Literatas aut Sapientiâ celebres complecti possit.

Lib. I.

P. 33. 34.

DISTRIBUEBANT Veteres, referente Ephoro apud Strabonem, Gentes terræ in quatuor capita, secundum quatuor Mundi plagas ; idque sub nominibus Scytharum, in Septentrione : Celtarum in Occidente : Ethiopum, versus Meridiem : & Indorum, cum nulla sit vox latior, pro cæteris, Orientem versus. Hæc sunt antiquis tritissima nomina ; & cum hi populi, cultu, legibus & literis non obscuri, orbem nostrum circuitu ambiant & comprehendant, per hæc capita progrediemur ad indagandam Barbararum Gentium Scientiam naturalem. Quum verò Indorum nomine plures Gentes confusè intellexerint antiqui, cum eo perventum fuerit utendum erit novo apparatu : seorsim tractando & particulatim gentes illas Orientales, ubi primas fedes suas habuisse

Cap. II. *Archæologia Philosophicæ*

7

iffe videtur Sapiencia. Græci itidem in suas classes & scholas dispertiendi sunt. Romanos autem, utpote nullo Physiologiæ genere memorabiles, intactos præteribimus.

Ex dictis autem gentibus tres priores percurreremus levi operâ, cùm nulla monumenta literaria ipsi reliquerint, neque ab aliis dictum sit, nisi parcè admodum, quâ ratione philosophati sint. Quoad Scytharum gentem, circa eorum antiquitatem & mores non pauca occurrunt apud Veteres ; sed de philosophiâ, aut dogmatis circa rerum naturam, nihil uspiam reperio ; neque satis constat tribum aliquam singularem, vel cœtum hominum, quod solet aliàs, studiis illis apud Scythas consecratum fuisse. Solon dicitur miratus esse Anacharsin, Scytham, cùm eum hospitem haberet Athenis ; sed opinor, propter indolem viri & sanam mentem, non ob Scientiarum notitiam. Id quidem, in honorem gentis, notavit Strabo. Lib. 7.

Διὰ τῆτο ὃ καὶ ὁ Ἀνάχαρσις, καὶ Ἀβαρις, καὶ σινὲς ἄλλοι παρὰ τοῖς Ἕλλησι τοῦτοι εὐδοκίμουν· ὅτι ἦθις κὲν μαχαράτῃς ἐπέβαινον εὐκολίας, καὶ πλεονότητος, καὶ δικαιοσύνης. *Eaque de causâ Anacharsis, Abaris, aliique nonnulli eorum similes, apud Græcos in magnâ fuerunt existimatione, quod Gentilitium quendam facilitatis, perfectionis ac justitiæ characterem præ se ferrent.* Abaris ille dicitur

In Voc.

tur Hyperboreus, & Apollinis Sacerdos, & Magica quædam præstitisse, sagittâ vectus per ærem. Sed cum multæ fuerint artes magicæ, & Magiæ species, apud priscos, non omnes pro Philosophis habendos esse censëo qui eas exercuerint. Id verò notatu dignum est, hunc Abarin, teste Suidâ, præter alia multa, scripsisse Theogoniam: ideoque mundi origines; nam ea conjuncta erant apud Veteres. Huic Abari associemus Zamolxim, Getam. Hos Pythagoræ cœvos esse volunt Pythagorici, alii autem antiquiores. In communi omnium istius ævi Philosophorum sententiâ conveniebant, de Animarum nempe immortalitate & transmigratione. Hanc *communem* dico sententiam: nam, prout de Orientalibus non ambigitur, ita de Gallis, Cæsar & Lucanus, de Germanis, Appianus in Celtico; & de Getis, ex ore Trajani, Julianus in Cæsariibus, idem asserunt. Trajani verba non pigebit referre. Καὶ τὸ Γετῶν ἔθνος ἐξέλον· οἱ δὲ πάντες μαχηῶταί τε γέγοναν, ἔχοντες ἀνδρείας μόνον τῷ σώματι, ἀλλὰ καὶ ὧν ἐπεισαν αὐτὰς ὁ πρῶτος παρ' αὐτοῖς Ζάμολξις· ὃ δὲ ἀποθνήσκων, ἀλλὰ μετοικίζεσθαι νομίζοντες, ἐπιμόνεον αὐτὸ ποιεῖν, ἢ τὰς ἀποδημίας ὑπομένειν. *Et Geta- rum gentem penitus everti: sunt autem illi omnium, qui usquam sunt, bellicosissimi: non tantum ob corporis robur, sed propter eam, quam eorum a-*
nimis

animis defixit opinionem, qui apud ipsos colitur, Zamolxis. Non enim se mori, sed in alias sedes transferri, existimantes, paratius id faciunt, quàm cum iter aut peregrinationem suscipiunt.

NIHIL quidem mihi occurrit in Veterum Scriptis de Physiologiâ Scytharum, propriè sic dictâ: five Asiaticos illos intelligamus, five Europæos; nec, quo demum sæculo, siqua fuit olim, extincta periit: cum regiones illas à multis retrò sæculis barbaries occupaverit. Facile credo omnes gentes antiquissimas, tam naturalis Scientiæ quàm Religionis, quædam semina à Noachidis derivasse: sed apud nonnullas citius exolevit disciplina illa Philosophica; & quidem sine teste nonnunquam, propter temporis diuturnitatem, ut nulla ipsius memoria aut vestigia manserint. Prodiit in lucem nuperis annis Mythologia quædam Septentrionalis, Eddarum nomine; quæ, præter inanes fabulas non paucas, quædam continere videtur multò altioris originis, & antiquæ Theologiæ magis affinia quàm ulla quæ supersunt apud Græcos aut Latinos, de Scytharum vel Septentrionalium literaturâ. Denique, quoad Archæologias Scythicas, præter Oracula Scythica ab Abari conscripta, desideratur etiam Icesius de Mysteriis: cujus meminit Clemens

Strom. 1. Clemens Alex. in hoc argumento. De
P. 42. Scythis hæc paucula.

A SCYTHIS ad Celtas progrediamur, Occidentem versus. Constat autem apud has gentes viguisse ab omni ævo Philosophos, sive hominum ordinem, nomine, studiis, & vitæ instituto, à vulgo, aliisque distinctum. Dicti sunt ab omnibus Druidæ vel Druides: Semnothei etiam; aliisque nominibus, quæ nil faciunt ad rem nostram, distinguere solent. Horum Philosophorum manet recens fama, quasi hodiè aut heri viventium: neque tamen restant ex eorum dogmatis & doctrinâ, nisi minutæ quædam & fragmenta, quæ, tanquam rudera veterum Templorum, aliquid magni præextitisse testantur, sed non magni sunt. *Hi Terræ Mundique magnitudinem & formam:*

Lib. 3. c. 2. *motus Cæli & Syderum, inquit Mela, & quid Dii velint scire profitentur.*

Cæf. Com. Constat quidem, præter ritus sacros &
l. 6. Strab. jura publica, Druidas Physiologiæ etiam
l. 4. Cic. de operam dedisse; sed præter illud, de
divin. l. 1. mundi & animorum redivivâ forte, & utriusque revolutionibus seu *μακροσυνεσία*, nullum eorum dogma Physicum superesse reperio. Doctrinam de *Periodis Mundanis*, per Aquam & Ignem, tradidisse Druidas, patet ex Strabone. Et quoad Animarum præexistentiam, vicèscum
Lib. 4. que in hoc mundo sæpius repetitas, id,

Cap. II. *Archæologia Philosophica.*

11

cum omnibus Orientis Philosophis, priscisque sapientibus, commune habuerunt: quorum Scholâ prognatos, & institutis imbutos, hos Celtigenas faciliè credo.

Volunt quidem nonnulli à Pythagorâ derivatam esse hanc gentem Philosophorum,

Diod. Sic.
l. 5. Am.
Marc. l. 15.

ob cognatas opiniones & modum vivendi non dissimilem. Sed oportuerat antea probare, Pythagoram antiquiorem

esse Druidis. Illi erant Theologi aut Magi Celtarum, quorum origines multò

Diog. Laert.
proem.
Dion.
Chryf.
orat. 49.

superant ætatem Pythagoræ: ut hic ab illis potius haussisse videatur, vel uterque

à communi fonte. Refert Alexander de Symbolis Pythagoricis, Γαλατῶν κ' Βραχμα-

Clem. Alex.
Strom. 1.
p. 304.

νων ἀκηκοέναι τὸ Πυθαγόραν. Hos igitur Galatarum Philosophos, Druidas, audivit, non

docuit, Pythagoras. Et inter Gentes maximè antiquas, sapientiâ celebres, numerat Celsus apud Originem, τὰς Γαλατῶν

Lib. 1.

Δρυίδας. Numerantur etiam Celtæ à Phornuto inter Auctores Theologiæ Mythologicæ: quæ erat omnium prima & anti-

De nat.
Deor. p. 35.

quissima. Ἀλλαι μὲν (μυθοποιαὶ) ἐπὶ Μάγοις γενήσαν, ἄλλαι γὰρ παρ' Ἀιγυπτίους κ' Κέλταις. Ne-

que dubito Druidas fuisse ex antiquâ progenie Sapientum, non Græcanicâ: quos

P. 6. c. 44.

Gallorum Magos, more Orientali, appellat Plinius. Denique ortum & prima

Plin.
Sucton.

tempora Druidum non facile est indicare, sed victis Gallis, extincti fuere circa tempora Tiberii, aut, si magis, Claudii. Cæ-

tera,

Not. ad
Pfellum.

tera, quæ ad Druidas spectant, non sunt nostri instituti: quæ ferè collecta habes à Lescaloperio, in dissertatiunculâ de Theologiâ Gallorum. Meminit etiam Gaulminus sui tractatûs de Magiâ Druidum, quem nondum vidi.

Lib. 3.
p. 139.

AD has plagas prætereà revocandi, & ad hanc classem, siqui essent apud Germanos, Britannos, Iberos, Italosve, veteres Philosophi. Germanos & Britannos, eisdem cum Gallis habuisse Druidas, verisimile est: reclamante licet Cæsare quoad Germanos: utpote quorum origines à Celtis esse derivandas nondum satis didicerat. Dein quoad Iberos, Celtiberos, vel Hispanos, (unâ enim complectimur omnes) quid literaturæ & disciplinarum habuerint ante tempora Romana, Gothica, Saracenica, ex antiquis authoribus non facile est expiscari. De hujus gentis re literariâ nihil affert Diodorus Siculus: Strabo autem aliquatenus fabulosa; ait enim Turditanos sive Bæticos, Iberorum sapientissimos, *antiquitatis commentaria*, & poemata, & leges more metrico scriptas, à *sex millibus annorum*, ut ferunt, habuisse. Hæc nimia sunt; neque etiam rem nostram attingunt, quæ veterum scientiam naturalem & dogmata unice scrutatur. Quoad Italos denique, Hetrusci sive Tyrrheni inter priscorum sapientes habiti sunt. Hos Physiologiam

coluisse testatur Diodorus Siculus, his ver-
bis, Γεγµατὰ τε καὶ φυσιολογίαν ἐξεπύνησαν ἐπὶ πλεί- Lib. 5.

στον, καὶ τὰ πλεῖ ἢ καρνωσκοπίαν μάλιστα πάντων
ἀνθρώπων ἐξηργάσαντο. *Literis verò, & im-*

*primis naturæ perscrutationi plurimum
studium impenderunt, atque omnium ma-
ximè gentium, fulminum considerationi
intenti erant.* Per fulmina nempe, alia-

que æris Phænomena, artem suam divi-
natricem, à Tagete edocti, construebant:
atque istius artis Hetruscæ sæpiùs memi-
nerunt, Cicero, Seneca, aliique Latini.

Neque tamen in Meteoris & ostentis
interpretandis toti erant, neque his ter-
minis inclusa fuit Hetruscorum scientia:
constat enim eos Philosophatos esse tam
de mundi origine, quàm exitu; & de spa-

tio suæ durationis, sive curriculo; prout
alibi notavimus ex Suidâ. Sed locus est
multò illustrior hâc de re apud Plutar-

chum in *vitâ Syllæ*: ubi periodos sive
conversiones Mundanas, *Annūmque*
Magnum, in Philosophiâ Hetruscâ clarè
ostendit. Loquitur de prodigio verè
mirabili in cœlis, tempore Marii: nempe
*claro & sereno cœlo vox increpuit tubæ
acutæ & lugubris, ut obstupescerent &
cohorrescerent ejus magnitudine omnes:*
dein adjicit, Τυρρηνῶν δὲ οἱ λόγιοι μεταβολὴν
ἐπεὶ γένεσθαι ἀπεφαίνοντο, καὶ μετακρίσιν ἀποσημαί-
νειν τὸ τίς αἶεν γὰρ αὐτοῖς ἐκτὸς τὸ σύμ-
παντα γένη, διαρίθνητα τίς βίοις καὶ τοῖς ἥδεσι δ'
ἀλλή-

Voc. Τυρ-
ρηνία.

P. 456.

ἀλλήλων, ἡδέσθαι δὲ ἀρκεῖσθαι χρόνον ἀειμένον, ἀπὸ
 τοῦ διὸ συμπεριλαμβανόμενον ἐστὶν αὐτὸ μεγάλην πειρασθῆναι.
*Hetrusci sapientes mutationem in aliam
 ætatem & genus hominum, mundique
 quandam conversionem, portendi hoc os-
 tento prædicarunt. Esse enim iis octo
 universim genera, vitæ & moribus inter
 se diversa: unicuique autem præfinitum
 esse à Deo certum temporum numerum,
 qui MAGNI ANNI periodo limi-
 tatur.* Denique, religionem ritusque
 sacros ab iisdem Hetruscis mutuatos esse
 Italos, tam Romanos quàm alios, plures
 authores ratum fecerunt. Et in utràque
 materiâ, religionis & philosophiæ, quid
 dicendum esset facilè expediremus, modò
 non periissent Numæ Pompilii Libri, à
 Romanis, more barbaro, combusti. In-
 terciderunt etiam Tagetis Libri, quorum
 meminit Cicero, & Am. Marcellinus, l.
 17. Quosque exposuit, unâ cum disci-
 plinâ Hetruscâ, quindecim voluminibus
 Lubco Antistius: prout testatur Fulgen-
 tius Placiades in expos. Serm. ant. ubi
 Manales Lapides interpretatur. Deni-
 que, de eadem disciplinâ libri Tarquitii
 vel Tarquinii, de quibus nos monuerunt
 Marcellinus & Macrobius, itidem desi-
 derantur. Sed de Hetruscis satis.

2 De
 divin.

Lib. 25.
 Lib. 3. Sat.
 c. 7.

PERAGRATIS leviter Septentrione &
 Occidente, ad Meridiem vergamus, qua-
 situm Philosophos. Ubi primùm occur-
 runt

runt Gymnosophistæ apud Æthiopes, pristinâ literaturâ nobiles. Erat utique, tam apud Æthiopes quàm Indos, Gymnosophistarum natio: sed hos quidem illis prætulit, si probè memini, qui utrosque inviserat, Apollonius Tyaneus: nescio an satis æquus & idoneus iudex. Fatendum est, parum esse quod superest apud veteres, egregium & singulare, circa Philosophiam Æthiopicam: pauca dogmata, aut doctrinas celebres. Quod tamen libentiùs attribuo temporis iniquitati, quæ res difficiles & remotas faciliè elabi patitur, quàm inopiæ materiæ, aut populorum ingeniis. Erant certè antiqui, integritatis laude clari, legibus, Diod. Sic. lib. 3. morum cultu, pietate, & Decorum commercio. Præterea, literarum usum habebant vetustissimum: & cum his omnibus, otium & diuturnam pacem; ut *nunquam*, Ibid. si Diodoro fides, *externum fuerint experti dominatum, sed in perpetuæ libertatis possessione, mutuæque concordie nexu permanserint.* Denique rerum scientiam & sapientiæ studia cos coluisse, constat ex illâ familiâ Philosophorum Gymnosophistarum, & ex collegiis Sacerdotum, quæ, more gentium literatarum, semper fovebant. Quinetiam duplex genus literarum, sacrum & vulgare, quod priscis sapientibus in usu erat, ipsi, ut videtur, primùm instituebant.

HÆC

HÆC quidem generalia sunt : sed quoad res cœlestes, si Luciano fides, Æthiopes omnium primi, astrorum motus attendebant : & Lunarium phasæon causas scrutati, Lunam, innatâ luce destitutam, quicquid habet luminis, à Sole mutuari deprehenderunt. Denique, Astronomiæ & Astrologiæ jactis fundamentis, Ægyptiis ea perficienda tradidisse refert. Audi au-

In Astrol.

thoris verba. Πρῶτον μὲν ἐν Αἰθίοπες πάντε τὸν λόγον, loquitur de Astrali Scientiâ, ἀν-
 Θρώποισι κατὰσώσαντο· αἰτίν δὲ αὐτέοισι τὰ μὲν,
 ἢ σοφία τῷ ἔθνει, καὶ γὰρ τ' ἀλλὰ τ' ἄλλων σοφώτεροι
 Αἰθίοπες, τὰ δὲ, καὶ τ' οἰκίστας ἢ εὐμοίρην· -----
 ἰδόντες ἐν πρώτῃ τὴν σιληναίην ἐκ ἐς πᾶμπαν ὁμοίην
 φαينوμένην, ἀλλὰ πολυεδία τε γιγνομένην· ----- εὖ-
 ρον τετρίων τὴν αἰτίν, ὅπ' ἐκ ἰδὼν τῇ σιληναίῃ τὸ
 φῶς γιγνέσθαι, ἀλλὰ οἱ παρ' ἡελίου ἔρχεται· εὖρον δ' καὶ
 τῶν ἄλλων ἀστέρων τὴν φορὴν· ----- cum cæteris,
 quibus non sum repetendis.

HÆC de rebus Cœlestibus : de Terrestribus nihil reperio, neque de mundi formâ aut origine, apud Æthiopas. Cum referata fuerit & excussa Abyssinorum Bibliotheca, modò non sit fabula ; Archæiologias Æthiopicas, siquæ sunt, penitus incipiemus. Interea, quid restet de singularum gentium philosophia, cum quæritur : ubi nihil restat, etiam illud scire, est proficere. Perdidimus quidem, in hoc argumento, ex authoribus Græcis non paucos : Agatharchidem Cnidium, & Artemidorum Ephesium : quos laudat

Cap. III. *Archæologie Philosophicæ.* 17

dat Diodorus. Scripsit etiam Marcellus de rebus Æthiopicis, à Proclo, in explicatione Sermonis Atlantici, in testimonium adductus. Denique, Bion Solensis, referente Laertio, Æthiopica tractavit. Citatur etiam, cum aliis, tam à Plinio, (l. 6. c. 29.) quàm ab Athenæo, (l. 13. c. 2. p. 566.) Sed de Æthiopibus satis, & de gentibus Australibus, eo nomine antiquitus comprehensis. De Ægyptiis autem, ubi ampla differendi seges, alibi seorsim tractabimus.

Ut supra.
In Tim.
Plat.
p. 55. 56.

C A P. III.

Indorum Orientalium perlustratio: Speciatim de Serum & Brachmanum literis & philosophia.

HACTENUS multas terras sine magno fructu percurrimus: tres mundi plagas, Septentrionem, Occidentem, & Meridiem; & quàm pauci nobis per viam occurrere sapientes? Ad Indos jam ventum est; quo nomine latè sumpto, Asiatica omnia complectemur, & nonnulla vicina. Hic autem sedes primas habuere post diluviani homines, & in hoc generis humani instaurandi seminario sapientiæ etiam & literarum origines

C

quæ-

quærendæ sunt. Neque ignotum est aut inconcessum, harum regionum incolas, omnium primos, doctrinæ & disciplinarum famâ inclaruisse; præter Ægyptios enim, Phœnices, Arabes, Assyrios, Indosque ultiores, ante invecas in Græciam disciplinas, rerum humanarum divinarumque scientiam non vulgarem possedisse legimus; atque ab illis, tanquam à fontibus, per varios rivos, & diversis sæculis, ad alios atque alios populos manasse. Age igitur, si libet, tractum terrarum qui superest versus Orientem penetremus & pervadamus, ut eæ gentes quæ maximè cultæ sapientésque habitæ fuerunt, quo jure id nomen adeptæ sint, quâ fide id credatur, aut quæ monumenta reliquerint, paucis videamus.

Lucian.
Strab.

ATQUE ut à remotioribus ordiamur, in extremâ Oriente veteres Seres, qui hodiè Sinæ aut Sinenfes dicti sunt, literis & cultu conspicui, æquum est ut invisamus. Horum apud antiquos parca est historia, nec tam ob scientiam celebrantur, quàm ob longævitatē, & scribi conficiendi artificium. Hostes Christiani nominis, Celsus, Porphyrius, Julianus, Hierocles, qui gentes celebres & sapientes in exempla Christianis proponere solebant, aut ut iis exprobrarent suæ Theologiæ novitatem, aut sectæ ignorantiam, Seres in hunc censum non retulerunt.

runt. Celsus quidem eorum meminit, Apud Orig. lib. 7. sed ἀθεῖς nominat, gentibusque feris & incultis affociat, ἡ δὲ γὰρ Σκύθαι ὄντο, ἡ δὲ Λιβύων οἱ Νομάδες, ἡ δὲ Σῆρες οἱ ἄθεοι, ἡ δὲ ἄλλα ἔθνη τὰ δουραγέστατα καὶ ἀνομώτατα. Nec multò aliter Dionysius, καὶ ἔθνη βάρβαρα Σερῶν. Περὶ γ. Ver. 752. Horum tamen utrumque mitiùs interpretor; Atheos appellat Celsus, quòd templis, aris & statuīs non uterentur, nec operoso illo superstitionis apparatu quo cæteræ gentes. Hæc ferè ratione Christiani à Apud Just. Mart. Athe. nag. &c. Paganis dicti sunt Athei, quod neque oraculis, neque sacrificiis, neque Deorum simulacris gauderent. Dionysius autem gentem illam barbaram appellat, vel more Græco, vel quod esset ἀπερσµυγὲς ἔθνος, ut inquit Stephanus, & ferarum De Urb. instar, aliarum gentium fugiebat commercium.

UTCUNQUE, his arguitur parùm notam fuisse antiquis Serum Literaturam, quæ jam ubique sermone omnium percrebuit. Mercatoribus & Sacerdotibus Christianis debemus imprimis notitiam hujus gentis & regionis, antea impenetrabilis: atque ex horum fide & loci ipsius monumentis constat, ab antiquissimis temporibus stetit hoc imperium, artibus & re literariâ florentissimum. Idque sine ullo cum gentibus literatis commercio; aut inde deductis, quod liquet, coloniis, vel gentis suæ fundatoribus; ac si alterius essent

M. Mart.
Hist. Sin.

originis à cæterâ stirpe humanâ, & à Noachi posteris, *αὐτοκίφαλοι καὶ αὐτοδίδακτοι*. Sunt apud ipsos, antiquitatis nobis incredibilis, annales; queruntur tamen optimos & vetustissimos eorum libros, aliquot ante Christum natum sæculis, combustos fuisse ab Imperatore Zio, ut omnium, qui eum præcessissent, extingueret memoriam. Habent nonnullas Archæologias Philosophicas, de Diluvio, de ortu rerum ex Ovo, & observationes cœlestes mirandæ vetustatis. Si verò hodierni Sinenſes cùm hodiernis Europæis comparentur, non dubito nostratibus illos multum inferiores esse; five disciplinas Mathematicas spectemus, puras vel mixtas; five Physiologiam. Cùm verò quicquid habent, domi natum & suoſte ingenio excultum habuerint, non mutuatum, non ab aliis gentibus repetitum, quod de Græcis, Romanis, cæterisque ferè Europæis dici solet, id illis in singularem laudem tribuendum esse existimo; cùm, tam sapientiâ, quàm ſatu, Aborigines esse videantur.

INTER disciplinas, maximi faciunt doctrinam Ethicam; cujus author erat celeberrimus Confutius, Sinenſium Socrates; quem etiam tempore non multum præceſſit. Hoc ſtudium liberale tanti ducunt, vitæque humanæ tam neceſſarium, ut ex ſolis philoſophis omnes ſuos
magistra-

magistratus eligant; regemque ipsum, si degeneravit, horum monitis liberioribus exponant. Atque hæc de Seribus.

IN alterâ parte Indiæ, Austrum versus, celebres fuere ab omni ævo philosophi Brachmanes: genus hominum, qui contemplationi semper vacabant; ignotæ quidem originis, sed digni quorum placita propius intueamur; hos enim, præter mores & vivendi instituta, Physiologiam & Astronomiam coluisse, ex Strabone aliisque constat. Neque miror eorum doctrinam Physicam multis insulsam visam esse, cum fabulis, vel fabuloso cortice, plerumque involuta esset. Ita ibidem Megasthenes, τὰ δὲ περὶ φύσιν, τὰ μὲν εὐήθεια ἐμφαίνειν, ἐν ἔργοις γὰρ αὐτὸς κρείττους ἢ λόγοις εἶναι, διὰ μύθων τὰ πολλὰ πισυμένους. Subdit dein Strabo quædam eorum nota dogmata, & cum Græcis communia, περὶ πολλῶν ἢ τοῖς Ἕλλησιν ὁμοδοξεῖν· ὅτι γὰρ γεννιῆς ὁ κόσμος, καὶ φθορῆς, λέγεται καὶ κείνους, καὶ ὅτι σφαιροειδής. Ἀρχαὶ δὲ τῶν μὲν συμπάντων ἑτερεαί, τῆς δὲ κοσμοποιίας τὸ ἴδιον. Voluerunt mundum genitum esse, & perituum; atque totius universi alia quidem esse principia, nostri autem mundi conditi, Aquam: ita enim distinguendum esse existimo τὸ σύμπαν, ἀπὸ τῆς κοσμοποιίας. Subjicit præterea circa animam, Παρεπλήκυσσι δὲ καὶ μύθους, ὡς περ καὶ Πλάτων, περὶ τῆς ἀσφαλείας ψυχῆς, καὶ τῶν καθ' ἡδονὴν κείσεων, καὶ ἄλλα τοιαῦτα. Vides quæ & qualia,

qualia, fabulas appellat. Innuit denique apud ipsos fuisse, pro more antiquorum, doctrinas secretas sive ἀπόρρητα à quibus audiendis arcere solebant uxores, nè in vulgus manarent. Ταῖς δὲ γυναῖξι ταῖς γαμεταῖς μὴ συμφιλοσοφεῖν τὸς Βραχμᾶνας ἦνα μὴ τι τῶν ἐν θεμίτων ἐκφύγῃεν εἰς τὸς βεβήλους.

HÆC nobis conservavit Strabo circa Brachmanas, ex Megasthene, Nearcho, Onesicrito, Aristobulo, Cassandro, aliisque; unde se Indica sua sumpsisse dicit: neque physiologiæ Brachmanicæ tantum alibi reperimus apud omnes veteres. His Strom. 3. addit Clemens Alexandrinus τὴν παλιγύρεσιν. Καταφρονῶν δὲ θανάτου, loquitur de his philosophis, καὶ παρ' ἐδ' ἐν ἡγῶναι τὸ ζῆν, πείθονταί γ' εἶναι παλιγύρεσιν. Neque hic tantum μετεμψύχωσιν intelligo, sed etiam totius mundi nostri renovationem; cum vox illa, φυσικῶς sumpta, id plerumque significet, tam apud philosophos, quam patres Græcos. Diximus hanc philosophiam ignotæ esse originis; nonnulli tamen derivatam esse volunt à Baccho Indico; quem si de Noacho interpretentur, ut solent multi, ad primum fontem nos deducunt. Sed undecunque edoctos, constat Indos ab omni memoriâ coluisse sacrum genus philosophorum, iisque primos honores detulisse in republica. Audiamus Diodorum Siculum de antiquâ Indorum politiâ.

Τὸ δὲ πᾶν πλῆθος τῶν Ἰνδῶν εἰς ἐπτά μέρη διήρη- Lib. 2. Fol.
ται, ὧν ὅττι τὸ μὲν πρῶτον σύστημα φιλοσόφων· πλῆ- m. 125.
θει μὲν τῶν ἄλλων μερῶν λειπούμενον, τῇ δ' ἐπιφανείᾳ
πάντων πρωτεύον· ἀλητεύρησι γὰρ ὄντες οἱ φιλοσό-
φοι πάσης ὑπεργίας, ἔδ' ἐτέρων κυριεύουσιν, ἔδ' ὑπὸ
ἐτέρων δεσπόζουσι· παραλαμβάνουσι δὲ ὑπὸ μὲν τῶν
ἰδίων εἰς τὰς ἐν τῷ βίῳ δυσίας, καὶ εἰς τὰς τῶν
τελευτηκώτερον ἐπιμαλείας, ὡς θεοῖς γεγονότις περσο-
λίεσσι, καὶ περὶ τῶν ἐν Ἑλλάδι μάλιστα ἐκπαρώς ἔχου-
σιν· ταύτης δὲ τῆς ὑπεργίας δῶκεν καὶ πρὸς λαμ-
βάναν ἀξιολόγους. *Univcrsus Indorum po-
pulus in septem tribus distributus est. Prima ex philosophis constat, qui nume-
ro quidem cæteris sunt inferiores, nobili-
tate autem primas tenent. Ab omni e-
nim ministerio publico immunes: neque
dominantur ipsi, neque aliorum dominio
subiecti sunt. A suis autem ad rem di-
vinam & defunctorum exequias adhiben-
tur, ut qui Diis eximie sint chari, &
rerum quæ ad manes statumque futurum
spectant, maximè periti. Pro quibus
officiis dona honorésque magnificos recipi-
unt. Hæc de antiquis Brachmanis intel-
ligo; de quorum vitâ & moribus multa
occurrunt apud veteres, de doctrinâ pau-
cissima. Neque id miror, cùm præter su-
prà laudatos rerum Indicarum scriptores,
interierint alii plures, à quibus petenda
esset hujus gentis historia literaria. Bar-
desanes Baby!onius scripsit de Gymnoso-
phistis Indis: ut testatur Porphyrius.*

Περὶ ἐποχ.
lib. 4.

In Voc.

Eúmque citat Hieronymus contra Jovin. lib. 2. Atque Brachman Rex, secundum Suidam, scripsit leges & instituta Brachmanum, & istius gentis πολιτείας, suâ dialecto. Præterea, Nymphidorus, nempe ille Amphipolites, scripsit τὰ νόμματα βαρβαρικά, Instituta Barbarica. In quibus probabile est eum non pauca de gentium literis & disciplinis interfuisse. Denique scripsit Ctesias Cnidius librum singularem de rebus Indicis; cæterum in Excerptis Ctesias apud Photium, circa Philosophos aut Philosophiam istius gentis nihil memorabile reperio.

HÆC de Antiquis. Hodierni Authores in hodiernorum Bragmanum historiâ alia multa philosophemata adjiciunt, fabulis plerumque intertexta: neque id ab eorum more alienum esse videtur; nam vidimus ex Strabone, hoc vitium fuisse Bragmanis antiquitùs, ut doctrinâ mythologicâ nimis delectarentur. Quo quidem genere doctrinæ, impuræ licet & multis corruptelis obnoxia, tradita fuit antiquissima Theologia, tam Græca quàm Barbarica. Sive id factum fuerit pro ingenio priscorum hominum, maximè Orientalium; sive ut ea quæ pulchra erant, difficilia redderent, neque primo intuitu discernenda. Certissimum est superesse adhuc ordines & tribus Philosophorum apud Indos, atque eos uti, in conservandâ

dâ suâ philosophiâ, linguâ sacrâ, (hoc est, non vulgari vernaculâ) & antiquissimâ; ut non incredibile sit mansisse per tot sæcula eandem Philosophiam, vel ejusdem philosophiæ corpus, licet variè distortum & novis fabulis quasi incrustatum. Hujus notitias aliquas nobis attulerunt viri docti, qui apud Indos diù versati sunt, & ex eorum scriptis quædam specimina, cùm opportunum fuerit, in sequenti forsan libro afferemus. Sed impræsentiarum satis.

CAP. IV.

De Assyriis & Chaldeis.

AB Indis ad Assyrios accedimus. Quorum erat primum Imperium magnum, quod fidem meretur, in terrarum orbe, post Diluvium. Iidem etiam populi inter antiquissimos numerantur qui literas & sapientiam coluerunt, primaque Schola publica & imperialis in Babylone, hujus monarchiæ metropoli, statuitur; permansitque ad tempora Nebuchadnezaris magni, & Prophetæ Danielis. Imò devoluto ad Persas imperio, adhuc erat literarum & literatorum sedes Babylon.

APUD

Ad Dan.
c. xi.

Dan. ii. 48.
& iv. 9.
& v. 11.

L. 16.
p. 739.

APUD Assyrios & Babylonios sapientes dicebantur Chaldæi; gentilitio nomine ad significandam hominum sectam aut ordinem translato. Dicti etiam erant Magi, referente Hieronymo, ante tempora Persarum. Horum Collegiis aut Academiis, ob eximiam sapientiam quâ omnes antecelluit, præficiebatur Daniel, ex mandato Regis; quam præfecturam cum non recusaret Propheta, argumento esse videtur non tantum malas artes, aut futes, coluisse hos Magos, sed honestas disciplinas etiam, & naturalem rerum scientiam. Neque tamen inficiamur Chaldæos celebrari maximè ab antiquis ob res Genethliacas & Astrologiam; quod plerumque solet esse studium hominum φιλοσόφων sed testatur Strabo Chaldæorum nonnullos, Philosophos & Astronomos Indigenas, habuisse in agro Babylonico sibi propriam habitationem, neque voluisse in cœtum suum recipere illos Genethliacos. Ἀφώριστο δ' ἐστὶ τῇ Βαβυλωνίᾳ καὶ τοῖς ἐπ' αὐτοῖς φιλοσόφοις, τοῖς Χαλδαίοις ἀστρονομικοῖς, οἱ οὗτοι ἀστρονομίαν εἰς τὸ πλεόν περιποιῆσαι δέ πινε καὶ γενεθλιαλογεῖν, ὥς ἐκείνοι οἱ ἐπεσι. Hos genuinos Babyloniorum Philosophos, (rejectis Astrologis) eorumque Collegium sacrum, & venerandam antiquitatem colimus; horum quis novit origines? Nulla erat gens vetustior unde disciplinas haurire poterant; sed ab his hauserunt

runt multi. Ad Babylonios profectus est Pythagoras ad *perdiscendos syderum motus, originemque mundi spectandam*, Lib. 20, c. 4. inquit Justinus. Quæ duo sunt Philosophiæ naturalis maxima capita, & quasi cardines; *κοσμοσύστασις* scilicet, & *κοσμογένεια*. Erant autem tempore Pythagoræ, sub Persarum imperio Babylonii & Chaldei, sed antiquæ Academiæ Assyrio-Babylonicæ videntur esse adhuc reliquiæ. Illud dolendum est, nulla superesse scripta, nulla dogmat gentis Assyrio-Chaldaicæ; varias apud eos fuisse Astronomorum sectas refert * Strabo, & de rebus iisdem diversa dogmata, sed nulla speciatim memorat: memorat quidem nonnulla Diodorus (l. 2.) sed nimis laxè. Οἱ Χαλδαῖοι τὴν μὲν τοῦ κόσμου οὐσὴν αἰετὶ φασὶν εἶναι, καὶ μήτε ἐξ ἀρχῆς γένεσιν ἐσχηκάναι, μηδ' ὕστερον φθορὰν ἐπιδέξεσθαι· τὴν δὲ τῶν ὄλων τάξιν τε καὶ διακόσμησιν θεῶν τινὲς θεωροῦσι γινώσκουσι, καὶ νῦν ἔχουσι ὅτι ἐν ἡρανῶ γινώσκουσιν, ἔχ' ὡς ἔτυχεν, ἐδ' αὐτομάτως, ἀλλ' ὡρισμένην τινὲ καὶ βεβαίως καχυρωμένην θεῶν κρίσει συντελεῖσθαι. Mundi materiam semper extitisse voluerunt, ipsius autem formam, ordinem & ornatum à divinâ providentiâ constituti. Cætera quæ sequuntur ad Astrologos Chaldaeos spectant magis, quàm Philosophos. Sed tandem

* Ibid. Ἐπεὶ δὲ καὶ τῶν Χαλδαίων τῶν ἀστρονομικῶν γένησι πλείω ὥς αὐτὸν αἰρέσεις ἄλλα καὶ ἄλλα λέγοντες περὶ τῶν αὐτῶν ὅγμματα.

dem quædam subdit circa Tellurem :
 Περὶ τῆς γῆς ἰδιωτάτης ἀποφάσεις ποιεῖναι, λέγον-
 τες ὑπάρχειν αὐτῇ σκαφοειδῆ καὶ κοιλὴν καὶ πολλὰς
 καὶ πιθανὰς ἀποδείξεις εὐπορεῖσθαι, περὶ τε παύτης καὶ πε-
 ρὶ τῶν ἄλλων τῶν κατὰ τὸν κόσμον. Hæc maximè de-
 siderantur quæ suggerit potius quàm ex-
 plicat, eorum κυρίαι δόξαι vel ἀποφάσεις ἰδιώ-
 ται circa Tellurem. Unum tantum ex-
 primit, eam *scaphiformem esse Scavam*,
 sive oblongam & excavatam. Cætera
 autem, cum suis demonstrationibus exop-
 tatissimis, nullibi jam reperiuntur. Deni-
 que subjungit quæ tradita sunt circa
 eorum antiquitatem, & à quot sæ-
 culis, ante Alexandri expeditionem,
 hisce contemplationibus incubuissent.
 Hæc autem, ut cætera ferè de gentium
 Orientalium antiquitate, aliena sunt à
 nostrâ fide & Chronologiâ.

Vid. Fr.
 Patricii
 Zorast.

CIRCUMFERUNTUR Oracula Chaldaï-
 ca, à Michael Pfello collecta pridem,
 & exposita : dein, à Franc. Patricio in-
 signiter aucta ; ab Opsopæo denique cum
 Scholiis Plethonis & Pselli, ex parte re-
 cusa. Psellus opus suum nuncupat,
 Ἐκθεσις τῶν παρ' Ἀσσυρίοις δογμάτων, *Expositio-
 nem Dogmatum Assyriorum* : sed quo
 jure ? Ex illis sententiolis aut ver-
 siculis quam pauci dici possunt Dogma-
 ta qualiacunque ? & si Dogmata, quare
 Assyriaca ? Est farrago, quæ plerum-
 que sequitur rationes Platonicas, sed cru-
 diiores,

diores, Gnosticorum instar, aut eorum qui de rebus ignotis loqui amant, verbis tumidis & figuratis. Neque mundi ortum, neque ullum illustre Phænomenon explicant hæc scripta, ipsumque rerum systema ignorasse videtur author, aut varias sententias de eodem confudisse: plurimus est in materiâ incognitâ & rerum invisibilium ordinibus, ut solent esse ingenia istiusmodi flatuosa: videntur esse quidem cento, è veterum scriptis (neque admodum veterum, à Platone enim citata nondum reperi) confusus & intertextus. Crepant *numeros mysticos, Iyngas, Magica*, & quædam de Triade Platonica, sed confusè: solidæ Philosophiæ nihil illic video.

Γῆν δ' ἐν
μέσῳ τι-
θεῖς, &c.

Si verò Theologiam Chaldaicam gustare libet aliquantulum, prout à mystis suis exhibetur, ita ferè se habet quoad rerum divinarum ordines. Res ab iis distinguuntur in purè Intelligibiles, Intelligibiles simul & Intellectuales, & Intellectuales tantum. In primo ordine est suprema *Trias*: ad secundum referunt *Iyngas, Synochæas, & Teletarchas*: ad tertium, *Mentes inferiores*. Sic philosophatur Psellus. Aliam verò rerum scalam aliquando substituit. Nempe Triadem *Amilitorum*, & unum *Hupezocota*. *Fontes hi septem, post quos fontes sunt Hyperarchii, inde Azoni, dein Zonei: post, Angeli, Demo-*

Dæmones, Heroes: postremò, Mundus Corporeus. Quod si Phlethonem confulas, paulò aliter sui mundi supellectilem disposuit; post supremam Triadem succedit intelligibilis *Iynx: & post hanc, Synochus, Empyreus, Ethereus & Hyleus.* Post *Synochæas, sunt Teletarchæ: post hos, Fontani Patres, qui vocantur etiam Mundi auctores.* Horum primus dicitur semel *Trans, post hunc Hecate, postea bis Trans, post hunc tres Amilicti, ultimò is qui Hypezoco vocatur.* Tædet plura transcribere: Hæc si tibi placent profuntque, Lector, gaude & fruiere. Sed ad Oracula paulisper redeamus.

AD Zoroastrem referri solent, ipsiusque philosophiam aut Theologiam, hæc Oracula; cùm verò nondum patefiat, cujus fuerit, aut quotuplex Zoroaster, & constantior fama sit de Zoroastre Persico, quàm Assyrio; sub capite Persarum Zoroastri doctrinam tractabimus. Recentius invenit, aut se invenisse credidit, nescio quæ monumenta Chaldaica, Johannes Picus Mirandulanus; quod lætus & exultans Marsilio Ficino explicat his verbis: *Chaldaici hi libri sunt, si libri sunt & non Thesauri. Audi inscriptiones, Patris Ezre, Zoroastris & Melchiar Magorum, Oracula, in quibus & illa quoque quæ apud Græcos mendosa & mutila circumferuntur, leguntur integra & absoluta.*

Mirand.

m. p. 249.

soluta. Tum est in illis Chaldæorum sapientum brevis quidem & salebrosa, sed plena mysteriis interpretatio. Est itidem & libellus de dogmatis Chaldaicæ Theologiæ. Tum Persarum, Græcorum & Chaldæorum in illam divina & locupletissima enarratio. Vide, Marsili, quæ insperata mihi bona irrepserunt in sinum. Cur non ego & cornucopiæ jam mihi nactus videar? Magna hæc sunt; sed hi thesauri Chaldaici nondum comparuerunt, & ego tardus assentior non visis. Certè istiusmodi libri antiqui sunt veluti mortui aut umbræ, de quibus, cùm apparere videntur, vix propriis oculis fidentur, multò minùs alienis.

INTEREA dolendum maximè periisse opus Berosi, sacerdotis Babylonii; qui non tantùm res civiles Assyriorum, sed etiam Philosophicas scriptis mandârat. Ita Josephus testatur contra Apionem. Lib. 1.
 Βηρωσὸς ἀνὴρ Χαλδαῖος μὲν τὸ γένος, γνώμενος δὲ τοῖς περὶ παιδείαν ἀναστρεφόμενοις, ἐπειδὴ περὶ τὰ ἀγρονομία, καὶ περὶ τῶν Χαλδαίων φιλοσοφούντων, αὐτὸς εἰς τὰς Ἑλλήνας ἐξήνεγκε τὰς συγγραμμάς.
 Præterea, cùm mos fuerit istorum temporum, Historias universales, vel etiam suæ gentis antiquitates, ab ipso ortu rerum, & à quâdam Cosmogoniâ, auspicari: tam ab hoc Beroso; quàm à Nicolao Damasceno, quorum uterque historiam Assyriacam scripsit, doctrinam istius gentis de
rerum

rerum Originibus, sperare liceret. Idque eo magis, quòd ex Josepho, aliisque constet, Archæologias Philosophicas suis historiis utrumque intexisse.

Suid. in
Voc.

Laert. in
Proem.

Id. in vit.
Democr.

JULIANI etiam, pater & filius, Chaldæi, quædam de sacris Chaldaicis commentati sunt, juxta Suidam. Et in ejusdem Juliani historiam Chaldæam quatuor libros scripsit Porphyrius. Denique Græci, qui de Magis eorumque doctrinâ scripserunt, quod à pluribus factum est, de Chaldæis proculdubiò non pauca interferebant. Et λόγον Χαλδαϊκὸν speciatim scripsisse fertur Democritus. His autem deperditis omnibus, de philosophiâ Affyriacâ vix superest quod adjici possit ad pauca illa excerpta quæ dedimus ex Strabone & Diodoro : adeò res ipsas & rerum certitudinem loci & temporis longinquitas abolevit. Relictis igitur Affyriis, motum Imperii & Literarum sequamur ad Persas.

C A P. V.

De Persis, eorūque Magis.

PERSARUM sapientes dicti erant *Magi*; nomen quidem illis cum aliarum gentium Orientalium sapientibus commune; nam apud Arabes, Assyrios, Indos, aliosque, erant Magi: sed præ cæteris illustres illi Persarum, tam in rebus agundis quàm in rerum contemplatione occupati. Regiis liberis institutendis & educandis præficiebantur. Res palatii & imperii tractabant, unde fraudi illi locus fuit, quâ, clam interfecto regni hærede, unum è suis in solum Persicum sufficiebant. Hinc secuta est, non tantum Magi illius *ψευδοβασιλῆως*, sed aliorum multorum promiscua cædes, & imminuta apud Persas Magorum auctoritas.

PHILOSOPHIÆ studiis operam dabant Magi, perinde ac Theologiæ. Ita Suidas, *μάγοι ἄνδρες Πέρσαις οἱ φιλόσοφοι καὶ φιλόθεοι.* *Voc. μάγοι. Quodomin. prob. lib. p. 678.* Philo- *Idem testatur Dion Chrysostomus, Τῶς φύσεως ἦσαν ἑμπειροὶ, καὶ τὰς θεὰς εἰδῶσαν ὡς δὲ θεοπροπέειν.* *Orat. 49.* Ubi conjungit ut
D
triusque

triusque disciplinæ studia & opera. Ità etiam Laertius, μάγος πεί τε θεραπεύας θεῶν διατείθειν καὶ θυσίας καὶ ἐυχὰς - - ἀποφαίρεσθαι τε πρὸς τῆς ὑπὸς θεῶν καὶ γενέσεως, ὥς καὶ πῦρ εἶναι καὶ γῆν καὶ ὕδωρ· hæc γενέσις θεῶν, idem est ac Græcorum Theogonia, quâ mundi & elementorum ortum sub Deorum nominibus, explicabant ; eâmq; à Barbaris desumptam esse vel hic ipse locus indicare videtur. Præterea, Mundi *periodos* & renovationem docuerunt. Denique, si ab his hausit Pythagoras *Rerum principium syderumque motus*, oportuit eos & Astronomos fuisse & Physiologos. Dicitur quidem à Babyloniis hæc didicisse ; cùm verò id fuerit tempore Cyri, in Babylone tunc erant Persæ. Libenter tamen credo, spoliatis imperio Assyriis Medisque, Chaldæos philosophos sub dominio Persarum adhuc substituisse. Porphyrius ait à Chaldæis, & speciatim à Zabtrato, hæc didicisse Pythagoram, Ἐν τῇ βαβυλωνίᾳ τοῖς τῶν ἄλλοις Χαλδαίοις συνεγένετο, καὶ πρὸς Ζάβρατον ἀφίκετο, παρ' αὐτοῦ, &c. τὸν γὰρ περὶ φύσεως λόγον ἤκουσεν, καὶ τότε αἱ τῶν ὄλων ἀρχαί. Zabtratus ille (quod nomen variè à variis effertur) Assyriusne fuerit vel Persa, quis clarè enodabit ? Agathias eundem esse innuit cum Zoroastre, Zaradumque appellat, οὗτος δὲ ὁ Ζωρόαστρος, ἦτοι Ζαρδάνης (διττὴ γὰρ ἐπ' αὐτῷ ἡ ἑπωνυμία) ὁπνίκα μὲν ἡμᾶς, &c. ἐκ ἑνὸς σαφῶς διαγνώσκει. Theodoretus Zaradan appellat, &

Id. ibid.

Lib. 2.

& gente Persam. Certè Apuleius dat Serm. 9.
de Leg.
Flor. l. 2. Magos Persarum Pythagoræ in Doctores, & præcipuè Zoroastrem, omnis divini arcani antistitem. Quare satis patet, non tantum res sacras & civiles curasse Magos, sed etiam naturæ principia & leges perquisivisse.

MAGORUM princeps & coryphæus erat Zoroaster; ut multi testantur authores: sed in hujus Zoroastri vel Zoroastro-
rum historiâ parum conveniunt. Alii unum, alii duos, alii multos constituunt. Nos, qui veterum sapientum dogmata & doctrinas quærimus, tanquam partem optimam & desideratissimam historiæ Philosophicæ, cæteras eorum condiciones aut circumstantias minùs anxie expendimus: sed inter multa confusè dicta ab antiquis circa Zoroastros, constare videtur primò, duos fuisse, minimùm, Zoroastros, utrosque sapientiæ nomine & doctrinæ magicæ, celebres; alterum Chaldæum, aut Bactrianum, cujus plures authores meminerunt; alterum Persam vel Medo-Persam, de quo non dubitatur. Secundo, constare mihi videtur, horum duorum res, ætates, dogmata, patrias, scripta, alia, sæpe confundi & permisceri, tam ab antiquis quàm à recentioribus; id quod solet alias contingere in rebus aut personis Synonymis, sive Diis gentium, sive viris illustribus; dum temporis ve-

vetustas & scriptorum incuria, ex rerum similitudine, errorum & confusionem inducunt. His autem relictis, quæ scripta aut scriptorum fragmenta reliquerit Zoroaster, aut jam supersint, paucis videamus.

DE Hyftaspe & Osthane, quorum meminere plures, nihil dico: cum de iis nihil certi, de eorum dogmatibus nihil prorsus, reperiam.

ELEMENTA, Sydera, Cœlum, pro Diis habuerunt Persæ. E Syderibus autem Solem, ex Elementis Ignem, venerati sunt maximè: atque Jovis nomine intelligunt, τὸν κύκλον πάσα τῶ ἕρην, *universum cœli ambitum*. Alunt ignem perennem & immortalem in Pyratheis: ut postea Græci in suis Prytoneis; & Romani in Vestalibus: Hebræi etiam in Templo sacrum ignem jugiter nutriebant; Ægyptii pariter, aliæque gentes, hoc elementum singulari honore prosequuntur. Hic Persarum ignis, ab Am. Marcellino dicitur *Ignis ille cœlitus delapsus, apud Magos sempiternis foculis custoditus*. Porphyrius Diis proximum facit, aut simillimum, (θεοὶς γὰρ καὶ τὸ πῦρ ἀθάνατον φυλάττομεν ἐν τοῖς ἱεροῖς, ὅν μάλιστα αὐτοῖς ὁμοιω-
τατον.) Stoici denique ipsum Jovem, in quem omnia resolventur. Hæc Theologia, cum Physica sit, à proposito nostro non alienam esse duxi.

Lib. 23.

Περὶ ἑποχ.
l. 2.

QUIN

QUIN & totus Persarum cultus, si reliquarum gentium superstitionibus confectur, Philosophicus dici meretur. Hujus compendium habes apud Herodotum, Lib. 1. c. 131, 132.
 his verbis : Πέρσαι δὲ θεῶν νόμοισι τοιοῖσι χρημα-
 τες. Ἀγάλματα μὲν, καὶ νηὲς, &c. Porro ritus quibus utuntur Persæ, tales esse comperi. Neque statuas, neque templa, neque aras extruere consuetudo est : quinimò hoc facientibus insaniæ tribuere, ob id (ut mea fert opinio) quod non, quemadmodum Græci, sentiunt Deos more hominum esse natos, aut hominum similes. ἀνθρωπο-
φύεας. Moris habent, editissimis quibusdam conscensis montibus, Jovi hostias immolare : omnium gyrum cæli Jovem appellantes. Soli, Lunæque sacrificant, & Telluri, Igni, Aquæ atque Ventis. Hisque solis sacra faciunt jam inde ab initio. -- Sacrorum autem ritum circa hos jam dictos Deos hujusmodi quondam instituerunt. Persæ quippe sacrificaturi, nec aras erigunt, neque ignem accendunt prorsus, sed neque libamentis utuntur, aut tibiis, coronisve, aut molis. Verùm ut quisque Divis hisce sacra facere statuit, in locum mundum victimam sistens, deum illum implorat, myrto potissimum cinctam gestans tiaram. Sacrificans verò, non pro se solo privatimque vota nuncupat, sed communiter universis Persis benè precatur ; imprimis quidem Regi ; & inter omnes
 D 3 Per-

*Persas, ipse qui sacra facit, comprehenditur. Ubi verò carnem victimæ minutatim conscidit, eamque elixavit, herbam substernit quàm molliissimam, maximè trifolium. Huic impositis carnibus, Magus astans, THEOGONIAM accinit. Quam illi habent pro sacro carmine aut incantatione. Ita coluerunt Deos Persæ, præ cæteris populis, castè, & sine fuco. Scio nonnulla narrari aliter de Persis à Strabone, sed vel diversas eorum sectas respicit, vel diversa sæcula. Illud notatu dignissimum est, quod, inter faciundum sacra, Magi cecinerint Theogoniam. Quæ aliud esse non potuit quàm carmen de *Mundi origine*. Dixerat enim antea quos Deos habuere Persæ: nempe corpora cœlestia, elementa, partes & regiones Universi. Deorum igitur Persicorum ortus, est horum corporum, cœlestium & elementarium: sive Cœli, Syderum, & Telluris, ortus. Quæ est vera Theogonia antiquo-barbara. Quam quidem postea Græculi, qui Deos ἀνθρωπογενεῖς fingeant, in Deorum suorum genealogiam crassam convertère. Sed de his fatiis: redeamus ad Zoroastrem.*

DE Oraculis Chaldaicis, quæ Zoroastro tribuuntur, jam dictum est. Memoratur ultra à Plinio, *vicies centum millia versuum à Zoroastro condita fuisse,*

isse, & ab Hermippo exposita. Arabes ^{Pocock. spec. Hist. Arab. El-macin. Hist. Arab.} præterea referunt Zoroastrum tradidisse librum Magis, duodecim voluminibus constantem, *quorum singula corium Taurinum integrum implerent.* Hæc volumina, opinior, ritus sacros & antiquæ magiæ fontes continebant. Denique, Suidas recenset plures Zoroastri libros, *de Gemmis, de Prædictionibus Astronomicis,* & quatuor libros, *περὶ τῆς φύσεως, de Naturâ*: quos cæterorum omnium dispendio libens redimerem. Nam, siquid erat scientiæ solidæ in istoc Mago clarissimo, illius fundamenta in hisce de Naturâ libris jacienda essent. Hæc autem omnia pro deperditis habemus, si unquam extiterint; & quæcunque sub Zoroastri nomine apud nos venditantur, vel planè Apocrypha & Pseudonyma sunt, qualia notantur ab aliis: vel adeò nihil eximii continent, aut supra vulgarem Philosophorum disciplinam; ut, si genuina essent, apud me minuerent viri illius famam & dignationem. Ex ipsius genuinâ Philosophiâ fragmentum unum conservavit nobis Plutarchus, ex Theopompo; Alterum Porphyrius, in *antro Nympharum*, ex Eubulo. Tertium, sed minus mysticum, Eusebius, ex libro sacro Persico; quem ipsius esse Zoroastri voluit. Atque hæc pauca, cum nonnullis sententiis dispersis, maximè apud au-

De Is. &

Ogir.

Præp.

Evan. l. 1.

c. 7.

thores Platonicos, magni Zoroastri sunt exiles reliquæ.

UTI Magorum Perficorum origo & prima tempora sunt incerta, ità de eorum fine & exitu non una & constans est sententia. Cùm dolum facinúsque, occupati à Magis Imperii, ulcisci voluerunt nobiles Persæ, Smerdis & sociorum ipsius cæde non contenti, in omnes promiscuè Magos sævicbant; idque tanto impetu, ut, referente Herodoto, nisi noctis interventu cohibiti, neminem Magorum reliquissent. In rei etiam memoriam *Μαγιστρίαν* instituerunt, festum solenne Persarum: quo die nulli Magorum fas erat prodire in publicum. Hinc imminutam fuisse Magorum dignitatem apud Persas facile est conjicere, non autem extinctam progeniem; hæc enim ætate posteriores erant Hostanes & Hytaspes, famigerata nomina: constatque mansisse Magos usque ad Alexandri tempora; à quo tandem hos, unà cum Imperio Perfico, nonnulli deletos esse volunt. Neque adhuc his penitus assentior: nam sicut occupato à Persis imperio, non protinùs interierunt Chaldæi, (eorum enim meminit Ctesias tempore Darii, cùm de ipsius sepulchro visitando ageretur) ita nec à Græcis occupato, extincti sunt Magi; sed suis adhuc sacris præfuisse videntur usque ad tempora Heraclii, qui *Περσῶν* Persica,

Lib. 3.

Diog. in
proem.

Agath. lib.
11.

Perfica, lucos, ignem sacrum, totamque cultûs illius supellectilem pessundedit. Huic autem religioni paulò post succedit Mahometana; in quâ jam hærent, extinctâ omni antiquâ scientiâ, occæcati Persæ.

Hæc de Magis: quorum doctrina & historia non ita difficiles essent explicatu, nisi jam periissent illius argumenti scriptores præcipui. Quales fuere Hermippus

Plin. lib. 30.

c. 1.

Arnob. lib.

1.

Smyrnæus, qui, circa Ptolomæi Euergetis tempora scripsit *de Magis*. Pallas etiam, referente Porphyrio (περὶ ἑποχ. lib. 2. & lib. 4.) *Mithræ mysteria* optimè collegit & explicuit. Eusèbius (præp. Ev. p. 42.) Ostanis Octateuchum citat.

Lib. 11.

adv. Jov.

περὶ ἑποχ.

lib. 4. Phot.

Bibl. Cod.

81.

Adhæc Eubulus, incertæ ætatis author, historiam Mithræ & Magorum, multis libris conscripsit, secundum Hieronymum & Porphyrium; & diversos eorum ordines distinxit. Præterea Theodorus Mopsuestenus tres libros composuit, περὶ τῆς

ἐν Περσίᾳ μαγικῆς. Denique authores quos

citât Laertius in hoc argumento, nempe Hermodorus Platonicus, Aristotelis Magicum, sive, juxta Suidam, Antisthenis aut Rhodonis, quod de Zoroastro tractavit, perierunt. Et Zanthus Lydus, qui

In procem.

& Plin. ut

supra.

Magica scripsit, & Magorum à Zoroastro successionem & seriem, juxta Laertium, deduxisse videtur. Citât præterea in eodem argumento Laertius Sotionem

Clem. Alex.

Strom. 3.

de

de successionebus, Dinonem de rebus Persicis, Eudoxum, Theopompum, Eudemum Rhodium, & Clearchum Solensem. Qui omnes desiderantur. Hi veteres authores si extarent, melius edocui effemus quæ vera fuit Zoroastri & Magorum Philosophia, quam omnis antiquitas celebravit. De Persis hactenus.

C A P. VI.

De Arabum & Phœnicum historiâ literariâ.

APERSIS ad Arabes & Phœnices pergamus; utrosque antiquæ sapientiæ famâ præclaros. Sapientiæ Arabicæ æternum monumentum reliquit Jobus, Mose ipso antiquior: Nobilis Arabs, φιλόθεος & φιλαλήθης, cui triplex æs circa pectus integerrimum, quod nulla Sata-næ tela unquam perfodere potuerunt. Virtutis heroicæ & infractæ fortitudinis exemplum. Hunc nulla adversa, neque corporis mala, neque bonorum damna, neque ira cæli & charissimorum liberorum cædes, mente solidâ excusserunt. Non tantum sæviebant hostes, sed etiam exani-

κρήσεως, καὶ βοσκημάτων, καὶ θεραπείας, καὶ πάσης
 τῆς βίης διαγωγῆς, καὶ πτωμάτων εἰκίας, τάφους παρ
 αὐτὰς, καὶ πολυάνδρεια ἢ αὐτῶν παίδων γεγεννημένας
 ὁ καρτερόψυχος θεασάμενος, ὅς ἐν μιᾷ ἡμέρᾳ καὶ
 ὥρᾳ ἐπὶ τῆς τραπέζης ἐνυχνιόμενος καὶ συνεδιόνοιας κα-
 τέγνωσις σωρηδὸν ὁ παμμίαρος ----- καὶ ἐνὶ αὐχέι
 τέτων ἢ λύσσα καὶ βασκανία ἤρκεσθαι τῷ ἀντιπάλῳ, ὥς
 αὐτὸν τῷ ἀθλητῇ γυμνὸν ἐπὶ κορείᾳ ἐκκαλεσάμενος,
 καὶ κατὰ σικτον ὄλον τοῖς ἔλκεσι, καὶ πλήρῃ σκολήκων ἀ-
 περγασάμενος, θέαμα φεικτόν τε, καὶ ξένον ὅλη τῇ
 ὑπὸ ἡλίου κατέστησεν, ἔπειτα ἐπὶ τοῖς ὀδύσι διαρδάψων,
 καὶ τῇ γλώσῃ λεκμώμενος ἔλεν τὸ σῶμα τῷ μάρτυρι,
 μέχεις ὅτε τῷ ἦσαν ἐρῆαυτὸν ὁ παμμίαρος ἐπισπά-
 σατο, καὶ τῷ αἰσχύνῃ τέλος ἐκληράσατο. Hæc lon-
 giuscula sunt, sed quæ debentur tanti
 viri meritis & memoria.

Cap. 38.

PRÆTEREA Arabem nostrum fuisse
 virum πολυμαθῆ καὶ πολυίστορα, & naturalis
 scientiæ peritum, ex ipsius historiâ liqui-
 dō constat; hanc, φυσιολογίαν ὅλης τῆς κτίσεως
 continere, ait Suidas; certè tam dogmata,
 quàm præcepta Noachidarum, in illis
 commentariis reperiuntur, & ex modo
 quo celebratur ab iis Telluris origo, ip-
 siusque in Diluvio dissolutio, quæ in se-
 quentibus explicanda sunt, manifestum
 est, utrisque Doctrinam arcanam calluif-
 se illius scripti authorem primum & Ara-
 bicum. Dico authorem primum & Ara-
 bicum; quisquis enim fuerit qui hoc opus
 in hodiernam formam digessit, nisi totum
 fictitium esse velimus, materiam operis
 ex

ex adversariis Arabicis, de vitâ Jobi, necesse est deprompserit. Neque id dissimulavit author, nam multos reliquit Arabissimos in opere suo, qui fontem sapiunt & originem unde deducti sunt.

PRIMUM hoc esto monumentum sapientiae Arabicæ, & vetustissimum; nulla enim gens, ex quo perierint Enochi prophetiæ, monstrare potest antiquioris aut æquævæ sapientiae specimen; cum non sit dubium, res Jobi tempora Mosaica præcessisse; adeoque Literarum usum, & Scripturæ: præterea, notitiam Syderum, historiæ naturalis non pauca, & denique, veri Dei cultum, ante natum Mosem in Arabiâ obtinuisse. Et quoad literas & disciplinam, eas, ad *Solomonis* usque tempora, inter Arabes floruisse, fide dignum erit, si Reginam Shebam, quæ Solomonem visum venit, Arabicam credamus: Reg. x. prout ex multis indiciis colligitur. Hæc autem, cum exierit regno quasi ad certamen literarium; nempe ad tentandam sapientiam Solomonis, si famæ par esset & expectationi; argumento esse potest, sapientiae studium, illic hoc sæculo, tam in Aulâ regiâ, quàm in scholis Arabicis, viguisse, in laude & vincendi gloriâ ambiciosum. Suppetit etiam aliud, ni fallor, & recentius, in sacris literis, sapientum in Arabiâ argumentum, vel exemplum: Magos intelligo, qui Jesum infantem vene-

venerunt adoratum ex Oriente; hoc enim de Arabiâ libens interpretor, cum idem fenserint ex Patribus plures, atque hoc ipsum subindicari mihi videatur à Prophetâ, Psal. lxxii. 10. cum psalmum illum propheticum ultimò respicere Messiam, certum sit. Dona etiam quæ afferebant, soli Arabici opes erant; atque *μάγοι ἀπ' ἀνατολῶν* eandem gentem notare videtur ac *כְּנִי קֶרֶט* filii orientis, Job. i.

3. Quin Orientis nomine vulgò appellari à Judæis Arabiam, notat probatque Grotius. Denique, ut nullus inde restet scrupulus, non tantum Persarum sapientes dicebantur Magi, sed per totum ferè Orientem nomen illud obtinuit, ut videre est apud Lucianum & Plinium; & speciatim Hippocum, Arabem, inter Magos numerat Plinius. Bilhamum etiam, quem rex Moabitarum consuluit contra populum Israëliticum, (Numb. xxii.) sive Magum dixeris, sive Prophetam, ex eodem hoc ordine fuisse, verisimile est.

Μαγροβ.
Plin. lib.
25. 2. lib.
30. c. 1.

INTER Arabes populos, memorabiles erant Zabii vel Zabaistæ (iidem, ut mihi videtur, cum Sabæis aut eorum sacerdotibus) gens perantiqua, & suo more religiosa. In horum fide & cultu aiunt Judæi primitus educatum esse Abrahamum: sed postea, ut unum verum Deum coleret, ab iis secessisse, atque dogmata eorum impugnasse. Præterea, Moſen in legibus

Maimon.
Mor. Nev.
Part. 3. c.
29.

legibus suis formandis Zabiorum mores & ritus maximè respexisse, vult Maimonides; ideoque Legislatore suo antiquiorem facit gentem istam, & dignam, unà cum Ægyptiâ, quam in consiliis suis intueretur, ut eorum contagia effugeret. Inter hos nunquam defuisse Magos, sive pristini moris philosophos, verisimile est: & non tantùm libros pervetustos & traditiones jactant, sed etiam se Noachidas esse gloriantur, & *fundamentum eorum religionis esse religionem Noachi.* Hanc quidem puram coluit Jobus, eorum contraneus aut confinis: illi autem impuram, idololatriâ & inquinamentis magicis pollutam; colebant enim Solem & Lunam, & genios indigenas; referente Philostorgio. Atque eò respexisse videtur Jobus, cùm se, Arabem, purgat à Solis & Lunæ cultu, Cap. xxxi. Ver. 26, 27.

Ibid.

Hott. Hist. Orient. p. 169, 171. ex Beidavo & Kessiro, script. Arab.

Boc. Geog. lib. 2. c. 26.

QUARE æquum esse videtur ut admitamus, apud Arabes fuisse genuinos Noachidas & degeneres; ex illorum numero erant Jobus, cum suis amicis & cognatis; ex horum autem numero Zabii, aliique Arabes. Nam Arabes generatim magnam cum Noacho conjunctionem affectant asseruntque, & gentis suæ originem ab ipso deductam etiamnum in genealogiis ostentant. Indigenas a Joctano, advenas ab Ishmacle, repetentes. Horum

rum

rum utrumque genus quædam Dogmata Noachidarum retinuerunt, quæ sapientiæ Orientalis videntur mihi radices. Prætereà, si ex eâdem patriâ venerint Magi Christicolæ, quid ni credamus per totum hoc intervallum, ab ætate Jobi ad natum Christum, eandem doctrinam, idem Philosophorum genus, rariùs licet, apud Arabes permanfisse; præsertim cùm, aliquot ante Christum sæculis, eò profectus sit Pythagoras, tanquam ad unam è quatuor gentibus præcipuis, quas, ad comparandam scientiam, invisebat. Ἀρίστω δὲ

Porphy.

de vit. Pyth.

καὶ πρὸς Ἀργυπίλους ὁ Πυθαγόρας, καὶ πρὸς Ἀεθίους, καὶ Χαλδαίους, καὶ Ἑβραίους, diciturque versatus esse cum Rege in Arabiâ, (regulo, opinor, Mago) in Babylone autem cum Chaldæis & Zabtrato. Democritus etiam apud Plinium dicitur, Persidis, Arabiæ, Æthiopiæ, Ægypti Magos invisisse.

Lib. 25. 2.

Hæc de temporibus ante-Christianis; neque literarum studiis offecisse religionem Christianam supponere licet, quam in illâ gente, forsân iisdem non multum profuit; inter Patres quidem Christianos non memini ullum fuisse Arabem. Et per multa sæcula altum erat de philosophiâ Arabicâ silentium, adeò ut mollioribus studiis dedita, expoliendæ linguæ, poesi, & orationum compositioni, gens illa ad severiores literas à multis inepta crederetur. Sæculo autem post

Abulphar.

de orig. &

mor. Arab.

cum notis

Pocock. in

spec. hist.

Arab. p.

164.

Chris-

Christum natum sexto præterito, exortus est Ismalismus, sive Lex Mahometis: & nescio quo fato, cum illâ regione, literarum omnium inimicâ, revixit inter Arabes philosophiæ amor & studium.

Notum est, post ortum Mahomedis, cum novâ religione novum Imperium molitos esse Arabes sive Saracenos, atque miro progressu magnam orbis partem armis suis subjecisse. Eodem tempore, philosophandi studio, quasi redivivo, animati sunt: & cum in Occidentem & Europam penetrâssent, philosophiam Arabibus antea incognitam & inauditam, Græcanicam nempe & Europæam, imbibebunt. Cùmque per illa tempora Aristotelis doctrina in Scholis & Academiis Europæis omnium maximè invaluisse, hanc plerumque amplexi sunt Arabes: quam postea magno studio & strepitu ubique propagârunt. Ex iis autem nonnulli in alias Græcorum Philosophorum sectas delapsi sunt, aut ex pluribus mixtam condiderunt. Denique tanto amore flagrabant literaturæ Græcanicæ, & totorum volumina ad se transferri & Arabicè verti curabant, ut postea apud Saracenos potius quàm apud Græcos ipsos, quærendi essent Authores Græci. Merito mirari licet hanc gentem triplici œstro simul percitam esse, religionis, belli, & literarum. Quoad priora, infrâ unius sæ-

E

culi

Maimon.
Mor. Nev.
Par. 1. c.
69, 71.

De Ling.
Arab. p. 53.

culi spatium multos magnosque populos sibi subjugaverant; & quoad literas, magnâ contentione & sumptibus ex omnibus locis libros Græcos & Romanos arcessi curabant. Addit præterea Erpenius, *Translulisse Arabes in suum sermonem nobiliores omnes authores veterum, Ægyptiorum, Persarum, & Chaldaeorum; qui sapientiæ omnis ac scientiæ primi perhibentur fuisse authores.* Sed quoad Saracenos, aut non omnes ceperat, aut statim deferbuit iste ardor: nam cum, captâ Alexandriâ, Johannes Philoponus, qui magnam gratiam apud ducem exercitûs consecutus esset, petiisset, ut libros philosophicos, qui in Bibliothecis Regiis invenirentur, ei concederet; re ad Imperatorem delatâ, comburendos esse iussit omnes, in calfaciendis balneis. Egregium & Imperatorium facinus! quo jam secundò periit Bibliotheca Alexandrina; cum summo damno Reipublicæ literariæ.

Hott.
Analec.

Analec.
Hist. Theol.

LIBRORUM Arabicorum, qui supersunt, thesaurus maximus est Bibliotheca Fessana, quæ triginta millia voluminum Arabicè scriptorum continere dicitur. Ex sententiâ autem Hottingeri, qui cum libris Arabicis multum versatus est, vix ullum reperies *annis octingentis antiquiorem; Ismalismo autem & Alcorano nullum; neque Theologum, neque Philosophum,*

phum, neque *Historicum*. Licet verò non adeo antiqui sint hodierni libri, continere possunt multa ex antiquioribus desumpta, & nonnullas primævorum dogmatum reliquias. Avicenna scripsit librum de Philosophiâ Orientali, cujus meminit Tophail in suâ Epistolâ, & se ait etiam ab amico sollicitatum esse, ut de mysteriis ejusdem philosophiæ scriberet. Hi verò, cùm viverent ambo multis sæculis post ortum Mahomedis, indicio est, non prorsus exolevisse apud Arabes illius temporis, pristinæ philosophiæ memoriam; sed ab alienis forsan, magis quàm suis, hauriendam monumentis.

Philos. Autodidac.

QUODAD libros Zabiorum, multos recenset Maimonides: plerumque, opinor, supposititios. Optandum esset maximè, ut Rabbini ille clarissimus, qui, cum magno apparatu, doctrinam Zabiorum instauravit, applicuitque ad interpretandas leges Mosaicæ, probatam nobis dedisset antiquitatem, simul & auctoritatem istorum librorum, quos vidit sequiturque in enarrandâ Zabiorum Theologiâ. Nisi enim pertigerint ad tempora Mosaicæ, & religionem ritusque retulerint Mosi cœvos aut antiquiores, his superstructæ interpretationes carent fundamento; quippe iniquum esset, verba Legislatoris ad post-natas superstitiones

Mor. Nev. Par. 3. c. 29.

Abr. Eccl.
Hist. Arab.
c. 12.

propellere & accomodare. Sed hæc obiter. Cætera scripta Arabica quærenda sunt in Bibliothecâ Orientali Hottingeri, & aliorum, qui hanc materiam datâ operâ tractârunt. Denique, quoad Dogmata Philosophica Arabum, Philosophorum sc̃cta antiquissima, cujus suppetit memoria apud Arabes, perhibetur illa *Dabritarum*. Qui, tam de Mundi, quàm de Animarum, origine & exitu, malè sensisse videntur. Hunc enim æternum esse volunt, ex utrâque parte: illas ex neutrâ; traduces nempe, & morituras. Unde horum commune scitum erat, *Uteri pariunt, Sepulchra deglutiunt*: quo rerum omnium ortum & interitum denotabant. Ac proinde Philosophos istos primæ antiquitatis titulo inter Arabes, malè ornatos esse censeo: cùm illud ab Aristotele, alterum ab aliis recentioribus, hausisse videantur. Nisi forsân crassè nimis & incorrectè, quod sæpiùs accidit, antiquorum sententias, alii post alios, repetant. Id quidem constat, post Mahometis tempora, sapientiam Arabicam in fabulas & fœditatem degenerâsse. Et nisi extitissent in sacris literis specimina quædam præstantioris indolis inter Arabes, gentem illam in Philosophorum censu vix inferuisssem. Constat enim, à multis sæculis, figmentis & allegoriis, ad fastidium usque, luxuriâsse ingenium

genium Arabicum. Sed de his hæc-
nũs.

JAM ventum est ad Phœnices; popu- Phœnices.
los perantiquos, ad imam oram maris
Mediterranei sitos; quorum magnas co-
pias patriâ expulit Dux Israëlitarum Jo-
shua. Hanc gentem cum primis litera-
tam fuisse extra dubium est; ipsæ lite-
ræ horum inventa dicuntur; Græcis sal-
tem authôres erant literarum, sub auspi-
ciis Cadmi, ante bellum Trojanum. Nu-
meros etiam invenisse dicuntur & Arith-
meticam; præterea Astronomiam & Sy-
deralem scientiam; adhæc Nauticam, &
nova per Oceanum itinera. Denique ip-
sam quodammodò Physiologiam, si Posi-
donio creditur, aut modum Philosophan-
di per hypotheses. Imo, ne quid eorum
laudibus desit, omnigenæ philosophiæ di-
vites ait Strabo, *πάντες τῆς ἀλλης φιλοσοφίας ἐν- Lib. 16.*
ταίᾳ πολὺ πλείστην λαβεῖν ἔστιν ἐκ τούτων ὅθι πόλιν
loquitur autem de civitatibus Phœni-
ciis.

QUÆ gens uspiam Reipublicæ litera-
riæ incrementis tantum contribuit? Quæ
tot inventorum gloriam sibi vindicare po-
test; aut latius, emissis coloniis, propa-
gavit? Præterea, Thales & Zeno, du-
arum apud Græcos sectarum principes,
Phœnices erant, aut à Phœnicibus oriun-
di. Neque minùs ad Phœnices, quàm

Porph. in
vit. Pyth.

ad Chaldæos & Ægyptios profectus est
Pythagoras, ut scientias Mathematicas
addisceret. Denique præceptor Pytha-
goræ, Pherecydes, in legendis secretis
Phœnicum libris, sese exercuisse dicitur:
sibiipso præceptor simul & discipulus.

Voc. Φερε-
κυδ.

Ità Suidas, *Αὐτὸν δὲ, ἐκείσυχκέναι καθηγίτην, ἀλλ' ἐαυτὸν ἀσκήσαι κηρύτμενον τὰ φοινίκων ἀπόκρυφα βιβλία, Ipsum quidem, de Pherecyde loquitur, non habuisse præceptorem, sed sese exercuisse, comparatis mysticis vel reconditis Phœnicum libris.* In Phœnicum laudes non parum propendo; sed illud unum tardiùs à me creditur, quod à Strabone fertur & à Sexto Emperico, Philosophum Phœnicem, dictum Mofchum, Atomorum hypothefin, ante tempora Trojana, invenisse: verba Strabonis hæc sunt, *Ἐι δ' Ποσειδωνίῳ πσεῦσαι, καὶ τὰ περὶ τῶν ἀτόμων δόγμα, παλαιὸν ἔην ἀνδρὸς Σιδονίε Μόσχῃ παρὰ τῶν Τρωϊκῶν χρόνων γεγονότῃ.*

Adver. Ma-
themat. P.
367.

Nec aliter Sextus, *Δημόκριτος δὲ καὶ Ἐπίκευρος ἀτόμους (ἐλεξάν ἔναι τὰ τῶν ὄντων σοιχεῖα) εἰ μὴ π' ἀρχαιοτέρῳ ταύτην θετόν τὴν δόξαν, καὶ ὡς ἔλεγεν ὁ Στωϊκὸς Ποσειδώνιος, ἀπὸ Μόσχῃ πρὸς ἀνδρὸς φοίνεκα καλεσσομένην.* Vides rem totam in unius Posidonii fidem referri, & de hujus fide utrumque authorem subdubitare: cùm itaque Atomorum hypothefin invexisse Leucippum aut Democritum multò plures, & probatoris fidei testes affirmant; & inter alios hujus ipsius Posidonii discipulus

pulus

pulus Cicero: his ego libentiùs assentior; maximè, cum idem Cicero huic philosopho falsidici notam adjicere non vereatur: *Quædam etiam Posidonius, pace* L. de Fato: *magistri dixerim, comminisci videtur.*

PRÆTEREA non videtur mihi sapere indolem antiquissimorum temporum iste modus philosophandi per hypothèses & principiorum systemata; quem modum, ab introductis Atomis, statim sequebantur philosophi. Hæc Græcanica sunt, ut par est credere, & sequioris ævi. Durasse mihi videtur ultra Trojana tempora philosophia traditiva, quæ ratiociniis & causarum explicatione non nitebatur, sed alterius generis & originis doctrinâ, primigeniâ & πατερπαεστῆρ. Denique in Phœniciâ Sanchoniathonis philosophiâ nulla occurrit mentio aut memoria Atomorum vel dogmatis atomici; licet de rerum ortu & mundi primordiis disertè agatur, ubi maximè de hujusmodi principiis tractandi locus esset. Quare his expensis, credendum est potiùs à Posidonio hoc dictum esse, aut negligenter, aut per invidiam; cum non desint in omni ævo qui Inventorum laudes ab autore recenti in antiquiorem rejiciant. Sed pergamus in proposito.

CIRCA Theologiam aut Philosophiam Phœniciam nihil superest, quod sciam, præter illud excerptum ex Sanchoniathone

Præp. E-
vang. lib. I.

ne quod conservavit Eusebius, ex interpretatione Philonis Biblii. Ejusdem etiam operis Phœnicii, & Interpretis Græci, meminit Porphyrius: qui Tyrius erat, patriâ linguâ dictus *Malchus*. Scripsisse dicitur Sanchoniathon ante tempora Trojana à Porphyrio & Eusebio; quibus astipulatur, in rebus Phœniciis versatissimus, Bochartus. Quoad ingenium viri, si id rectè nobis depinxit Philo, aptissimum habuit ad Philosophiæ studium: dicitur, πολυμαθὴς καὶ πολυπράγμων, καὶ τὰ ἐξ ἀρχῆς, ἀφ' ἧς τὰ πάντα συνέστη, παρὰ πάντων εἰδέναι πρῶτον.

Multifariam doctus & curiosus, & præcipuè discendi cupidus ex quibus initiis, aut primordiis, omnia constituta sunt.

Hoc primum maximúmque Philosophi officium est, in rerum Origines inquirere. Atque patet itidem ab hoc fragmento authoris, cum imprimis κοσμογονίαν instituisse, sumpto initio ab antiquo Chao. Dein Ἰλὺν primigeniam, tanquam materiam proximam aut seminarium statuisse, unde proveniebant prima rerum stamina; earum scilicet quæ in superficie telluris genitæ fuere. Hæc doctrinæ nostræ prorsus consentiunt, ut suis locis vidimus.

Theor. Tel.
lib. 2. c. 7.

Cum verò hanc physiologiam, ἐκ τῆς κοσμογονίας ταύτης sumpsisse se fateatur, in sequentibus, ubi de Ægyptiis tractabitur, plura quæ huc spectant adjiciemus.

HÆC

Hæc suæ historiæ præmisit Sanchoniathon, more Antiquorum ; qui in historiis suis contexendis pedem referre solent ad prima rerum temporumque initia. Sed scripsit etiam seorsim plura philosophica, secundum Suidam ; nempe *περὶ τῆς ἑρμῆ φυσολογίας, & Ἀργυρῆσιαν διολογίας.* Hæc si ad manus nostras pervenissent, circa doctrinam Phœniciam aut sapientiam Orientalem exigua aut nulla esset controversia. Desiderantur præterea qui res Phœnicias scripserunt, patrio sermone, Theodotus, Hypsicrates & Mochus : Quos Græcè transtulit, secundum Tatianum, Chætus, Orat. contra Græc. vel Lætus. Mochum autem illum eundem esse suppono cum Moscho Strabonis, qui Atomorum dogma invexisse ferebatur. Cum Mocho conjungit Josephus Hestizæum & Hieronymum Ægyptium, rerum Phœniciarum Scriptores ; Ibid. *Μωχός τις καὶ Ἑστῆς, καὶ πρὸς αὐτοῖς ὁ Ἀργυρῆσιος Ἱερώνυμος, οἳ τὰ Φοινικικὰ συλῆξαντες, συμφωνῶν τοῖς ὑπ' ἑμὶ λεγόμενοις.* loquebatur autem de Diluvio & Antediluvianorum longævitate. Speciatim quoad Hieronymum, dicit eum conscripsisse *καὶ ἀρχαιολογίας καὶ φοινικικὰν, Phœnicum Archæologias.* Quæ apud antiquos, res etiam naturales complecti solent ; idque hoc ipso specimine comprobatur. Alii sunt præterea rerum Phœniciarum scriptores ; hi autem in

re nostrâ, hoc est Philosophicâ, maximè desiderari mihi visi sunt. Jam ad alias gentes pergendum.

C A P. VII.

De Hebræis, eorumque Cabalâ.

Inst. l. 4.
c. 2.

SUPERSUNT Hebræi & Egyptii ; inter quos lis esse solet de primatu & antiquitate in re literariâ. Sed quem unquam Græcorum legimus adiisse Judæam ad capiendum ingenii cultum : quem non in Ægyptum descendisse ? unde miratus est Lactantius, quod cum Pythagoras, & postea Plato, alique amore indagandæ veritatis accensi, ad Ægyptum, & Magos, & Persas usque penetrâssent, ad Judæos tamen non accesserint. Argumentum non obscurum, Gentem istam, tunc temporis, literarum nomine non claruisse. Quoad Origines Judaicas, admodum ignotæ erant Gentibus : quare habiti sunt Judæi à plerisque, aut pro indigenis Ægypti, ex eadem stirpe oriundis ; aut pro inquilinis vilibus & nullius numeri. Nulla autem gens est, ex toto humano genere, cujus origo & primæva historia tam certò clareque

rèque nobis innotescit, ac gentis Judaicæ, Quod sacris literis & commentariis Mo-
saicis integrè debemus.

QUUM autem omnes antiquæ gentes, saltem ex sententiâ nostrâ, sapientiæ cu-
jusdem reconditæ custodes essent, hæc etiam inter Hebræos quærenda esse vide-
tur. Notum est verò in disciplinis Ma-
thematicis aut Philosophicis nunquam præ-
celluisse hanc gentem, neque in cætera-
rum artium studiis, aut id genûs ullo
humani ingenii eximio fœtu. Unde il-
lud acerbè dictum ab Apollonio, Judæos

ἀρυσάτες εἶναι τὴν βασιλείαν καὶ διὰ τοῦτο, μὴ Jos. cont.
δὲν εἰς τὸν βίον ἔυρημα συμβεβῆναι μόνους. *Bar-* Apion. l. 2:

*barorum esse ineptissimos : ideoque solos
illos, nullum inventum vitæ utile, pe-
perisse.* Quæ autem apud ipsos erant

Scholæ & Academiæ pristinæ, non tam ad
Encyclopædiæ studia, ut solent hodiè, for-
matæ & compositæ erant, quàm ad religio-
nis instituta, & dona prophetica imbi-
benda. Nulla enim gens per terrarum
orbem, nullus populus, tantùm abunda-
bat Prophetis, ac viris cœlesti spiritu tac-

tis, quantùm Judæi : ut ipsi solo & cli-
mati vis aliqua divina inhæsisse videretur.

At præter illa effata & oracula divina,
aiunt se conservâsse, a temporibus Mosis,
vel etiam ipsius Adami, Doctrinam
quandam arcanam, dictam *C A B A-
L A M*, quæ utriusque mundi mysteria
recludit,

recludit, naturalis & invisibilis ; atque omnium gentium, tam antiquam sapientiam, quam novam eruditionem, superat.

RESTAT igitur id unicè quærendum quoad literaturam Judaicam, siquid solidi & sinceri extet hodiè, aut unquam extiterit, de hâc doctrinâ Cabalisticâ. Dico, *aut unquam extiterit* ; quanquam enim dubitare non liceat Moïsem fuisse virum sapientissimum, & arcana naturæ ac divinæ providentiæ percalluisse ; quantum tamen hujus arcanæ cognitionis Israëlitis impertiverit, incertum esse videtur. Certumque est, id, quantumcunque fuit, ex illo tempore multis modis depravatum esse ; & sub nomine Cabalæ, varia ingeniorum figmenta, & nugaces methodos eruendi, nescio quæ, mysteria, à malè feriatīs Rabbīnis, suis discipulis quotidie obtrudi.

QUAMOBREM qui tentare cupiunt, siquid supersit incorrupti in Cabalâ Judaicâ, atque à genuinis spuria, a veris fictitia secernere vellent, oportet eos amputare, Primò, Cabalam illam Literalem, vel Numeralem, vel Grammaticam ; quæ ex literis Alphabeti, Divinorum nominum, aut vocabulorum in sacrâ scripturâ, nescio quos sensus arcanos condere & contexere satagit. Sed hujusmodi lusus & argutiolæ longè subsidunt infra dig-

dignitatem Spiritûs Sancti ; quem non tantum eorum conscium, sed & artificem esse, si pro veris habeantur, oportet ut supponamus. Secundò, Magica omnia & superstitiosa refecanda sunt ; quæ ex abusu Cabalæ prognata, cum eâ ipsâ jam sæpius permiscuntur. Tertiò, notiones vulgares verbis non vulgaribus prolatae, non sunt habendæ pro verâ Cabalâ. Hoc vitium irrepsit in omne genus literaturæ mysticæ, sub larvâ aliqujus *numeri, symboli, vocis barbare, figuratæ aut fictitiæ*, res communes & vulgò notas, cum magnâ pompâ proponere. Quod facile videre est in nonnullis symbolis Pythagoricis, Ægyptiorum hieroglyphicis, Hermeticorum barbaris, & Cabalistarum quandoque philosophematis. Hisce autem omnibus resectis, exiguum est quod superest de Cabalâ Judaicâ ; cujus jam partes & formam paulatim videamus.

CABALEM igitur, docendi gratiâ, in Nominalem & Realem distinguimus. Hæc res ipsas propius attingit, licet obscuriusculè : altera, ut dictum est, occupatur tota in uso mystico literarum, nominum, & numerorum ; adeoque, ex notis Alphabeti, nominibus Dei, sacri textûs literis, syllabis & dictionibus ; numeris denique & numeralibus, mysteria sua exculpit. Nominalis illa distinguitur in tria genera ;

ra ; quæ solent appellari *Gematria*, גִּמְטְרִיָּא, *Notarikon*, נוֹטְרִיקוֹן : *Themura*, תִּמְרוּרָה : Vocabula, quæ plus satis novitatem olent : totumque artificium arguunt figmenti humani. *Gematria* est, quæ, cum diversæ dictiones eundem numerum literis suis exprimunt, unam per aliam secreto modo explicat. *Notarikon*, quo, alicujus vocis aut vocabuli singulas literas, totidem dictiones integras, alterius significationis, connotare observatur. *Themura* denique, est ars transmutandi dictionem unam aut plures in alteram aut alias plures, per literarum transpositionem. Harum rerum exempla habes apud omnes authores qui hanc materiam tractant : (Capnionem, Schinlerum, Rittengelium, Hottingerum, aliosque innumeros :) quæ si perscriberem, lectori essem fastidio. Sed ne forsan injuriâ videar hanc culpam aut has ineptias affingere Judæis, unicum periodum ex Reuclino adjiciam, unde satis patebit, quale sit hoc artificium Cabalisticum : tantique id facere Judæos, ut exinde repetendam esse censeant omnem sapientiam, tam Mosis quàm Solomonis. *Dixit Ramban in Geneseos exordio, quod ejuscemodi omne Mosis traditum per portas intelligentiæ, contentum est in lege divinâ Judæorum, vel sensu literali vel allegorico, per dictiones, vel Arithmeticas*

Cab. l. 3.

*meticas supputationes, vel Geometricas
literarum figuras, sive descriptas, sive
transmutatas: vel harmoniæ consonan-
tias ex formis characterum, conjuncti-
onibus, separationibus, tortuositate, di-
rectione, defectu, superabundantiâ, mi-
noritate, majoritate, coronatione, clau-
surâ, aperturâ, & ordine, resultantes.
Et per illam legem à divino spiri-
tu adeptus est Solomon omne quod nove-
rat, & sapientiam super sapientiam
omnium Orientalium & Ægyptiorum.
En fontes sapientiæ Cabalisticæ. Hæc
& hujusmodi, apud nos, sunt puerorum
studia & deliciæ. Referunt enim maxi-
mè Anagrammata, & Chronogrammatif-
mos, & ejusmodi ludicra, qualia sciolis
& semidoctis permittimus, sed nunquam
in censum veniunt sanæ literaturæ aut
sapientiæ. Illud præterea vitio verten-
dum est his *δοκσιόδοις*, quod in rebus sa-
cris hoc modo ludant & ineptiant. Ma-
teriam tenuem & vulgarem quovis mo-
do tractare, discerpere, convellere, dila-
cerare, transponere, animi exercendi
gratiâ haud vetitum est; sed textui sa-
cro, nominibusque Dei, oportet adhi-
bere reverentiam: in his tamen duobus
potissimum artem suam nugatoriam exer-
cere solent. Quoad nomina divina, in
iis latere mysteria, aut vim singularem,
semper statuerunt Cabalistæ: Tria autem
po-*

תורה

Mor. Nev.
par. 1. c.
16.שם דומה
פירושIb. c. 61,
62.

potissimum ab iis celebrantur Dei nomina; nomen *Tetragrammaton*, nomen *duodecim Literarum*, & nomen *quadraginta duarum literarum*. Quoad nomen Tetragrammaton, notum est ei sanctitatem quandem & venerationem Judæos universim semper tribuisse, ideoque non à populo, sed a Sacerdote tantum, & non nisi in sanctuario, idque tempore solenni, hoc nomen prolatum fuisse. Denotat, ut aiunt, ipsissimam Dei essentiam, qualis est in seipso, sive in statu ante mundano, præcedenter ad omnia ipsius opera externa; ideoque vocari, ut ait Maimonides, *Schem Hammejborasb*, *Nomen expositum, quia clarè & citra ullum equivocationem, de substantiâ creatoris docet*. Reliqua autem Dei nomina aliquam virtutem aut excellentiam divinam connotant, ad opera externa referendum. Quoad alia duo nomina, *duodecim, aut quadraginta duarum literarum*, quid sint, nullibi memoratur. Sed neutrum eorum fuisse unicum vocabulum, at sententiam, aut sententiolam, quæ totidem literis constabat rectè videtur notasse idem Maimonides. Denique, quæcunque sub hoc capite occurrunt apud Cabalistas, ultra ea, quæ commentatus est R. Moses Maimonides *de nominibus, eorumque potestate*, pro fictitiis

tiis aut pseudomyfticis habeo, quibus immorari haud operæ pretium efflet.

HIS ita notatis de Cabalâ Verballi, æquum effe videtur hanc partem, tanquam membrum inutile aut malè fanum, amputare à cætero corpore. Atque alteram Cabalam, five Cabalæ partem, quam diximus Realem, ad examen rationis adducere : duo funt in Cabalâ Reali, præ cæteris, ut mihi videtur, infignia Capita ; Doctrina Sephiroth, & doctrina Quatuor Mundorum, vel Syftematum. Hæc utramque paginam faciunt & ubique celebrantur in illa philofophiâ myfticâ : ab his igitur, tanquam exemplis primariis, quid de reliquis, minoris notæ, ftatuendum fit, facilè judicabimus.

SEPHIROTH Cabaliftica funt decem : & in tabulis fuis difponuntur variis modis ; quandoque permodum columnarum, quandoque circulorum, quandoque fub formâ & lineamentis humani corporis, quandoque aliter. Nomina autem funt, Kether, Cochma, &c. Neque refert quo depingantur modo.

Vid. Appar.
rat. in Lib.
Zohar par.

Sephir. 1.	6.
כתר	תפארת
Corona.	Pulchritudo.
2.	7.
חכמה	נצח
Sapientia.	Victoria, vel æternitas.
3.	8.
בינה	הדר
Prudentia.	Gloria.
4.	9.
גדולה חסד	יסוד
Magnificientia, vel	Fundamentum.
Benignitas.	
5.	10.
נבחרה	מלכות
Severitas.	Regnum.

EN decem Nomina aut Voces, quas *Sephiroth* appellant, & ubique crepant Cabaliftæ: sed quæ notio, qui sensus subest singulis, parum constat. Communis significatio horum vocabulorum fatis nota est: hoc autem in loco nescio quid magni & sacrosancti involvunt, aut involvere creduntur; ac si omnis sapientiæ, tam divinæ quàm humanæ, thesauri, hisce decem capsulis absconditi laterent. Aperi, quæsumus, Thesauros tuos, Mystra Cabaliftice, ut quid intus sit, vide-

videamus; primâ enim facie nihil præ se ferunt singulare aut eximium. Visne ut hæc sint totidem rerum classes & summa genera, quas vulgò appellant Categorias? Sed nimis recens est illa doctrina, neque ad hæc capita revocari possunt rerum omnium cognitarum ordines & multitudo. Visne Platoniam Triadem, vel etiam Christianam hic occultari? Sed non respondet numerus, neque illud dogma recipiunt Judæi. Vis denique alias naturas divinas, & numero plures, hic intelligi? vel divinas & humanas, simplices & compositas, superiores & inferiores? Fac tantum ut innotescat vis cujusque Sephiroth clarè & distinctè, nos paratos invenies ad amplectendam veritatem, à quocunque fonte profluentem.

CONSULAMUS igitur, si libet, harum Tabularum expositores, atque etiam Lexica Cabalistica: ut discamus, primò, quid sibi velint Sephiroth in genere & complexim: dein, de singulis quæramus, quid nomen cujusque, quid notio & natura ferant. Per Sephiroth in genere, eorumque grados, Emanationes rerum à Deo, qualescunque & qualitercunque, intelligere videntur. Dico *qualitercunque*, nam indistinctè & confuse hæc omnia efferunt: & non tantum Sephiroth, sed etiam Mundum Aziluthicum, de quo postea: & Adam Cadmon quod appel-

F 2

lant,

Port. Cœl.
diff. 8. c. 8.

lant, aliaque, per modum emanationis à Deo provenire statuunt. Sephiroth autem dicuntur, five Numeri, (ex nonnullorum interpretatione) *respectu Infiniti*; sicut enim ab uno numerali profluunt omnes numeri, ita Sephiroth emanârunt ab uno primo Infinito. Hæc præterea nuncupant Ideas & Exemplaria sapientiæ divinæ, & operationis divinæ media aut instrumenta: cum aliis innumeris characteribus incerti significatûs, in quibus repetendis horas malè collocarem. Quare id potius dispiciendum, si in singulis seorsim explicandis quicquam nos clarius doceant.

כתר

PRIMUM Sephiroth est *Kether*, *Corona*: de quo, si *Lexicon Zohar* consulamus, pauca dicuntur, & frigide. *Sicut Corona*, inquit, *est suprema omnium vestium corporis, sic hic modus summitas est Aziluth, vel circumscribit Aziluth*. Expositoris autem Tabulæ Sephiroticæ hæc sunt verba: *Prima Sephirah est circulus Arick Anpin, i.e. Longâ facie præditi, seu Longammi, & coronæ summæ, quam denotat apex literæ jod nominis Tetragrammati*. Hæc circa ima emanationis suæ vocatur Longus & Non-ens, circa summa verò Infinitum: In medio, habet tria capita, propter quæ dicitur *Antiquus Dierum*.

NE scintillam quidem lucis hîc video. Obscura per obscuriora, dubia per ambigua: dum explicari dicuntur, plurium rerum incertarum accumulatione magis obfuscantur. Sed quò nihil desit aut desideretur in suâ explicatione, varia eognomina & subalternas notiones ejusdem Sephiroth, subnectit Author, his verbis: *Cognomina & subordinata hujus Sephiræ*, sunt, 1. *Lux: nam אין סוף Infinitum*, 2. *Lux, numeris æquipollent.* 3. *Causa causarum.* 4. *Color niger.* 5. *Lorum Phylacterii capitis dextrum.* 6. *Ehjeh.* 7. *Fons sine fundo.* 8. *Misericordiarum Pater.* 9. *Aleph magnum.* 10. *Timor domini.* 11. *Lux inaccessibleis.* 12. *Dies Æternitatis.* 13. *Privatio.* 14. *Mens.* 15. *Tredecim oracula misericordiæ.* 16. *Hic, Ille.* 17. *Nihil.* 18. *Oriens.* 19. *Caput album.*

EN octodecim notas & characteres primi Sephiroth, ad illustrandum ipsius naturam & virtutes. Ego verò ingenuè fateor, per hæc additamenta aut appendices me nihil plus scire aut sapere. Hoc certè scio, rem quampiam malè definiri aut explicari per metaphoras, allegorias, aliasque locutiones figuratas: multò magis per rationes sibi invicem oppositas & repugnantes. Aiunt autem, ut vides, hoc primum Sephiroth esse *Album*, *Ni-*

grum, Lucem, Privationem, Nihil. Ecquisnam hinc instructior est à doctrinâ primi Sephiroth? aut certior factus quid negat, quid affirmat, quid in se continet? vera sint an falsa, quæ nos docet, aut docere videtur?

הבמה

QUARE cùm in hoc primo tentamine nihil profecerimus, age, experiamur, si placet, in secundo Sephiroth: si forte illic apertiùs sese explicent Cabalistsæ. Secundum Sephiroth dicitur *Cochma, sapientia*. *Cochma*, inquit Lexicon Zohar, *est initium actuatæ Idealitatis: Caput & principium Aziluth*. Præterea, in doctrinâ metallicâ, inquit, *Cochma est gradus plumbi, vel salis primordialis, in quo latet plumbum sapientum*. Profit tibi, Lector, hoc quicquid est commentarii, mihi quidem inutilis. Expositorem præterea consulamus, de cognatis & adjunctis hujus Sephiroth. *Cognomina & subordinata Cochma*, inquit, *sunt*, 1. *Jah*. 2. *Jod Tetragrammati*. 3. *Principium*. 4. *Primogenitura*. 5. *Voluntas*. 6. *Terra viventium*. 7. *Jesch, Ens seu Essentia*. 8. *Lux primitiva*. 9. *Triginta duæ Semitæ Idearum*. 10. *Septuaginta legis species*. 11. *Bellum*. 12. *Judicium*. 13. *Amen*. 14. *Liber*. 15. *Sanctum Sanctorum*. 16. *Informe*. 17. *Profundum cogitationis*. 18. *Cogitatio*. 19. *Formido*. 20. *Eden*. 21.

Ole

Olei unctiois scaturigo. 22. *Vinum
affervatum ab orbe condito.* 23. *Quis.*
24. *Membrum virile summum.* 25. *Ver-
bum, seu Oratio.*

DEUS bone, Quæ strues rerum & ver-
borum! sine calce & arenâ: sine nexu,
sine ordine, sine cognatione. Locutio-
nes tralatitiæ, peregrinæ, obtortæ. Ex-
positiones promittunt, afferunt ænigmata,
aut vaga somnia: & dum se profitentur
interpretes, cæcis ambagibus argumen-
tum confundunt. Quid aliud hoc est,
quàm ludibrio habere mentem humanam?
& pro veritate solidâ, rerum umbras aut
nuda figmenta proponere. Si bonâ fide
nobiscum agere velint Doctores Cabalif-
tici, tam in hac suâ Decade Sephiroticâ,
quàm in suo Mundorum quaternione, iis
duo peragenda sunt; Dicendum primò,
quas sequantur rerum notiones generales;
quæ principia, & prima fundamenta cog-
nitionis: nisi enim in his conventum fu-
erit, de reliquis, quæ ab his dependent,
frustra disceptabitur. Nos consuetas &
ubique receptas rerum rationes amplecti-
mur, & quæcunque cadunt in concep-
tum humanum distinguimus, primò, in
Creatum & Increatum, Finitum & Infi-
nitum. Creatum autem quodcunque,
vel est substantia, vel modus substantiæ,
vel relatio. Substantia item dividitur in
Corpoream & Incorpoream: atque hæc

denique in suos ordines & gradus. Hæc est communis semita, seu potius scala intellectûs humani, quâ ab inis ad summa ascenditur, atque itidem descenditur à summis ad ima. Quicquid percipimus, intra hos limites continetur: quoties igitur definiendum est aliquid & circumscribendum, reducitur primùm ad suum locum in hâc scalâ, quasi ad suum genus & familiam. Dein, iis signatur proprietatibus, quibus ab aliis sui generis distinguitur. Unde oritur notitia illius rei distincta, & à cæteris omnibus separata.

PRÆTEREA, quùm in omni arte aut scientiâ sint quædam vocabula, aut prorsus nova, aut proprii significatûs, ab usu quotidiano alieni; ne novo Lectori fraudem faciant, solent docti, in singulis ferè disciplinis, Lexica aut Glossaria componere: ubi dictionibus notis & explicitis, minùs notarum sensus & propositum exprimitur. Hâc methodo perinde utendum erat Doctoribus Cabalisticis, ut de eorum sententiâ constaret. In omni enim scientiâ, ut de principiis & notionibus summis, ità secundò de verbis, eorumque usu & acceptione, conveniendum est. Duo igitur, ut diximus, desiderantur in philosophiâ Cabalisticâ, ut, siquid valeat, necne, dijudicemus: primò, principiorum notitia & consensus, sive Scala Logica, ut ità dicam, rerum & notionum;

tionum: dein Glossarium, de vocum & verborum expositione.

SED ut pergamus in proposito examine: placetne ut tertium Sephiroth ordine jam prosequamur? Et dein quartum, quintumque, & sic deinceps. Sed quo duce? aut quo fructu? Hactenus enim operam lusimus in hoc studio, & apud hos interpretes: neque clariora nobis suppeditant documenta in sequentibus, sed quo magis descenditur ad inferiora Sephiroth, eo magis inter nebulas & caliginem sese abscondunt. Vereor igitur nè tædio essem Lectori, si in his tenebris errantem diutius retinerem. Pergamus potius, si libet, ad alterum caput hujus doctrinæ Cabalisticæ, quod de *Quatuor Mundis* instituitur: & periclitemur iterum, si forte in hac parte disquisitio nostra magis ex animo succedat.

QUATUOR Mundi Cabalistici sunt, Aziluth (אצילות,) Briah (בריאה,) Jetzirah (יצירה,) Ashiah (עשייה,) Qui reddi solent *Mundus Emanationis, Creationis, Formationis, & Fabricæ vel Factionis.* Et in horum summitate collocant En Soph (Infinitum) sive, ut alii appellant, Mundum Ensophicum, cæterorum omnium primam radicem. Sed quæ nova Systemata, inquis? Quos novos mundos, invisos & inauditos antea, nobis affers? Mundum Increatum sive Idealem, creatumque

tumque agnoscimus: atque hunc partiri solemus in Corporeum & Intellectualem: neque ullus prætereà rerum universarum ordo cadit in cogitationem aut intelligentiam humanam. Audiamus utcunque quid philosophantur Cabalistsæ, de naturâ, formâ, aut apparatu horum mundorum.

QUOAD mundum Aziluthicum, Lexicon Zohar explicat, suo more, tam in genere, quam in specie, quid per Aziluth intelligendum sit: & ne Lectorem fraudare videamur quocunque lumine, utrumque apponendum duximus. *Aziluth est systema emanantium. Evacuato primùm loco pro mundis, non contingebant se Lux infiniti ambiens, & Lux vacuo immissa: sed Lux infiniti in vacuum illud influebat per lineam, canalemve quendam tenuem. Illaque Lux est principium Emanativum atque Emittens: Lux autem quæ intra vacuum est, est principiatum Emanans; quæ duo non cohærebant, nisi mediante supradictâ lineâ. Dein Aziluth in specie, inquit, denotat systema primum è quatuor Olamoth: quod exinde Aziluthicum dicitur: quale nimirum reperitur post factam Restaurationem, (quam ריקון dicunt) de quo nota sequentia. Decem Sephiroth systematis Aziluthici generalis, sunt decem נקודות seu puncta, quæ primùm*

primum prodierunt è vasis, ad fracturam tendentibus: ex istis facta est Restaurationis. Ex primo enim puncto facta est corona Aziluthica, quæ vocatur Arich Anpin: ex secundo & tertio, Abba ve Imma: ex sex sequentibus, redintegratus est Seir Anpin: & ex ultimo formata est uxor ejus.

MANET adhuc mihi incognitus hic mundus Aziluthicus, non obstante hac explicatione generali & speciali. Id tantum capio, per Emanationem factum fuisse ex sententiâ Cabalistarum: ut à fonte flumen. Sequitur Mundus Briathicus sive Briah: quod aiunt accipi vel de creatione hominis; ob multas rationes mysticas, quas piget recitare; vel de *creatione mundi factâ per conversiones & rotationes literarum* אלהים, אהבש, & אלהים, & per unam & ducentas triginta portas, seu modos combinatorios. Gentem cerebrosum! quæ ex conjugatione literarum & syllabarum, ludendo mundos efficit, ut pueri domunculas ex chartis.

TERTIUS Mundus Jetzirah, in libro sic dicto, interprete Rittangelio, est mundus Angelorum; vel, ut inquit ille, *Decem mundi Angelorum qui absconditi sunt ab oculo intellectus corporeo.* Author Philosophiæ Cabalisticæ per mundum Jetzirah intelligit substantias in *subiecto productas, sive Angelos corporibus*

ribus Ethereis indutos. Aitque se ore
tenus à Magistro suo, R. Israele Serug,
accepisse, *quod naturæ Jetzirathicæ*
consent è spiritibus Briathicis, &
corporibus Asbiathicis. Per Mundum
autem Asbiathicum, sive mundum Fabri-
cæ, intelligunt mundum aspectabilem
corporeum. Neque de eâ re lis erit aut
controversia.

EN quatuor Mundos Cabalistarum:
quorum inferiores agnoscimus, superio-
res autem ultra omnem oculorum aut
mentis aciem elati, in vacuis spatiis &
regionibus supermundanis absconduntur.
Absconduntur, inquam: neque enim aut
suâ luce patent, aut mutuatitio lumine
commentatorum. Tam Authores, quàm
Interpretes, rerum umbris decepti, erro-
res suos novorum verborum fucò obdu-
cunt. Quæcunque intelligimus ipsi clarè
& distinctè, libenter aliis exponimus,
modo intelligibili: sed cùm scientiam
mysticam affectamus, fingimus mysteria
ubi nulla sunt, vel sonoris & ambigu-
is verbis aliquid magni subesse: idque nos
capere quidem, sed nolle tam sacra in
vulgus spargere, credulis persuademus.
Quamobrem, qui latibula quærunt, &
sibi metuunt ab apertâ oratione, semper
mihi suspecti sunt de ineptiis, vel impos-
turiis. Denique, ut finem faciam, inter
legendum hujusmodi scripta, Cabalistica,
Theo-

Theosophica, Hermetica, & omne genus Pseudo-myſtica, sæpe mihi redeunt in mentem verba Chriſti, (Joh. iii. 19, 20, 21.) *Dilexerunt homines potiùs tenebras quàm lucem, quia sunt illorum opera mala. Quisquis enim quæ mala sunt, agit, odit lucem: nec venit ad lucem, nè arguantur opera ipsius. Qui verò dat operam veritati, venit ad lucem, ut manifesta fiant opera ipsius, quòd secundum Deum facta fuerint.* Non nescio, hoc dictum mores hominum respicere & vivendi rationes: sed non minùs quadrat in eminentia veritatis studia, còsque reprehendit tenebriones, qui, subdolis artibus, claræ rationis examen fugiunt.

HACTENUS duo præcipua capita, vel fundamenta, Cabalæ Judaicæ perſtrinxi-
mus. Sunt præterea multa alia, his quidem minoris notæ, sed tamen, apud Myſtagogos istos, non exigui nominis. Cujusmodi sunt *Triginta duæ semitæ sapientiæ*: de quibus tractat Liber Jetzirah, cum suo commentario. Dein *Quinquaginta Portæ prudentiæ*: per quas Moſes, ut aiunt, mirandam suam scientiam adeptus est, & in suo Pentateucho abscondidit, artificio Cabalistico eruendam. Denique multa & præclara myſteria jactant sub titulis Adam Kadmon, Seir Anpin, Arick Anpin, Attika, cum multis aliis. Sed

Sed me tædet pudetque difficilium nugarum. Et quò te earum etiam tædeat, ingenue Lector, ante oculos tibi ponam Libri nuperi Cabalistici titulum, qui ferè omnes in se complectitur. Scriptus est à R. Abrahamo Cohen, Iri-ra, ad exponendum Cabalam, sub hoc titulo : שַׁעַר הַשְּׁמַיִם *Porta Cælorum.* In quo Dogmata Cabalistica de En soph, Adam Kadmon, Zimzum, Quatuor Mundis, Nomine Tetragrammato, Revolutionibus Alphabeticis, Avvir Kadmon, Personis Attick, Arich, Abba Viemma, Seir Anpin, & uxore ejus. De Luminibus Cranii, oculorum, aurium, narium, oris, in Adam Kadmon : De partibus Animæ : Literis Tetragrammati : Quaternariis, Denario, Sephiris, numeris, mensuris, Pulchris Vestimentis, confractiōe & lapsu Vasorum, naturâ Vasorum, Radiorum, Lucis ambientis & internæ : De differentiis localibus in Sephiris, & de eo quod dicitur Longum, Latum, & Profundum in Sephiris : De descensu Animæ in corpus : De Sephiris, Akudicis, Necudicis, Berudicis : De restitutione vasorum, de conceptione, generatione, infantiâ, adolescentiâ & usu rationis & Seir Anpin : De Bilance : De superintectiōe, vel involutiōe personarum intra se invicem, crinibusque capitis & barbæ, &c. Philosophicè proponuntur

ponuntur & explicantur. Perlecto hoc titulo, inspectisque capitibus, facilè dices, opinor, cum Apostolo; de Judæis non minùs quam de Gentibus: *ἡ μάταια ὄντας* *εἰς Rom. i. 21.* *τοῖς διαλογισμοῖς αὐτῶν.* *Vani facti sunt in cogitationibus suis.*

QUIN, obsecro, ne graveris, Amice Lector, si unico adhuc exemplo Cabalistarum ingenium ostentamus. Prodiit, haud ita pridem, Liber dictus *Cabala Denudata*: opus laboriosum; in cujus Tomo secundo continentur aliquot Tractatus Libri Zohar; inter Cabalisticos antiquissimi, & autoritate maximi. Author hujus Libri dicitur R. Schimeon Jochaides, circa tempora excidii Hierosolymitani. Hunc referunt vixisse duodecim annos in speluncâ, ab omni hominum commercio segregatum. Ut haberet autem quo vesceretur, creatam fuisse in speluncâ Arborem filiquiferam, atque fontem Aquæ: dein, ne vestes detererentur, nudum sedisse in arenâ, ad collum usque demersum, atque ità totâ die studuisse. Horum studiorum fructus est Liber Zohar: in quo antiqua Cabala reviviscit, & læta mysteriorum seges.

TRACTATUS autem Zohar qui hic exhibentur, sunt, primò ספרה צניעותה *Liber Occultationis vel mysterii.* Secundo,

dò, סֵנּוּד הָאַרְרָא רַבָּא *Synodus magna*. Tertio, סֵנּוּד הָאַרְרָא זוּטָא *Synodus minor* : cum aliis nonnullis. Exiguus est tractatus primus, qui, in secundo, fusiùs explicatur : dein, Tertius est utriusque supplementum. Non est mihi animus hos tractatus ad examen revocare, ne læsæ patientiæ à Lectore accusarer : sed in secundo, tertioque, qui uberiores sunt, Editor apposuit titulos singulis capitibus, unde materiam cognoscere, & pretium cuiusque æstimare licebit. Tractant in genere de *Macroprosopo* & *Microprosopo* : & speciales tituli Synodi magnæ hi sunt.

Seçt. 1. Ingressus & præloquium.

Seçt. 2. De statu mundi Inanitatis.

Seçt. 3. De Macroprosopo, & partibus ejus : in specie de Cranio.

Seçt. 4. De rore seu humiditate Cerebri Macroprosopi.

Seçt. 5. Ulteriora de cranio Macropr.

Seçt. 6. De Meninge Macropr.

Seçt. 7. De Capillis Macropr.

Seçt. 8. De fronte Macropr.

Seçt. 9. De oculis Macropr.

Seçt. 10. De naso Macropr.

Seçt. 11. De Barbâ Macropr. in genere.

Seçt. 12. De parte primâ barbæ.

Seçt.

- Seçt.* 13. De parte secundâ barbæ.
Seçt. 14. De parte terciâ.
Seçt. 15. De parte 4tâ.
Seçt. 16. De parte 5tâ.
Seçt. 17. De parte 6tâ.
Seçt. 18. De parte 7mâ.
Seçt. 19. De parte 8vâ.
Seçt. 20. De parte 9nâ.
Seçt. 21. De parte 10mâ & 11mâ.
Seçt. 22. De parte 12mâ.
Seçt. 23. De parte 13tiâ.
Seçt. 24. Conclusio de Macroprosopo.

Dein de Microprosopo.

- Seçt.* 25. Ingressus de Microprosopo.
Seçt. 26. De regibus Edomiticis.
Seçt. 27. De cranio Microprosopi : &
 dein in duodecim sequentibus sectionibus cæteras partes Micropr. profequitur, ad
Seçt. 39. De corpore Micropr. in genere, sub statu Androgynœitatis.
Seçt. 40. De parte fæmininâ Micropr.
Seçt. 41. De membris utriusque personæ separatis.
Seçt. 42. De dissectione masculi & fæminæ, & copula eorum.
Seçt. 43. De Judiciis.

Seçt. 44. De homine superno.

Seçt. 45. Conclusio.

HÆc sunt capita Libri Idræ, Synodi nempe majoris. Sequitur tertius tractatus Synodi minoris, qui eadem ferè capita prosequitur per modum auctarii. Extat præterea in hos tractatus commentarius Cabalistæ, inter recentiores celeberrimi, R. Iizchak Lorjæ. Atque alter è scriptis R. Naphthali Hirtz. Omnes tenebras & obscuritates argumenti, per hæc lumina excussum iri, meritò quis speraret. Sed res malè respondet : luditur adhuc in ambiguis : neque ab Authore primo, neque à commentatoribus definitur quis sit iste Macroprosopus, quis Microprosopus, quos toties crepant : dissecantque, ut vides, usque ad decimam tertiam particulam Barbæ. Sed de Barbâ si quæras, respondet abundè R. Loria, *Barba Macroprosopi est gloria & decus corporis superni. Ejus autem pili dicuntur duri propter magnum defluxum luminis in Microprosopum. Et sicut ex parte cervicis Patrem & Matrem contegunt tredecim cincinni capillorum alborum, qui dependent à capite Macroprosopi usque ad diaphragma ; ut inde fiant capilli Microprosopi ex allisione luminis : ita per mysterium istius barbæ, demittentis radios*

radios suos omnes copulæ fiunt per duas influentias ejus, superiorem & inferiorem, quæ sibi invicem superincumbunt, seu duobarbæ apices, ad foveam pectoris usque, ad instar maris fœminæ ; quæ copulæ inferiores tunc fiunt virtute luminum & cerebrorum, quæ ipsis tribuuntur, per hanc barbam. Dein Microprosopi barba à R. Naphthali ita describitur, Barba Microprosopi fit ex novem numerationibus, sapientiâ, intelligentiâ, &c. quæ ingrediuntur per novem triades, victoriæ, gloriæ, & fundamenti Matris, in quibus semper existunt victoria, gloria, & fundamentum Patris. Et intrant in novem Numerationes ipsius Microprosopi, & ex illis quoque fiunt novem partes barbæ Sanctæ Microprosopi.

Нѣс de Barbâ & Barbulâ. Si præterea de naso, de cranio, cæterisque partibus interrogentur, præclara itidem respondent, & ab omni intelligentâ humanâ non minùs aliena. *Cum ratione* quandoque *insanimus* omnes : sed est morbus animi Orientalibus communis, *cum Allegoriis insanire* : & Judæis proprius, *cum suâ Cabalâ*. Quis enim novit, si clarè & apetrè proposita esset Doctrina Cabalistica, an risum moveret vel admirationem. Id cetrè constat, vel res ipsas, vel modum proponendi esse ridiculum.

SED quid tandem, inquires, omnibus perpensis, de Hebræorum Cabalâ statuendum erit? Nil habet arcani sensus, nil sapientiæ reconditæ: neque olim habuit? Rabbinorum cordatissimus, Moses Maimonides, ait, olim fuisse apud Hebræos de rebus divinis multa mysteria, sed periisse: vel injuriâ temporis, & repetitis Gentis istius calamitatibus; vel ex eo quòd prohibitum fuit mysteria divina scriptis consignare. Sed audiamus, si

Mor. Nev.
Par. 1.
c. 71.

placet, ipsius verba Latinè. *Scito multas egregias sententias, quæ in gente nostrâ oîm fuerunt, de veritate istarum rerum, partim longinquitate temporis, partim infidelium & stultorum populorum in nos dominatione: partim etiam quòd non cuivis (sicut exposuimus) concessa erant mysteria, periisse, & in oblivionem devenisse. Nihil enim permisum erat literis mandare, nisi ea quæ in Libros sacros digesta & relata erant. Nôsti enim Talmud ipsum inter nos receptum, olim non fuisse in certum Librum digestum, propter rationem istam, quæ tum passim obtinebat in gente nostrâ: VERBA QUÆ DIXI TIBI ORE, NON LICET TIBI SCRIPTO DIVULGARE.*

Hæc

HÆC est sententia Maimonidis de occultâ veterique Judæorum sapientia. Alii antiquam Cabalam in duo capita partientes, Barischith & Merkavah, illic philosophiam naturalem, hic Metaphysicam intelligi: atque primum in Genesi Mosaicâ, alterum in Ezekielis visionibus, fundari statuunt. Neque ab hâc sententiâ abhorreere videtur idem Maimonides. Sed qui hanc viam insisunt, per leves & incertas allegorias, Mosén & Ezekielem ad suas partes & ad sua proposita, contorquent & accommodant. Mihi quidem videtur fieri vix posse ut omni careat fundamento Cabala Judaica: fœdissimè licet à Neotericis corrupta & adulterata. Etiam antiquis Fabulis aliquid subesse, fundamenti loco, plerumque conceditur; neque verisimile est, è nihilo provenisse famam & existimationem doctrinæ Cabalisticæ, à tot sæculis sermonibus hominum agitatæ, & à nonnullis omni studiorum contentione cultæ & propugnatae. Si veniam damus conjecturis, in illam opinionem facilè descenderem, Antiquam Cabalam *Realem* (nam *verbalis* est figmentum humanum) tractasse potissimum *de Rerum Originatione, & Gradationibus*. Sive de modo productionis aut profluxûs rerum à primo Ente, & earundem rerum gradibus & descensu à summis ad ima. Atque

Ibid. c. 17.

hæc per suos mundos, & Sephiroth : & Personas & portas : per sua lumina & radios, & vasa & receptacula, & cortices alioſque modos, efferunt ; qui veritatis ſpeciem aliquam aut umbram retinent. Neque mirabimur hanc doctrinam nimia vetuſtate in fæces degeneraſſe : nam, præter cauſas à Maimonide ſupra memoratas, notum eſt, Traditiones non penitus intellectas facile perire. Sed ut eſt ferax ineptiarum ingenium humanum, damnum compenſari ſolet novis additamentis, & multiplici proventu fabularum : quibus, tanquam zizaniis, quæ ſuperſunt bona ſemina maximam partem ſuffocantur. Aperte dicam : quicquid veri ſolidique habuit Cabala Judaica, multas ob cauſas ſenſim imminutum aut vitiatum fuit : Doctores autem Hebræi, quò nomen antiquæ Cabalæ & myſticæ alicujus ſcientiæ gloriam apud ſe retinerent, quod deperditum erat, ſuis inventis imaginariis reſarciebant ; &, prolabente tempore, per novos commentatores aliis aliisſque ſuperinductis figmentis, tandem tota abiit in confuſionem. Quale quid eſt illa farrago, quam hodiè *Cabalam* appellamus.

DIXIMUS ſuprà, id ſibi propoſuiſſe antiquam Cabalam, quantum conjecturis aſſequi licet, ut nobis exponeret Rerum
om-

omnium processum à Primâ Causâ, & earundem in primam Causam recessum. Notandum est enim, credidisse Antiquos, *ex nihilo nihil fieri* : & quicquid est substantiæ, aliquo modo semper extitisse, semperque extitutum. Doctrinam enim de educatione rerum ex nihilo, & reductione in nihilum, Philosophis ignotam, primum invexisse videtur Theologia Christiana : ut apud Stoïcos, Platonicos, aliosque videre licet. Neque in aliâ sunt sententiâ, ut mihi videtur, Cabalistæ : quandoquidem rerum ortum per *Emanationes* à primâ causâ explicant. Quod emanat autem ab alio, præ-existit ; licet sub aliâ forsan specie aut formâ. Loquuntur itidem de retractione rerum in primum Ens, revolutione & restitutione ad primævum statum. Quasi hanc animo concepissent Ideam, primum Ens, sive *En soph*, in se continere omnia : & eandem semper esse Entitatis quantitatem in universo, sive sit in statu creato, sive increato. Cum est in statu increato sive antemundano, Deus est omnia simpliciter : cum autem fit mundus, non augetur quidem Entitatis gradus aut mensura, sed Deus sese explicat & evolvit, per emanationes & effluxus à summis ad ima : quibus constituuntur diversæ rerum cre-

atarum formæ & ordines. Ideoque, sæpe verba faciunt de *Vacuis*, & de *Vasis* & *Vasculis*, quasi ad recipiendos hos effluxus : & de *Radiis* effluentibus : & de *canalibus*, quibus decurrunt & propagantur. Denique, cum Deus retrahit hos radios & reforbet, perit mundus externus, atque omnia iterum fiunt Deus. *Emittis spiritum, creantur : abscondis faciem, perturbantur.*

Idem docent hodierni Brachmanes apud Indos.

DIXI autem, eadem ferè docuisse veteres sapientes, de rerum origine & progressu à Deo : & vicissim de earundem regressu aut resolutione in Deum. Creatio & Annihilatio hodierno sensu, sunt voces factitiæ : neque enim occurrit, apud Hebræos, Græcos aut Latinos, vox ulla singularis, quæ vim istam olim habuerit. Præterea, quoad Philosophos, notum est, in Stoicorum Scholâ præfata dogmata obtinuisse. Aiunt enim illi res omnes, suo modo, participare Deum, animasque nostras nominatim esse *μέμειναι δὲ τοῦ ἀπὸ πλάσματος* unde Seneca de Animo, *Quid est autem cur non existimes in eo divini aliquid existere, qui Dei pars est.* Et apud Ciceronem dictum est, *à naturâ Deorum haustos animos & delibatos habemus, & decerptos à divinâ mente.* Neque minùs in Deum refundendos esse statuunt, post certas temporum peri-

periodos. *Resoluto Mundo*, ut inquit Epist.6.

Seneca, & *Diis in unum confusis, Jupiter, paulisper cessante naturâ, acquiescit sibi, cogitationibus suis traditus.*

Credebant, Universum alternare vices : nunc in Jove, nunc extra Jovem, consistens. Secundum illud Zenonis,

κατὰ χρόνον ποιεῖ περιόδους ἀναλίσκων εἰς ἑαυτὸν ἢ ἅπαντας ἰστίαν, καὶ πάλιν ἐξ ἑαυτοῦ γινώων.

Deus secundum quasdam temporum periodos resorbet res omnes in seipsum, & dein easdem ex seipso regeneret.

FACILIS est comprehensu hæc Stoicorum Hypothesis, sed nimis crassa ; ad materiam enim & res materiales omnia restringunt, & per Jovem ipsum nihil aliud intelligunt quàm simplicem Æthera ; in quem resolutum iri totum mundum credunt, denuò rediturum, statò tempore, in formam & faciem Naturæ ; hoc est, in varias corporum formas & rerum ordines, quem Mundum appellamus. Sed ultra vim & ambitum Mundi materialis, alium agnoscunt Egyptii, Orphici, Pythagorici, Platonici : qui tamen omnes, quoad rerum originem & finem, plurima habent Cabalisticis affinia. Deum esse, aliquo modo, omnia ; multoties & multifariam innuunt Platonici ; & per emanationes vel irradiationes sui mundum produxisse. Crediderunt

ve.

veteres, cujuscunque ordinis, quantum mihi constat, *ex nihilo nihil fieri* ; neque aliquid in nihilum reverti posse. Idque non tantum intelligunt de *generationibus* quæ dicuntur, sive de transformationibus rerum aliarum in alias, in mundo jam facto : sed etiam, ut vocibus receptis utar, de Creatione & Annihilatione : quasi antè Mundi ortum, aut post ultimam abolitionem, non essent prorsus nihil rerum essentiae, sed haberent semper suum modum subsistendi in naturâ divinâ, licet sine omni distinctione individuorum. Porro, Circuitum quendam instituisse videntur, innumeris sæculis peragendum, inter hos duos rerum universarum maximè diversos ordines : statum scilicet Creatum & Increatum. Et finito mundi curriculo, refutisque omnibus in primam causam, fit quædam ἀποκατάστασις καθολική, & ut ita dicam, Deificatio universalis. Denique, hunc statum rerum Deificum non æternum fore autumant, sed, post immensâ æva, novum iterum oriturum esse mundum : atque has factorum vices & alternationes perpetuò duraturas.

Hæc propterea pluribus exposui, quòd obscura magis elucescunt comparatione rerum, vel similium, vel oppositarum. Neque ulla mihi nota est philosophia aut hypo-

hypothesis, quæ propiùs accedit ad Cabalisticam, eâ quæ jam descripta est. Quod si forsân non occurrant singula apud dictos philosophos quæ ad absolvendam hypothesein adjunximus, omnium saltem fundamenta & stamina apud eos reperiuntur; & si perficere voluissent telam suam, & ad exitum perducere, his filis contexenda esset. Dein, quoad Cabalam, neque illa forsân explet omnes partes hujus hypotheseos: cum circa rerum origines multò magis versetur, quàm in earum finibus & periodis explicandis. Sed quæ defunt aut vitiantur, supplenda sunt & corrigenda, secundùm analogiam principiorum, & congruenter elementis Cabalisticis: ut totum opus sibi constet, atque omnibus suis numeris absolvatur. Denique, cum aliquamdiù mecum reputâsssem, siquid esset in sapientiâ veterum, siue Græcâ siue Barbaricâ, quod cognitionem aliquam haberet aut similitudinem cum Cabalâ Judaicâ, nihil in utrâvis reperi, quod ipsam specie & vultu magis referre videretur, quàm præfata Hypothesis, de originatione rerum à Primâ Causâ per effluxus & emanationes: & earundem, finito circulo, in suam originem refluxu. Hæc autem mysteria, *de modo ortûs & occasûs Rerum*, in hac infimâ vitâ & umbrâ mortis, ubi jam versamur, captum

captum humanum reverâ superant, atque ideo frustra affectantur. Quod si aliàs tibi minùs placeat hæc interpretatio, neque in his latere existimes Arcanum Cabalæ; esto; ego non contestabor litem. Sed me fines itidem uti meo jure, neque à propriâ sententiâ dimoveri: quæ hujusmodi est, Cabalam Judaicam vel esse somnium sine Interprete, nisi ad hunc sensum convertatur. Et quicquid olim fuerit, hodiè est *instar salis infatuati: ad nihil valet amplius, nisi ut foras abjiciatur.* Hæc de Cabalâ Judaicâ.

N O N me pœnitet, quod diutiùs in hoc argumento moratus sim, cùm ex eo pendeat, quicquid à Judæis afferri solet de rerum divinarum & naturalium cognitione. Nempe nihil celebrant Judæi sapientiæ nomine, præter Legem & Cabalam: & quæ latent in Lege mystèria, vi & ope Cabalæ recluduntur. Neque tamen hæc scripsi ad doctrinam illam refellendam: refelli enim non potest quod in tenebris absconditur: sed ut modum ostenderem, quo in lucem proferri debeat, vel ad æternas tenebras damnari. Intereà ne noceat incautis, & cæco tramite in errores ducat, præmonui, & pro viribus obstiti.

Sapi-

---- *Sapientia prima est,
Stultitiâ caruisse :*

Primusque ad veritatem gradus, *præ-
cavere errores.* Ad quos evitandos,
in sapientiæ studio Legis vim semper
habeat, *N U L L I* Autoritati præter
Divinæ : nulli rationi præter claræ &
distinctæ, fidem penitus adhibendam
esse.

SÆPÈ autem ex ipsa aviditate au-
gendæ scientiæ, in errores dilabimur ;
vel ob præcipitem animi assensum,
ante examen peractum : vel earum re-
rum cognitioni inhiando, in quibus nul-
lum examen locum habere potest. Neme-
pe quæ viribus nostris attingi nequeunt,
neque ullo lumine, vel à naturâ nobis
dato, vel cœlitus admisso. Hujusmodi
sunt speculationes illæ de Mundo An-
gelico, ipsiusque apparatu. In quot
summa genera, & subalternas classes
distribuitur Hierarchia cœlestis : quid
agunt, quæ loca habitant. Facile cre-
do, plures esse naturas invisibiles quàm
visibiles, in rerum universitate : plures-
que Angelorum ordines in cœlo, quàm sunt
piscis in mari ; sed horum omnium fami-
liam quis nobis enarrabit ? & gradus, &
cognationes, & discrimina, & singulorum
munera ? Harum rerum notitiam semper
ambivit ingenium humanum, nunquam
attigit.

attigit. Theologi Ethnici multa philosophantur circa mundum invisibilem, Animarum, Geniorum, Manium, Dæmonum, Heroum, Mentium, Numinumque & Deorum. Ut videre est apud Jamblicum de mysteriis Ægyptiorum, apud Psellum & Plethonem in Chaldaicis, & passim apud Authores Platonicos. Hos etiam imitati sunt ex Christianis Theologis nonnulli, circa Angelorum ordines: & Pseudo-Christiani Gnostici, sub Æonum & Deorum nominibus, multa confinxerunt in hâc materiâ. Denique Cabalistæ, in suo mundo Jetzirathico, myriades Angelorum lustrant, sub Ducibus Sandalphone & Metatrone; prout istarum rerum studiosis notum est. Sed ad quid valent hæc omnia? Quid sinceri solidique habet hæc Philosophia Seraphica? Non sum nescius, mundi Angelici meminisse Apostolum Paulum, & in eo distinxisse plures ordines & classes. Sed in genere tantum; de his non philosophatur; nihil speciatim docet aut disputat: quinimò reprimendos esse censet eos, tanquam vanâ scientiâ inflatos, qui in hæc incognita & inscrutabilia tenere sese ingerunt. Juvat utique, non diffiteor, quandoque in animo, tanquam in Tabulâ, majoris & melioris mundi Imaginem contemplari: ne mens assuefacta hodiernæ vitæ minutiis, se contrahat

Col. i. 16.

Eph. i. 21.

Col. ii. 8.

18.

hat nimis, & tota subsidat in pusillas cogitationes. Sed veritati interea invigilandum est, modusque servandus, ut certa ab incertis, diem à nocte, distingua-
mus. Sapientis enim est, non tantum, ea quæ sciri possunt, scire: sed etiam, quæ sciri non possunt, discernere & dis-
criminare.

HUIC dissertationi de Judæis finem imposituro, venit mihi in mentem Essenorum sive Essæorum, pervetustæ, celeberrisque olim Sectæ, apud Judæos: qui priscorum Philosophorum speciem præ se ferebant, ipsosque Brachmanas institutis & vitæ ratione imitari videbantur. Jof. cont.
Ap. lib. 1.
Horum meminerunt Authores varii. Plinius, subridens, ex pœnitentibus & pertæsis humanæ vitæ cœtum illum compositum ait, neque unquam defecisse per aliquot annorum millia, licet ἀγνόντες καὶ ἀσυνεταίους. *Gens sola, inquit, Esseni, & in toto orbe, præter cæteras, miræ. Si-
ne ullâ fæminâ, omni venere abdicatâ, sine pecuniâ, sociâ Palmarum. In diem ex æquò convenarum turba renascitur, frequentantibus, quos vitâ fessos, ad mores eorum fortunæ fluctus agit. Ità per sæculorum millia, (incredibile dictu) gens æterna est, in quâ nemo nascitur. Tam fœcunda illis aliorum vitæ pœnitentia est.* Argutè dictum, si minus verè. Horum Philosophorum
vivam

Hist. Nat.
lib. 5. c. 7.

Quod om-
nis probus
liber. & de
Vit. Con-
templ.
& in Apol.
pro Jud.
apud Euseb.
Item Jos.
Ant. lib.
18. c. 2 &
de Bel. Jud.
lib. 2. 12.

vivam imaginem depinxit Philo Judæus :
vitâque eorum exhibuit, illi simillimam,
quam duxerunt olim in Paradiso innocui
parentes: & nos iterum ducturi sumus,
Deo volente, in novâ Terrâ Futurâ.
Onerosum esset totum Philonis de hâc
re sermonem adducere: sed, quod huc
spectat maximè, quid de Philosophiâ fen-
serint, itâ paucis enarrat. *Φιλοσοφίας ἡ, τὸ
μὲν λογικὸν, ὡς ἐκ ἀναγκαῖον εἰς κτῆσιν ἀρετῆς, λογος-
θήσεται τὸ δὲ φυσικὸν, ὡς μᾶλλον ἢ κατ' ἀνθρώπινον
εἶναι, μάλιστα ἐν ἀπολιπόσει, πλὴν ὅσον αὐτῇ
περὶ ὑπάρξεως Θεοῦ, καὶ τῶ πατρὸς γενέσεως φιλοσο-
φεῖται τὸ ἠθικὸν εὖ μάλα διαπονοῦσιν, &c.* *Phi-
losophiæ partem Logicam, ut parandæ
virtuti non necessariam, relinquunt ver-
borum captatoribus. Physicam verò, ut
humano captu majorem, rerum subli-
mum curiosis: eâ parte exceptâ, quæ
de existentia Dei, rerumque ortu, phi-
losophatur. In morali autem se stre-
nue exercent, &c.* Pauca habent, ut
vides, in philosophiâ naturali, sed gra-
vissima, capita: de Deo nempe, mundi-
que ortu. Sed quâ ratione Mundi Ori-
ginem exposuerint, aut quatenus à Mose
discefferint, non indicat Philo. Neque
plura suppetunt, quod sciam, apud au-
thores, Essenorum dogmata physica:
modò ea adjunxeris, quæ, ex illorum
mente tradit Josephus, de Animarum im-
mortalitate & futuris Paradisis. Reli-
qua

Bel. Jud.
lib. 2. 12.

liqua in suis Libris Sacris, quorum ille ^{Ibid.} meminit, occuluerunt : & quærenda sunt maximè apud Brachmanas. Apud Brachmanas dico : cum illorum esse propaginem Essenos, ex Clearcho notarit Josephus. Ità enim Clearchum intelligo, ^{Cont. Ap. lib. 1.} non Judæos in genere, sed Scholam Essenicam derivatam esse à Bragmanicâ. Quod ex cognatis moribus & institutis non malè arguitur.

HACTENUS de Judæis; de quorum Theologiâ & Philosophiâ integrum tractatum conscribere apud se constituerit Josephus : ut patet ex proœmio ad Antiquitates suæ gentis. Hunc tractatum, ^{Philœtiam opus non dissimile scriptis dicitur, Phot. B B. cod. 104.} si absolutum salvumque haberemus, quid valuerint in Scientiis Judæi, usque ad sua tempora, unico intuitu constaret. Ex illo autem tempore, uti periêre funditus Esseni, ita Cabalistsæ magis magisque degenerârunt : & doctrina illa, per tot manus tradita, & per tot sæcula, tanquam vinum sæpius transfusum, tandem in vappam desiit. Id quod pluribus argumentis aliunde constitit, & ex eo denique persuaderi possit, quod hi Authores, cum de rebus clarioribus & notitiæ nostræ subjectis philosophantur; ut de naturâ Animæ, de Cælis, aut aliquâ parte mundi corporei; vel planè aberrant à scopo, vel nihil supra vulgus doctorum sapiant. Quantillum itaque

H me-

merentur fidei, cùm de rebus sublimioribus, & humano ingenio inaccessis, obscura, ambigua, & ambagiosa oracula profuerunt? Sed de his fatis, & de Literis Judaicis.

C A P. VIII.

De Ægyptiis, & multifariâ eorum Literaturâ.

TANDEM ad Ægyptios perventum est. Qui in secundis tertiisque stare meruissent, si cuilibet genti locum suum aut secundum temporis ordinem, aut dignitatis, dedissemus. Populus enim Ægyptius & perantiquus est & percelebris sapientiâ; quorum utrumque id testari possit, quod inter laudes & ornamenta Mosis numeretur, cum Ægypti sapientiam calluisse. Hæc igitur erat neque Mose posterior, neque viro illo maximo indigna. Præterea, ad magnificandam sapientiam Solomonis, superasse dicitur sapientiam Orientalium, atque *omnem sapientiam Ægyptiorum*; quo planè innuitur, Ægyptiacam illam fuisse illustrem, quâ major in comparatione nominari non poterat. Hæc à sacris testibus. Idem testantur affatim Græci, non verbis
tan-

A&.vii.11.

1 Reg. iv.
30.

tantum, sed re & operâ: eorum enim præstantissimi, quod suo loco explicabitur, Ægyptum petebant, tanquam Philosophorum scholam, & diviniore literaturæ fontem. Romani denique, Ægyptios *omnium Philosophiæ disciplinarum parentes*, atque *solos divinarum rerum conscios*, nuncupabant. Qualis autem fuerit, & quotuplex illa sapientia Ægyptiaca, pluribus dicendum est.

Macrob.
Som. Scip.
lib.1. c. 19.
Saturn. lib.
1. c. 14. &
lib.7. c. 13.

GEOMETRIA ab Ægyptiis inventa fuit, secundum communem sententiam; atque primum occupata in dimetiendis & definiendis agris, quorum terminos auctus Nilus quotannis confundebat. Huic autem causæ vel occasione si artem cœvavam statuant, arguit summam scientiæ Ægyptiacæ antiquitatem. Sed ut nulli genti, nulli ævo, nimium attribuamus, facile credo hanc antiquam Ægyptiorum Geometriam, non solertem & profundam fuisse, ad omnes magnitudines Geometricas & subtiles Theorias, qualiter est hodierna, protensam; at in Geodæsiâ, quæ dicitur, aliisque documentis practicis quæ vitæ commoda spectabant, substituisse: & quemadmodum olim Plato distinxit Ἀστρονόμος & Ἀστρονομύλας, ita hîc distinguendum esse videtur inter Γεωμέτρως & Γεωμετρήνλας quales fuisse antiquas gentes, initiatos scilicet, non Mystas in hac disciplinâ, illud argumento esse videtur, quod

Herod. in
Euter.
Diod. Sic.
lib.1. Laert.
procem.
Strab. lib.
16, & 17.
Plato in
Phædro.
Achil. Tati-
us ad Arat.
Phœn.
princ.
Jamb. de
vir. Pyth.
p. 144.

InEpinoma.
p. 990.

Lact.

Pythagoras, qui eas omnes inviserat ad corradendam à singulis scientiam, cum redux in patriam, *virtutem lateris oblongi in triangulo rectangulo ad cetera comparati* ipse excogitasset, maximum duxit & Hecatombe dignum inventum. Neque minùs Thales, qui Geometriam in Ægypto didicit, inventâ circuli & trianguli adscriptione vel inscriptione, gaudio emotus Diis Bovem immolasse dicitur. Cum verò hæc simpliciora, pulchra licet & perutilia, in Geometria Barbaricâ non repererint, frustrâ quis in eâdem quæsiisset theoremata magis operosa, methodósque Analyticas, quæ posteris innotuere: & quæ Græcorum ingeniis, in hac materiâ præclaris, potissimum debemus.

Plat. in
Epinom.
Arist. Me-
taph. 1.
Lact. pro-
cem.
Diod. lib. 1.
Achil. Tat.
ut supra
Manil.
Astron. 1.
In Euter.

ASTRONOMIA etiam dicitur Ægyptio-
rum inventum à plerisque; quam, fere-
no cœlo, innubi & impluvio, adjuti, cæ-
teris gentibus priùs & fœliciùs exercue-
runt. Non nego tamen aliis hanc lau-
dem attribui, & maximè Babylonis; à
quibus Syderum scientiam didicisse Græ-
cos innuit Herodotus; uti Geometriam
ab Ægyptiis: *δοκίμῃ δὲ μοι ἐν τούτῳ γεωμετεῖν
ἐνρεῖσθαι*, de Ægypto loquitur & inunda-
tione Nili, *ἐς τὴν Ἑλλάδα ἐπανελθεῖν πῆλον μὲν γὰρ
καὶ γνώμονα, καὶ τὰ δώδεκα μέρη τῆς αἰῶρος παρὰ
Βαβυλωνίων ἔμαθον Ἕλληνες*. Diodorus autem
ipfos Babylonios, cum suis artibus, tra-
duces

Lib. 1.

duces facit Ægyptiorum; atque ad exemplum Ægypti, sacerdotum ordines & scientiarum studia instituisse: verba ipsius apponam, οἱ δὲ ἐν Αἰγύπτῳ φασὶ καὶ μετὰ ταῦτα ἀποικίας πλείους ἐξ Ἀγύπτου κατὰ πάσων διασπαρῆσαι τῶν ὀικουμένην· εἰς Βαβυλῶνα μὲν καὶ ἄλλας αἰνοῦσας Βῆλον τὴν νομιζόμενον Ποσειδῶντος εἶναι καὶ Λιβύης· ὃν παρὰ τὴν Εὐφράτην ποταμὸν καθιδρυθέντα, τὰς τε ἱερεῖς καταστήσασθαι παρεπλησίως τὰς κατ' Ἀγύπτου ἀτελεῖς, καὶ πάσης λειτουργίας ἀπολελυμέναις, ὥς Βαβυλώνιοι καλεῖσθαι Χαλδαίους· τὰς τε παρατηρήσεις τῶν ἄστρον τότε ποιῶσιν, μεμνημένους τὰς παρ' Ἀγυπτίοις ἱερεῖς καὶ οὐσαντες, ἔπ' αὐτῶν Ἀστρολόγους. Quæ ita reddit interpretes; *Plurimas etiam postea ex Ægypto colonias in orbem terrarum disseminatas esse, dicunt. In Babylonem Belus, Neptuni & Libyæ, ut creditur, filius, coloniam duxit; & delecta apud Euphratem sede, Flamines, pro more Ægyptiorum, impensis & oneribus publicis exemptos, instituit; quos Chaldaeos Babylonii nominant. Hi stellas, sacerdotum in Ægypto, Physicorumque & Astrologorum exemplo, observant. Rectè videtur Cicero utroque populos in hæc re conjunxisse; Ægyptii & Babylonii, inquit, in camporum patentium aquoribus habitantes, cum ex terra nihil emineret quod contemplationi cæli officere posset, omnem curam in syderum cognitione posuerunt.*

I. lib. 1. de Div.

Ego lites illas de primatu literaturæ inter gentes, aut primâ scientiarum inventionem, parvi facio; cum easdem à pluribus simul inventas esse nihil impedi- at; atque nostra magis intersit scire, qui auxerint adjuverintque scientias, quous- que perduxerint, & quæ monumenta aut dogmata, quorum ope in iisdem exco- lendis proficere liceat, posteris reliquerint. Quod autem de Geometria Barbaricâ dix- imus, idem ferè de eorum Astronomiâ dicendum esse censeo, eam non accuratam fuisse, aut universalem. Sapiebant As- tronomiam veteres, ut Plutarchus ait, de Numâ Pompilio, ἡ ψαλοῦ τῆς καὶ τῆς πλεῖς καὶ ἑκατὸν περὶ μαθηματικῆς, ὥστε ἀκριβοῦς, ὥστε παντάπασιν ἀθροισ- τῆς. Quædam cœlorum phænomena ob- servabant, sed observatu faciliora; fixa- rum ortus & occasus, errantium periodos & revolutiones; & in usus Genethlia- cos, quibus nimium indulgebant, Zodiaci partes, & Planetarum aspectus. Præter- eà æquinoctia & solstitia, aliaque ad anni formam explicandam necessaria. Et quidem, si rem rectè assequor, *Agricul- tura, Genethliaca, & Calendarii* ratio- nibus, eorum Astronomia, aut unicè, aut potissimum, inserviebat. Planetarum The- orias, artis illius partem maximè opero- sam, penetrâsse veteres, aut complexos esse, non constat. Hypotheses motuum cœlestium primus Eudoxus constitui-
dici-

dicitur; atque tabulas motuum, primus Ptolomæus. Methodos illas & artificia hypotheseon & calculorum Astronomi-
corum facilè credo à Græcorum ingeniis provenisse; minori in studiis apparatu utebantur antiqui, saltem antiquissimi.

DICES forsan & Babylonios & Ægyptios plurimorum sæculorum observationes cœlestes apud se habuisse; rectè, sed quales? prodeant & se monstrent: de phænomenis manifestis, qualia jam attulimus, institutas esse dicimus, aut de Eclipsibus præteritis? præteritis dico, neque enim mihi constat, aut Ægyptium, aut Assyrium Astronomum Eclipsin Solis futuram suâ arte unquam annunciâsse; ob id celebratur Thales, quod Eclipses primus prædixerit, neque hanc illi laudem, quod sciam, Barbarorum quisquam præripuit. De Babyloniiis testatur Diodorus, eos nihil accurati scivisse de Solarium Eclipsium calculis, *περὶ ὃ τῆς κατὰ τὸ πλῆθος ἐκλείψεως, ἀδυνεστάτως ἀποδείξεως φέροντες, ἢ πολλῶσι περιλήγουσιν, ἢ δὲ ἀκριβοῦς ὑπὲρ αὐτῆς παραγράφου τὸς χρόνους.* Has nec prædicere, nec earum tempus definire, audent.

Laerr.
Cicer.
de div. lib.
1. Plin. lib.
2. c. 12.
lib. 2. m.
fol. 117.

Hæc autem circa Astronomiam Barbaricam notavimus, non tam ex historiâ & certis testibus, quàm quod consequentia sint ad res notiores, neque aliunde redargui possunt. Non me latet semel at-

Lib. 1. fol.
71. & fol.
46. m.

In Tim.
Plat. lib. 1.
p. 45.
Laert.
procem.

que iterum innui à Diodoro exactam rerum cœlestium scientiam & observationes accuratas habuisse Ægyptios; sed hoc comparatè ad cæteras gentes intelligo; cum sine geometriâ & telescopiis harum rerum accurata scientia vix & nè vix haberi poterat. Cæterum his non obstantibus, verum mundi systema antiquis innotuisse, syderumque tam errantium quàm inerrantium naturam & materiam, verisimile est; atque hinc suam doctrinam de mundi formâ, & de corpore Lunari, quod Ἀντίχθονα appellat, sumpsisse Pythagoram. Cum eandem Lunam appellârint Ægyptii ἀνδρείαν ἡν, teste Proclo: & τὸς ἀσέρας πῦρ τινει dixerint, quod de Fixis intelligo. Hujusmodi summaria doctrinarum capita, quæ faciliè & paucis tradi poterant, ad dogmata πατερπαροδία referre licet; sed methodos practicas & artes instituendi calculos ad hypotheses particulares, hæc & quæ ab his dependent, cum traditionibus commodè transferri nequiverint, defuisse in veteri Astronomiâ non sine ratione creditur.

Diodor.
lib. 1.

Hæc de Geometriâ & Astronomiâ Ægyptiorum. Musicam etiam & Medicinam coluisse dicuntur: rectè, sed more Antiquorum, sine rerum Theoriâ. Medicina eorum fuit maximâ ex parte περὺ λαγνῆ, facili methodo instituta; & in condiendis quidem cadaveribus, quàm in curan-

curandis corporibus magis studiosi fuisse videntur. Illud autem singulare de iis refert Herodotus, quod pro singulis morbis & partibus affectis singuli essent medici; hic oculorum, ille dentium, alter alvi curam habebat, atque ita de cæteris; neque alter alterius provinciam ingredi ausus sit. Unde, necesse est, scateret regio illa medicolis. De Chemicâ, quæ Ægyptiis etiam à nonnullis ascribitur, nihil habeo quod dicam; cùm eâ de re fileant authores antiqui, & quæ afferri solent à recentioribus, incertâ autoritate, conjecturis, & interpretationibus, aut dubiis monumentis, niti videantur. Quoad Musicam, dicitur quidem Her-
Lib. 2.
c. 84.
Diodor:
mes invenisse tres differentias tonorum, *acutum, gravem, & medium*; atque etiam Lynam trichordem. Sed, referente eodem Diodoro, arcebant viros à discendâ aut exercendâ musicâ Ægyptii, quod eorum animos nimis emolliret. Multis post Hermetem sæculis Pythagoras fertur invenisse rationes harmoniæ ex malleorum ictibus in officinâ ferrariâ; hæc illi magis profuit ad hanc artem quàm tota Ægyptus, aut longa per Orientem peregrinatio. Atque, ut nemini suum invideamus, Græcis accepta referri debent harum scientiarum, ac ferè reliquarum omnium, forma & dispositio: in earum autem causis Physicis indagandis, quæ
ultima

ultima est perfectio, adhuc laboratur. Hisce verò jam relictis, ad Physiologiam Ægyptiorum, quò maximè tendit differentio nostra, accedamus.

Cum Physiologiâ autem conjungere Antiqui Theologiam suam; ac cum de rerum ortu & naturâ differebant, de Diis etiam & eorum origine tractare soliti sunt. Quare apud eos *Cosmogonia, Theogonia, Theologia*, idem ferè valent; atque hæc omnia Philosophiæ nomine jam complectimur. Quid senserint Ægyptii de rerum origine nobis explicuit Diodorus Siculus libro primo; nempe ex confusâ elementorum massa, quod Græci postea Chaos dixerunt, mundum sublunarem formatum esse asseriebant. Atque primam Telluris formam, Sacerdotes Thebani,

Præpar. E-ut ex Eusèbio discimus, voluerunt esse
vang lib. 3. Oviformem. Dein, quoad mundi sublu-
c. 11. naris interitum & rerum exitum, duplicem esse statuebant, per Aquam & Ignem; quod à Sacerdote Ægyptio apud Platonem refertur. Et ἀποκατάστασις, periodos-
que Mundanas, cum primis docuerunt.

In Tim. Orig. cont. Cels. lib. 5. Denique, cœlos & totam rerum compagem quod spectat, systema mundi quod appellamus Pythagoricum, omnium antiquissimum esse, & ab Oriente deductum, nihil dubito; hoc autem inter Mystas reservato, alterum magis percubuisse verisimile est.

ET

ET reverà quæ fuerint dogmata Ægyptiorum, & quid alios docuerint, ab eorum discipulis, philosophis Græcis, rescindendum esse videtur; qui, ut notum est, relicta patriâ, Ægyptum petere solebant ad adipiscendas literas altiores. Ità, exempli gratiâ, si Orpheus suam physiologiam, perinde ac sua sacra, ab Ægyptiis hauserit, in eâ non vulgare specimen habemus sapientiæ Ægyptiacæ; cum & Chaos, & transformationes Chæûs, & Telluris primævæ formam, eum nôsse & explicuisse constet; ut in sequentibus videbimus. Plerumque autem in expendendâ & indagandâ philosophiâ Barbaricâ, erramus, vel minoris, quàm par est, eam esse ducimus, cum hujus aut illius phænomeni particularis explicationem quæsitum imus apud barbaros philosophos. Non enim id agebat philosophia illa antiquissima, ut rerum singularum examen institueret; frustra quæres apud Priscos unde suas vires habeat Magnes, aut unde suos colores cœlestis Iris: quæ sit materia Ignis: quales Aquæ particulæ: aut quantus compressi aëris impetus? Non rerum istarum satagebat prisca sapientia, sed in Phænomenis *MUNDANIS*, ut ita dicam, & quæ totam naturam afficiebant, occupata fuit. Quæ rerum *Origo*, quæ *vicissitudines* & *periodi*, quis *supremus exitus*? Hæc si quæras
ab

ab antiquis, responsum feres. Sed ad Ægyptios nostros redeamus.

QUEMADMODUM apud Persas Zoroaster, ita apud Ægyptios nominatissimus est Hermes Trismegistus; uterque rerum divinarum & humanarum scientiâ celebris, sed utriusque memoriam quandam, potius quàm historiam, tenemus. Pro eodem habeo Ægyptiorum Thoyth, Sanchoniathonis Thaautum, Platonis Theuth, & Druydum Mercurium. Sed quis fuerit, quando vixerit, quos libros exararit, hæc inter ignota aut incerta numeranda esse cenfeo. Virum fuisse maximum, atque tempora Mosaica præcessisse, illud monstrare videtur, quòd, ex communi consensu veterum, fons esset & author sapientiæ Ægyptiacæ, quam Mosem edoctum esse legimus; ideoque Mose priorem statuit Eusebius in suo Chronico. Quoad libros Hermetis, qui circumferuntur sub ipsius nomine supposititios esse, rectè monuerunt & monstrarunt viri eruditi. Is, qui dicitur Asclepius, ab Apuleio, ut fertur, latinè traductus, cæteris habetur antiquior, & nonnulla forsan Ægyptiaca retinet. Immanis erat Librorum Trismegisti numerus, referente Jamblico: nempe ex Seleuci fide & computo, *duæ myriades voluminum*: ex Manethonis autem, *sex chiliades, quingenti & viginti quinque, supra*

Apud Euseb.
In Phædr.
& Phileb.
Cæf. com.
6.

Casaub.
Exer. 1.
Sec. 11.

De myst.
Ægyp. c. 1.
Sec. 8. c. 1.
2.

pra tres myriades. Hic sudant viri docti in expendenda hâc librorum mole: alii versus intelligunt, alii papyri folia, alii oratiunculas & breves sermones. Ego Clementis Alexandrini computum libentius amplector, qui quadraginta duos numerat Hermetis libros, eorumque Catalogum & argumenta exhibet. Consule locum, si placet: ubi obiter processionem antiquo-barbaram Sacerdotum Ægyptiorum, non sine voluptate, videbis. Hos Hermetis libros, si unquam extiterint, longa dies jam sustulit è medio. Ex iis, quæ nuncupantur *πνευματικά*, de principiis rerum generalibus tractabant, adeoque non exigui erant momenti. Præ cæteris autem dolendum est mihi Hermetis Cosmologiam, cujus meminit Philo Biblius, periisse; unde ea quæ commentatus est Sanchoniathon de *mundi origine*, & quæ Diodorus de eâdem materia, ex mente Ægyptiorum traducta esse videntur. Sed de his plura in sequentibus. Denique, quot fuerint Hermes, quis primus, quis secundus, & quâ ratione distinguendi sint, non discussio: neque enim nomina & personas quærimus, sed res & dogmata; & probe novi, in id genus disquisitionibus quàm facile sit ad incerta prolabi.

Strom. 6.
p. 633.

Euseb.
præp. Ev.
li. 1. c. 10.
p. 34.

Hæc hætenus: Quâ ratione antiquæ gentes barbaræ, quæ dicuntur, & potissimum

- simum Ægyptii, sapientiam suam acqui-
siverint, infra erit dicendi locus : quo-
modò autem retinuerint & conservarint,
non inutile erit, coronidis loco, hîc paucis
exponere. Notum est, inter Ægyptios,
scientiarum & disciplinarum studiis fa-
cerdotes, omnium maximè, operam na-
vâsse; neque tantum religionis & rituum
sacrorum, sed philosophiæ etiam curam
& custodiam iis esse demandatam : οἱ δὲ
ἱερεῖς καὶ φιλοσοφίαν ἥσκηον, καὶ ἀστρονομίαν, inquit Stra-
bo, l. 17. Unde præceptores Pythago-
ræ, Platonis, & Eudoxi, in Ægypto, tot
Sacerdotes nominantur ; & Pythagoras
dicitur literas accepisse ab Amasi, Æ-
gyptiorum rege, ad sacerdotes, ut ex-
tero literaturam Ægyptiacam ambienti
faciliores essent aditu. Ità sacerdos erat
qui miranda illa & Græcis inaudita, So-
loni retulit, de Atlantide primæγὰ : &
sacerdotes Memphi, ubi Vulcani Tem-
plum, Philosophos Memphiticos appellat
Diodorus, cum eorum sententiam de for-
mâ tripartitâ Telluris & incrementis Ni-
li recitat. Quid plura addam in re notâ ?
Discipulorum suorum, ex Græciâ adven-
tantium, catalogos retinent & ostentant
sacerdotes Ægyptii, referente Diodoro
Siculo ; οἱ δὲ ἱερεῖς τῶν Ἀιγυπτίων ἱστοροῦσιν ἐκ τῶν
ἀναγεγραφῶν τῶν ἐν ταῖς ἱεραῖς βίβλοις, θαλάσσιον πρὸς
αὐτοὺς Ὀρφέα τε καὶ Μουσῆον, &c. πάντῃ δὲ τῶν
σημεῖα δεικνύουσι, τῶν μὴ εἰκόνων, τῶν δὲ τόπων, ἢ κατα-
σκευασμάτων

Diod. Sic.
l. 1.

Chærem.
apud
Porph. de
abst.

Clem. Alex.
Strom. 1.

Porphyr. de
vit. Pyth.

Tim. Plat.

l. 1. v. fin.

συνασμάτῃ ὁμωνύμους περιηγεῖται. *Atque bonum omnium ostendunt quædam signa aut monumenta, quæ imagines, quæ desumptas è regionibus aut operibus denominationes.* Denique horum sacerdotum collegia erant & sedes in pluribus per Ægyptum locis; sufficit illud Heliopoli notare ex Strabone, teste oculato. Ἐν δὲ τῇ Ἡλιούπολει καὶ οἶκος εἰδομένης μεγάλης, ἐν ᾗ οἱ δὲ ἱερεῖς οἱ ἱερεῖς μάλιστα γὰρ δὴ ταύτην κατοικίαν ἱερῶν γιγνέναι φασί, τὸ παλαιόν, φιλοσόφων ἀδράων, καὶ ἀστρονομικῶν, ἐκλέλοιπε δὲ καὶ τὸ τοῦτο συνὲ τὸ σύστημα καὶ ἀσκήσεις. Ἐκεῖ μὲν ἦν ὅδῃς ἡμῖν ἐδείκνυτο τῆς τοιαύτης ἀσκήσεως προεσῶς, ἀλλ' οἱ ἱεροποιοὶ μόνον, καὶ ἐξηγηταὶ τοῖς ξένοις τῷ περὶ τὰ ἱερά. Hic ait se vidisse domicilia in quibus egerant Eudoxus & Plato, qui per tredecim annos, ut fama erat, cum his sacerdotibus versati fuissent. Sed ut pergamus.

HANC suam sapientiam partim columnis partim libris sacris inscriptam, conservabant Ægyptii. Hæc paucis ignota sunt: neque tantum Ægyptii, sed aliæ etiam gentes antiquissimæ columnis insculpere solebant res ad posteros transmittendas. Nota est de columnis Sethianis ante diluvium narratio Josephi; quem penes sit fides. Sed de Babylo-
 Lib. I. c. 4.
 nīs certior est memoria, unde observationes Chaldæorum circa Eclipses desumpsisse Callisthenem probabile est. Epigenesque, apud Plinium, ait, *Babylonios*
 Simpl. in
 I. 2. de cœl.
septin- L. 7. c. 56.

septingentorum & viginti annorum observationes Syderum, cœtilibus laterculis inscriptas retinuisse. Præterea ex columnâ Babylonicâ descripsisse dicitur

Clem.Alex.
Strom. 1.

Democritus sermones suos morales. At cæteris omnibus celebriores sunt Hermetis columnæ in Ægypto, quarum meminere plurimi & probatissimi authores. His aiunt Mercurium doctrinam suam antiquitus inscripsisse, eandemque expositam & elucidatam, Mercurium secundum multis libris complexum esse. Id saltem constat, ex his columnis multa desumpsisse & Philosophos Græcos & & Historicos Ægyptios. De Platone notat Proclus, ex Crantore, sacerdotes Ægyptios affirmare quod sermonem Atlantium ex his columnis mutuatus esset, easque ætate Procli aut Crantoris adhuc fuisse superstites. *Ἐν σήλαις ταῖς ἐνι σωζομένοις ταῦτα γιγνῆσθαι.* Suam itidem Philosophiam hinc accepisse Pythagoram

De myst.

Ægypt.

Sec. 1. c. 2.

agnoscit Jamblicus, *κατὰ τὰς Ἑρμῆ παλαιὰς σήλας, αἷ Πλάτων ἤδη προῖον ἐν Πυθαγόρῃ διαγνόντες, φιλοσοφίαν συνεσέθεντο* quas Plato & Pythagoras ante eum legentes, philosophiam indè constituerunt. Alii etiam, ut Sanchoniathon, Phœnicus, iisdem monumentis usi sunt : ille, ex Taauti libris & Templorum inscriptionibus, ἀναγεφῶς, philosophiam suam & rerum gestarum memoriam retulisse dicitur. Denique

que

que, ex eodem fonte, Manetho, scriptor & propheta Ægyptius, suam prom-
psit historiam sacram: ubicunque fuit illa Terra Seriadica, in quâ positas esse has columnas asserit. Euf.Chron.

AMMIANUS Marcellinus, qui Ægyptum peragraverat, rerum mirandarum non incuriosus spectator, has Stelas in cavernis quibusdam aut subterraneis fornicibus, quas propriâ voce *Zúerysæ* dixere, reconditas fuisse ait; idque non procul à Thebis sive Diaspoli. Addit præterea ante Diluvium hic repositas esse: ut aquarum, opinor, injuriis immunes essent. Ante-diluvianas fuisse itidem asserit suas Manetho; atque idem de suis Sethianis Josephus. Unde non immeritò suspicari licet easdem esse columnas, has & illas, sub alio nomine; præsertim cum non multum sit discriminis inter vocem *Σεραδική* Josephi, & *Σηεραδική* Manethonis. Jucundum quidem esset Archæologias ante-diluvianas, vel monumenta literaria alterius mundi spectare & perlegere; sed cum fusque deque versabantur omnia in Cataclysmo, ægrè credo conservari potuisse in illâ ruinâ universali, aut postea integras reperiri, hujusmodi qualescunque inscriptiones. Quanquam, ut verum fatear, siqua tentanda esset via, aut quærendum munimen contra vim & impetum tantæ cladis, nihil tutius esse poterat

I

terat quàm quod in solidâ & subterraneâ lapicidinâ aut mafsâ faxeâ insculptum hærebat. Sed cùm de re constiterit, de tempore aut loco litem non movebimus.

INSCRIPTIONIBUS sacris succedunt *Sacri Libri Ægyptiorum*; aliquanto recentiores, sed non minùs celebres. Horum meminerunt plerique authores qui de rebus Ægyptiis scripsêre. Diodorus, cùm de sacerdotum Ægyptiorum studiis & officiis loquitur, inter alia, principibus adstare dicit, ἐν ᾗ ἐν ταῖς ἱεραῖς βίβλοις ἀναγεγραμμένων πράξεων, τὰς ὠφελεῖσαι δυναμένας ἀναγνωσκόντες. Et his Commentariis referunt nomina & Catalogum Græcorum Philosophorum, ut infra videbimus, qui sapientiam Ægyptiacam edocti fuissent, οἱ δὲ ἱερεῖς ἱστορεῖσιν ἐν ᾗ ἀναγραφῶν, ᾗ ἐν ταῖς βίβλοις, &c. His usum esse Sanchoniatonem in opere suo Phœnicio componendo innuit Philo Biblius, cùm ea quæ

Euseb. præp. Evang. l. i. c. 9. Jos. contr. Ap. l. i. scripserat eum contulisse ait, τοῖς ἀπὸ ᾗ ἀ-
 λύτων εὐρεθεῖσιν ἀπὸ κρύφους Ἀιμυνίων γραμμάτων συγ-
 κειμένοις. Manetho etiam dicitur Ægypti-
 tiacam suam historiam ἐν ᾗ ἱερῶν γραμμα-
 τῶν μετερμηνεύειν. Neque enim ea tantum
 quæ ad Deorum cultum aut imperii le-
 ges spectabant, in his Libris conscripta
 fuere, sed historica, qualiacunque ma-
 joris momenti, miscellanea etiam, &
 omne genus philosophica. Scilicet id
 pensi

penſi & curæ datum erat ſacerdotibus, ut referrent in hos commentarios quicquid eſſet memoriâ & poſteris dignum ; & quæ à majoribus accepiſſent, in iisdem ea cuſtodirent diligenter. Ità Soloni retulit Flamen Saiticus, *quæcunque erant memoratu digna in Temp- In Tim. lis eorum deſcribi.* Et miratur Strabo l. 17. in hos Libros non relatum fuiſſe quod de *Nili origine* & incrementis ſenſerint illi inter Veteres qui Æthiopiam permeâſſent. *Θαυμασὸν ἐν πῶς ἐκ τῶν ποιῶτων ἀγορευόντων ἢ τελείως ἐναργῆς ἢ ἢ περὶ ὁμβρῶν ἱστορία τῆς τότε καὶ ταῦτα τῶν ἱερέων φιλοπραγματιάζοντων ἀναφερόντων εἰς τὰ ἱερὰ γεράμματα, καὶ ἀποθημεύοντων ὅσα μάστιγι περιτλὴν ὀπταίνουσι.* *Mirum itaque eſt cur tantis oblatiſ inveſtigandi occaſionibus, non prorsùs innotuerit imbrum hiſtoria ejus ætatis hominibus : præſertim cùm ſacerdotes curioſiùs in SACROS LIBROS referrent & reponerent, quæ ſubtilioris aliquid haberent cognitionis.* Heliodorus autem in his, ut videtur, inſtructior, Græcis multa percontantibus de Nili fontibus & inundationibus, ſe reſpondiſſe ait ex propriâ ſcientiâ, & ex iis quæ in *Sacris Libris* præſcripta erant ; ὅσα περὶ ποταμῷ τέτι βίβλοις ἱεραῖς ἀναγεγραμμένα, μόνοις τοῖς περὶ τοὺς καὶ γνώσκουσιν καὶ ἀναμνέσκουσιν ἔξεσι.

Lib. 2.
Æthiop.

Hæc erant monumenta literaria Ægyptiorum, *Stelarum Inſcriptiones & Libri*

Libri Sacri. In utroque autem genere quædam erant obvia & exposita, vulgo & peregrinis; quædam autem in Templorum adytis reservata. Hoc innuit suprà Heliodorus, cùm ait, ὅσα μόνους τοῖς περὶ τοὺς τοῖς καὶ γνώσκουσιν καὶ ἀναγινώσκουσιν ἔξισται & Philo etiam, πῶς ἀπὸ τῶν ἀδύτων ἐπιδείκνται, αἱ δὲ ἐκ τῶν πᾶσι γινώσκονται. Unde Cæsar, apud Lucanum, ad Achorea sacerdotem Ægyptium ita loquitur,

--- *Quodcunque vetustis
Insculptum est adytis, profer.*

Duplex enim erat doctrinæ genus apud antiquas gentes, διμῶδες καὶ ἀπόρρητον, *doctrina vulgaris* & *doctrina arcana*; idque non tantum ob diversitatem materiæ, sed eandem sæpe materiam duplici modo tractabant, populari & philosophica. Illa facilè patebat omnibus, per monimenta publica, & præceptores communes: hæc autem, ne inter manus populi versata, vilesceret aut corrumpereetur, non uno modo occultata fuit & abscondita. Præterquam enim quod hujus doctrinæ monumenta in Templorum adytis, ut jam diximus, latebant, conscripta erant non vulgari genere characterum; à morosis sacerdotibus, quibus id curæ erat, non nisi magno apparatu & exercitatione præeunte, enarranda. Quum verò hæc
non

non sint prorsus indigna scitu, & ad notitiam literaturæ Ægypticæ pertinere videantur, ad eorum explicationem pauca quædam, si placet, ulterius subjiciemus.

DUPLEX erat, ut doctrinæ, ita Literarum genus, apud Ægyptios, *sacrum* & *vulgare*. Id quod testantur Herodotus, Diodorus, Strabo, aliique plures.

Herodotus in Euterpe, Διασίοισι ὃ γράμμασι χρίωνται, loquitur de Ægyptiis, καὶ τὰ μὲν αὐτοῖς ἱερὰ, τὰ δὲ δημοτικὰ καλεῖται. Diodorus

libro primo, Παιδείῃσι ὃ τὲς ἑὸς οἱ μὲν ἱερεῖς γράμμασι διττὰ, τὰ τε ἱερὰ καλέμμενα, καὶ τὰ κοινότητα ἔχοντα ἢ μάθησιν. Quod infra repetit

distinctius, atque *sacras* Ægyptiacas, *vulgares* Ethiopicas esse asserit: Ἰδὼν γὰρ

Αἰγυπτίοις ὄντων γραμμάτων, τὰ μὲν δημοτὴν πρὸς αὐτοὺς πᾶντας μαθήσασιν, τὰ δὲ ἱερὰ καλέμμενα ὧς μὲν τοῖς Αἰγυπίοις μόνον γινώσκουσιν τὲς ἱερεῖς, ὧς δὲ τῶν πατέρων ἐν ἀπὸρρήτοις μαθήσασιν, ὧς δὲ ὃ τοῖς Αἰθίοσιν ἅπαντας τέτοις χρῆσθαι τοῖς τύποις. Cum

enim sue Ægyptiis sint literæ propriæ, vulgares appellatæ, ab omnibus promiscuè discuntur, sacras autem dictas soli

sacerdotes cognoscunt, secretò a parentibus traditas; his autem (Sacris) omnes indiscriminatim Æthiopes utuntur. Unde Sacerdotes illi propriè dicti sunt ἱερο-

γραμματεῖς. Doctrinæ Hermeticæ pars vel methodus mystica, in adytis Tem-

pli Saitici reperta, dicitur ἀναγγραμμένη ἐν De myst.

ἱερογλυφικοῖς γράμμασι, teste Jamblico. Ne- Ægypt. Sec. 8. c.v.

que Libris tantum, sed columnis etiam insignioribus, cum his literis sacris inscriptum erat; ut in Sepulchro Ifidis & Osiridis, quod Nisæ in Arabiâ esse dicitur: Diodorus dicit *σὴλὴν ἐκατέρω τῷ θεῷ ἐπιγεγραμμένην τοῖς ἱεροῖς γράμμασι* & Sesostris columna, quæ in confiniis Arabiæ & Æthiopix posita erat, his literis, juxta Strabonem, transitum ipsius significabat: *Φασὶν ἐν ταύτῃ σὴλὴν εἶναι Σισώσεως τῷ Αἰγυπτίῳ, μνηνύουσαν ἱεροῖς γράμμασι τὴν διάβασιν αὐτοῦ.*

Lib. 16.

Apud Lucianum.

De Macrobo.

NEQUE tamen Ægyptiorum proprium erat institutum illud de duplici genere literarum, sed iis cum aliis gentibus Orientalibus commune, præsertim Æthiopibus & Babyloniis; de quorum utriusque literis sacris scripsisse videtur Democritus, si ex librorum ipsius titulis, *Περὶ τῶν ἐν Μέρῃ, & περὶ τῶν ἐν Βαβυλῶνι, ἱερῶν γραμμάτων*, judicare liceat. *Ἱερῶν λόγων ἑρμηνευτὰς*, apud Babylonios memorat Lucianus; & cum ex columnâ Babylonicâ sermones morales sumpsisse dicitur Democritus, quod supra notavimus, id de eadem Babylone intelligo de cujus literis sacris scripsit; quibus forsân signata fuit ipsa illa columna. Denique Bragmanes Indi, non aliis tantum literis, sed aliâ etiam à vulgari, linguâ, utuntur ad conservandam suam philosophiam. Sed pergamus in proposito.

PRÆTER

PRÆTER has literas ignotas, sacro-
rum monumentorum custodes erant sa-
cerdotes ferè inexorabiles ; qui, Draco-
num instar, his thesauris nocte dieque
incubuerunt : & quod in libris sacris
scriptum erat, non nisi his interpretibus
ad populum pervenit, ut ad externos.
De hâc difficultate questi sunt Philosophi
Græci, qui in Ægyptum profecti ad com-
parandas scientias, multos annos insump-
sère in adeundis & demulcendis sacer-
dotibus. Audiamus Strabonem de He-
liopolitanis, quoad Platonem & Eudoxum.

Vid. Plut.
de Is. &
Osir. p. 354.

Li. 17.
p. 806.

Συνανέβη δὲ τῷ Πλάτῳ ὁ Εὐδοξὸς διῦρος, καὶ συν-
διέτελλον τοῖς ἱερεῦσι ἐκεῖνοι ἐν ταῦθα τελεσχεῖσιν ἕκαστος,
ὡς εἴρηται ποτ' περὶ τῶν γὰρ ὄντας κατὰ τὴν ἐπιστήμην
τῶν ἑρμηνείων, μουσικῆς καὶ ἀστρονομίας, τῶν χρόνων καὶ
ταῖς θεραπαίαις ἐξελεῖσθαι, ὥστε πᾶσι τῶν θεωρημά-
των ἰσορῆσαι, τὰ πολλὰ δὲ ἐπεκρύψαντο οἱ βάρβαροι.

*Eudoxus cum Platone ed, scil. Heliopo-
li, profectus est, & ambo cum sacerdoti-
bus tredecim annos sunt versati, ut à
quibusdam traditum est. Isti sacerdotes,
cùm rerum cælestium scientiâ præstarent,
cæterùm arcanam eam servarent ; ne-
que cum quoquam facile communicare
vellent : tempore & obsequiis tandem
devicti, quædam exposuerunt theorema-
ta, plurima autem Barbari occultabant.
Sed præ cæteris memorabile est exemplum
Pythagoræ, quo hoc δυσπρόσιτον sacerdotum
Ægyptiorum notum faciamus. Ille enim*

cum iter pararet in Ægyptum, rogavit Polycratem Tyrannum, ut Amasi Ægyptiorum Regi, amico & hospiti, scriberet, quò ad doctrinam sacerdotum liberiùs admitteretur; & cum ad Amasin pervenisset, literas itidem ab ipso accepit ad sacerdotes, ut eorum philosophiæ particeps fieret. Unde ad Heliopolitas primùm profectus, ab iis ablegatus fuit ad Memphiticos, tanquam ad Seniores; Memphicodem prætextu dimissus est ad Diospolititas sive Thebanos; illi autem, cum metu Regis, causam nullam ulteriùs obtendere auderent, cum à proposito detertere studebant, laboris & molestiarum magnitudine: ideòque dura admodum, & à Græcorum religione prorsus aliena, ei jam novitio, injunxerunt. Cum verò hæc omnia pertulisset, animo forti & invicto; ut sacrorum & studiorum confors fieret, invitis etiam extorsit. Hæc à Porphyrio narrantur, ex Antiphonte, de *vitâ virorum virtute illustrium*. Ex his probationibus Pythagoræ una videtur fuisse *Circumcisio*; quam subiisse Pythagoram testatur Clemens Alexandrinus: *ἵνα εἰς τὰ ἀδύτα κατελθὼν, τὴν μουσικὴν παρ' Αἰγυπτίων ἐκμάθοι φιλοσοφίας. Ut ingressus Adyta, mysticam Ægyptiorum philosophiam addisceret.* Hoc quidem exigebant Ægyptii sacerdotes, juxta Origenem, ab omnibus qui ad sacra aut scientiarum studia admissi erant.

De Vit.
Pyth.

I. Strom.
P. 302.

Com.in
Rom. c. iii.

erant. *Apud Ægyptios*, inquit, à quibus omnes prope Gentes ritus sacrorum & ceremonias mutuatae sunt, nullus aut Geometriae aut Astronomiae studebat, &c. nisi suscepta circumcissione. Multa erant præterea probationum genera & *κακοπάθειαι*, ut appellat Porphyrius, quibus initiandos exercebant. Fateor autem hoc aliis gentibus, plus minus, in usu fuisse; Celtarum Druides, Judæorum Esseni, Græcorum Hierophantæ, mysteria sua & disciplinam secretam ἀμύητοις tradere noluerunt: quinetiam juramento obstricti erant quandoque ἐν ἀποκρίσει ταῦτα ἔχειν. Idem de Persis, Syris, Indis, rectè observatur. Sed præterquam quod horum multa originis Ægyptiacæ esse credantur, ad alias gentes imitatione traducta: si fortè in sacris aliqui, in scientiarum studiis nulli, adeò difficiles se præstitère ac Ægyptii.

Orig. contra Cels.
lib. 1. p. 11.

DENIQUE, ad celandam suam doctrinam, hieroglyphicis formis, symbolis, ænigmatibus, & fabulis, multa involvebant Ægyptii: dico *hieroglyphicis formis*, nam *sacras literas* prorsus distinguendas esse existimo ab hieroglyphicis formis: cum enim tot & tanta scripta fuerint his literis sacris, Hermetis monumenta, ad aliquot myriadas voluminum, omnes Libri sacri, Columnæ sacræ, & inscriptiones Templorum; vix à me im-
petrare

Jambl. de
myst. Ægypt.
Sec. 8. c. 1.

Lib. 3.

De vitâ
Pyth. p.
185.

petrare possum ut credam tot & tam diversæ materiæ argumenta, Physiologica, Theologica, Moralia, Historica, Politica, exprimi potuisse variis animalium formis, aut corporis humani membris, aut instrumentis mechanicis; ex hisce enim tribus Hieroglyphica Æthiopum & Ægyptiorum constituebantur, referente Diodoro. Quinetiam libenter credo præter sacras eorum literas, & Hieroglyphica, propriè sic dicta, sacerdotibus in usu fuisse alias notas Hieroglyphicas, instar literarum Sinensium; aut Scripturam alterius formæ à vulgari. Atque huic quadrare videtur quod de triplici genere literarum apud Ægyptios tradit Clemens Alexandrinus, Strom. 5. Οἱ παρ' Ἀγυπτί-
οις παιδευόμενοι, πρῶτον μὲν πάντων τὰν Αἰγυπτίων
γραμματῶν μέθοδον ἐκμανθάνουσ, τὴν ἐπιστολογρα-
φικὴν καλεμένην· δευτέραν δὲ τὴν ἱεραπικρὴν, ἣν χρῶνται
οἱ ἱερογραμματεῖς· ὑσάτην δὲ καὶ τελευταίαν, τὴν ἱερο-
γλυφικὴν. Atque hujus rei exemplum habemus in Pythagorâ, qui, juxta Porphyrium, triplices illas Ægyptiorum literas didicit; Γραμμάτων δὲ τεισὰς διαφορὰς ἐξέμαθ, ἐπιστολογραφικῶν τε καὶ ἱερογλυφικῶν καὶ συμβολικῶν, τῇ μὲν κοινολογούμενων κατὰ μίμωσιν, τῇ δὲ ἀλληγορικέ-
ων κατὰ πᾶσιν ἀνιγμῆς. Sed hæc incertiora sunt, neque magni ponderis.

QUOAD symbola & ænigmata, notum est, moris fuisse gentibus antiquis sub his involucris animi sensus tradere; sive ut ingenii

ingenii acumen quoddam & solertiam ostentarent, sive ut proferrent ambiguis & obscuris modis doctrinam arcanam, quam liquidò & palàm enarrare religio erat. Quoad illos lusus & concertationes ingenii per res aut sententias ænigmaticas, symbolicas, aut hieroglyphicas, eorum habemus non pauca exempla inter principes viros gentium barbararum. Rex ^{Clem. Alex. Strom. 5.} Scythiæ, Dario, qui Istrum trajecerat, bellum minans, symbolum pro literis misit, *murem, ranam, avem, jaculum, aratrum*: quod alio atque alio modo explicabant Darii interpretes. Alter Rex Scythiæ populo Byzantino hæc verba mi- ^{Ibid.} sit, *Nolite afferre detrimentum vētigilibus meis, nè mei equi aquam vestram bibant.* Innuens, nisi desisterent, se bellum eis illaturum. Rex Ægypti cum rege Æthiopiæ hoc modo decertabat, cum Bias illi explicuit quâ ratione ^{Ios. 5. c. 2.} *pontum* ebiberet. Præterea Solomon & rex Tyrionum contendebant ænigmatis; ut & Samson & Philistæi in historiâ sacrâ. Apud Græcos, Heraclitus cum suis discipulis, obscuris sententiis delectabantur; & Pythagoræi symbolis. Hæc autem vox *ænigma* & *ænigmaticum*, latè fumi-
tur, pro sermone obscuro, involucris & ambagibus tegente rem quam designat, vel materiam quam tractat: sive sit per modum quæstionis, mandati, aut oratio-
nis

nis simplicis. Id enim Græcis est ἀνίτησις, res sibi notas obscuris dictis significare; quod plures dicendi modos complecti potest. Denique apud Hebræos מִשְׁלֵּי & חִירָה *proverbia & ænigmata*, omnes partes sapientis explere videntur; quod sententiosè dictum est, scitè gravitèrque, מִשְׁלֵּי appellatur; quod mysticè autem, ut solet doctrina arcana, חִירָה dicitur. Quo sensu intelligenda sunt prophetæ verba, Psal. lxxviii. 2, 3. & Evangelistæ etiam Mat. xiii. 35. Sunt enim in doctrinâ sacrâ, perinde ac exoticâ, mysteria sive ἀπόρρητα, quæ subobscurè proferuntur; tandem sub extremis temporibus apertè & in propatulo demonstranda.

Pf. xlix. 3.
4.
Baruc. iii.
23.

PLURES erant modi Philosophiam & Theologiam tradendi apud veteres, & plerumque arcani. Faciem velabant veritati, ac si vetuisset pudor nudam ostendere populo. Hos modos ita notat Proclus:

Oἱ μὲν γὰρ δι' ἐνδείξεως περὶ τῶν θεῶν λέγουσιν, ἢ συμβολικῶς, καὶ μυθικῶς, ἢ δι' εἰκόνων λέγουσιν· οἱ δὲ ἀπαργαυλῶς τὰς αὐτῶν διαποήσεως ἀπαγγέλλουσιν, οἱ μὲν κατ' ἐπίσημον, οἱ δὲ κατὰ τῶν ἐκ θεῶν ἐπιπνησασσίντων τὸς λόγους. *Qui enim per demonstrationem de rebus divinis tractant, vel symbolicè & mythologicè, vel per similitudines & rerum imagines loquuntur. Qui verò apertè suas cogitationes enunciant,*

Theol. Plat.
lib. 1. c. 4.

ciant, alii quidem per scientiam, alii per divinum afflatum verba faciunt.

Qui per scientiam aut *scientificè*, ut nunc loquimur, Philosophiam tradidère inter priscos, perpauci, aut nulli mihi cogniti.

De Gymnosophistis & Druidis, ità Lactertius, Καί φασί τῆς μὲν Γυμνοσοφιστῶν καὶ Δρυΐδων *In prom.*
ἀνιγνῶσθαι ἀποφθεγγομένων φιλοσοφῆσαι. De

priscis in genere ità Phornutus, Πειθεῖς *De nat. Deor. cap. ult.*
ὅτι ἐκ οἱ τυχεύειν ἐξένοντο οἱ παλαιοὶ, ἀλλὰ καὶ συνι-

έναι τὴν τῷ κόσμῳ φύσιν ἱκανοὶ, καὶ πρὸς τὸ διὰ συμβόλων καὶ ἀνιγμάτων φιλοσοφῆσαι, περὶ αὐτῶν ἐντεπφορεῖ.

Persuasum hoc habeas, veteres non fuisse contemnenda capita, sed ad naturam mundi cognoscendam idoneos: ad eamque explicandam symbolis & figuris ingeniosè fælices.

Claudamus hoc argumentum verbis Clementis Alexandri-
ni. Πάντες ἔν, ὡς ἔπ' ἐπ' αὖν, οἱ θεολογῆσαι, *Strom. 5. P. 556.*
βάρβαροι τε καὶ Ἕλληνες, τὰς μὲν ἀρχὰς τῶν περὶ ἀνιγμά-

των ἀπεκρύψασιν τὴν δ' ἀλήθειαν ἀνιγμάσι καὶ συμβόλοις, ἀλληγοῖαις τε αὖ καὶ μεταφοραῖς, καὶ τοιούτοις τισι τέτοις παρεδέδωκεν.

Omnes igitur, ut semel dicam, qui de rebus divinis tractarunt, tam Barbari quàm Græci, rerum quidem principia occultaverunt: veritatem autem ænigmatibus & symbolis, & allegoriis itidem & metaphoris, aliisque modis consimilibus, tradiderunt.

Ad cætera jam pergamus.

Ad Fabulas & Mythologica accedimus: quibus abundabat Antiquitas tam
Bar-

Barbara quàm Græca, & supra omnes, Ægyptii; in rebus enim Ægyptiacis explicandis nihil difficilius est quàm genuinam historiam à fabulosâ distinguere. Sed longè latèque diffusæ erant per terrarum orbem Theologia & Philosophia Mythologicæ: multarum gentium de Diis

Cap. de fab. *μυθοποιίας*, memorat Phornutus, *Ἄλλαι μὲν*
anti. trad. *ἐπὶ μάγοις (μυθοποιῖαι) γέγονασιν, ἄλλαι δὲ παρὰ*
Φρυγί, καὶ ἥδη παρὰ Ἀιγυπτίοις τε, καὶ Κελταῖς, καὶ Λί-
Vid. plures *βυσι, καὶ τοῖς ἄλλοις ἔθνεσι. Aliæ à Magis com-*
gentes in *positæ sunt fabulæ, aliæ à Phrygibus,*
not. ad loc. *Ἑ ἀβ Ἀgyptiis aliæ, Ἑ ἀ Celtis, Ἑ ἀ*
ex Dama- *Afris, Ἑ ἀ aliis gentibus.* Mytholo-
scio.

In Macrob. licet ex Luciano Assyrias & Arabicas fabulas vel fabularum interpretes, *Ἀσσυρίων*
καὶ Ἀράβων οἱ ἐξηγῆται τῶν μύθων. Prætereà In-
das vel Brachmanicas, quarum meminit
Lib. 15. Strabo, cum de iis loquens ait, *διὰ μύθων*
τὰ πολλὰ πιστεύουσιν. Hodiernos etiam Brag-
manas fabulis scatere, & fabuloso corti-
ce involvere suam philosophiam, abundè patet ex relationibus doctorum virorum
quī gentes illas nuper inviserunt. Et
quoad Septentrionales, ut illud etiam ad-
jiciam, consulenda est, quam antea cita-
vimus, *Edda Islandorum*: quæ peranti-
qua continere videtur, & non obscure
indicat, quæ traditiones mythologicæ, &
qualis

qualis fuit philosophia istarum gentium Borealium. Denique in sacro codice veteris Testamenti, quot habemus à Prophetis aliisque, sermones Mythologos? Neque aliud sunt plurimi sermones Christi in Evangelio, quos, honestiori voce, Parabolas appellamus.

VIDES quàm totum genus humanum, quasi cœlo tactum, impulsus fuit & incitatus ad hanc doctrinam mythologicam: quod enim de gentibus Barbaris jam ostensum est, non minùs de Græcis patebit in sequentibus, ubi de Orphico agetur. Quare hunc genium mythologicum, divinum esse arguit Salustius *de Diis & Mundo*; Ὅτι μὲν ἐν θεοῖς οἱ μῦθοι C. 3. ἐκ τῶν χρησαμένων ὅτιν ἐπαῖν καὶ τῶν ποιητῶν οἱ θεόληπτοι, καὶ τῶν φιλοσόφων οἱ ἀεῖοι, οἳ τε τὰς τελευταίας κατὰδείξαντες, καὶ αὐτοὶ δὲ ἐκ χρησμεύς οἱ θεοὶ, μύθοις ἐχρήσαντο. *Divinas itaque fabulas esse, ex iis qui eas usurpârunt, asserere licet: ex pœtis enim numine afflati; & philosophis, optimi quique; & qui sacra & ceremonias ostenderunt; Dii etiam ipsi in Oraculis, fabulis usi sunt.* Hic autem Fabularum nomine non oportet intelligere fabulas vulgò sic vocatas, scilicet historiolas aut narrationes, tam quoad materiam quàm quoad formam, fictas; sive utiles sint, sive tantùm jucundæ: fabulas enim è nihilo fingere, non Homericum est, inquit

Lib.1.f.20.

quit Strabo : ἐκ μηδενὸς δ' ἀληθὺς ἀνάπτειν ἔστι
 νὴν περὶ πολλοῦ, ἔχ' Ὀμηρικόν. Vix ausim id
 dicere, sed facile dico, ἐκ ὅτι φιλοσοφικόν. Fa-
 bulæ enim Philosophicæ semper habent
 aliquid fundamenti in re ipsâ; stamina
 vera sunt, sed falsi colores superinducun-
 tur. Rectè Planciades Fulgentius de di-
 verso fabularum genere : *Fabularum,*
quarum nomen indicat falsi professionem,
aliæ etiam utilitatis causâ conscriptæ
sunt : eas verò quæ tantum delectant
philosophi repudiantes, alteram fabula-
rum speciem hoc modo dividunt : inven-
tarum utilitatis causâ fabularum in qui-
busdam & materia ficta est, & per men-
dacia ipse relationis ordo contextitur, ut
in fabulis Æsopi, elegantiam fictionis il-
lustribus : at in aliis materiæ veritas
subest, sed hæc ipsa veritas per quædam
composita & ficta profertur ; & hæc jam
vocatur fabulosa narratio non fabula.
Ut mysticæ Hesiodi & Orphei de Deo-
rum progenie ortuve traditiones. Ex
hâc ergo secundâ divisione, quam dixi-
mus, prior species, quæ concepta de fal-
so per falsum narratur, à Philosophiæ
libris prorsus aliena est. Hæ igitur
tantum sunt philosophicæ, quarum fabu-
loso cortici subest veritas ; eaque non
vulgaris. Id enim sibi proposuisse vi-
dentur philosophiæ mythologicæ autho-
res, ut doctrinam arcanam ab interitu
 con-

Præfat. ad
Mythol.

conservarent, neque tamen vulgo aut vulgaribus ingeniis exponerent. Providentia divina, quæ omnium sæculorum & labentis mundi habenas moderatur, cognitionem rerum divinarum & naturalium ita temperat, & latentem conservat, ut non nisi suo tempore clarè effulgeat veritas; simulque constet, ubi effulserit, eandem absconditam latuisse, & variis modis velatam inter homines, à primis mundi sæculis.

HÆC de usu Mythologiæ, inter omnes gentes literatas & sapientes diffusæ: de ipsius antiquitate quædam præterea adjicienda sunt. Philosophia Mythologica videtur mihi perantiqua, neque tamen omnium antiquissima: ut fiat umbra, oportet ut sit corpus; & imagines rerum rebus ipsis sunt posteriores. Sed perantiquam esse id probat, quod ab omnibus gentibus antiquitate conspicuis usurpata fuerit. Et apud Græcos extra dubium est, eorum Philosophos & Theologos antiquissimos, addit etiam Strabo, Historicos (Οἱ πρῶτοι ἢ ἰσοεῖκοι καὶ φυσικοὶ, μυθολόγοι) ^{20.}

Lib. 1. fol.

fuisse Poëtas, & Mythologicè scripsisse.

Id de Lino testatur Diodorus Siculus, ^{Lib. 3.}

Λῖνον φατὶ τοῖς Πελασγικοῖς γεγέμμασι συντάξαμενον τὰς τῶ πρώτου Διονύσου πράξεις, καὶ τὰς ἄλλας μυθολογίας ἀπολιπεῖν ἐν τοῖς ὑπομνήμασι. Res Bacchi, aliâsque mythologias in commentariis reliquisse. Cætera apud Græcos monu-

K

menta

menta vetustissima, mythologica erant ; qualia fuere Orphica, Θεογονίαι, Γιγαντομαχίαι, atque Cycli Epici argumenta. Id enim opus, à multis celebratum, videtur fuisse MYTHOLOGICON MAGNUM Græcorum, ex antiquissimis poëtis compositum, qui historiam Fabularem conscripserant. Res priscas tantum continuit, & non solum sæculum μυθικὸν pertransiit, sed perrexit ad ἀρχαῖα principia ; incœpit enim ab exordio mundi & in Ulyssæo definebat, ut notavit ex Proclo Photius :

i Cod. 239.

Ἀρχαὶ μὲν ἐν τῇς Οὐρανῷ καὶ Γαίᾳ μυθολογούμενης μύθῳ -- διεξέρχεται δὲ περὶ θεῶν, τὰ τε ἄλλα τοῖς Ἕλλησι μυθολογούμενα --- καὶ περατῶται ὁ Ἐπικὸς Κύκλος, συμπληρούμενος ἐκ διαφόρων ποιητῶν, μετὰ τῶς εἰς Ἰθάκην ἀπελάσας Ὀδυσσεύς. Idem Clemens Alexandrinus ait, μάλιστα ἐν τοῖς πᾶσι παλαιαῖς τὴν τοῦ Κύκλου ποιητὰς τιθεῖσιν. Sed de

Strom. 1.

fol. 333.

Euf. præp.

Ev. p. 39.

pen.

hoc opere plura infra. Denique Chao nihil antiquius in hoc mundo, atque ortum rerum ex Chao mythologicè tractasse Græcos, per modum *Genealogiæ*

Lib. 2. c. 1.

Deorum, satis alibi demonstrabitur. Quare ipsi physiologiæ coævam esse in Græciâ hanc Mythistoriam, & eosdem habuisse authores, non negarem.

SE D à Barbaris mutuati sunt philosophiam Græci ; id igitur præcipuè quærendum, quàm antiqua sit Mythologia Barbarica. De Ægypto verò agitur hic præcipuè, quæ pristinæ sapientiæ nutrix habebatur.

Apud

Apud Ægyptios autem nihil sanctius, nihil antiquius philosophiâ Hermetis; quare eò redit disquisitio nostra, aut ipsius pars prima, *Sub quo genere doctrinæ tradita fuit primùm philosophia Hermetis?* Nimiùm multa sunt dubia circa hanc doctrinam, si discutienda essent singula; quibus monumentis inscripta fuit, Libris, an Columnis, an utrisque? Quibus literis, Hieroglyphicis proprie dictis, aut aliis? Quo scribendi genere, simplici an allegorico? Sed missis cæteris, de hoc ultimo impræsentiarum breve examen instituiamus.

IMPRIMIS illud non dubito, utroque modo conscriptam fuisse hanc philosophiam, diversis temporibus; nam de libris Hermetis allegoricè scriptis fit mentio, & de interpretatione horum librorum, & de eorundem in allegorias iteratâ conversione; quare varias subiisse vices & formas quoad stylum & modum scribendi, negari non debet. Sed quoties & quo ordine hoc factum, nimio plus incertum mihi videtur. Duo tantùm nobis suppetunt authores, quod sciam, aut authorum fragmenta, unde hæc colligi possunt, Manetho & Philo Byblius; neque horum alteruter rem distinctè explicat. Manetho apud * Eusebium, & exinde apud

K 2

Syn-

* Chron. p. 6. Græc. Ἐκ τῶν ἐν τῇ Σηριαδινῇ γῇ κειμένων ἐγγλῶν, ἱερῶν, φησὶ, διαλέκτῳ καὶ ἱερογλυφικοῖς γράμμασι κε-
χρη-

Syncellum, ait, Mercurium primum, doctrinam suam, sacrâ dialecto, literisque Hieroglyphicis, columnis in Terrâ Seriadicâ positis, inscripsisse : quæ post diluvium, ex sacrâ linguâ in Græcam, literis itidem Hieroglyphicis, versa fuit : & scriptis commendata in Templorum Ægyptiorum adytis ab Agathodæmone, secundo Mercurio, patre Tat. Sed præter illa duriuscula, de columnis antediluvianis, de Terrâ Seriadicâ nemini notâ, & de literis Hieroglyphicis in Græcanicâ linguâ : præter hæc, inquam, Manethonis sermo propositum nostrum non attingit : nam de traductione in aliam linguam agit, non in aliud styli genus ; neque explicat quo genere styli, simplici vel allegorico, Autographa illa Mercurialia sive monumenta Seriadica conscripta erant. Propiùs accedit ad rem nostram Philo Byblius : Filius Thabionis, inquit, primus dicitur libros Mercuriales in allegorias convertisse, atque eâ formâ ad Græcos postea descendisse hanc doctrinam ; qui pro innato sibi ingenio, variè eam ornando & amplificando ex a-
lineâ

Euf. præp.
Evang. l. i.
c. ult.

χαρακτηρισμένων ὑπὸ Θεῶν τῷ πρώτῳ Ἑρμῇ, καὶ ἑρμηνευθεῖσιν, μετὰ τὸν κατακλυσμὸν, ἐκ τῆς ἱερᾶς διαλέκτου εἰς τὴν Ἑλληνίδα φωνὴν γράμμασιν ἱερογλυφικαῖς, καὶ ἀποτεθεισῶν ἐν βίβλῃ, ὑπὸ τοῦ Ἀγαθοδαίμονος, τῷ δευτέρῳ Ἑρμῇ, πατρὶος δὲ Τὰτ, ἐν τοῖς αὐτοῖς τῶν ἱερῶν Αἰγυπτίων.

lienâ propriam fecerunt. Post multas autem generationes, Surmubelum & Thuro, (ignota mihi capita,) itâ obumbratam denuo illuminâsse. Verba Philonis ultima hæc sunt : Μετὰ γενεάς πλείστας θεός Σουρ-
 μυβηλός, Θουρώ τε, ἡ μεταμορφωθεῖσα χέσπερσις, ἡ κορυθαῖος, κακρυμμένην τῷ Τααύτη, καὶ ἀλληγορείαις ἐπισκιάσμενεν ἡ θεολογία ἐφώτισαν. Ibid. seq.
 Præterea dicit Sanchoniathonem ante Trojana tempora hanc doctrinam contulisse cum iis quæ reperta erant in adytis reposita, arcanis Ammoneorum literis, atque eo modo suis fabulis eam repurgâsse. Sed iterum iterumque à sacerdotibus reductam esse ad ambages Mythologicas.

Hic quidem de stylo mutato, & modo explicationis, non de linguâ tantum aut literis, apertè agitur : & licet non admodum clarè hæc à Philone deducta sint, aut ab Eusebio inde descripta ; utcunque hinc patet Philosophiam Hermetis varias metamorphoses subiisse, primamque ipsius formam fuisse nudam & simplicem, atque à filio Thabionis, (quisquis ille fuit, sive Manethonis Agathodæmon, sive alter aliquis) in methodum & institutionem artificiosam per symbola, ænigmata, allegorias, mythologias, & imagines hieroglyphicas, primò fuisse transpositam. Atque hæc mihi videtur origo philosophiæ larvatæ, ut itâ dicam, in
 K 3 Ægypto ;

Ægypto ; atque forsan totius mythologiæ Barbaricæ Græcæque ; saltem ex eorum sententiâ qui cæterarum gentium philosophiam ex Ægyptiaca derivandam esse sentiunt. Unde omnem gentem antiquam quæ suam habet mythologiam, suam olim habuisse philosophiam puram, æquum erit supponere ; cui, tanquam nucleo, circumobductus erat postea cortex fabulosus. Studii enim & artis opus est Mythologia, aut quævis doctrina allegorica ; non primus ingenii impetus, sed secundus tertiusve, cum res jam inventæ fuerint & celandæ sint aut ornandæ.

DE fabulis & allegoriis philosophicis hic loquimur, iisque priscis, quibus semper aliquid subest fundamenti loco. Cæterum in hujusmodi allegoricis aut Mythistoricis interpretandis maxima cura & cautio adhibenda est. Præterquam enim quod suâ natura luxurient, & ornatûs causâ aut propter τὸ πρέπον καὶ τὸ πιθανόν, multa habeant quoad interiorem sensum superflua, toties mutantur & refinguntur, ut qualia fuerint in primâ suâ origine non facilè est dignoscere : rectè notavit Plutarchus de Ægyptiis, Καίτοι λεπταί τινες ἀπόψεις καὶ ἀμυδραὶ τῆς ἀληθείας ἔνεσι ταῖς Αἰγυπτίων ἐνδιεπαρμέναι μυθολογίαις, ἀλλὰ ἰχνηλάτεον ὅσον δύνανται, καὶ μεγάλα μικροῖς ἐλεῖν δυναμένον. *Sunt quidem etiam in Ægyptiorum fabulis exilia quædam veritatis vestigia; sed*
In-

*Ερωτ.
p. 762.

Indagatorum desiderant acutum, & qui magna à parvis venari queat. His igitur perpensis, mihi statutum est ab hujusmodi argumentis nihil authoritatis mutuari; sed cum res aliunde constiterit, & probata fuerit liquidà ratione aut historiâ veraci, non abs re erit severiorem philosophiam hisce condimentis quandoque temperare.

DE Philosophiâ Ægyptiacâ hæc dicta sunt. In quâ explicandâ eo magis abundavimus, quod hæc gens cæteris sapientior habita sit, & ab hoc exemplo, de reliquis omnibus in eodem genere literaturæ idem judicium fieri possit. At videor mihi subaudire aliquem, dicentem, Quî potest explicari sapientia Ægyptiaca sine explicatione *Obeliscorum, Hieroglyphicorum, Tabularum mysticarum*, ut *Smaragdinae, Isaicæ*, & monumentorum confimilium? In his latent mysteria Ægyptiorum, naturalis scientiæ arcana, aut etiam sacra Adeptorum ἀποκρύπτει. Age fodes, videamus quid magni aut miri continent hæc pomposa monumenta; quid nos docent, ignotum antea aut absconditum, sive in Scientiis, sive in Theologiâ antiquâ. Cedo quemvis Interpretem. Ex iis qui hoc munus susceperunt, quis se expeditavit optimè? Quem sequemur ducem? Inter antiquos, hanc tractasse materiam nullum memini præter

Orum Apollinem, vel Niliacum ; incertæ ætatis & originis authorem. Hunc ex Ægyptiaco in sermonem suum transfuisse dicitur Philippus quidam, sequioris ævi Græculus. Sed exigui ponderis sunt quæ nobis explicantur Hieroglyphica in istoc tractatu. Recentiores dein, (quibus nominandis abstineo) qui de Symbolis, Hieroglyphicis, Tabulis, Obeliscis, aliisque Ægyptiacis, scripsere, quid magni aut egregii, ex his monumentis eruerunt, vel ad elucidationem naturæ, vel scientiarum quarumcunque augmentum? Ludunt plerumque in minutis, aut operosè sudant in obscuris aut inutilibus. Proinde, si philosophiam spectes, non aliunde repctenda est sapientia Ægyptiorum, quàm ab eorum discipulis, Philosophis Græcis. Idque potissimum ab antiquissimis, nempe Orphicis, Ionicis, Pythagoricis, Platonisque. Patrum imagines in filiis & nepotibus intuemur & ab his alumnis disciplinæ Ægyptiacæ, ipsius effigiem qualitercunque licet depingere vel adumbrare.

ALIA prætereà diluenda est objectio, antequam huic dissertationi finem imponamus ; scilicet, si tanta esset, ut à nobis fertur, Ægyptiorum sapientia ; tanta rerum divinarum & naturalium cognitio : quî fieri potuit ut in Idololatriam crassam, omniumque foedissimam hæc

hæc gens laberetur. *Fœdissimam*, inquam, cum non tantum Solem, Lunam, & Cœlestia Corpora ; non tantum homines illustres & beneficos ; sed etiam bestias & animalcula ; imò ipsa olera, pro numinibus haberent & venerarentur. Respondeo, uti divina sapientia, ita humana stultitia, est imperscrutabilis ; neque idè negandæ sunt res certæ & constanti fide traditæ, quod rationi non consentiant, aut aliæ aliis opponantur. Siquis tibi exposuisset doctrinam Christianam, cultumque purum & simplicem Dei invisibilis quem suis imperat, atque in hoc cultu vetita esse simulacra ; prætereà dixerit populum Christianum literis & scientiis florere, & viris ingenio præstantibus præ cæteris humani generis. Alter autem subaudiens & subridens, Hæc ita se habere posse prorsus negaret, hoc fretus argumento, quod ipse sæpius vidisset hunc populum Christianum in suis Templis adorare, non quidem Solem aut Sydera, nec Bestias, aut Herbas, sed his omnibus inferiora, *albi panis frustula*, aut placentas farinaceas. Atque ea Tempia prætereà defunctorum hominum Simulacris refeciri. Denique se vidisse iterum iterumque, hos bonos viros coram hæc placentâ panaceâ venerabundos posterni, elatis in cœlum oculis manibusque, ductis ex imo pectore

re

Cicer. l. 1.
de nat.
Deor. Sec.
36.
Clem. Alex.
admon. ad
Gent. p. 25.

re fufpiriis, datisque fignis omnibus quibus numinis præfentiam cultumve tefari folent homines. His utrinque auditis, quid facies, quæfo? cui potiùs credes, huic aut illi, Philofopho aut Historico? aut neutri? aut utrique? Utrique certè credendum eft, neque ob rei incongruentiam neganda eft fides. Nam adeò vaga res eft, & fubdola, natura humana, ut nec rationi, nec fibi conflet, in fuis moribus; sæpe absurda facit, sæpe adverfa: & contrariis motibus fertur, aut ex imbecillitate, aut ex malitiâ. Et cum hæc domi videas, hodieque, quid miraris olim facta fuiſſe non diſſimilia apud gentes barbaras? Prætereà, quid nobis exprobras Ægyptiorum noſtrorum Idololatriam, cum totum genus humanum, exceptis paucis Judæis, infecerat illa labe? neque artium & ſcientiarum vis, aut obſtare potuit aut aut mederi, huic peſti. Græcos & Romanos invaſit & ſubjugavit, perinde ac gentes incultiores: atque illis minùs infaniſſe Ægyptios, & Philoſophi & Theologi oſtenderunt.

SED quoad malum illud Idololatriæ, apud majores noſtros epidemicum, uti jam licet dicto Comædi, *Facile omnes cum valemus, rectè conſilium ægrotis damus.* Nos fanati & immunes ab hoc morbo, miramur alios eodem tam diù laboraſſe;

borâsse; cùm tam facile esset aut venienti occurrere, aut præsentì mederi. Sed, à nobis ad patres nostros, quàm dispar sit ratio, malè interim reputamus. Judæi primùm, vivâ Dei voce, repetitis miraculis, mille minis, & mille pœnis, ab Idololatriâ depulsi & deterriti erant. Nos Judæorum oracula amplectimur, Mosis & Prophetarum vestigia premimus: atque insuper, à Christo & Apostolis ipsius, cultum adhuc puriorem docemur, & à sensibus magis abstractum. Quibus documentis, tanquam fortioribus antidotis, contra omnes vires istius veneni mupimur & corroboramur. His tamen non obstantibus, Ecclesiæ Christianæ partem maximam, aut eminentissimam, ad cultum Idololatricum prolapsam esse querimus: veteremque morbum, sub novâ specie, invito omni cœlo, recidivum. Hæc cùm ita sint, quid miramur, Naturam humanam, sibi, ut olim, permissam, atque suis tenebris involutam, in eadem, aut minora, incidisse crimina; atque suâ vi malum repellere non potuisse, quod supremo numinis auxilio nondum repulsum vidimus. Age verò, & depositis præjudiciis, de rebus humanis humanitùs loquamur: non ex voto nostro, sed prout rei fert natura, & multorum Sæculorum usû deprehensum est. Deus Philosophorum esto Numen invisibile: sed
Numen

Abr. Ec-
chel. hist.
Arab. c. 6,

Numen populi, gentisque humanæ, sibi relictæ, semper erit aliquid aspectabile. Audi, si vacat, historiam Arabicam de Abrahamo : traditio est apud illos Abrahamum, statim atque in lucem editum, à patre, in quâdam speluncâ, quæ in montis recessu erat, absconditum fuisse, metu Chaldæorum, qui manus illi inferre quærebant : quòd suis Diis fatalem fore, Astrologi prædixissent. Inde tandem noctu primum prodiens, jam vir factus, cælum, ejusque innumera astra, non absque admiratione summâ contemplari cæpit : vidensque stellam Veneris fortè exorientem, & cæteras lumine, splendore, & claritate, longè superantem, ait, **HIC EST DEUS MEVS, ET CREATOR MEVS.** Sed cùm non multo post, Luna apparuisset, mutatâ sententiâ, dixit, **HIC EST DEUS MEVS, ET CREATOR MEVS.** Demùm, orto Sole, attonitus exclamavit, **HIC, HIC, EST VERE DEUS MEVS, ET CREATOR MEVS : QUO SPLENDIDIUS, QUO ALTIUS, QUO PULCHRIUS, NIHIL EXCOGITARI POTEST.** Sed, hæc dicenti, apparuit adstititque Angelus Gabriel, eumque docuit verum Deum, veramque religionem. Genus hu-

humanum, religionis flammâ correptum, idololatriâ prohibere, sine miraculis & cœlesti auxilio, tantum non impossibile est. A defunctorum hominum animalium, olerumve cultu, ut cohibeamur, sufficere videtur ratio naturalis : hæc enim nihil habent augusti aut stupendi, quo animum effascinent. At Luminaria cœlestia, omnium omninò, quæ aspectui subjiciuntur, præstantissima, tam magnitudine quàm splendore, oculos primùm percellunt : dein mentem, admirandi sui motûs constantiâ, ordine, & rapiditate, concutiunt : denique, multifariis virtutibus & beneficiis, totum hominem sibi devinciunt, & quasi obruunt. Ab horum Corporum cœlestium admiratione (quibus etiam Animas dedere veteres) nemo se temperare potuit, aut debuit : & ab admiratione ad venerationem, in rebus magnis, stupendis, & inaccessis, facilis est progressus.

At verò, inquires, non Idololatriæ solùm, sed etiam Genethliacæ & Magiæ : huic improbæ, illi vanissimæ, arti, deditissimi erant Ægyptii ; nec Ægyptii tantùm, sed omnes ferè veteres. Rectè mones : sed quoad Genethliacam, quid mirum Gentes illas, quæ Cælum, Solem, & Sydera, pro tot Numinibus habuere, eadem rebus humanis dominari, & suum cuique fatum præscribere, aut reverà credidisse, aut quò lucrum si-

bi

bi facerent, voluisse ut id crederet populus. Illud magis miror, reperiri etiamnum, inter homines Christianos, qui eandem artem colant & tueantur. Etiam nunc, inquam, cum non tantum ab omni superstitione magis abhorrere debemus, sed cum innotuit etiam, luce clariùs, Cœlorum natura ; nempe Planetas nihil aliud esse, quàm tot moles opacas terrestres, Fixasque tot moles igneas : neque ideò Astrologiæ, quæ dicitur, *Judiciariæ*, ullum Theorema, in Scientiâ naturali fundari, vel fundari posse.

QUOAD Magiam, multa sunt ipsius genera : nobis quidem Christianis solidè interdicta, ob mutatum forsân mundi invisibilis regimen. Sed lege naturâ interdictum esse qualecunque cum Geniis commercium, non tam facilè patet. Hoc autem commercio si abusi sint nonnulli, sive in damnum humani generis, sive ad fastum & ostentationem, malitiæ quidem id arguit authores, aut vanitatis, non autem ignorantix. Denique facilè assentior iis, qui, utramque artem, Astrologicam & Magicam, primùm edoctos esse homines, aiunt, à malis Angelis. Videntur enim mihi, cum utriusque apparatus intueor, Inventa, vel Deliramenta, plusquam humana. Sed de his factis.

CUM

CUM hæc ita se habeant, & salva sit antiqua Ægyptiorum fama quoad literas & scientias, quâ ratione periit, & quando tandem hæc prisca sapientia paulatim extincta fuit, ultimo jam loco explicandum. Quanta est rerum humanarum inconstantia, & quàm mirandæ vices! Non tantum Imperia mutantur, sed literæ, mores, religio, ex aliis in alias terras migrant; & cum omnibus non liceat his simul frui, alternatim fruimur. Ita res humanæ comparantur, ac si inter præstituti temporis ambitum, singulas terras populosque, suos habituros esse vices, tam in bonis quàm in malis, decretum esset. Ab oriente, instar Solis, cursum suum incœperunt literæ: ad occidentem vergentes, ubi earum luce jam diù gaudemus: quis novit si, relictis his sedibus, ulteriùs progressuræ sint: vel si undique diffusæ, totum terrarum orbem suis radiis simul illustrabunt. Quoad Ægyptum, floruit olim omni disciplinarum genere, & jam extremâ barbarie obruitur. Usque ad Persarum tempora suas literas atque sua sacra inviolata tenuit, primusque Cambyfes Tempia Ægyptiaca spoliavit, diruitque; & vulnerato Deo Apollini, Sacerdotes omnes contemptui habuit. At extincto Cambyse, Darius non tantum humanissimè tractavit Ægyptios, sed crudiendum se tradidit sacerdotibus, ut earum

Herod. l. 3.

Diod. l. 1.

Justin. l. 1.

c. 9.

Lib. 1.

earum doctrinam sacram addisceret. Ità Diodorus, ὁμιλῆσαι μὲν γὰρ αὐτὸν, de Dario loquitur, τοῖς ἱερεῦσι τοῖς ἐν Αἰγύπτῳ, καὶ μεταλαβὴν τῆς τε θεολογίας αὐτῶν, καὶ τῇ ἐν ταῖς ἱεραῖς βίβλοις ἀναγεγραμμένων πράξεων. Sed non eodem animo affecti erant erga Ægyptios & eorum sacra Reges posteri; nam, petente Ægyptum Alexandro, libenter & sine belli discrimine, in ipsius dominationem venerunt Ægyptii, idque, ut ait Historicus, quòd eos & eorum sacra malè tractassent Persæ. Ὅτι γὰρ Αἰγύπτιοι τῇ Περσῶν ἡσυχρότων εἰς τὰ ἱερὰ καὶ βιαιῶς ἀρχόντων, ἄσμενοι προσεδίξασθαι τὰς Μακεδόνες. Sed ab hoc tempore, sub Alexandri successoribus, sensim degenerasse videtur & sacerdotium & sapientia Ægyptiaca, ita tamen ut in utroque intervallo, sub Persis & sub Ptolemæis, descenderint in Ægyptum ex Græcis philosophis multi; quotquot nempe post Pythagoram (qui in Ægypto fuit eodem tempore quo Cambyfes) iter illud susceperunt. Sed debellatâ à Romanis Ægypto, & combustâ Bibliothecâ Alexandrinâ, unâ periit Literatura Antiqua. Fuit autem postea Alexandria Schola illustri: non Græcorum tantum, sed etiam Judæorum, dein Christianorum, usque ad tempora Saracénica. A quibus, & sequioribus Turcis, tandem ad barbariem redacta fuit tota Ægyptus: priscæ sapientiæ sedes olim florentissima.

Diodor.
lib. 17.Jambl. de
vit. Pyth.
lib. 1. c. 4.

SIQUA

SIQUA prætereà expetuntur, circa causas & ortum sapientiæ Ægyptiacæ, occurrent infrà, ubi in *Originem sapientiæ* Cap. 14. *priscæ & barbaricæ* inquiritur. Restat hic unicum addendum, ut scriptores qui potissimum desiderantur in hoc argumento, breviter indicemus, quemadmodum in reliquis factum est. Severus quidam, apud Suidam, Sophista Romanus, dicitur peragrâsse totam Ægyptum, & *libros omnes qui aliquid arcani habebant, & quoscunque reperire potuit, ex omnibus Adytis sustulisse, & in Alexandrini monumenti conclusisse.* Hæc nobis subduxit vir invidus. Inter deperditos eminet Manetho, desideratissimus author, *Flamen sacrorum & scriba Adytorum Ægypti,* ut ipse ait ad Ptolomæum; qui ex *columnis Mercurialibus* commentaria sua deprompsit. Historiam composuit, à vetustissimis & fabulosis sæculis exorsus, & per Deorum & Semideorum imperia ad tempora notiora progressus est. Cumque mos esset antiquis suas historias aut archæologias à quadam Cosmogoniâ auspicari, idem a Manethone factum fuisse in hoc opere verisimile est. Quinetiam Theologiam Ægyptiacam seorsim conscripsit, quæ complecti solet, apud veteres, Physiologiam. Sed audiamus Eusebium de Apud Euf. Chron. p. 6. Præp. Ev. lib. 2. princ. operibus Manethonis: Πᾶσαν μὲν ἔν τὴν Αἰ-
γυπτίαν ἰσοείαν εἰς πλάτῃ τῆς Ἑλλήνων ματείληψε
L φωνῆς,

φωτῆς, ἰδίως τε τὰ περὶ τῆς κατ' αὐτὰς Θεολογίας, Μανεδῶς ὁ Αἰγύπτιος, ὃς τε ἡ ἕγερσεν ἱερὰ βιβλία, καὶ ἐν ἐτέροις αὐτῷ συγγραμμάσι. *Omnem historiam Ægyptiacam fusè, & speciatim quæ ad Theologiam hujus gentis pertinent, in Græcam transtulit linguam Manethos Ægyptius, cùm in sacro opere quod scripsit, tùm in aliis commentariis.* Memorat præterea Suidas τὰ φυσιολογικὰ Manethonis; quod opus, nisi forsan principium esset aut prolegomenon suæ historię, proposito nostro quàm maximè responderet. Adhæc Laertius citat τὴν τ' φυσικῶν ἐπιτομὴν Manethonis, & Porphyrius τὸν περὶ ἀρχαῖσµῶ καὶ ὁσιθεΐας, *de antiquitate & pietate librum.* Hæc singula an fuerint diversa opera, & ejusdem Manethonis Sebenitæ, non disputo, cùm nostra non interfit; patet utcunque istiusmodi fuisse quæ in hoc argumento non parùm lucis conferre potuissent.

In Proem.
de Abstin.
2. & Euseb.
præp. Ev.
lib. 4. c. 15.

SCRIPSIT Sanchoniathon, secundum Suidam, περὶ τοῦ Ἑρµῆ φυσιολογίας, atque etiam Αἰγυπτιακὴν Θεολογίαν. Asclepiades etiam, apud eundem, in sacris istis exercitatissimus, scripsit *Hymnos in Deos Ægyptiorum*: & de omnium Religionum consensu Commentarium. Scripsit adhæc *Historiam Ægyptiorum, Ogygiorum res gestas continentem: ad tres minimùm annorum myriades.* Hæc ille. Petosiris, cujus meminit Juvenalis, & Plinius non semel,

Voce Ἡρα-
κλῆος.

semel, Astrologica, & de Ægyptiorum mysteriis, è Sacris Libris, quædam scrip-
fisse dicitur. Desideratur præterea Heca-
tæus, sive Abderita, sive Milesius, περὶ
τῆς Αἰγυπτίων φιλοσοφίας* cujus meminit La-
ertius in proœmio, ubi etiam ex Aristago-
râ repetit dogmata Ægyptiaca. Dein
Palæphatus, referente Suida, Αἰγυπτιακὴν ^{Voce Πατ}
θεολογίαν ^{λαίφ.} conscripsit, & λύσεις τῶν μυθικῶς εἰ-
ρημένων* quæ eodem spectasse videntur:
nempe ad Theologiam eorum Mytholo-
gicam. Denique Chæremon, sacerdos
Ægyptius, quem laudat summopere Por-
phyrius, & è contra multis modis vili-
pendit Strabo, *Hieroglyphica & res Æ-* ^{De abstin.}
gyptias literis commisit. His addi pos-
sunt alii rei philosophicæ apud Ægyptios
scriptores; sed quid his & aliis authori-
bus, qui jam exciderunt, sigillatim enu-
merandis immorarer, cum unico ictu pe-
ricint in Ægypto librorum multæ my-
riades; ingens, scilicet, & instructissima
Bibliotheca Ptolomæi Philadelphi; in
quâ non tantum literaturæ Ægyptiæ, sed
omnes, ut par est credere, doctrinæ Ori-
entalis superstites thesauri reponebantur.

C A P. IX.

*De Philosophiâ Græcanicâ: & primò
de Orphicâ.*Laert. in
Proem.

HÆC de Philosophiâ Barbaricâ dicta sunt. Sequitur Græca, quæ etiam tempore posterior fuit, & ab alterâ derivata. Hoc ferè apud omnes eruditos in confesso est, & res ipsa loquitur: cum verò nonnulli, aut ex amore gentis Græcæ, aut quod minùs seduli essent rerum antiquarum scrutatores, hoc in dubium revocarint: probationem rei primo loco afferre debemus, ut quæ dicturi sumus postea de hâc philosophiâ, majorem vim & lucem habeant, ubi de ipsius origine conventum fuerit.

Cap. præc.

NON negamus à Græcis multa inventa in scientiis, præcipuè Mathematicis; quas egregiè excoluerunt; ut supra dictum est. In Philosophicis etiam nonnulla observata, multa digesta & in formam systematis disposita. Ut utroque modo Græca Romanis ingeniis longè anteponenda esse censerem. Sed uti disciplinarum Mathematicarum rudimenta, ità in Philosophiâ non rudimenta tantùm, sed maxima & præstantissima dogmata, à Barbaris

baris accepisse Græcos asserimus; atque de hâc re unica lis est aut esse debet: nam circa *Geometriam, Astronomiam, Arithmeticam*, ipsos Græcos habemus testes, aut confitentes, has scientias ab exteris primùm inventas & plus minùs excultas fuisse. Ità testantur, Herodotus, Plato, Aristoteles, Diodorus, Strabo, Laertius, Achilles Tatius, aliique; unde quoad tres illas disciplinas, intrâ tres antiquas gentes, Assyrios, Ægyptios, Phœnices, (quibus Lucianus addit Æthiopes, quoad Astronomiam) semper stetit controversia; neque inventionis & primatûs laudem ambiebant Græci. Quapropter Græcorum defectus in observandis astris supplet Aristoteles (de Cœl. lib. 2. c. 12.) ab Ægyptiis & Babyloniis. In syderali cognitione, quantulam observationum historiam, quas speculas, quæ instrumenta Astronomica, memorantur Græci antiquitùs habuisse? Babyloni, in Templo Jovis Beli, à Reginâ Semiramide constructo, turris erat octuplex, sive octo turre, aliæ aliis superstructæ, in quibus sydera contemplabantur Astronomi; referente Diodoro: ut olim montes montibus superimpoverunt Gigantes, quò cælum peterent. 94. Semiramis autem floruit annis octingentis ante bellum Trojanum, cùm nondum *litteras* haberent Græci. Præterea, captâ

Herod. lib.
1. fol. 75.

Lib. 2. fol.

ab Alexandro Babylone, Calisthenes * dicitur misisse in Græciam observationes cœlestes novendecies centenorum & trium annorum, quæ apud Babylonios in monumentis asservabantur. Has si ab Alexandri temporibus fursùm computemus, ultra Semiramidis ætatem assurgent; unde in hâc ipsâ Beli turri factas esse à Chaldæis has observationes, magnam partem, verisimile est. Denique, quò propiùs ad Græcos & Græcorum tempora descendamus, Epigenes, septingentorum & viginti annorum observationes apud Babylonios; & qui minimum notabant, Berosus & Critodemus, quadringentorum & octoginta, literis tradidère. Verba sunt Plinii: *Epigenes apud Babylonios DCCXX annorum observationes syderum costilibus laterculis inscriptas docet, gravis author imprimis; qui minimum, Bero-*

Lib. 7. c.
56.

* *Simpl. lib. 2. de cæl. p. 123. ex Porphyrio, 'Τπ' Ἀριστοτέλης ἦν παιθομένης ἔπειθαι δεῖ μᾶλλον τοῖς ὑπέροις, ὥς μᾶλλον σωῆσαι τὰ φαινόμενα, ἐκείνων μῆτε τελείως σωζόντων, μῆτε τοιαῦτα φαινόμενα εἰδόντων, διὰ τὸ μήπω τὰς ὑπὸ Καλλισθένης ἐκ Βαβυλῶν πεμφθείσας παρατηρήσεις ἀφικέσθαι εἰς τὴν Ἑλλάδα, τοῦ Ἀριστοτέλους τὸτο ἐπισκῆφαντο αὐτῷ ἄστρος διηγείται ὁ Πορφύριος χιλίων ἑτῶν εἶναι ἢ ἐννεακοσίον τριῶν, μέχρι τῶν χρόνων Ἀλεξάνδρου τοῦ Μακεδόνα σωζόμενα. Idem Simplicius meminerat antea (lib. 1. de cæl. p. 27.) observationum bis millennium apud Ægyptios, & apud Babylonios adhuc plurimum: 'Ημεῖς γ' ἐγὰ Αἰγυπτίης ἄστρον παρατηρήσεις ἔχειν ἐγγεγραμμένας ἢ ἐλάττωσιν ἢ δισχιλίοις ἐν αὐτοῖς, Βαβυλωνίως δὲ ἑξὶ πλείοσι. Denique, notus est immanis Babyloniorum caliculus apud Ciceronem de divin. lib. 1. qui, cum omnem sideris superet, non est memoratus dignus.*

Berosus & Critodemus CCCC LXXX annorum.

Si ætatem Epigenis, qui Berofum antecessisse videtur, & apud Babylonios fuit studiorum causâ, sumamus circa tempora Alexandri, observationes ab illo memoratæ multum superant non tantum omnes Græcorum, sed etiam Babyloniorum illas ab Hipparcho postea collectas. Et cum Hipparchus & Ptolemæus Græcarum observationum antiquissimas, Babyloniarum, non tantum antiquis, quales recensuimus, sed etiam infimis & novissimis, quales sunt illæ Nabonassari, postponent; eo ipso fatentur hujus artis auctores & cultores primos fuisse exteros: à quibus cum fundamenta quædam & initia accepissent Græci, ulterius paulatim progressi, & res plures & rerum nationes explicuerunt; rectè enim notatum est, Eclipsium, aliorumque observationum cœlestium *historiam* à Barbaris, *causas* verò & rationes & calculos à Græcis provenisse.

SED de Mathematicis satis; cum hoc sit quasi extra aleas vagari. Et in præcedentibus pro Græcis contra Barbaros, uti hic pro barbaris contra Græcos certatum est. Pro causâ mutatâ, in utriusque castris militavimus; rationem secuti, non partium studium. Jam verò agendum est de disciplinis Physiologicis; quibus adungere aut immiscere solebant gentes

suam Theologiam. Et in his aciores erimus contra Græcos quàm antea, cùm non tantùm initia rerum philosophicarum, sed lectissima dogmata & notitias præclaras à gentibus acceperint: quas oblivioni tradiderunt postea, magnâ ex parte, cùm in sectas divisi fuere; & novas tentando methodos, ineptas & infrugiferas, philosophiam humano generi inutilem reddiderunt: ut verè dici possit de utrâque disciplinâ, si rectè judico, Græcos perfecisse Barbarorum Mathematicam, Philosophiam perdidisse.

SED de utriusque philosophiæ antiquitate primò tractandum est, ut hanc alterâ posteriorem esse ostendamus: idque contra sententiam Laërtii, & aliorum, qui originem hujus sapientiæ à Græcis petendam esse volunt. Si liceret uti testimoniis Clementis Alexandrini, Eusebii Pamphili, & aliorum Græcorum Patrum, facile esset in hâc causâ vincere; illi enim testantur, semel atque iterum, præstantissimam inter Græcos doctrinam furtivam esse, & à barbaris ereptam. Quæ nomina clariora apud Græcos Platone & Pythagora? Quæ philosophia divinior? audiamus quæ de his Clemens: Πλάτων ἢ ἡ ἀρνεῖται τὸ πᾶν εἰς φιλοσοφίαν παρὰ τῶν βαρβάρων ἐμπορεύεσθαι εἰς τε Λίγυπτον ἀρκεῖσθαι ὁμολογεῖ.

Non inficiatur Plato se ea quæ sunt præstantissima in Philosophiâ mercatum esse

In Proœm.

Strom. 1.

esse à Barbaris; seque in Ægyptum profectum esse fatetur. Adjunge deinceps Pythagoram, qui inter Ægyptios non minùs profecerat. Ὁ δὲ Πλάτων δῶλον ὡς σιγνύων ἀπὸ τῆς βαρβάρου εὐείσκαται μνησθέντα αὐτῷ καὶ Πυθαγόρῃ τὰ πλεῖστα καὶ γενναυτάτα τῶν δογμάτων ἐν βαρβάρους μαθόντας. *Manifestum est Platonem semper magni facere Barbaros, ut qui meminisset se à Pythagoram plurima nobilissima dogmata ab iis didicisse.*

Nec aliter Eusebius, cum peregrinationes Pythagoræ in Ægyptum, Babylonem, Persidem, Indiamque recensuisset; addit, Præp. Ev. lib. 10. c. 4. p. 471.

Καὶ ἄλλα παρ' ἄλλων συλλεξάμεντα, μόνον παρὰ τῶν σοφῶν Ἑλλήνων ἔσχεν ἔδν, περί τε σοφίας καὶ ἀπορίας συνοικνύων ἔμπροσθεν δ' ἔν τῶν ἔξωθεν αὐτῷ πωροισμένων, αἶπτα αὐτῶν μαθήσας κατέστη τῶν Ἑλλήνων. *Aliaque ab aliis discens, à solis Græcis auferre nihil potuit: tantâ illi sapientiæ penuriâ et indigentia unâ laborabant. Contrâ, peregrinis ipse artibus ditatus, Græcis scientiæ et eruditionis author fuit.*

Denique citat non minùs illustre testimonium ex Porphyrii libro, opinor, deperdito, Theodoretus, his verbis: Καλεῖται δὲ καὶ πρὸς θεοὺς ὁδὸς, ἀπὸ τῆς περὶ τῶν θεῶν καὶ τερατείᾳ ἢ πολλὰς ἀπορίας βαρβάρους μὲν ἐξήκουσαν, Ἑλλήνες δὲ ἀπὸ πλῆθους οἱ δὲ κατέστησαν, ἥδη καὶ διέφθισαν τὴν ἑνὲς οὐδοῦ Ἀιγυπτίους ἐμαρτύρησαν, Φοινίκι τε καὶ Χαλδαίοις, Λυδοῖς τε καὶ Ἑβραίοις. Serm. 1. de fide, p. 10.

Via quæ ad Deos perducit, ære munita est, eademque ardua et asperrima. Cujus

jus quidem calles quamplurimos Barbari invenerunt ; at verò Græci ab eâ longius aberrarunt. Qui vero eam tenebant eandem corruperunt. Ejus porro Inventores fuisse Deus testatur Ægyptios, Phænices, Chaldæos, Lydios ac Hebræos.

Lib. 1.

IDEM cum Patribus Christianis antea notavit Josephus contra Appionem, his verbis : Ἀλλὰ μὲν καὶ τὰς περὶ τοῦ θεοῦ καὶ θεῶν πρώτους παρ' Ἑλλήσι φιλοσοφήσαντας, δῖον Φερεκίδην τὸν Σύριον, καὶ Πυθαγόραν, καὶ Θάλητα, πάντες συμφώνως ὁμολογοῦσιν Ἀιγυπτίων καὶ Χαλδαίων γενομένους μαθητάς. *Sed & eos qui de cœlestibus & divinis primitiis apud Græcos sunt philosophati, id est, Pherocydem Syrium, & Pythagoram & Thaletem, omnes concorditer confitentur, Ægyptiorum & Chaldæorum fuisse discipulos.*

Vid. etiam
Suid. voce,
ἱερατικῶν.

SED ne Patres Christiani & Judæi nimium Græcis invidere videantur, quid ipsi Græci de suis Philosophis senserint, audiamus. Porphyrius de vitâ Pythagoræ, idem dicit quod à nostris jam dicitur ; & cùm varias gentes retulisset, Ægyptios, Arabes, Chaldæos, aliosque, quibuscum versatus fuit Pythagoras per multos annos, subdit, Ἐκ τῆς περὶ ταῦτα τὰ ἔθνη πλάνης ὁ Πυθαγόρας τὸ πλεῖστον τῆς σοφίας ἐρευνᾷ. *Ex peregrinatione ad hæc gentes Pythagoras potissimam sapientiæ partem acquisivit.* Quoad Platonem, nota sunt

sunt quæ affert in Timæo de Græcis & Ægyptiis, & præcipue dictum Sacerdotis Saitici ad Solonem, *O Solon, Solon, vos Græci semper pueri estis, nec quisquam è Græcia senex.* Cur istud diceret, percontante Solone, respondisse Sacerdotem, *Quia juvenis semper vobis est animus, in quo nulla est ex vetustatis commemoratione prisca opinio, nulla cana scientia.* Hæc contra patriam suam, nisi pro veris apud se rescivisset Plato, aut non memorasset aut refutasset. Præterea sparsim occurrunt apud Platonem doctrinæ Ægyptiacæ non pauca vestigia, quæ ad hypothesein nostram confirmandam suis locis notabimus. His consona sunt quæ notat Megasthenes, qui tempore Alexandri & deinceps vixit; & cùm diù apud Indos versatus esset, rerum Indicarum libros composuit, in quorum tertio, omnia quæ circa rerum naturam philosophantur Græci, Barbaris pridem innotuisse, ait. Verba sunt apud Clementem: *Ἀπαντα μὲν πάλιν τὰ περὶ φύσεως εἰρημμένα ἦν τοῖς ἀρχαίοις, λέγεται δὲ ἦν τοῖς ἔξω πρὸς Ἑλλάδα φιλοσοφῶσι. Τὰ μὲν παρὰ Ἰνδοῖς ὑπὸ τοῦ Βραχμάνων, τὰ δὲ ἐν τῇ Σινείᾳ ὑπὸ τοῦ χαλμύρων Ἰουδαίων.*

Strom. 1.
p. 305.

SED quid in his moramur, cùm tot testes habeamus literaturæ Græcæ à Barbaris derivatæ, quotquot in Ægyptum descenderunt philosophi Græci ad comparandam

vid. &
Plat. de Is.
& Osir.
p. 154.

parandam sibi sapientiam. Horum autem non brevem catalogum ex commentariis Sacerdotum Ægyptorum contexuit Diodorus Siculus, in fine libri primi; additque, ex Ægypto cuncta, quibus admirationem illi apud Græcos sibi pepererunt, translata esse. Verba ipsius hæc sunt : Τύτων δ' ἡμῖν διευκυνημένων, ῥητόων ὅσοι
 ὦν παρ' Ἑλλήσι διδξασμένων ἐπὶ συνέσει καὶ παιδείᾳ
 παρὲβαλον εἰς Αἴγυπτον ἐν τοῖς ἀρχαίοις χρόνοις, ἵνα
 ὦν ἐσταυῖσθαι νομίσμων καὶ παιδείας μεταλάβουσιν· οἱ γὰρ
 ἱερεῖς Αἴγυπτίων ἱεροῦσιν ἐκ ὦν ἀναγερῶν ὦν ἐν ταῖς
 ἱερεῖς βίβλοις, παρσβαλεῖν πρὸς αὐτοὺς Ὀρφέα τε καὶ
 Μυσάειον, καὶ Μελάμπειδα καὶ Δαίδαλον· πρὸς δὲ τέτοις
 Ὀμηρὸν τε τὸν ποιητὴν, καὶ Λυκαῦρον τὸν Σφαρπά-
 τῶν· ἐπὶ δὲ Σόλωνα τὸν Ἀθηναῖον, καὶ Πλάτωνα τὸν
 φιλόσοφον· ἐλθεῖν δὲ καὶ Πυθαγόραν τὸν Σάμιον, καὶ τὸν
 μαθηματικὸν Εὐδόξον· ἐπὶ δὲ Δημόκριτον τὸν Ἀβδηρεί-
 ταν, καὶ Ὀινοπίδην τὸν Χῖον. Πάντων δὲ τύτων σημεῖα
 δεικνύουσι, ὦν μὲν εἰκόνας, ὦν δὲ τόπων, ἢ κατὰσκευασ-
 μάτων ὁμωνύμους περσσηγείας· ἔκ τε τῆς ἐκείνῃ ζηλωθεί-
 σης παιδείας ἀπὸδείξεις φέρουσι, συνιστάντες ἐξ Αἴγυπτου με-
 τηρηνοχένας πάντα δι' ὧν ὦν τοῖς Ἑλλήσιν ἐθαυμά-
 ζουσιν. *His ita à nobis expositis recen-*
sendi sunt qui priscis illis temporibus,
sapientiæ & doctrinâ celebres apud Græ-
cos, peregrinationes in Ægyptum susce-
perunt, ut legum & disciplinarum gen-
tis participes fierent. Etenim Sacerdo-
tes Ægyptiorum Orpheum, Musæum,
Melampodem, Dædalum, Homerum Po-
ëtam, Lycurgum Spartanum, Solonem
Atheniensem, Platonem Philosophum,
Pytha-

Pythagoram Samium, Mathematicum Eudoxum, Democritum Abderitam, & OEnopidem Chium, ad ipsos advenisse è sacris commentariis referunt. Signaque horum omnium, quæ imagines, quæ desumptas à locis aut operibus appellationes ostentant. Et ex arte aut disciplinâ quam quisque affectabat, demonstrationes afferunt, unde probant ex Ægypto cuncta, quibus se postea admirabiles reddiderunt apud Græcos, transfata esse. Audin' mi Græcule? quæ turba peregrinantium? hos omnes in Ægyptum profectos esse credis ad venandos crocodilos? Plato & Eudoxus, ex Strab.l. 17
horum numero, tredecim annos insumpserunt Diospoli cum Sacerdotibus. Cum Plut. in vit. Sol.
Heliopolitanis & Saiticis Solon, à quibus Sermonem Atlanticum accepit. Pythagoras multa & molesta examina subiit, & circumcidi se passus est, ut fertur, à Prophetis Ægyptiis, ut ad eorum doctrinam arcanam admitteretur. Orpheum suam doctrinam, qua saxa & stipites movit, homines feros & agrestes in civitates & societatem allexit, ab Ægyptiis hausisse, hinc & alibi sæpiùs testatur Diodorus. Denique haud faciliè est indicare quenquam apud Græcos, qui sapientiâ clarus evasit, sine peregrinatione inter gentes barbaras. Thales nullum habuit præceptorem præter Ægyptios; Authorque P.91.&c.96.
Laert.

Jamb. in
vit. Pyth.
l. 1. c. 2.

thorque fuit Pythagoræ, cùm ad eum,
jam sc̃nem, venerat discendi studio, ut se

in Ægyptum ad Sacerdotes Memphiticos
& Diospoliticos conferret. Pherecydes,
Pythagoræ præceptor, ex arcanis libris

Suid.

Phœnicum seipsum docuisse dicitur; *ἐαυ-
τὸν ἀσκήσσει, κτησάμενον τὰ φοινίκων ἀποκρυφα βιβλία.*

Et si nulli fuerint apud Græcos his cla-
riores & vetustiores philosophi, Græ-
ciam à Barbaris edoctam esse, quo possu-
mus jure, aut quibus rationibus, infi-
ciari?

HÆC autem quæ ex Diodoro attuli-
mus, eo fortiora esse debent, quòd pro-
priæ suæ sententiæ circa Græcos parùm
faveant: ille enim non obscurè signifi-

L. 1. princ.

cat se non consentire Ephoro, Historico,
qui Barbatos Græcis suis antiquiores esse
agnoscit. Dein quoad literas & discipli-
nas, adeò propensius est in Græcos Dio-

l. 1. 5.

dorus, ut ex solâ fabulâ Heliadum in
Rhodo Insulâ, Græcos primitùs in Æ-
gyptum disciplinas invexisse innuere ve-
lit: & easdem postcà cum Græcis phi-
losophis, peregre agentibus, quasi ex
postliminio in patriam rediisse. Quare
quæcunque apud Diodorum reperiuntur,
contra gentis Græcæ aut literaturæ Græ-
cæ antiquitatem, non ex invidiâ dic-
ta, aut erga gentes amore, sed rerum
ipsarum certâ fide extorta mihi viden-
tur.

DENI-

DENIQUE si Literarum originem apud Græcos quæramus, ab alienigenâ inventas esse, Cadmo, Phœnice, comperitum erit; idque non multum ante tempora Trojana. Ante illud tempus autem non tantum literæ aut vocum elementa, sed literatura & disciplinæ apud multas gentes floruerunt; Assyrios, Ægyptios, Phœnices, Arabes, Æthiopes, Indos, Celtas. Moses ante tempora Cadmi edoctus erat sapientiam Ægyptiacam; Jobus, aut libri ipsius Author, ante tempora Mosis, Arabicam; Abrahamus, Chaldæam & Phœniciam. Dein Bragmanum in Indiâ, Gymnosophistarum in Æthiopiâ, Druidum apud Celtas, nemo novit antiquitatem; sed Chronologorum calculis statui solent, ante tempora Trojana. Quare expensis singulis, tam literis quàm literaturâ, Philosophiam barbaricam, & antiquiorem esse & parentem Græcanicæ, historiæ veteri, rerumque & temporum rationibus maxime respondet.

HIS ita expositis circa origines philosophiæ Græcanicæ, philosophos ipsos & eorum dogmata jam leviter percurremus; ut quantum dictis consentiant, & explicandis mundi Archæologiis utiles esse possint: quæ præterea eorum scripta desiderantur, quæ supersunt, paucis videamus. Philosophiæ Græcæ duplex est interval-

Vid. Boch.
Can. l. 1.
c. 20. &
Scal. in
Euf. Chron.

De Abrah.
testimonia
concessit
Grot. in
Mat. v. 3 t.

lum, ante sectas inductas & postea; post sectas inductas auctasque, exolevit philosophia antiqua, & quæ ei successit, in scholis Græcorum magis artificiosa fuit, quàm solida. Pauca illa & præclara capita circa *mundi ortum* & *occasum*, & variantis naturæ ordinem, quæ priscis sapientibus instar omnis Physiologiæ erant, sectarii Græci neglectui ferè habuerunt; & ex rerum notionumque minutiis philosophiam quandam condidère, alendis disputationibus, quàm veritati investigandæ, magis idoneam. Hos igitur minores Græcorum philosophos non multùm morabimur: & cùm inter sectarum ultimas & infimas fuerit Peripatetica, infra Aristotelem non descendendum; quod enim eò usque subsidit, in re Philosophicâ antiquitatis nomen non meretur.

INTERVALLUM illud ante-sectarium adhuc distingui potest in tempus Poëtarum & Philosophorum; qui quidem re & argumento sæpe conveniebant, genere scribendi diversi. Antiquissimi qui apud Græcos philosophabantur, erant Poëtæ, secundum illud Plutarchi, *πρότερον μὲν ἐν ποιήμασιν ἐξέφερον οἱ φιλόσοφοι τὰ δόγματα καὶ τὰς λόγους, ὥσπερ Ὀρφεύς καὶ Ἡσίοδος, &c.* Nec tantùm carmine, sed etiam mythologicè plerumque scripserunt philosophiam. Ità enim mihi videntur scripsisse Thamyra

Thrax,

De Pyth.
rac. p. 402.
& de ei.
p. 388.

Thrax, Linus, Orpheus, & Musæus, perinde ac Hesiodus. Carmine autem scripserunt præterea philosophi, Thales, Zenophanes, Empedocles, Parmenides, aliique, quorum nonnulla fragmenta poetica-philosophica collegit Stephanus. Quoad philosophos illos Mythologicos, videntur omnes, præter Homerum, ut hic obiter notem, Cosmogonias, five de ortu mundi, poemata scripsisse. Ità Thamyras ille, cujus meminere Plato, Plutarchus, Clemens Alexandrinus, Suidas, Zetzes, Cosmogoniam composuit πεντάκισ χιλίοις στίχοις, præter aliud opus de bello Titanum. Linus etiam Cosmogoniam scripsit, cujus initium erat,

Ἦν ποτὶ πῖ χεῖν' ἐν ᾧ ἅμα πάντ' ἐπιφύκει

Olim tempus erat, simul indigesta jacebant,

Quo cuncta.

Additque Laertius hinc Anaxagoram In proœm.
sententiam suam accepisse, πάντα χεῖματα γένεσθαι ὁμῶ, Νῦν δὲ ἐλθόντα αὐτὰ διαχρῆσαι. *Omnia simul erant, mens autem accedens ea in ordinem adduxit.* Hæc Chaos indicant unde ortus est mundus, five ornata rerum compages. Præterea Musæus Theogoniam scripsit; quod idem valet ac Cosmogonia, ut jam satis notum

M

tum

tum est; & Barbarorum Cosmogonias mutasse mihi videntur in Theogonias Mythologici Græcorum Philosophi. Musæum scripsisse physicè, sive doctrinam naturalem, constat ex eodem Laërtio, cum subdit, φάναι τε ἐξ ἑνὸς τὰ πάντα, καὶ εἰς ταὐτὸν ἀναλύεσθαι. Eum statuisse ex uno omnia fieri, & in idem resolvi. Hesiodi Theogonia nota est; & quâ ratione interpretanda sit, cum cæteris Græcorum, infra videbimus. Restat Orpheus, qui etiam de rerum ortu philosophatus est: sed de Orpheo plura statim sunt dicenda.

SUNT autem adhuc plures poëtæ veteres Græci, ut Eumolpus, Amphion, Melesander, aliique; qui, cum incertum sit quid scripserint, à nobis sunt prætercundi. Numerare autem debemus hoc loco inter Mythologos Archæologicos Cycli Epici scriptores; quorum nomina posuit Proclus in suâ Crestomathiâ. Illud opus πολυθρόνητος, cujus antea meminimus, quoddam erat syntagma historiæ mythicæ; non tam dignum lectu ob elegantiam, quàm quod integram & cohærentem rerum seriem complecteretur; unde & Cyclus dictus. Ità Photius: τὸ Ἐπεὶ Κύκλῳ τὰ ποιήματα διασώσονται καὶ σπευδᾶζεται πῶς πολλοῖς, ἔχοντι διὰ τὴν ἀρετὴν, ὡς διὰ τὴν ἀκολούθιας ἧς ἐστὶν αὐτοῦ πεπραγμένων. Atque à Chao, rerum omnium primordio, incepisse

Cod. 239.

cepisse hoc opus, ex eodem Photio antea monstratum est; unde ad tempora Trojana, vel circiter, historiam mythicam ordinatè deduxit. Quale opus, fabulosum licet, periisse, maximè quidem dolendum est. Sed ad Orphea nostrum jam redeamus.

QUOD hunc virum celeberrimum, De Orpheo tantum abest ut pro nullo habeam, aut inani nomine, quod visum est nonnullis; ut pro maximo Græcorum semper eum habiturus sim. Hunc si ab umbris revocare liceret, ut ille olim suam Euridicem, ad probandam doctrinam nostram circa rerum origines, unus valeret multos testes. Quis non novit Orpheum antiquum Chaos cecinisse, & ejusdem discretionem varias & metamorphoses? orbemque jam completum, intus & extra, Ovo assimulasse? quod Ovum Orphicum, apud gentes ferè omnes mundi symbolum, est viva quædam imago Telluris primigeniæ, & propositæ à nobis Theoriæ compendium. Exposuisse dicitur *Θεογονίας, & κόσμου κτίαν, & ἀνθρώπων πλαστικής*, Cedren. ex Timot. p. 57. maxima capita. Vixit Orpheus haud multum post tempora Mosaica, atque primus in Græciam doctrinam orientalem invexisse videtur, eorum antiquissimus qui Ægyptum adierunt. Hunc æmulabatur Pythagoras, & ab eo multa sumpsit, id fatente Jamblico; *ὅπως δὲ καὶ Πυθαγόρας ἤ-* De vit. Pyth. c. 23.

λατὸν γενέσθαι τὸ Ὀρφέως ἑρμηνείας τε καὶ διαθέσεως καὶ πρῶτον τὰς θεὰς Ὀρφεὶ παραπλησίως· & postea addit, ἐν ᾗ φασὶ καὶ σύνθετον αὐτὸν ποιῆσαι τὸ θεῶν φιλοσοφίαν καὶ θεωρίαν· ἃ μὲν μαθόντα παρὰ τῶν Ὀρφεϊκῶν, ἃ δὲ παρὰ τῶν Αἰγυπτίων, &c. Dixisset etiam in præcedentibus τὸ ἱερὸν λόγον Pythagoricum desumptum esse, aut compositum, ex imitatione Orphicorum: Ὁὐκ ἔστι δὲ ἄμφισβητον γέγονε, τὸ τὰς ἀφορμὰς παρὰ Ὀρφέως λαθόντα Πυθαγόραν, συντάξαι τὸ περὶ θεῶν λόγον, ὅν καὶ ἱερὸν διὰ τοῦτο ἀπεγράφειν, ὡς ἂν ἐκ τοῦ μυσικωτάτου ἀπευδυσμένον περὶ Ὀρφεὶ τόπος *. Prætereà notum est hunc Philosophum, & Theologum Legislatoris vices etiam peregisse, populūque ferum & ἄθεον, ad cultum, mores, & religionem deduxisse.

“ Syl

* De hoc consensu doctrina Orphica & Pythagorica scripte tam Syrianus quàm Proclus. Hic etiam in suis commentariis ad *Timæum*, & in *Theologია Platonica* idem testatus est sapiens, (Bib. E. p. 291. & Bib. Δ. ult.) ad *Timæum* inquit, Πυθαγόρειον ὃν δὲ Τίμαιον ἔπειτα ταῖς Πυθαγορείων ἀρχαῖς· αὐταὶ δὲ εἰσιν αἱ Ὀρφεϊκὰ παραδόσεις· ἃ γὰρ Ὀρφεὺς δι' ἀποβλήτων λόγων μυσικῶς παραδίδωκε, ταῦτα Πυθαγόρας ἐξέμαθεν, ὀργισθεὶς ἐν Λεβήθοις τοῖς Θεαίοις. Deim, in *Theol. Plat.* omnem aut Theologiam Græcicam, interventu Pythagoræ & Platonis, ab Orpheo deductam esse. Ἀτασα γὰρ ἢ παρ' Ἑλλήσι θεολογία τῆς Ὀρφεϊκῆς ἐστὶ μυσταγωγίας ἔκγονον· πρῶτος μὲν Πυθαγόρας παρ' Ἀγλαοφύμῃς τὰ περὶ θεῶν ὄργια διδασκάλειον, δευτέρως δὲ Πλάτων ὑποδείξαμένως τὴν παντελεῖαν περὶ τῶν ἐπιτήμην· ἐκ τε τῶν Πυθαγορείων καὶ τῶν Ὀρφεϊκῶν γραμμάτων. Denique Syrianus lib. 2. in commentariis ad *Aristotelis Metaphysica*, hac habet, Et tot quidem de Pythagoreis principiis: quod idem est ac si dicas de Orphicis & Platonis. Idem etiam innuit Herodotus, lib. 2. c. 81.

- “ *Sylvestres homines, sacer, interpret-*
 “ *que Deorum,*
 “ *Cædibus & fædo victu deterruit*
 “ *Orpheus;*
 “ *Dictus ob hoc lenire Tigres, rabi-*
 “ *dosque Leones.*

HÆC dum mecum revolve, fingere mihi soleo Orpheum apud suos Thraces, instar Moſis cujuſdam apud ſuos Hebræos; utrumque novæ religionis Patrem: hunc Judaicæ, illum Græcæ aut Ethnicæ; *Sic parvis componere magna ſolebam.* Et quemadmodum non inculamus Moſem ſuperſtitionis aut ignorantix, licet multas ceremonias, oneroſas & inutiles, ut nobis videntur, religioni Judaicæ inferuerit, cùm populi indoles & animus ferre non poterant præſtantiora; ità oportuit etiam Orpheum populi ſui mores & ingenium in conſiliis habere, neque id quod reipſâ optimum erat, aut quod ſibi optimum viſum ſit, inſtituere, ſed optimum eorum quæ gens aſpera & agreſtis, cùm propoſita eſſent, amplecteretur. Quemadmodum Solon rogatus ecquid optimas leges populo Athenienſi ſcripſiſſet? reſponſiſſe dicitur, *ὅτι αὐτὸς περὶ δίκης τὸς ἀείειπεν* Plutar. in Solon.
Optimas quas accepturi illi erant: atque idem Solon varia ſacra inſtituit, ex conſilio Periandri, non quod ſibi place-

Just. de
Morarc.
Theoph.
ad Autol.
lib. 3. princ.
Cyril. cont.
Jul. lib. 1.

rent, sed quod populo. Non itaque constat Orpheo unquam ex animo placuisse Polytheismum, quem ante obitum palam abdicasse dicitur; nec ritus & sacra quæ colebat: sed cum homines sylvestres in societatem allicere, & aliquali religione imbueri studeret, ineptum & inutile fuisset puri numinis purum cultum his, hominibus dicam, an animantibus, proponere. Pura numinis doctrina purusque cultus sensus non tangunt, neque animam affectusque commovent, solâ mente & intellectu percepti. Et cum gentibus moratis excultisque difficile esset hujusmodi religionem induere, in homines plane barbaros quid profecisset? Eò res reddit, ut verbo dicam, non quale voluit numen, aut cultum, sed qualia potuit, prædicavit & instituit Orpheus.

MOSES autem tantis non laborabat angustiis: præterquam enim quod populum habuit, ignarum licet hebetemque, societati tamen legibusque non inassuetum; miraculis pollebat, & vi divinâ, quibus populo suo terrorem incutere, aut auxilium cœlitus afferre, poterat. Hoc autem instar omnium est ad flectendos in quasunque partes animos affectusque humanos, cum divinitus nocere aut juvare possumus. Orpheus autem hâc divinâ potentiâ destitutus; quibus armis terreret popu-

populum, aut quibus artibus attraheret? Primùm, Muficâ, quâ pollebat, convocavit, & coëgit feros homines, & ad aufcultandum dictis difpofuit: dein collectos & audiendi avidos pafcebat fabulis & jucundis narrationibus, quibus aliquid veri interfperfit. Poft eâ cùm mirari & colere cœperint fuum Orpheum, aufus eft ad veritatem propiùs accedere, ad difciplinam, præcepta & morum culturam, fed cum aliquo femper fabularum condimento; *περὶ τὸ διμαγωγεῖν καὶ ἐξαγγεῖν τὰ πλῆθη* quemadmodum de fuo Homero inquit Strabo. Tùm Deos & eorum fulmina memorare cœpit, & colendos effe fuafit, tanquam rerum omnium dominos; tam ut mala averterent quibus obnoxia eft vita mortalis, quàm ut lætam fortunam à cœlo cuique mitterent. Denique Inferos cecinit, Campoſque Elyſios, impiorum & beatorum fedes; ut extinctâ hâc vitâ haberent adhuc quod metuerent & quod ſperarent. Hoc modo, atque his gradibus Theologiam quandam condidit, fed fabulis refertam; & cultum quandam inſtituit, fed admodum ſuperſtitioſum. Neque enim jam optima molitur Orpheus, fed è malis minima. Ac uti vera religio immenſè præſtat ſuperſtitioni, ita ſuperſtitio quàm maximè præſtat barbari & vitæ morumque feritati: neque ab hoc

infimo gradu ad supremum ferè ascenditur, nisi per illum medium.

QUOAD fabulas, quibus refertam esse doctrinam Orphicam non negamus, earum quidem usus jam exolevit, & nuda veritas omnibus exponitur; credique vix potest hodiè, quanta fuerit olim hujus generis doctrinæ utilitas dicam, an necessitas. Animi inculti & solis sensibus assueti, instar hominum è tenebris aut carcere nuper e ductorum, ferre non possunt clarum veritatis lumen: sed per fabulas, tanquam per nubem, intueri gaudent. Nec ad morum honestatem & vitæ disciplinam, nec ad religionem & Deorum cultum, rectè se duci patitur plebs rudis & insulsa, sed ducenda est per ambages. Appositè ad hanc rem, & ad probandam Orphei institutionem Strabo, de usu fabularum loquens: 'Ου γδ' ὁχλον τε γυναικῶν, καὶ παρ τὸς χυδαίνε πλῆθος ἐπαγαγὲν λόγῳ δυνατὸν φιλοσοφῆσαι, καὶ περισκαλίσσασθαι πρὸς εὐσέβειαν, καὶ ὁσιότητα, καὶ πίσιν, ἀλλὰ δεῖ καὶ διὰ διησιδαιμονίας τῶν τοιούτων ἀνευ μυθοποιίας καὶ περσείας. Μεγακλῆς γδ', καὶ αἰγίς, καὶ τείαινα, καὶ λαμπάδες, καὶ δερκόντες, καὶ θυρόλογχα τῶν θεῶν ὄψα, μῦθοι, καὶ πᾶσα θεολογία ἀρχαϊκή ταῦτα δ' ἀπεδείκνυτο αἱ τὰς πολιτείας κατασπασμένοι, μορμιολύχας πνέας πρὸς τὰς νηπιόφρονας. *Fieri enim non potest ut mulierum & promiscuæ turba multitudo Philosophicâ oratione excite- tur ducaturque ad religionem, pietatem, & fidem: sed superstitione præterea ad* hoc

Lib. I.

hoc opus est ; quæ incuti sine fabularum portentis nequit. Etenim fulmen, ægis, tridens, faces, angues, hastæque Deorum thyrsis præfixæ, fabulæ sunt, atque tota theologia prisca. Hæc autem recepta fuere à civitatum authoribus, quibus veluti larvis insipientium animos terrent. Vides itaque non tantum poëtas lusu quodam ingenii, sed Legumlatores virósque sapientissimos, ex consilio & ratione, usos esse fabulis & documentis mythologicis, ad constituenda initia vitæ civilis & religionis. Neque pigebit, in hunc finem, alium locum ejusdem authoris adscribere, ubi rationes reddit non ineptas, & utilitatis & voluptatis fabularum.

Καὶ πρῶτον, ὅτι τὰς μύθους ἀνεδέξατο οὐχ οἱ ποιηταὶ Lib. 1.
μόνον, ἀλλὰ καὶ αἱ πόλεις πολὺ πέρτερον, καὶ οἱ νομοθέ-
ται, τῷ χρησίμῳ χάριν, βλάβης εἰς τὸ φυσικὸν πά-
θος τῷ λογικῷ ζῶν. Φιλεδήμων γὰρ ὁ ἀνθρώπος
περὶ μὲν δὲ τότε τὸ φιλομυθόν· ἐντεῦθεν ἦν ἀρχαῖαι
τὰ παιδεία ἀκροᾶσθαι καὶ κοινωνεῖν λόγων ὅππῃ πλεον.
Αἴτιον δ' ὅτι κεινολογία τις ὄντι ὁ μῦθος, ἢ τὰ καθε-
στηκότα φερόμενα, ἀλλ' ἔπειτα παρὰ ταῦτα· ἢ δὲ τὸ
κεινόν, καὶ ὃ μὴ πέρτερον ἔγνω τίς· τῷ δὲ αὐτῷ ὄντι
καὶ τὸ ποιῶν φιλεδήμονα. Ὅταν ὅμως πρὸς καὶ τὸ δαυ-
μασθὲν καὶ τὸ παραλῶδες, ἐπιτείνει ἢ ἡδονὴν, ἢ πρὸς τῷ
μαρτυρεῖν εἰληπτόν. *Primum quidem non po-
ëtæ tantum fabulas receperunt, sed mul-
tò ante Civitates & Legumlatores id fe-
cere, utilitatis causâ nimirum, respici-
entes ad naturales affectus hominis, sive
animalis*

animalis ratione præditi. Cupidus enim cognitionis est homo, ad quam fabularum amor aditum ei parat; hinc namque incipiunt pueri audire, & sermonibus frui magis magisque. Causa autem est, quod fabula novarum rerum narratio est, non ea quæ consueta & constituta sunt, sed alia ab his diversa, recensens. Jucundum autem est quod novum & antea ignotum, hocque ipsum cognitionis cupidos efficit. Quod si admirabilia & portentosa fabulis admisceantur, augetur voluptas; voluptas autem, instar philti, discendi amorem ingenerat. Hujusmodi erat de fabularum usu veterum opinio. His adde, si libet, sententiam Plutarchi, quod philosophica fabulis mixta meliùs imbibantur. Ὅτι ὃ ἥ ἐν φιλοσοφίᾳ λεγομένων οἱ σφόδρα νέοι, τοῖς μὴ δοκῶσι φιλοσόφως μὴδ' ἀπὸ σπουδῆς ἀγέσθαι, χαίρουσι μᾶλλον καὶ παρέχουσιν ὑπαρκτός ἐαυτοὺς καὶ χερσὶν ἑσθλῶν, δὴλόν ὅτιν ἡμῖν ἢ ἢ μόνον τὰ λίσσασθαι μυθία καὶ τὰς ποιητὰς ὑποθέσεις διαρχόμενοι, ἀλλὰ καὶ τὰ περὶ τῶν ψυχῶν δόγματα μεμιγμένα μυθολογία μὴ ἴδοντες ἐνθυσιῶσι. De hoc autem nobis constat, adolescentulos magis gaudere, libentiùsque obsequi, & tractabiliores se præbere iis philosophiæ dictis quæ philosophicè & seridè dicta non videntur. Non enim tantùm Æsopicas fabellas & poëtica argumenta perlegentes, sed etiam de Animabus dogmata, fabulis permixta, divino quodam furore & gaudio corripiuntur.

De aud.
Poet.

untur. Denique, Dion Halicarnasseus, ^{Ant. Rom. lib. 2. p. 91.} licet fabulas non usquequaque probet, varios tamen affert usus τῶν μύθων Ἑλληνικῶν &, inter cætera, illud, ἐπιδείκνυσθαι τὰ τ' φύσεως ἔργα δι' ἀλληγορίας, *opera Naturæ per allegorias explicare.* Ab his fatis constat quid fenserint antiqui de fabularum utilitate, si commodè adhibeantur; tam in religione & philosophiâ, quàm in societate civili constituendâ. Quæ autem de adolescentulis, mulieribus, & vulgo, hic dicunt, multò magis valuissent Orphei temporibus, cùm pars melior gentis humanæ supra vulgus hodiernum vix asurgebat; cæteris, ferarum instar, vitam infociatam agentibus. Longoque post Orpheum ævo, à castis sacrilque apologis non abstinuit Legislator Evangelicus. Sed de his fatis.

HÆC, quæ jam diximus, de Orpheo Politico & Legislatore intelligenda sũnt. Quid apud se fenserit, ut Philosophus, de rebus divinis, de Deo & naturâ, alia planè est quæstio. Moris erat olim viris sapientibus, duplicem habere doctrinam, δημόδιον & ἀπορρητόν, *vulgarem & arcanam*: aliud in pectore, aliud ad populum. Atque hunc duplicem docendi modum habuisse Orpheum, dubitare non licet, cùm non obstantibus iis quæ in propatulo prædicasset aut instituisset, multa reconditioris Theologiæ & Philosophiæ capita in doc-

Lib. I.

doctrinâ Orphicâ reperiantur : multaque veterum testimonia & laudes, ipsius, in rerum contemplatione, solertiæ & acuminis, nos certiores faciunt. Facile credo, nihil ab ipso Orpheo scriptum, jam supereffe ; quod notavit dudum Origines *ad Celsum*. Sed quæ laudantur ab antiquis Carmina, aliave fragmenta, pro Orphicis : sive ab Onomacrito, sive Cercope, aut quocunque alio composita : ea doctrinam Orphicam plurimum amplecti, non immeritò censentur. Prout *Aurea Carmina*, licet nihil remanserit à Pythagorâ scriptum, ipsius Theologiam & institutionem eatenus exhibere non ambigimus. Ità Thaletis & aliorum Veterum, quorum Scripta perierunt, opiniones & dogmata, ab aliis transmissa, retinemus.

QUÆ à Poëtis referantur de Orpheo non multum moramur ; quod feras domuerit, quod sylvas & saxa traxerit. Aliaque hujusmodi. Hæc illum in arte musicâ præcelluisse testantur, sed, quoad cætera, mythologicè intelligenda sunt ; prout Horatius rectè exposuit. Quæ verò ab Historicis Philosophicis de Orpheo traduntur, eandem ac reliqua, quæ ab iisdem authoribus tradita sunt, merentur fidem. Referunt autem Orpheum, præter vim admirandam in poësi & cantu, aliaque fœliciter inventa, vitæ civilis,

vilis, & Religionis initia constituisse. I. P. 586.

tà Pausanias in Bœoticis. Πιστευόμεν' Ὀρ-

φεὺς εὐρεῖναι πιλετὰς θεῶν, καὶ ἔργων ἀποσίαν καθα-
ρμῆς, νόσων τε ἰάματα, καὶ τροπὰς μνημιάτων θείων.

*Deorum initia, & nefariorum facino-
rum expiationes, creditus est adinvenisse
Orpheus: Morborum etiam remedia, &
iratorum numinum placationes.* Qua-

propter ipsius carmina Homericis præ- P. 588.

tulit, quod religionem magis saperent:

Τιμῆς ἐστὶν τῷ θεῷ, καὶ ἐς πλέον ἐκείνων ἔχουσι.

Sparsit utique primus religionis semina
inter Græcos, populosque contiguos Or-
pheus: cultumque sacrum jussit. Hoc
testantur tam Philosophi, quàm Histori-
ci Græci: notantque nonnulli in ipsâ vo-
ce θρησκεία, hujusce rei hæere memoriam.

Ita Suidas: Λέγεται γὰρ ὡς Ὀρφεὺς Θραξ πρῶτος Voc. Θρη-
ἐπεχολόγησε τὰ Ἑλλήνων μυθία, καὶ τὸ πρῶτον θεῶν, σκεύει.

θρησκείαν ἐκάλησεν ὡς Θραξίας ἔσσης τῆς εὐρέσεως.

*Fertur enim Orpheus Thrax primus
initia Græcorum instituisse, & Deum
colere, vocasse θρησκείαν, quasi Thracium
esset id inventum.* Denique, vitam fu-

turam, ejusque, Deos & virtutem colen-
tibus, fœlicitatem, primus in Græciâ a-
peruisse videtur: cum, præcepta sua ob-
servantibus, μετὰ τὴν τῷ βίῳ τελευτὴν, εὐδαι-
μονίαν promiserit. Quod sacrosanctum

arcanum, vir divinus, Moses, vix ausus
est recludere suis Hebræis. Ὀρφεωτελεσται

autem semper, sibi & suis, beatitudinem
post

post obitum polliciti sunt. Hujusce rei index est dicterium Philippi in pauperem Orphicum, de beatâ immortalitate differentem: quod Plutarchus hoc modo

Iacon. A-
poth.
p. 224.

refert. Περὶς Φίλιππον τὸ Ὀρφεωτελεστίω παντε-
λῶς πῶχον ὄντα, λέγοντα δὲ ὅτι οἱ παρ' αὐτῷ μυ-
ηθέντες μετὰ τὴν τῷ βίῳ τελευτίῳ εὐδαιμονεῖσι, τί
ἔν, ὃ ἀνόητε, εἶπεν, ἡ τῶν ταχίστην ἀποθνήσκεις, ἵνα
ἀναπαύσῃ κακοδαιμονίαν τε καὶ πόσαν κλαίων; Or-
phei Sacerdoti admodum pauperi, dicen-
tique, BEATOS FORE POST
MORTEM OMNES, qui ipsius
sacris initiati essent? Cur igitur, fa-
tue, inquit Philippus, non statim more-
ris, ut paupertatem tuam & miseriam
tandem desinas plorare? Quidni igitur
assentiamur Diodoro, Orphea nostrum
inter Græcos Poëtarum & Theologo-
rum maximum, celebranti his verbis:

Lib. 4.

p. 162. vcl
232.

Πεὶ τὴ παιδείαν ἀρχαλιθεὶς καὶ τὰ περὶ τὴ θεολογίας μυ-
θολογέματα μαθὼν, ἀπεδήμησε μὲν εἰς Αἴγυπτον,
καὶ πολλὰ περὶ μαθὼν, μέγιστον ἐγένετο τῷ Ἑλ-
λήνων, ἐν τε ταῖς τελεταῖς, καὶ ταῖς θεολογίαις, καὶ
ποιήμασι, μελωδίαις. *Disciplinarum studiis
addictus, de Orphea loquitur, cum non
vulgarem in Theologiam veterum scien-
tiam comparasset, in Aegyptum profec-
tus multa insuper didicit; ita ut inter
Græcos omnes, tum initiationum & The-
logiæ peritiâ, tum poematum & melodi-
arum artificio, præstantissimus haberetur.*

Deni-

Denique, quod antea dictum est de præmiis & pœnis post mortem, ait hunc L. 1. p. 86.
Philosophum primum in Græciam induxisse : *Τὰς καὶ τὰ ἀσθεῖαν ἐν ᾧ Ἄδ'ε πινυίας, καὶ τὰς τῶν εὐσεβῶν λειμῶνας.* - -

EJUSDEM rei testes sunt Patres Christiani, qui Theologiam Orphicam præ cæteris celebrem agnoscunt. Ità Athenagoras, *πιστεύει παρ' αὐτοῖς ἀληθέστερον θεολογεῖν* Legat. *in explicandis rebus divinis cæteris fide dignior visus Orpheus : aut propius ad veritatem accedere.* Et si excerpta Orphei, quæ occurrunt apud Patres, contuleris : adjunctis, quæ leguntur, sparsim vel collectim, apud Authores exoticos : tot & tam præclara Theologiæ naturalis capita, à Thrace isto, ab antiquitate pænè Mosaicâ, digesta & constituta, merito admiraberis. Unum summum Numen agnovit : idque, ut nonnulli volunt, Triunum. Neque tamen ignoro, superstitionis multa, & impura nonnulla, eidem Orpheo objectari à Patribus. Quibus equidem libenter assentior, quoad superstitiones : neque enim aliter fieri poterat eo quo vixit ævo, eoque cum populo. A rudimentis incipiendum est in omni disciplinâ : ac uti à pueritiâ ad ætatem virilem, ità à superstitione ad castam sanamque religionem, progrediuntur homines. Sed neque humanis sacrificiis, qui mos erat mul-

- multarum gentium : neque animalium sanguine, Decorum aras conspergebat
- De Leg. 6. Orpheus : ut testis est Plato. Eodem
p. 782. etiam respicere videtur Aristophanes,
- Ran. act. 4. his verbis, 'Ορφεύς μὲν γὰρ τελευτᾷς δ' ἡμῖν κα-
Sc. 1. τ' εἰδείξει, φόνων τ' ἀπὸ χεῖρας in facris, peco-
rum cædibus parcere nos docuit. Quin-
etiam qui vitam Orphicam ducebant, in
communi mensâ abstinuerunt ab animalibus.
Similemque vivendi modum, De-
osque colendi, totamque Theologiam,
Vit. Pyth. teste Janiblico, ab Orphea accepit Py-
c. 28. thagoras. Præterea, non fingeat Deos
- Id. Ibid. humanâ formâ Orpheus, ἀλλὰ τῷ παντὶ
τὴν φύσιν καὶ τὴν μορφήν ὁμοίαν ἔχοντας sed u-
niverso similem, naturam formamque ha-
bentes. Quod animi magni, & supra
vulgus elati, indicium erat. Denique,
notum est, tam Orphea, quàm ipsius
seguacem, Pythagoram, duplici usos es-
se disciplinâ, Vulgari & Philosophicâ :
adeoque à sermonibus aut institutis po-
pularibus, sanctiora ipsorum dogmata,
sensufque interiores, non esse metienda.
Φθέγγομαι οἷς θεῖς εἰμὶ δὲ θεῶν δὲ ὁπότε βέλῃλοι,
inquit Orpheus, res diviniore profecu-
turus : atque ex iis quæ ibidem sequun-
tur, credit Justinus pœnituisse Orpheum
Dei. p. 104. erroris, omnisque in Deum aut homi-
nes contumeliæ. Sed quoad mores im-
puros, quod à nonnullis objicitur, cul-
pam non constare arbitror. At quemad-
modum

modum Christianis multas res nefandas & ficta crimina intentabant Ethnici, ita vicissim Christiani, ficta non dicam, sed levi famâ recepta, in Philosophos retorquebant opprobria; neque, effusis in adversarios Ethnicos vituperiis, se malè meritos existimârunt de religione nostrâ. Sed de hâc re satis.

RELIQUUM est, ut pauca quæ supersunt de Physiologiâ Orphicâ, breviter attingamus. Universum ex Æthere, Tellurem à Chao, orta esse voluit. De utroque hæc occurrunt apud Suidam*, ex sermonibus Orphicis *πεὶ διόγνωσίαι*, desumpta. *Εἴπε γὰρ Ὀρφεύς, ὅτι ἐξ ἀρχῆς ἀνεδείχθη ὁ αἰθήρ ὑπὸ τοῦ διὸ δημιουργοῦ. Καὶ ἐρπεῦσαν καὶ κείδον τὸ αἰθέρος ἦν χάθ', καὶ νύξ φοβερά πάντα κατέειχε, καὶ ἐκάλυπτε τὰ ὑπὸ τῷ αἰθέρι.* *In rerum initio primùm exhibitus est Æther, à Deo factus & dispositus. Huic adjacebat, hinc & illinc, Chaos: & nox dira tenuit omnia, & occultavit quæ sub æthere erant.* Ità Syrianus ait (in Arist. Metaph. c. 2.) Æthera & Chaos ab Orpheo habita pro principiis. His duobus præmittit *Tempus*, secundum Sim-

In Lib. 4.
Φυσ. ἀκροα.

N

Ὀρφεύς

* Voc. Ὀρφ. & apud Cedrenum (p. 57.) ex Timotheo antiquo scriptore, & Procl. in Tim. β. ε. p. 117.

Ὀρφεὺς καὶ χρόνον ἀνυμνεῖ, ὡς μέτερον ἔσαν τῆς μὴ
 δικῆς ἤτ' Θεῶν γενέσεως, αἰδέεσθαι καὶ τὸ πελώριον χάσ-
 μα περιελθεῖν φησί. *Post unum omnium*
principium, quod tempus esse Orphe-
us carmine celebrat, tanquam mensu-
ram fabulosa Deorum generationis, ait
productum esse Æthera & ingens Cha-
os. Hæc ita intelligi possunt, ac si vo-
 luisset Orpheus Æthera & Chaos fuisse
 cœva ; cui sententiæ ego non astipulor.
 Sed apud antiquos, aut authores subse-
 quentes qui antiquorum placita nobis
 retulerunt, Rerum universitas sæpe con-
 funditur cum mundo sublunari ; & quod
 ad alterum duorum separatim spectat, de
 alterutro vel ambobus, promiscuè dici-
 tur. Ex Æthere facta est cœlestis &
 prima rerum fabrica : ex Chao mundus
 sublunaris, sive Tellus nostra, aliæque
 finiles ; idque post multa sæculorum in-
 tervalla. Hæc autem quæ seorsim trac-
 tanda essent, tam propter materiam quàm
 tempus, in unum sæpe compulerunt inipe-
 riti authores. Sed ad apparatusum cœlo-
 rum duplicem, errantium & inerran-
 tium, progrediamur.

STELLAS fixas ex æthere aut igne com-
 pactas crediderunt veteres ; & Telaugis
 Pythagorici discipulus, Emepedocles,
 principia Orphica & Pythagorica secu-
 tus, modum explicuit quo Fixæ con-
 flantur ex æthere ; his verbis apud Plu-
 tarchum.

tarchum. Ἐμπεδοκλῆς πύπειν τὰ ἀστέρων ἐκ τοῦ πυρώδους, ὅπερ ὁ αἰὲρ ἐν ἑαυτῷ περιέχων, ἐξέθλιψε κατὰ τὴν πρώτην διάκεισιν. *Igneas esse stellas voluit Empedocles ; eo ex igne factas, quem in se continens æther, in primâ secretionem eliserit.* Nempe Fixæ conflantur ex illis particulis igneis, quas materia cœlestis vel ætherea, motu circulari acta, deprimit & detrudit ad centrum orbis. Et cum hujus ætheris aut ignis ingens massa collecta est in centro alicujus orbis, hæret ibi immobilis, radiosque emittens undequaque, Stellæ Fixæ vim, formam & proprietates omnes induit.

PRÆTEREA statuit Orpheus, quamlibet stellam esse mundum, in infinito æthere suspensum. Idem Pythagorici asseruerunt. Ἐχουσιν οὖν ἀστέρων κόσμον ὑπάρχον ταῦτα ἢ τὰ δόγματα ἐκ τῆς Ὀρφικῆς φέρεται κοσμοποιεῖσθαι γὰρ ἔχουσιν οὖν ἀστέρων. Ut refert Plutarchus. Hæc verò de Errantibus libentius intelligo quàm de Fixis : licet has animatas esse, probè nôrim, ex veterum sententiâ. Planetas autem apertius Mundorum nomine insignire solent : saltem si ab exemplo Lunæ de cæteris statuamus. Quid de Lunâ statuere veteres, erudito & eleganti tractatu explicuit Plutarchus. Hanc Pythagorici dixere Terram Ætheream vel cœlestem : etiam Ἀντίχθονα, alteram Terram nobis oppositam.

tam. Et doctrinam illam Lunarem Orpheo acceptam tulit Pythagoras. Orpheus enim inter Græcos, primus Lunam habitabilem dixit, omnique instructam supellectile orbis habitabilis, tam naturali, quàm artificiali; secundum illa carmina quæ nobis conservavit Proclus.

In Tim.
Plat. Ei. γ.
p. 154.

Μήσωτε δ' ἄλλην γαῖαν ἀπείρατον, ἣν τε σελήνην
'Αἰθῆρατοι κλήζουσιν, ἐπιχθόνιοι δ' ὅτε μήνην.
'Η πολλ' ἔρε' ἔχει, πολλ' ἄστα, πολλὰ μέλαθρα.

*Altera Terra vaga est, quam struxit:
quamque Selenem
Dii vocitant, nobis nota est sub no-
mine Lunæ.
Hæc montes habet, ac urbes, aedes-
que superbas.*

HÆC de cælo, secundum Orphicos. Quoad Tellurem, notum est, eam è Chao excitasse Orpheum, Ovoque similem formasse. Id quod satis expositum est in C. 7. & 10. libro secundo Theoriæ Telluris. Adji-
ciendum hoc loco, ejusdem Telluris *In-
cendium*, & post incendium *Renovati-
onem*, pariter dogmata esse Orphica.
De def. Or. De priori ità Cleombrotus, Anti-stoi-
cus, apud Plutarchum. Ὅρῳ τὴν Σταῖκλιν
ἐκπύρωσιν τὰ Ἡρακλίτε καὶ τὰ Ὀρεῖως ἐπνευμομένην
ἔπῃ. *Video hanc conflagrationem Stoi-
cam*

*cam Heracliti & Orphei versus inva-
sisse & invertisse. Ad posterius, five
rerum instaurationem futuram, respex-
isse creditur Orpheus his versibus, apud
Proclum, aliosque :*

In Tim. c.
e. p. 99.
Cl. Alex.
str. 5.

Πάντα τὰ δὲ κρύψας, καὶ οὐ φάτο ἱερὸς πολυμήθεος
Μέλλεν ἀπὸ κρυφίας περφέρειν, πολυβέλτελα βί-
ζων.

*Quæ prius occuluit, dulces in luminis
oras,
Divino, deprompta sinu, sermone
reducet.*

De Physiologiâ Orphicâ, quoad corpo-
rum Mundanorum materiam & origi-
nes, hæc sufficiant.

SUBSTITISSET hîc dissertatio nostra
de rebus Orphicis, nisi scrupulum, nimio
plus odiosum, injecisset nonnullorum
temeritas aut invidia ; eorum nempe,
qui pro nullo haberi volunt, aut inani
nomine, τὸν πάντων Ὀρφέα. Adeoque, in
ipsius dogmatis eruendis aut explican-
dis, perditum iri quicquid operis impen-
dimus. Hujus rei meminit pridem Ci-
cero inter Philosophandum contra Epi-
cureos : & eandem renovavit nuper vir
optimus & eruditissimus, Ger. Vossius ;
& rationes excogitavit qualescunque, ut
opinionî suæ fidem faceret, Orpheumque

De Nat.
Deor. l. 1.

Deart.
Poet. c. 13.

nostrum, non tantum è Poetarum & Philosophorum, sed etiam ex hominum numero deleret & obliteraret. Orpheo adjungit Musæum & Linum, his verbis: *Puto enim Triumviros istos poëseos, Orphea, Musæum, Linum, non fuisse: sed esse nomina ab antiquâ Phœnicum linguâ, qua usi Cadmus, & aliquamdiu posteri. Sanè αῖνῶν carmen sive canticum, ac præcipuè lugubre, ut ex Athenæo, Eustachio, Suidâ constat. Nomen ut puto, non quia Linum eo deplorarent, quod Grammaticum est commentum, sed ad Hebræo הָלַיְנָה murmurare, unde תִּלְוִנָה telounah, Q'U ERELA, MURMURATIO: ut Linus nomen poëtæ sit lugubria cænentis. Musæus absque dubio à Musa, sive מוֹסַי, quod à מוֹסַר Mosar, ARS, DISCIPLINA. Orpheus itidem à scientia nomen habuerit; sanè אֵרִיפָא Arabibus est SCIRE, NOVISSE: unde אֵרִיפ, sciens, eruditus, doctus. De Lino & Musæo impræsentiarum non agitur. Id tamen notare licet, tres gentes torfisse virum doctissimum, Phœniciam, Hebræam, & Arabicam, ut ex eorum ore, aut visceribus, hæc tria nomina eliceret. Quem non ex antiquis, hæc arte aut licentiâ, ad figmentum redigere licet? modò sufficiat, nominis etymon*

etymon quaecunque ex aliquâ linguâ Orientali extundere, atque eâ ratione proprium in appellativum liquefacere. Quid si Cadmum, quem memorat vir doctissimus, nomen inane esse dixerò, atque fictum à voce 𐤇𐤍 *Antiquum* ? certè aptius respondet vox voci, quàm Arif, Orpheo : neque in Arabiam quæsitum proficiscimur vocis originem, ut ille pro nostro Thrace. Dein, quoad historiam, multo plures meminerunt Orphei, quàm Cadmi. Poëtæ, Græci & Latini : Patres, Græci & Latini : Historici & Philosophi, Græci & Latini. Cui non dictus Orpheus ? Imò gentes barbaræ hunc virum non tacuerunt : Ægyptii enim, ex fide Diodori, in sacris commen-
Lib. 1.
tariis nomen Orphei retinent, præficiuntque sapientum Græcorum agmini, qui ad augendam scientiam, in Ægyptum descendere. Cæterum in hâc re testes optimi sunt Patres Christiani, quotquot contra Gentes scripserunt : quandoquidem eorum interfuit maximè hunc hominem è medio tollere, si minimæ suspicioni locus fuisset. Hunc hominem, inquam, Theologiæ Græcicæ caput & coryphæum : quem ipsi Christo compararunt aut prætulerunt Ethnici. Neque tamen è Patribus quenquam, Orpheum abnegasse, aut celebre illud nomen in dubium revocasse, legimus. Denique,

L. 1. p. 14.
l. 7. p. 359.
& 367.

que, res apertior est in Origine & Celso
quàm ut eludi possit ullo modo. Cel-
sus enim semel atque iterum immodicè
laudat Orpheum, facitque majorem Mo-
se aut Christo, & præstantiorem vitæ
ducem. Unde sic alloquitur Christianos.

Πόσω δ' ἦν ὑμῖν ἀμεινον, ἐπειδὴ γε χειροτομῶσαι π ἐ-
πιθυμήσατε, πλεῖ ἄλλον πνὰ τοῦ γενναίως ἀποθανόντων,
θεῶν μῦθον διζᾶσαι δυναμένων, ἀποδᾶσαι; εἴρε, εἰ
μὴ ἤρεσαν Ἡρακλῆς, καὶ Ἀσκληπιοῦ, καὶ οἱ πάσαι
δεδοξασμένοι, Ὀρφία εἶχετε, ἀνδρα ὁμολογούμενως ὁ-
σίω χρησάμενον πνεύματι. *Quanto satius es-*

set, si innovare aliquid affectatis, de
alio quopiam præclare mortem perpeffo,
ἔξ ὁρινά fabulâ digno, cogitâsse? Et
si non placuit Hercules aut Æsculapi-
us, aut alii inter priscos gloriam adepti,
Orpheum habebatis: VIRUM
SINE CONTRORSIA
SANCTO AFFLATUM SPI-
RITU. Vehemens Oratio: quid his

respondet Origines? Si Orpheum nun-
quam fuisse credidisset, in promptu esset
regerere, Quid mihi objicis, bone vir,
umbram hominis? Quid mihi cum tuo
Orpheo, quem Sol nunquam vidit?
nomen fictitium & fabulare affers, vo-
cem & prætereà nihil. Hoc utique non
reponit vir gravissimus; negat Or-
phei libros jam extare, non homi-
nem ipsum unquam extitisse. Crimi-
natur, quod Deos fecisset ἀνθρωποπαθεῖς
fed

sed vixisse & claruisse Orpheum, laceffit-
tus non negat.

At docuit Aristoteles, inquires, Or-
pheum non fuisse : teste Cicerone, ut
supra. Sed ubinam id docuit Aristote-
les? quo libro, aut capite? nullus jam
extat locus, quod sciam, apud Aristote-
lem, qui hoc testatur. De scriptis qui-
dem Orphicis dubitasse videtur, atque De Anim.
l. 1. c. 7.
§. 12. id forsan ad hominem transtulit Cicero.
Sed quid denique dicendum de Doctrinâ
Orphicâ? Hæccine nullum habuit Au-
thorem, nullam originem? neque divi-
nam, neque humanam? Antiquior erat
Pythagorâ: hanc enim ille secutus est
& excoluit, fatentibus ipsis Pythagoreis.
Neque tot unquam fuissent supposititia
scripta sub nomine Orphei, nisi verus
olim fuisset Orpheus. Quis enim sui o-
peris authorem nuncuparet Hippocenta-
rum vel Chymæram; nomen inane in-
telligo, vel rem fictitiam. Si nunquam
extitissent Sibyllæ, neque Moses, Solomon,
Patriarchæ, tot libros Apocryphos Pseu-
donymos, interpolatos, mutuatitiis, & e-
mentitis titulis non habuissemus: uti, si-
ne corporibus, non essent umbræ. Sa-
cra Orphica non memoro: quis ea con-
stituit, ritusque Religionis & Theologi-
am invexit primus in Græciam non quæ-
ro. Sed de Scriptoribus rerum Orphi-
carum quid statuendum? Viros bonos
planè

Suid. Voc.
Syr. &
Proa.

Suid. in
Voc.

P. 191.

Strom. 5.
p. 571.

planè delirâsse? Syrianus & Proclus scripsêre in *Theologiam Orphei*: & præterea de *consensu doctrinæ Orphicæ & Pythagoricæ*. Collegisse dicitur Orphei scripta Pherecydes Atheniensis. Herodotus Orphei & Musæi historiam scripsit: teste Photio, cod. 80. Et Epigenes denique πειρὶ τῶν Ὀρφικῶν ποιήσεως teste Clemente Alexandrino. Hos scriptores aliósque similes, sua nobis narrare somnia credemus, de quodam Orpheo? vel istos potius ineptire, qui, virum clarissimum, ab omni ævo populóque recognitum & celebratum, è natorum hominum censu expungere, aut eradere, fatagunt. De Orpheo & Orphicis fatis.

C A P. X.

De Philosophis Græcis post Orpheum: & primò de Ionicis.

HÆC de Philosophis Græcorum antiquissimis, qui Poëtæ & Mythologi erant, dicta sunt. Sequuntur reliqui, qui sine fabulis, & plerumque sine carmine scripserunt; adeoque à plurimis unicè intelligi solent *Philosophorum nomine*. Hujusmodi sunt, Thales cum suis Ionicis, Pherecydes, Pythagoras, Zc.

Zenophanes, Parmenides, Leucippus, Democritus, Empedocles, Plato, alique; usque ad Epicurum & Aristotelem, in quibus definit antiquitas Philosophica; nisi forsan apud Stoicos aliquid antiquorum dogmatum reperiamus. Solent autem Philosophi Græci discesci in suas classes aut scholas, sub totidem Sectarum principibus: sed cùm instituti nostri sit eos tantùm revisere qui philosophiam naturalem coluerunt, tres aut quatuor percurrisse satis erit, Ionicam nempe, Italicam, Eleaticam, &, si vacat, Stoicam. Idque eo potissimùm fine, ut quid statuerint de *rerum originibus*, brevi discussione pateat: & quæ dogmata primæ inter Græcos philosophiæ poëticæ, quæ antiquo-barbaræ, retinuerint.

QUOAD Thaletem & classem Ionicam, ut inde exordiamur, reliquis antiquiorem, semimillennio vel circiter, à captâ Trojâ, florebat: ut lucem cæteris ferre non immeritò videatur. Unus erat è philosophis peregrinantibus, ac inter primos, Thales: suavitque Pythagoræ, ut eâdem Jamb. de vit. Pyth. c. 2. viâ sapientiam quæreret: non domi, sed apud Ægyptios sacerdotes, Memphiticos & Diospoliticos, ubi ipse institutus fuisset. Imò, referente Laertio, nullum, præter Ægyptios sacerdotes, præceptorem habuit, *ἡδεὶς τε αὐτῷ καθηγήσατο, πλὴν ὅτ' εἰς Αἴγυπτον ἐλθὼν τοῖς ἱερεῦσι συνδιάτεττε.* Quin ipse

Hygin.
Astr. poet.
lib. 2. c. 2.

ipse Thales exterus erat origine, Phœnix
scilicet, vel ex familiâ Phœniciâ; ac pro-
inde Arctos minor sive Cynosura, ab ip-
so primum observata, dicta est Phœnice.
Triplicem aut quadruplicem, apud Græ-
cos, in literis primatum obtinuit, in Geo-
metriâ, Astronomiâ, Physicâ, & denique
quod animos immortales esse primus dix-
erit. Hoc autem Orphicis potius dandum
esse videtur, qui in futurâ vitâ foelicitatem
suis pollicebantur. Quoad Geome-
triam verò, & Astronomiam, facilè cre-
do Thaletem in his scientiis non tantum
Græcos anteriores, sed etiam Ægyptios
gentesque barbaras præcelluisse: non
quod ille perfecerat ea studia, aut mag-
noperè provexerat, sed quæ parva sunt
incrementa, si ad hodiernam Mathemati-
cam comparentur, rudis adhuc Græciæ,
atque etiam exterarum gentium mathe-
mata, facilè superabant. Quod triangu-
la circulis inscripserit aut circumscripse-
rit, circulosve triangulis: quod æquinoc-
tia, & solstitia notaverit: quod Eclipses
Solis prædixerit: hæc illi data sunt exi-
miæ laudi; quæ tamen in hodiernis stu-
diis mediocria habentur. Denique quoad
scientiam Physicam, quæ propius accedit
ad propositum nostrum, dicitur Thales
de hac primus dissertationes instituisse;
πρῶτον δὲ καὶ περὶ οὐρανοῦ διαλέχθη, ὥς πρὸς α
nonnullis fertur, eum primum de Na-
turâ

Lact.

turâ differuisse. Quod non aliter intelligendum esse censeo, quàm si dixisset Thaletem fuisse primum Philosophum Physicum, *proprium & genuinum.* Plures ante Thaletem de *naturâ* differuerant inter gentes barbaras, & inter Græcos nonnulli, quos jam jam recensuimus; sed vel mythologicè scripserunt, vel physiologiam suam cum Theologiâ permiscebant, ut soliti sunt veteres: Thales autem primus de naturâ purâ putâ differuit, sine fabulis aut commentationibus Theologicis. Cum itaque apud Aristotelem, aliósque veterum, οἱ φυσικοὶ & οἱ θεολόγοι distinguuntur, inter Theologos, primum locum habet Orpheus, ipsiúsque sequaces: inter Physicos Thales, & qui, more Thaletis, de rebus naturalibus nudè & simpliciter philosophantur.

SED de dogmatis physicis hujus Philosophi nihil superest notatu dignum, præter illud de *Aquâ*, rerum omnium principio. Ἀρχὴν τῶν πάντων ὕδωρ ὑποστήσκει, inquit Laertius: sive, ut Galenus habet, ἐκ τῆς ὕδατος συνεσθάναι πάντα. Nempe in hoc mundo sublunari. Quod affine est ^{2 Pet. iii.} philosophiæ Sancti Petri Apostoli, qui mundum primigenium, ἐξ ὕδατος καὶ δι' ὕδατος συνεσθάναι voluit. Aristoteles memorat hoc ^{1 Metaph. c. 3.} dogma de *Aqueis rerum primordiis* priscis viris & primævis Theologis adscriptum

tum esse; cùm de hâc re verba faciens ait, εἰσι δὲ τινες οἱ καὶ τὰς παμπάλαιας, καὶ πολὺ πρὸ τῆς νῦν γενέσεως, καὶ πρώτας θεολογίας ἕτως εἶονται περὶ τῆς φύσεως διαλαβεῖν. Neque quidem ablu-
dit Moïses, Theologorum antiquissimus, ab hâc sententiâ. Sed non integram Cosmogoniam complectitur hoc Thaletis Decretum, cùm mundi *materiam* tantùm notet, non compositionis modum, aut quam tandem formam affecuta sit hæc materia fluida. Quare ut pedem paulò ulterius promovcamus, non abs re erit Anaximandrum, Anaximenem, Anaxagoram, Archelaum, ipsius Sectatores, consulere. Anaxagoras huic materiæ fluidæ præfecit *Mentem*, ducem & præsidem; nota est ipsius sententia, Libri, quem scripserat, initium: Πάντα χρήματα ἦν οὐκ, ἔτα νῦν ἐλθὼν αὐτὰ διεκόσμησι. *Omnia simul confusa erant, dein MENS superveniens ea ordine disposuit.* Hinc à suis & à posteris appellatus est νῦν, sive *MENS*. Titulus, me iudice, honorificentior, quam *AFRICANUS*, aut *ASIATICUS*. Unde de eodem merito dictum est, ἔτα δὲ πρῶτα διήρθρωσι ὅτι περὶ ἀρχῶν λόγον· ἔ γὰρ μόνον περὶ τῶν πάντων ἑσίας ἀπερήνατο, ὡς οἱ περὶ αὐτοῦ, ἀλλὰ καὶ περὶ τῶν κινησέων αὐτὴν αἰτίαι. *Hic primus rectè ordinavit doctrinam de Principiis.* Neque enim de universi tantùm naturâ, sive rerum omnium materiæ, uti priores illo, sed etiam

Euseb.
præp. Ev.
lib. 10. c.
ult.

etiam de motûs ipsius causâ & auctore philosophatus est. Hoc utique, sive à Lino acceperat, ut vult Laërtius; sive In Proem. aliunde, viam aperit ad veram Cosmopœiam: nam, sine causâ efficiente, iners & stupida res est materia.

MODUM verò & ordinem quo hanc massam digessit, ὁ λόγος δημιουργός, ex solâ ratione gravitatis explicuit Anaxagoras, his verbis: Νῦν μὲν ἀρχὴν κινήσεως τῶν δὲ συμμάτων τὰ μὲν βαρέα, ἢ κάτω τόπον, ὡς ἢ γῆ· τὰ δὲ κῦφα, ἢ ἄνω ἐπισχεῖν, ὡς τὸ πῦρ ὅδωρ ἢ ἡ ἀέρ, ἢ αἶσα. *Motûs quidem initium à Mente proficisci: corporum verò quæ gravia sint, ea inferiorem locum obtinere, ut Terram; levia autem superiorem, ut Ignem. Aerem verò & Aquam, medium.* Rectè quidem: en quatuor elementa disposita secundum suas sedes natales; sed ubinam habitabimus, in quâ parte aut regione hujus mundi, nos & animantes? Terra est nucleus hujus globi elementaris, atque aquis tota cooperta: ut sicca fiat, quâ ratione efficies? quibus causis, aut machinis, aut instrumentis? Hic semper hæsit aqua Græcis philosophis; hâc difficultate nunquam se expedire potuerunt: ità scilicet disponere elementa, maximè aquam, ut superesset Terra habitabilis. Θεὸν ἀπὸ μηχανῆς hic accersivit Moses, ad dissipandas aquas; & rectè quidem, quùm ei apud populum res agenda esset.

esset. At si rationis & philosophiæ castra non deseramus, quâ vi aut arte excutiemus hanc aquarum molem? Nequeunt, nec Aristoteles, nec Epicurus, nec Græcorum quisquam, hunc nodum solvere. Tentârunt quidem, excavando terram internam, vel fingendo, nescio quas lacunas; sed gratis & ἀφισόους. Quin ipse Anaxagoras idem tentâsse videtur, neque magis aptè: sequitur enim apud Laërtium, ἔτω γδ ἐπὶ τῇ γῆς πλατείᾳ ὕψος, ἢ θάλασσαν ὑποσῆναι, διατρυπίντων ὑπὸ τοῦ ἡλίου τῶν ὑγρῶν. Quid hoc sibi vult, ἐπὶ τῇ γῆς πλατείᾳ ὕψος, non facilè patet. Sententiam ità reddidit Aldobrandinus, *sic enim in terrâ, quæ lata sit, mare subsidere, humore à sole extenuato*. Sed quid confert ad subsidentiam maris, Terræ latitudo? si dixisset, quod *profunda* sit, aut quod *cava* sit, causam aliqualem indigitasset: quare facilè suspicor mendum esse in voce πλατείᾳ, & legendum βαθείᾳ ἐπὶ τῆς βαθείᾳ ὕψος ἢ θάλασσαν ὑποσῆναι. Quam conjecturam cò libentiùs amplector, quod Anaxagoræ discipulus, Archelaus, ita rem intelligere videatur; sic enim ait, Τὴν δὲ θάλασσαν ἐν τοῖς κόλοις διὰ τῆς γῆς ἡθεμένην συνεσάναι. Neque aliter sensisse Anaxagoram ex Aristotele & Seneca colligere licet. Sed hoc obiter.

Meteor. lib.
2. c. 7. Sen.
lib. 6. c. 9.

ESTO, in profundis & cavernis terræ voluisse Anaxagoram mare sive Oceanum substi-

substitisse. Sed quid excavavit terram? five illum nucleum terrestrem, tot tunicis & operculis, aquæ, aëris, & ignis, munitum? Cùm ab initio omnia essent confusâ fluidâque juxta hanc philosophiam Ionicam, & particulæ graviores descenderent versus medium, à cæteris omnibus circumstipatæ, illud corpus medium, integrum & indivisum, spissumque fore, intus & extra plenum, & uniforme, quis non videt? Quod etiam à nobis alibi ostensum est fusiùs. Quare frustrâ sunt qui in hac terrâ subaquancâ & uterinâ, ut ita dicam, cavernas, & montes, cæterasque hodiernæ telluris inæqualitates quærunt. Atque hunc errorem errârunt omnes Græci, sempérque in hac parte Cosmopœiæ laborârunt; dùm scævo & inani consilio derivare aquas cuperent in nescio quas cavitates, cum non derivandæ essent, sed novo terrarum orbe, vel fornice, cooperiundæ; quod unicum est τῆς κοσμοποιίας mysterium. Ait Silenus, Anaxagoram dixisse, *cæli fornicem lapideum esse*, & conversionis celeritate contineri, ne ruat: casurum verò ubi remittetur motus. Philosophia crassa & Anaxagorâ indigna; nisi hanc, fornicis superioris, aquis circumstructi, mutilatam esse memoriam, & per historici imperitiam & ἀριστερίας, quod apud Laërtium non infrequens esse existimo, corruptam, & in

O cælum

Theor. Sac.
lib. I. c. III.

Apud Laer.

cœlum translatam, supponamus. Certè Anaxagoras, nec formam cœli, nec motus astrorum, in primævo mundo, ignoravit; quarum rerum non vulgarem notitiam produnt verba quæ proximè sequuntur apud Laërtium. Τὰ δ' ἄστρα καὶ ἀρχαῖς μὲν θεολοεῖδ' ἔνεχθῆναι, ὥς τε κατὰ κορυφὴν τῆ γῆς τὸ ἀπὸ φαινόμενον εἶναι πῶλον, ὅς τε ἐξ ἑσθ' ὃ τὸ ἔγκλισιν λαβὼν· ubi illa φερεῖ θεολοεῖδ' astrorum, & dein πῶλον ἔγκλισις, primam cœlorum formam, vel telluris situm, indicant, & quæ postea accessit, mutationem. Quod

T^heor T^l.
lib.2.c.10. suo loco satis probatur.

Hæc de mundi sublunaris & inanimati ortu: quoad animatum, addidit præterea Archelaus, τὰ ζῷα ἐκ τῆ ἰλύος γεννηθῆναι· quod verè antiquum est; ἰλὺς πρωτογενὴς, & Ægyptiis, & Phœnicibus, aliis verbis memoratur. Et quæ sequuntur verba, γενᾶσθαι τὰ ζῷα ἐκ θερμῆς τῆ γῆς, καὶ ἰλὺν παρὰ πλεσίαν γάλακτι, οἷον τετρῆν, ἀνιήσης, solum Ægyptiacum sapiunt. Tota quidem hæc ζωογονία philosophiæ antiquo-barbaræ non malè respondet, neque sacræ repugnat, si Anaxagoræ *Mentem* his omnibus præesse & præsidere recordemur.

Ut hæc de Archelao claudamus, liceat hic obiter mendum in Laërtio, ut antea in Anaxagoræ vitâ, notare, quo planè pervertitur sententia. Ex humore deducit omnia elementa Archelaus, idque attenuando vel conspissando; quod
his

his verbis protulit Laërtius: Τηκόμῳνον, φησὶ, τὸ ὕγρὸν ὑπὸ τοῦ θερμῦ, καθὼς μὲν εἰς τὸ πυρῶδες συνίσταται, ποιεῖν γῆν καθὼς ὁ περιρρεῖ, ἀέρα γινῶν. Quis non videt mentem Arche-lai? Humor spissatus terram constituit, laxatus & diffluens, aërem. Laërtii autem verba, si verè reddantur, ità sonant, *Humorem, inquit, calore liquefactum, in quantum in naturam igneam concrescit, Terram facere, &c.* Qualis, quæso, sententia? Estnè *concretio*, cùm Aqua transiit in Ignem, qui tenuior est? & an ignis factus, immediatè constitueret Terram? quare pro πυρῶδες scribendum omninò πηλῶδες. Atque ità clara sunt, & cohærent omnia.

SED ut progrediamur: Illud unum de *MENTE*, rerum omnium præside, & motûs omnis principio, manet, æternúm-que manebit, hujus philosophiæ decus & ornamentum. Luce clarior est illa sententiola, Νῦν μὲν ἀρχὴν κινήσεως *Omnis motûs in materiâ mentem esse principium.* Quod ità retulit Aristoteles: *Ἐπὶ ὃ* Phys. aufc. lib. 8. c. 1.
Ἀναξαγόρας ὁμῶς πάντων ὄντων καὶ ἡρεμούντων τὸ αἴτιον χρόνον, κίνησαν ἐμποιῆσαι τὸ νῦν καὶ διακεῖναι.
 Notandum enim duo contineri in illâ doctrinâ Anaxagoricâ: primùm, *Mentem* esse principium omnis motûs in materiâ; quæ ex se iners & immobilis est: secundò, *Mentem* esse authorem omnis ordinis in hoc motu; ideoque τὸ διακοσμήσας, pulchræ

& ornatæ compositionis mundi ; quam alii, aut casui fortuito, aut necessitati, temerè attribuerunt. Τοῖς ἑλοῖς πρῶτον ἡ τύχην ἢ δ' ἀνάγκην διακοσμήσας ἀρχήν, ἀλλὰ νῦν ἐπίστησι

In Pericle. inquit Plutarchus de Anaxagorâ.

QUARE in hoc argumento præclarè se expedierunt philosophi Ionici, quoad mundi causam efficientem & intellectualem : quoad principium ipsius materiale, id aliter atque aliter exprimunt ; sed in eo conveniunt omnes, hanc materiam primam particulis minutis, atque variè motis, constituisse. Hanc fluidam esse voluit Thales, & appellavit *Aquam* : volatilem Anaximenes & nominavit *Aërem* : neque refert utrum dixerint, cùm ex hoc aut illo reliqua elementa constituerint. Atque has particulas alii similes, alii dissimiles esse voluerunt ; idque innumeris modis. Hæc opinionum discrimina, quæ variè à variis recitantur, nullius sunt momenti : cùm inter philosophandum, ubi paululùm progressus fueris, eodem redeant ; nomine magis quàm re diversa. Quare pro doctrinâ hujus Sectæ circa rerum ortum, satis erit constituere particulas minutas, & mobiles, easque primùm confusas, postea in ordinem adductas à mente divinâ.

PRÆTEREA, hanc materiam fluidam in vortices disposuit Anaxagoras, vel à mente motrice ita dispositam statuit. Hoc

nos

nos docet Plato in Phædone, ubi Socra- P. 99.
tes, caufarum phyficarum ignarus & faf-
tidiofus, ingenium philofophicum Anax-
agoræ incitè fugillat: & inter alia, vor-
ticem ab eo Telluri circumpofitum, per
ludibrium, memorat. Hanc doctrinam
Anaxagoræ explicitiùs memorat, & eo-
dem ferè animo, Clemens Alexandrinus,
his verbis: Ἐπεὶ καὶ Ἀναξαγόρας πρῶτος ἐπίσημος Strom. 2.
τῶν τοῖς περὶ γῆμασιν ἀλλ' ἐδὲ τῶ ἐτήρησι τῆ ἀξίας P. 364.
τῆ ποιητικῆν, δίνους τινὰς ἀνοήτους ἀναζωγραφῶν, σὺν
τῇ τῷ νῦ ἀπραξίᾳ τε καὶ ἀνοίᾳ. *Primus enim
Anaxagoras Mentem rebus adjecit: sed
nec ille dignitatem fervavit causæ effi-
cientis, Vortices, nescio quos, amentes de-
scribens, cum mentis ab agendo cessatione,
ἔ quasi amentia. Ludit in vocibus νῦς,
ἀνόητος, ἀνοία, Mens, Amens, Amentia.*
Id autem vitio dat Anaxagoræ, quod in
mundo condendo, rerum materiâ in vor-
tices compositâ, mentem, quam intro-
duxerat, otiosi finat. Nempe id sæpe
accidit viris optimis, Socratis & Clemen- Vid. Plut.
tis fimilibus, ut ex amore caufarum divi- de Orac.
narum, inferiores & materiales negligent defeq. P.
& fastidiant. Quæ tamen locum suum 435.
habent, & taceri non debent, in ordina-
tâ rerum explicatione.

DENIQUE, quoad cœlos & corpora
cœlestia, mirum quantum profecerant in
eorum cognitione Ionici. Regiones cœ-
lestes æthere constare: planetas esse cor-

Arist. Meteor. 1. 3.
Plut. de plac. Phil.
2. 13.
Lært.
In Astron.

pora opaca, atque Fixas ignea, quod summa est physicæ cœlestis, videntur rescivisse. Ità Anaximander, τὴν τε σελήνην

In Astron.

ψευδοφαῖν, καὶ ἀπὸ ἡλίου φωτίζεσθαι. Idemque Anaximenes, apud Theonem. Progreditur ultrà Anaxagoras, asseritque τὴν σελήνην οἰκίσσεις ἔχειν, ἀλλὰ καὶ λόφος καὶ φάραγες. *Habitari in Luna, sed & esse in ea colles & vales.*

Quare Plato in Apologiâ Socratis, Miletum sic alloquitur: Ἐπεὶ δὲ μὲν ἥλιον λίδον φησὶν εἶναι, καὶ τὴν σελήνην γῆν. Ἀναξαγόρου οἷς καταγορεύειν. Rectè igitur Plutarchus: ὁ γὰρ πρῶτος

In Nicia
p. 538.

σαφές αὐτὸν γε πάντων καὶ διαφραλέωτατον περὶ σελήνης κατασκευασμῶν καὶ σκίας λόγον εἰς γραφὴν καταδέξασθαι.

De Plac. philosoph. lib. 2. c. 28.

Ἀναξαγόρου. Denique idem ait in genere de Thalete: Θαλῆς καὶ οἱ ἀπ' αὐτοῦ, ὑπὸ τοῦ ἡλίου φωτίζεσθαι τὴν σελήνην. *Thales, & qui ejus sequuntur decreta,* aiunt, *à Sole illustrari Lunam.*

Quoad Fixas & Solem, notum est Anaxagoræ dictum, quod ei vitâ penè constitit apud Athenienses, Solem esse μυσθὸν διάπυρον, *massam ignitam & candentem;* quod quidem materiam ardentem, sed crassam solidamque indicare videtur.

Anaximander autem asseruit solem esse καθαρώτατον πῦρ, liquidum purissimumque ignem. His observatis, si, quæ de Lunâ statuerunt, ad cæteros Planetas;

& quæ de Sole, ad cæteras Fixas, extendantur: & nobiscum repetamus, quo tempore vixerint hi philosophi Græcorum vetustissimi, veram cœlorum physiologi-

am,

am,

am,

am, quam nuperis sæculis reſtitutam vidimus, antiquis ſapientibus non ignotam, gratulabimur. Addam denique, in laudes Anaxagoræ, non tantùm generalem cœlorum doctrinam, ſed etiam veteris novique formam, atque motuum discrimina, ſive ex cauſarum intuitu, ſive priſcâ traditione, ei innotuiſſe; prout antea notavimus.

HÆC cùm ita ſint, quæ poterant ignorare, inquis, motum telluris, verumque mundi ſyſtema, hi philoſophi Ionici? Neque id ignorâſſe mihi videntur. Nam qui cœlos fluidos eſſe ſtatuunt, orbẽſque ſingulos more vorticum circumferri, impedire nequeunt quo minùs unà volvantur corpora quæ hiſce vorticibus implicita ſunt. Et ſpeciatim quoad tellurem, huic vorticem huiusmodi circumpoſuit Anaxagoras, *δίννι περιέδδς τῇ γῆ*, ut dicitur apud Platonem. Quamobrem non potuit non rotari circa ſuum axem tellus.

Dein quoad motum annuum, dixit Anaximander, referente Theone Smyrnæo, *ὅτι ἔστιν ἡ γῆ μετέωρε, καὶ κινῆται περὶ τὸ τοῦ κόσμου μέσον*. *Quod Terra in ſublimi pendeat, & moveatur circa mundi medium.* Quod de motu ipſius circa Solem facillime intelligitur. Hæc quidem aptè cohærent, tam inter ſe, quàm cum ſententia Pythagoræ, qui hunc Thaletem primum habuit ſtudioꝝ ducem. Sed in colligendis & in-

terpretandis antiquorum dogmatis, erunt semper quædam dubia & incerta.

Hæc de philosophis Ionicis : quorum doctrinam de cœlo & universitate rerum, miraberis forsan tam prope accedere ad hodiernam ; aut me reum ages φιλαρραϊσµῶ, quasi ex affectu studioque erga veteres, illorum philosophiam nimis adornâssem. Fateor me, quâ potui, tam in hæc quàm in aliis dissertationibus, favissè antiquis : ac è multis sententiis quæ sub eorum nomine circumferuntur, quam duxi optimam & veritati proximam, præ cæteris semper elegisse. Idque æquum esse videtur : consumptis enim pluribus, aut vitiatis longinquitate temporis, siquid præclari superest, tanquam è naufragio ereptum, amplecti aut gratulari debemus. Prætereà notandum est Philosophos Gentiles sæpenumerò celâsse sua dogmata, metu vulgi ; idque maximè, cum de rebus cœlestibus ageretur : ne libertate nimîâ, Deorum majestatem læsisse viderentur. Quamobrem, cùm de Sole, & Lunâ, cæterisque stellis, liberius loqui apud populum periculosum esset, curæ illis fuit, ut de his, non nisi parcè, & privatim, ac inter amicos differeretur : ne, in sui & suorum damnum, foras proreperent secretiores animi sensus. Hoc optimè animadvertit, loco suprà citato, Plutarchus, & exemplis

In Nicia.

plis confirmavit. Audiamus, si placet, ipsius verba. Cùm dixisset Anaxagoram, doctrinam de illuminatione & obumbratione Lunæ, primum scriptis prodidisse, hæc subdit: 'Οὐδ' ὁ λόγος ἐνδοξὸς ἦν, ἀλλ' ἀπὸρρητός ἐστι καὶ δι' ὀλίγων, καὶ μετ' εὐλαθείας τινὸς ἢ πίστεως βαδίζων· ὃ καὶ ἠνείχοντο τὰς φυσικὰς καὶ μέγεθος καὶ τὰς καλυμμένας, ὡς εἰς αἰτίας ἀλόγους καὶ δυνάμεις ἀπεροήτους, καὶ καθήκοντα κατὰ τὴν φύσιν, διαλέκοντες τὸ θεῖον. *Non erat celebris aut famosa illa doctrina, sed abdita & arcana: atque versabatur cum cautione, vel sub fide inter paucos. Neque enim ferebant Physicos, & de rebus cœlestibus philosophantes: quòd, ad causas rationis expertes, cœcasque potentias, & effectus involuntarios, divinum numen astringere viderentur.* Dein hujus odii popularis in Philosophos exempla subjicit, his verbis: 'Ἀλλὰ καὶ Πρωταγόρας ἔφυγε, καὶ Ἀναξαγόραν εἰρχθέντα, μάλιστα περὶ τοῦ Περικλέους καὶ Σωκράτους, ἐδὲν αὐτῶν ἥδη γε τοιούτων προσήκον, ὅμως ἀπάλετο διὰ φιλοσοφίαν· ὃ καὶ δ' ἡ Πλάτωνος ἐκλάμψουσα δόξα, διὰ τὸν βίον τὸ ἀνδρὸς, καὶ ὅτι ταῖς θείαις καὶ κρυπτῶν ἀρχαῖς ἐπέταξε τὰς φυσικὰς ἀνάγκας, ἀφῆλε τὸ ἥδη λόγων τούτων διαβολὴν, καὶ τοῖς μαθήμασιν εἰς ἄπαιρτας ὁ δὲν ἐπέδωκεν. *Quin & Protagoras in exilium ivit: & Anaxagoram in vincula conjectum, non sine magno labore liberavit Pericles. Socrates etiam, licet*
nihil

nihil illi cum istis commune, tamen Philosophiæ nomine sublatus est. Tandem verò effulgens Platonis gloria, tam propter vitam virtutemque viri, quàm quod divinis & potentioribus causis necessitatem physicam subjecerit, hanc calumniam deterfit, omnibusque ad disciplinas viam aperuit. Causas Physicas rerum cœlestium ferre non potuit antiquum vulgus: necdum ferre potest Solis quietem, Terræque motum, tam doctorum quàm indoctorum vulgus. In omni ævo, ut vides, *veritas odium parit*: & incommoda res est, liberè philosophari. Non immeritò igitur *Doctrinam arcanam* apud se retinuerunt prisca sapientes: non tantum quòd esset supra captum vulgi, sed etiam contra affectum geniumque. Hinc etiam licet conjectare, Antiquæ Philosophiæ historiam, non modò per injurias temporis, sed etiam metu & concilio Scriptorum, mutilam esse magnâ sui parte; cæque præstantiori, arcanâ scilicet, & minùs vulgari. Et siquid verum rectumque sit, *ἐκ τοῖς σωζομένοις*, siquid pulchrum aut eximium in hisce reliquiis; id quidem genuinum esse fœtum primi Authoris, non ab Historico vel commentatore genitum, sed conservatum, æquum erit credere. Siquid verò secus fuerit, & à ratione alienum, non parè jure id primo authori adscribitur: cum ex multis

tis causis, & mille modis, oriri possit vitium & corruptela : nec sit verisimile, eum, qui Historici vices egit, accuratorem, quàm ipsos Philosophos, de rerum naturâ doctrinam adinvenisse. Denique, ut propositum ab initio sermonem claudamus, quoad Cœlos & Sydera, extra dubium est, Antiquissimos Philosophorum statuissse Stellâs esse Igneas, (de quo postea erit dicendi locus) Lunamque Terrestrem : ut minimè mirum esse possit, idem sensisse Ionicos, Physicorum præcipuos. Quapropter eorum nomine, & maximè Anaxagoræ, reliquos omnes mordet Tatianus, cùm ait : Πῶς περὶ ἡσσομαι

τῶ λέγοντι μίσερον ἢ ἥλιον, καὶ τὴν σελήνην γῆν ; Cont. Græci. m. p. 164.

Qui credam dicenti Solem esse bolum ignitum, & Lunam esse terram, vel terrestrem ?

DE Philosophiâ Ionicâ plura dicenda essent, nisi in hâc, ut in cæteris antiquis, periissent præcipua monumenta.

Galenus memorat Librum Thaletis, περὶ ἀρχῶν nisi forsan error sit : alii enim Περὶ χυμῶν, Themist. Ovi 15. Thaletem nihil scriptis reliquisse aiunt.

Sed Anaxagoræ syntagma, cujus modò præclarum initium retinemus, extitit olim literis mandatum. Sua etiam placita Anaximander summatim conscripta reliquit : teste Laërtio. Atque suam Physiologiam Archelaus : teste Suidâ. Denique, non minùs desiderantur quæ
ab

Laert. in
Theophr.

ab aliis tradita & lucubrata fuerunt in hâc philosophiâ; maximè à Theophrasto, qui de Anaximene, Anaxagorâ, & Archelao, eorumque dogmatibus, commentarios edidit. Hæc autem cùm exciderint omnia, Philosophiæ Ionicæ non nisi tenuis notitia apud posteros remansit. Hactenus de Thalete suisque Ionicis.

C A P. XI.

De Pythagorâ, & Sectâ Pythagoricâ.

S E Q U I T U R Pythagoras, & Philosophia Italica ab eo constituta: sæculo ante natum Christum sexto vel septimo. Cùm verò, aut prorsus nihil scriptum reliquerit hic philosophus, ut volunt plures, vel nihil quod diù superstitit; nulla ferè dogmata physica hujusce Sectæ ad tempora nostra pervenerunt. Unus erat è Græcis peregrinantibus Pythagoras, neque eorum quisquam plus temporis insumpsit, aut plus laboris & molestiæ subiit, in antiquâ apud gentes exteras sapientiâ investigandâ. Sumum ad Ægyptios iter suscepit suasu & consilio Thaletis, qui, in maximum vi-
rum

rum illum evasurum esse prædixit, si his præceptoribus uteretur. Audiamus Jamblicum hæc de re. Μεταδὲς ὁ Θαλῆς Vit. Pyth. c. 2.
 ὅσων ἠδύνετο μαθημάτων, τὸ γῆρας τε τὸ ἐαυτοῦ αἰ-
 πασάμην, καὶ τὴν ἐαυτοῦ ἀδύναμιν, περιέριψατο εἰς
 Ἀίγυπτον διαπλεῦσαι, καὶ τοῖς ἐν Μίμφει, καὶ Διδε μά-
 λιστα, συμβαλεῖν ἱερεῦσι. — καὶ μὴν πύτων γε προτερη-
 μάτων, ὅτε φυσικῶς ἔτ' ὑπὸ ἀσκήσεως ὀπίσσω τυχάναι ἐ-
 αὐτὸν ἔλεγον, ὅσων τὸν Πυθαγόραν καὶ δάεισιν· ὥστε ἐκ
 παντὸς ἐυχελίζετο, εἰ τοῖς δηλομένοις ἱερεῦσι συ-
 γέροιο, θειότατον αὐτὸν καὶ σοφώτατον ὑπερ-
 ἅπαντας ἔσεσθαι ἀνθρώπου. *Postquam Tha-
 les, quantum poterat, in discipli-
 nis ei contulisset, senectutem suam cor-
 porisque imbecillitatem causatus, in Æ-
 gyptum ipsum trajicere, & cum Mem-
 phiticis, ac maximè Jovis, sacerdotibus,
 versari & conferre adhortatus est. Se
 quidem aiebat non tam excellentium præ-
 rogativarum factum esse participem, vel
 à naturâ, vel ab exercitatione, quantis
 præditus erat Pythagoras. Quare sem-
 per annunciabat, aut, ceu fœlix faus-
 tumque nuncium prædicabat, Pythago-
 ram, si cum dictis sacerdotibus versa-
 retur, diviniissimum, & mortalium om-
 nium sapientissimum, evasurum esse.*
 Magnificum fatis elogium, & vaticini-
 um : & à viro verè magno profectum.
 Qui, præconis instar, lætum nuncium af-
 fert de futuro Prophetâ, se quidem mul-
 τὸ

tò majore, & tantum non supra sortem humanam surrecturo.

Jambl. de
vit. Pyth.
c. 4.

CONSILIO monitisque Thaletis obtemperavit Pythagoras; & suscepto in Ægyptum itinere, per viginti duos annos inter sacerdotes, gentis istius Philosophos & Theologos, studiis incubuit. Quantâ autem diligentia, quibusque artibus, sacram & arcanam Ægyptiorum doctrinam exquirere & expiscari contendit, ex dictis antea de sacerdotibus Ægyptiis, & de Thalete, jam satis patuit. Neque Ægyptios tantum, sed Arabes etiam, Hebræos, Babylonios, Persas, Phœnices, suâ peregrinatione philosophicâ, quadraginta plus minus annorum, velut prædo literarius, invisit & expoliavit. Denique, quò se magis insinuaret in singulorum adyta & arcana, omnium ferè, tam Græcorum quàm Barbarorum, sacris initiatum ferunt. Hæc & hujusmodi multa, legere est apud Laertium, Jamblicum, Porphyrium, aliosque. Multifaria enim narrantur de Pythagorâ; de quovis philosophorum vix plura: quæ verò maximè quis expeteret, eorum paucissima retinentur. Intelligo dogmata Physica, & Physiologiam Pythagoricam. Pythagoræ natales, patria, peregrinatio, reditus, modus vivendi, modus etiam docendi, discipulorum classes, disciplina & instituta; denique, facinora non pauca,

Laert. de
Pyth.

pauca, quæ perpetravit, mirabilia & à fide aliena : hæc & hujusmodi fusè narrantur. At summæ illius scientiæ, quâ claruit olim, & huc usque celebratur, pauca nobis exhibent specimina : saltem in scientia naturali.

UNUM, fateor, retinuerunt, scientiæ naturalis fundamentum, Systema Pythagoricum : de Terrâ mobili, & Sole fixo in cœli nostri medio. Præterea Lunam esse ἀντίχθονα, sive Terram nostræ oppositam, & à Sole illustratam. Hæc doctrina, quam notavimus antea in schola Ionicâ, postea magis emicuit in Pythagoricâ ; ut, tam de Fixis quàm Errantibus, utraque rectè sensisse videatur. Dein quoad Cometas, hos, extra ærem nostrum, inter errantes minimum, posuisse tam Anaxagoram, quam Pythagoram, ex Aristotele discimus : licet aliàs circa causas & indolem istorum Phænomenon, forsân erraverint. Denique cœlos fluidos & æthereos statuissè, singulasque stellas pro mundis totidem numerâssè Pythagoricos, diximus antea ex Plutarcho. Atque hæc ferè de rebus cœlestibus.

*Meteor. l. 1.
c. 6.*

*Plac. Phil.
l. 2. 31.*

QUOAD cætera, Telluris physiologiam, mundique sublunaris ortum, ut erat propensior ad res abstractas & intellectuales Pythagoras, Antiquorum νοσμογονίας in φύρογονίας quandam convertissè vide-

videtur ; faltem si ex Timæo Locrensi & Platone, Pythagoræ sententiam conjectare liceat. Illi enim mundi ortum descripturi, sese occupant maximè in explicandâ compositione *Animæ Mundanæ* ; id quod faciunt per rationes quasdam Harmonicas, & *individuâ* formâ & *dividuâ*, *Eodem* & *Altero* : ita enim loqui amant. Et quoad compagem mundi corporei, ex quibusdam congruentiis corporum Geometricorum, terminos, sedes, & intervalla elementorum, disponere & adaptare satagunt. *Διπλολογήματα*, quæ ad scientiam naturalem nihil conferunt, neque in eâdem fundantur. Id tamen notandum, Chaos quoddam, sive materiam inordinatè motam, supponere hos Pythagoreos : eique mentem præficere, ut in ordinem formamque mundanam ritè adducatur.

EST aliud scriptum Pythagoricum, Ocelli Lucani, qui de universo & rerum originibus multò aliter tractavit. Mundum enim æternum esse statuit, tam quoad formam, quàm materiam : neque minùs genus humanum. Quapropter, nisi hunc hominem Pseudo-pythagicum esse, aut hoc opusculum *Ψευδοπίγραφον*, dicamus, doctrina Pythagorica circa rerum origines, aut nulla est, aut malefana. Nihil autem reperies in istoc scripto Ocelli quod ingenium redolet Pythagoricum :

cum : & in diversas partes abiit Plato, Pythagoricorum sequax : Plutarchus denique aliud testatur, Πυθαγόρας καὶ Πλάτωνας γεννῶντες τὸν κόσμον, καὶ φασὶν τὸν μὲν εἶναι ὅτι τὸ φύσει. *Pythagoras & Plato genitum à Deo mundum aiunt : & quod ad naturam attinet, corruptibilem.* Id quod confirmat Aristoteles, cùm, veterum sententias de mundi origine relaturus, ait, Γενόμενον μὲν ἔν ᾧ πάντες εἶναι φασιν οἱ μὲν αἰδούν, οἱ δὲ φασίν. *Genitum quidem omnes asserunt : alii autem perpetuum fore, alii perituum.* His tamen non obstantibus, fatendum est, tam Pythagoricos quam Platonicos, veterumque alios propendisse in illam sententiam, *Rerum substantiam esse æternam : Formas & modos, fluxos & instabiles.*

Plac. Phil.
l. 2. c. 4.

De Cœl.
l. 1. c. 11.

UTCUNQUE sit, in his multisque aliis, non diffitemur doctrinam Pythagoricam incertò & obscurè traditam receptamve posteris. Quod à multis causis provenisse arbitror. Primò, non unica erat doctrina Pythagoræ : alia, *vulgaris*, alia *arcana*, atque alia, ut quidam dicunt, *media*. Dein, variæ erant discipulorum classes : quarum singulas, pro captu & ingenio, non tantum in differentibus materiis exercebant, sed etiam in eâdem materiâ aut argumento, alio atque alio modo. Exempli gratiâ, cùm de formâ & systemate mundi tractandum esset,

P

hos

hos in vulgari systemate, positâ Terrâ in mundi centro, erudiebant: Alios in vero & arcano, posito Sole in mundi centro, vel in hujus Orbis magni meditullio. Pariter si de numeris agendum esset, hos usum vulgarem, alios mysticum docebant. Atque itâ de cæteris: prout animus erat, Catechumenos, ut ita dicam, instituere, aut adeptos: ut nil miri sit, dispares sententias, aut forsan contrarias, ex eâdem scholâ prodiisse sub nomine Pythagoræ. Præterea, cum suam Philosophiam Pythagoras symbolicè & sub involucris proposuerit, maximam partem; & non nisi suis notam esse vellet, cæteris hominum, instar ferarum, habitis: utroque modo oblivioni & interitui facta est obnoxia: tam propter obscuritatem rei, quàm quòd paucis custodienda traderetur. Unde, quod thesauris quandoque accidit, dum nimis abscondidit, latendo posteris periit. Ad hæc denique accedit, ex antiquioribus non paucos aucthores (quorum infra meminimus) qui de rebus dogmatisque Pythagoricis scripserant, nobis excidisse, temporis hominumve injuriâ abreptos.

CONVENIT utcunque inter omnes qui hanc materiam qualitercunque tractârunt, *numeris*, symbolisve numericis, summo opere usum esse Pythagoram in tradendâ suâ philosophiâ. Veteres ante Pythagoram fabulis involvère suam Theologiam aut Philosophiam:

lofophiam : quâ ratione, periit plerumque, progressu temporis, vera doctrina, fabularum mole oppressa. Pythagoras, reiectis fabulis, numeros substituit. Neque fœliciori exitu. Evanuerunt enim paulatim istæ rerum umbræ, & fugere sensus nostros. Quis enim sapientior unquam evasit ex numeris Pythagoricis ? aut veritatem sibi antea ignotam exinde didicit ? Certè quas mihi contigit hactenùs, aut apud veteres aut recentiores, numerorum Pythagoricorum interpretationes inspicere, notitias vulgares exhibent, quales aliunde facilè esset addicere : aut tenues argutias de rerum principiis, absque fundamento & sine fructu.

INTER hæc numerorum mysteria semper præcelluit Tetractys : crux ingeniorum per multa sæcula. Quin & Septenarius non ignobilis est : Denarius autem nobilissimus dicitur, & plenè perfectus ; quòd omnem numerum diversæ virtutis & perfectionis, intra se habeat. Esto : sed nil præter numeros in se continet ; non Cœlum, & Terras, & res alias, à numeris quantumcunque diversas. Imò omnia, inquiunt nonnulli : alii verò modestiùs, non quidem in numeris latere res omnes tanquam in suis causis, sed veluti in tot capsulis memorialibus, quibus uti liceat ad revocandum

P 2

dum

dum in mentem rerum capita, vel doctrinam Pythagoricam sub istis capitibus contentam : unde singulis numeris varios titulos, cognomina, significationes, & rerum ordines, subnectunt ; quemadmodum faciunt Cabalistæ in suis Sephiroth ; ut materiam studiorum dispeſcant in loca & claſſes. Quod ſi hoc modo interpretemus numeros Pythagoricos, ex inſtituto tantum ſignificant, non ſuâ vi & ſuâ naturâ. Pythagoras verò *παρὰν ἀνάγκην φέρεται*, rerum ipſarum fontem, ſuam Tetractyn nuncupat : &, ex conſenſu omnium veterum, Numeros rerum *principia, radices, origines*, ſtatuebat Pythagoras : prout infra dicetur.

Quoad numerum *ſeptenarium*, celeberrimus eſt, potiſſimum inter Hebræos & Chriſtianos: idque primum, ſi rectè conjiſcio, ratione Sabbathi, ſeptimo quoque die ; & Sabbathiſmi, in ſeptimo millenio celebrandi. Unde, tanquam à fonte, multa alia ſeptenaria typica, in ſcriptis utriuſque fœderis, manâſſe mihi videntur. Oblitus eram Ternarii, numeri Platonici, *τῷ τριῶν ἑποσδῶν* commemorativi. Nam quod velint nonnulli, *principium, medium & finem*, designare, frigidum eſt & vulgare. Sed cùm numerus aliquis à cauſâ ſacrâ dignitatem adeptus eſt, alia accumulare ſolent ſecundaria & minoris momenti additamenta, & interpretamenta,

pretamenta, quorum multitudine primus character sæpe obruitur. Succedit denique Numerus Quaternarius, Pythagoricus; ab iis enim potissimum, si non unice, colitur & consecratur hic numerus. Hunc illi, sub nomine Tetractyos, tanti olim faciebant, ut Sacramenti loco haberint, & per ipsum, & ipsius authorem, alii aliis fidem sanctissimam dederint.

Ναὶ μὰ τὴν ἡμετέραν ψυχὰν παρὰ δόνην Τετρακτὺν,
Παγὰν ἀενάην φύσεως.

*Per Eum, qui nobis tradidit Quaternarium,
Fontem perennis naturæ.*

Jurabant Pythagoram, & mysterium quod eos docuit maximum, Tetractyn. Nomen tacebant, præ modestiâ, ut inquit Jamblicus, & doctrinâ designabant virum: Ἀιδῶ μὲν ποιημένων ὀνομάζειν Πυθαγόραν, De Vit. ὡς περ καὶ θεῶν ὀνόματα χρῆσθαι πολλὰν φειδῶ ἐποιεῖντο. Pyth. c.18.

διὰ τὴν τῆς εὐρίσεως τῆς τετρακτύος δυνάμεν τὸ ἀνδρα.
Præ pudore quidem Pythagoram non nominant, ut Deorum quoque nominibus parcè admodum utebantur: sed per Tetractyos inventionem virum indicant. Hierocles ad temperandum hoc juramentum, ἱδὼν appellat, quasi aliter per Deos immortales jurarent Pythagorici, aliter per Pythagoram: quem Divinum quidem,

dem, Deum neutiquam, habebant. Ὡς
 καὶ κατὰ τὸ εἶποι αὖ περ, ἰδίᾳ μὲν πρεῖδαι τὸ Σέβε-
 ῖον, ἐπὶ τῶν αὐτῶν καὶ ὁσούτως ἐχόντων Διῶν ἰδίᾳ
 καὶ οὖν ὁμνῆσαι κατὰ τὸ παραδόντος ἡμῖν τὸ Τετρακτὺν
 διδασκαλίας, ὅς ἐκ τῶν ἐκ τῶν ἀθανάτων Διῶν, ἐστὶ τὸ εἶ-
 σαι ἡρώων, ἀλλ' ἀνθρώπων, ὁμοιώσει Διὸς κοσμοδόξος,
 καὶ πρὸς τὰς αὐτῶν εἰκόνων ἀποσώζων εἰκόνα. Ὅθεν
 καὶ ἑτορκοῦν αὐτὸν ἐπὶ τῶν ἕτω μεγάλων ποιεῖται, λε-
 ληθότως ἐπιμεινῶν τὸ περὶ Πυθαγόραν τῶν ἀκρα-
 γῶν σέβει, καὶ τὸ ἀξίαν αὐτοῦ δεικνύς δι' ὧν παραδίδω-
 κε μαθημάτων. Ità ut istà ratione dicat
 aliquis, peculiari quidem modo servari
 præceptum de colendo jurejurando in
 Diis, qui semper & eodem modo exis-
 tunt: & modo item peculiari hîc per
 Magistrum jurari, Qui nobis Tetraëctyn
 tradidit: qui nec erat ex Deorum im-
 mortalium numero, nec ex Heroum ge-
 nere, sed homo, Dei similitudine præ-
 ditus, divinæque imaginis auctoritatem
 apud suos retinens. Unde fit ut in
 magnis adeo rebus ipsum adhibeat in ju-
 ramentum: tacitè innuens, quâ ratione
 Pythagoras à suis auditoribus colere-
 tur, quantùmque sibi dignitatis disci-
 plinis, quas tradiderat, peperisset.

Hæc de homine & de juramento: sed
 de Tetraëctu quid dicendum? Hunc no-
 dum solvere tentârunt, tam veteres quàm
 recentiores: sed nondùm mihi occurrit
 quisquam cujus explicationi firmiter as-
 sentiri & acquiescere potui. Ex antiquis
 con-

consului Philonem, Plutarchum, Hieroclem, Theonem Smyrnæum, Proclum, Nicomachum, Sextum Empiricum, Suidam, Martianum Capellam, Macrobiū, aliosque: qui, vel datâ operâ explicuerunt, vel obiter perstrinxêre, hoc argumentum. Horum autem omnium interpretationes non tantum laxæ mihi videntur, sed etiam plerumque leves, & exigui ponderis, si veræ essent: quæque, nec Mysterii nomen, nec vim juramenti, nec Inventoris gloriam, sustinere possunt. Laborârunt etiam in eodem argumento è recentioribus non pauci: quorum conjecturas si referrem singulatim, nimii facerem. Præcellere videtur illa, quæ de Tetragrammato Judæo Pythagoricam Tetractyn exponit. Quæ est utriusque Pici Mirandulæ, Johannis Seldeni, & Gotofridi Wendelini, sententia: eandem etiam dudum tetigerat Philo in vitâ Mosis. P. 519. Quamobrem verò, aut quam rationem mysterii habere poterat apud Pythagoricos hoc Tetragrammaton? num quod doceret *unum esse summum Deum*? Hoc docuerunt Orphici; à quibus hausit Pythagoras, ex consensu omnium, suæ Philosophiæ & Theologiæ partem non exiguam: vel quòd doceret Deum Israelitarum esse illum summum Deum, & religionem Mosaicam ab ipso unice institutam? Hoc si credidisset Pythagoras, ne-

fas illi fuisset, alium Deum colere, alium cultum instituire, quàm Israeliticum: ceremonias autem, ritúsque Mosaicos, in Scholâ Pythagoricâ obtinuisse nullibi legimus, quin potius Orphicos. Denique, si dixeris non tam in re, quàm in nomine, in voce, in literis Tetragrammati, hæsisse mysterium, & rationes Cabalisticas secutum esse Pythagoram in hujus nominis arcanis eruendis; parùm consulis dignitati tui Pythagoræ: neque constat, ullo indicio, ita sensisse Philosophum. Scio Reuclinum in secundo libro Artis Cabalisticæ, Pythagoram traxisse ad partes Cabalistarum: sed argumentis frigidis, aut argutiolis & exemplis istiusmodi, quæ nullam vim habent ad flectendos prudentum animos. Malo fato interciderunt Telaugis Pythagorici *libri quatuor*, *μετὰ τῆς τετραχλις*, qui hanc litem faciliè diremissent. Intereâ, qui in hâc vexatâ materiâ plura desiderant, adeant, præter dictos modò authores, Joh. Meursium, Fab. Paulinum, & Petrum Bongum, qui veterum de numeris subtilitates vel nugamenta ad fastidium usque congefserunt. Denique, ut verbo complectar omnia, cùm numeros constituebant Pythagorici rerum causas & origines, ipsosque Deos, Mentis, & res omnes materiales è numeris excitabant, vel aliam habuerunt Numerorum Ideam quàm nos habemus hodiè,

Suid. in
voc. Τηλ.

De Denar.
Pyth. De
num. Sept.
De num.
myster.

diè, vel pro Junone nubem amplexi sunt: ingeniique sui figmenta & veritatis idola pro veritate ipsâ, sibi & posteris malè obtrudebant.

QUOD verò *numeros* pro rerum Principiis habuerit Pythagoras, testantur omnes veteres, Plato, Aristoteles, cum suis commentatoribus Græcis: Plutarchus, Sextus Empiricus, cæteri: neque testantur modò, sed eâ de re, ut notâ & confessâ, variè differunt, discutunt, exponunt, refellunt. caret tamen, tam fundamento quàm ordine, hic modus philosophandi: *Numeri* enim sequuntur Res, Rerumque divisionem: neque, si antecederent, aut Corporibus molcm, aut Animabus & Mentibus cogitationem, conferre poterant, cum utrisque destituantur. Manifestum est, *Numeros*, præter numeros, nihil posse generare: nullum habent ultrà vim aut efficaciam. Possunt quidem repræsentare, suo modo, rerum gradus & genera, sed efficere non possunt: neque vices materiæ supplere in rerum effectione. Quin age, mi Pythagorice, si negas, experiamur paulisper: fac mihi è tuis numeris, non Deum, aut mentem, ut tu jactare soles; sed corpusculum aliquod: lapidem, exempli gratiâ; vel, si mavis, lutum. Accinge te ad opus; quos numeros habes aptissimos ad hoc propositum? Pares vel impares: mares vel

vel fœminas? pro tuo ingenio, quos velis, accipe. Sed steriles sunt omnes, mihi crede: & ad generandum lapidem æque inepti. Quid si, mutato consilio, numeros planos vel solidos adhibeas: vel forsan quadratos? Nihil hinc efficies præter figuras quasdam imaginarias: & ex Nihilo, quadrato vel cubito, plano vel solido, nihil fit. Denique si *unitates* compingas: si *binarium, ternarium, quaternarium*, cæterósque, cum suis mirificis virtutibus: adde, subtrahe, divide, compone: in omnes facies verte, omnes vires exprome: numeri sunt adhuc, & prætercâ nihil. Nihil lapideum emergit, multo minus humanum, aut divinum. Hæc ludendo diximus, sed res eò reddit: *Nihil pariunt numeri præter numeros*: gignuntque semper sui similes, & more, ut aiunt, *univoco*. Quapropter cum omnia ex numeris composuit Pythagoras, subintelligere non potuit causas *Efficientes*, neque *Materiales*, (quod pace aliorum dictum sit) sed aliquo modo *Exemplares*; imagines quasdam rerum è suis causis exorientium. Quemadmodum enim numeri progrediuntur ab unitate, sive monade, omnium simplicissimâ radice, in magis magisque compositos; novâsque induunt proprietates in illo progressu: ità à Deo simplicissimo recedunt gradatim rerum productarum classes,

ses, retinentque characteres aliquo modo suis numeris analogos. Id certè constat, Philosophorum & Theologorum *μουσικώτε-
τος* multùm sudâsse in hoc argumento, nempe ut rerum ortum & emanationem à primo Ente, progressumque per varios ordines, à summis ad ima, si non ratione explicitâ, saltem per Symbola & similitudines, explicarent.

NEC tamen dissimulandum est, ingenium Pythagoricum, Platonicumque, hoc vitio laborâsse, quod res Physicas in rationes Mathematicas, numeros & proportionem, resolverit: uti postea Aristoteles in rationes Logicas. Uterque peccavit nimiam subtilitate, dum tenuibus aranearum filis Divam Naturam tenere stude-
rent, quæ non nisi ferreis aut adamantinis catenis, ratione rigidâ fidisque observationibus, se constringi patitur. Palam est, hos philosophos aptiores fuisse, magisque assuetos, contemplationibus abstractis quàm naturalibus: neque habuit schola Pythagorica, ut mihi videtur, ullam Physiologiam stabilem, & toti sectæ communem; sed pro libitu quisque, & suo modo, de rebus elementaribus philosophabatur. At si ad hanc classem revocemus Pherecydem, Pythagoræ præceptorem; & Empedoclem, semipythagoricum: antiquæ physiologiæ vestigia, rerumque

Dissert. 19.
Apud La.
ei 2.

rúmque origines, apud hos reperiemus. Pherecydes Theogoniam scripsit, more prisco & mythologico: ut patet ex Suidâ, & Maximo Tyrio. Eúmque ait Theopompus Πρῶτον περὶ φύσεως, καὶ θεῶν Ἑλλήσι γράψαι quod tamen plures Thaleti tribuunt: forsan ille primus Theogoniam scripsit oratione solutâ; cujus scripti initium hoc nobis dedit Laërtius: Ζεὺς μὲν, καὶ χεῖν ἐίσαι, καὶ χθὼν ἦν· χθονὶν δ' ὄνομα ἐγένετο Γῆ, ἐπειδὴ αὐτῇ Ζεὺς γῆν γέεας διδοί. In verbis penultimis γῆν γέεας mendum esse non dubito, quod sententiam corrumpit. Suspicio fuisse ὡγῆνον vel ὡγῆνα quod antiquitus *Oceanum* significabat. Certe ex Pherecyde citat Clemens Alexandrinus hæc verba:

Strom. 6.
p. 621.

Ζὰς ποιεῖ φάεας μέγα τὸ καλόν· καὶ ἐν αὐτῷ ποικίλαι γλῶσσαι, καὶ ὡγῆνον, καὶ ὡγῆνε δώματα. *Jupiter facit pallium, magnum pulchrumque: & varietate quadam in eo describit Terram, & Oceanum, & domos Oceani.* Quod ad eandem, cum illâ Laërtii, Pherecydis Cosmogoniam spectâsse, dubitare vix licet.

QUOAD Empedoclem, hunc semipythagoricum diximus: licet enim Pythagoræ fuerit auditor, Ionicorum, qui aptiori erant ingenio ad scientiam naturalem, imitatus est physiologiam. Id notavit ex Alcidadâ Laërtius: τὸν δ', de Empedocle loquitur, Ἀναξαγόρην διακῦσαι καὶ Πυθαγόρην, καὶ τὸ μὲν τὴν σιμυρότητα ζηλωσαι, τὸ τε βίει καὶ τὸ σχήματι.

ματῶ, τῷ δὲ τὴν φυσιογίαν. *Hunc Anaxagoræ & Pythagoræ fuisse auditorem: quorum unius vitæ & habitus gravitatem, alterius physiologiam, adamavit & secutus est.* Solem πρὸς ἀθεσίμα μέγα, Laert. *magnum ignis acervum vel molem: & πρὸς ἴναι τὰ ἄστρα, & stellas esse igneas,* Plut. de pla. ph. lib. 2. c. 13. *cum utroque suo præceptore, statuit.* Quoad Terram & sublunaria, ex quatuor elementis, quæ, more antiquorum, Deorum & Dearum nominibus insignivit, omnia composita esse voluit: nota sunt ipsius carmina,

Ζεὺς ἀρχὴς, Ἥρην δὲ φερέσβις, ἠδ' Ἀιδωνεύς,
Νῆστις δ', ἡ δακρυόεις ἐπιπλεροῖ ὄμμα βρότειον.

Hæc exposuit Laërtius, aliique, per quatuor elementa. Inquit, Δία μὲν τὸ πῦρ λέγει, Ἥρην δὲ τὴν γῆν, Αἰδωνέα δὲ τὸ ἄερα, Νῆστιν δὲ τὸ ὕδωρ. Atque horum elementorum coalitionem in mundum habitabilem, *Amorem & Amicitiam* appellavit. Cum verò ita se fugerent & ab invicem scederent ut nulla esset mixtio commoda, aut rerum generatio, *Litem, Odium, & inimicitiae* statum dixit. Unde adjicit idem Author, φιλίαν δὲ ἣ συγκρίνεται, & νεῖκος δὲ διακρίνεται. *Amicitiam appellavit, cum conjuncta essent: litem & contentionem, cum separata.* Hoc autem alibi explicuimus, ubi de Chao antiquo & dispescendis
Theor. Tell. lib. 2. c. 7.

cendis elementis in rerum ortu, tractatum est.

DE Pythagoricis hæc dicta sunt; idque paucis, ob inopiam materiæ physiologicæ in istâ sectâ, atque etiam Authorum qui Pythagorica tractârunt: perit pars maxima scriptorum qui in hoc argumento versati sunt, & imprimis ipsorum Pythagoricorum monumenta desiderantur. Quoad Pythagoram ipsum, scripserit aliquid, necne, lis adhuc pendet: sed de Philolao, Archytâ, Eudoxo, aliisque, non dubitatur. Libros Philolai ab ipsius propinquis in Siciliâ Platonem emisisse, memoratum est: idque centum minis; charos non habuit auro contra. Hos libros Philolai appellat Laertius, τὰ διαβοντὰ βιβλία, & ex iis primùm ait innotuisse doctrinam Pythagoricam: Μέχει δὲ Φιλολάου ἔκ τῶν πρῶτων Πυθαγόρειον δόγμα· ἔτ' δὲ μόνον ἐξήνεγκε τὰ διαβοντὰ τεῖα βιβλία, &c. Neque aliter Jamblicus in vita Pythagoræ: Ἐν ποσούταις γενεαῖς ἐτῶν ἑθὺς ἑδενὶ φαίνεται ὅτι Πυθαγορέων ὑπομνημάτων περιετοκῆως περὶ τῆς Φιλολάου ἡλικίας· ἀλλ' ὁ πρῶτος ἐξήνεγκε τὰ θρυλλόμενα ταῦτα τεῖα βιβλία, &c. *Per tot annorum ætates & curricula, in quicquam Pythagoricorum commentariorum incidisse quenquam ante Philolai ætatem, non constat. Sed is primus in lucem edidit hosce tres vulgò satis jaçtatos libellos.* Dénique Proclus,

Laert. in
vit. Philos.
In Pythag.

C. 31.

clus, eundem Philolaum doctrinam Pythagoræ de Diis, & rerum à Deo progressu, mirasque de iisdem notiones, prodidisse ait. Et ab his suum Timæum aliaque contexuisse, accusatur Plato. Sed de Philolao fatis.

Theol. Plat.
l. 1. c. 5.

Tzetzes
Chil. 10.
hist. 355.
& Chil. 11;
362.

ARCHYTÆ, Pythagorici, & egregii Mechanicorum Magistri, plura numerantur opera. Ejus Ἀρμονικὸν Nicomachus allegat: Librum περὶ παντὸς Simplicius. Cujus etiam meminit ipse Archytas in Epistolâ ad Platonem, sub Titulo, τὰς ἑρμῆ παντων γνέσθαι. Scripsisse etiam περὶ τῶ ὄντος περὶ ἡμῶν ἀρχῶν item περὶ τῶ νῦ, & περὶ ἀιδήσεως, ex Stobæo, aliisque constat. Quæ omnia nobis furripuit invida ætas, & Moralia non pauca. Extat tantum fragmentum, περὶ τῆ μαθηματικῆς. Dein Eudoxus, ex philosophis peregrinantibus unus, varia scripsit. τὰ ἀστρολογύμνια, & γεωμετρύμνια, & ἕτερα ἀττα ἀξιολόγια ut ex Hermippo refert Laertius, alique ex aliis. Γῆς περίοδος, præ cæteris claruit, à pluribus celebratus liber, & ampliori titulo à Strabone (l. 1.) dicitur, ἡ περὶ Εὐδόξου ἰστορία: ut meritò videatur historiæ naturalis & gentium res quasdam comprehendisse. Tredecim annos versatus est Eudoxus in Ægypto, cum sacerdotibus istius gentis: optimis, si Thaleti credimus, studiorum præfectis: & qui, Platone iudice, præ cæteris gentibus, vetustissimarum rerum memo-

L. 1. περὶ
Ἀρεθ. De
Cat. in
præf.

Par. 1557.
octavo.

Suid.
Procl. in
1. Euclid.

Strab. l. 17.

riam

riam conservabant. His denique deperditis accensendus Empedocles, cujus tres libri *de rerum naturâ*, à veteribus iterum iterumque citantur, & à nobis desiderantur.

HÆC Pythagorici scripserunt : sed defunt præterea auctores non pauci, qui hujus sectæ historiam & dogmata tradiderant, ab eâ licet alieni. Aristoteles imprimis, qui plures libros composuit circa philosophiam Pythagoricam & Pythagoreos, teste Laertio in ipsius vitâ ; ubi memorat Περὶ τοῦ Πυθαγορείου unum, alterum Περὶ τῶν Πυθαγορείων item tres libros, Περὶ τῆς Ἀρχαίας φιλοσοφίας, & περὶ τὰ Ἀλχημείων. Denique τὰ ἐκ τοῦ Τιμαίου καὶ τοῦ Ἀρχιτείου. Erat autem Aristoteles parum æquus in veteres philosophos : quorum opiniones & dogmata plerumque eo animo referebat, ut invidiâ oneraret & refelleret. Multos præterea allegat Laërtius in philosophorum historiis, qui Pythagorica tractârunt : Aristoxenum, Heraclidem, Neanthen & Hermippum. Jamblici collectionem Dogmatum Pythagoricorum citat Syrianus. Adhæc Didymus scripsit de philosophiâ Pythagoricâ, referente Clemente Alexandrino : & Eudorus, apud Simplicium. Item Moderatus Gaditanus de vitâ placitisque Pythagoræ commentatus est, ut testatur Stephanus in voce Γάδειρα, Porphyrius apud

In Arist.
Metaph.
c. 12. m.
p. 90.
Strom. 1.
Ad prim.
Φυσ. ἀκρ.
Hist. Eccl.
l. 6. c. 19.
vel. 13. l.
Jamb. de
vit. Pyth.
c. 28.

apud Eusebium, & Hieronymus adversus Ruffinum. Denique symbola Pythagorica exposuerunt Alexander Polyhistor, & Andronicus, aliique. Hos propterea recensui authores, quo minus mireris, philosophiam Pythagoricam parum nobis innotescere, cum tot scriptores exciderint è quorum monumentis haurienda esset. Quin & plures adhuc desiderantur minorum subfelliolorum, quibus immorari non duxi operæ pretium. De Pythagorâ & Pythagoricis hæc dicta sunt.

C A P. XII.

De Sectâ Eleaticâ: & de Stoicis.

PHILOSOPHIAM Orphicam, Ionicam, Pythagoricam perlustravimus, maxima suorum temporum lumina: sequitur Secta Eleatica, à Zenophane Colophonio, sub temporibus Anaximandri & Archelai philosophorum, constituta: postea verò nomen sortita à discipulis Eleaticis. Videtur composita ex philosophis inter se diversis, gente, moribus, & dogmatibus: Schola miscellanea. Neque ideò sub unicâ ideâ aut uniformi

Q

prin-

principiorum serie exhiberi potest: quapropter, quid statuerint de rerum naturâ unus atque alter eorum, qui præstantiores fuerint, satis erit indicâsse. De cælo corporibusque cœlestibus in decretis Zenophanis, id tantum notatum dignum reperio, quod mundos voluit esse innumerabiles, καὶ ἀπείρους ἡλίας εἶναι καὶ σελήνας, & infinitos esse Soles in immenso cælo, & infinitas Lunas, nostræ non dissimiles. *Nostramque habitari instar terræ*; ita enim testatur Cicero, (Academ. quæst. 4.) *habitari ait Zenophanes in Lunâ, eamque esse Terram multarum urbium & montium*. Hæc quidem non malè; sed hos mundos æternos esse voluit, καὶ ἀπαργυλλάκτες, ideoque sine ortu. Quem errorem cum erraverit, in cæteris quid statuit de rerum naturâ, parum refert quoad propositum nostrum.

PARMENIDES autem rerum ortum admisit, idque ex igne & terrâ tanquam elementis; additque Laertius, eum voluisse, γένεσιν τε ἀνθρώπων ἐξ ἡλίου πρῶτον γινέσθαι, ita vulgò legitur. Sed quid hoc rei est, *Homines nasci ex Sole*, tanquam ex materiâ suâ aut elemento? Legendum omnino pro ἐξ ἡλίου, ἐξ ἡλίου, quemadmodum se habet editio Basiliensis & in margine Romanæ adscriptum est. Neque aliter legisse Aldobrandinum constat, cum ita verba transtulerit, *atque hominum ortum è limo*

è limo primùm extitisse. Quæ quidem erat inter antiquos sententia communis, & inter Ionicos maximè, è quibus Anaximandrum & Archelaum à nonnullis dicitur audiisse Parmenides; prorsusque mihi videtur habuisse eadem, tam numero quàm naturâ, principia & sententiam cum Archelao, circa rerum ortum, nempe τὸ ψυχρὸν ac τὸ θερμὸν, ut ex utriusque verborum comparatione facilè patebit; ità enim de Archelao Laertius: Ἐλεγε δὲ δύο αἰτίας εἶναι γενέσεως, θερμὸν καὶ ψυχρὸν, καὶ τὰ ζῶα ἀπὸ τῆς ἰλύθ' γεννηθῆναι, &c. Deinde de Parmenide: Δύο τε εἶναι στοιχεῖα, πῦρ καὶ γῆ, γενεσὶν τε ἀνθρώπων ἐξ ἰλύθ' πρώτων γενέσθαι αὐτὴν δὲ ὑπάρχειν τὸ θερμὸν καὶ τὸ ψυχρὸν, ἐξ ὧν τὰ πάντα συνιστάναι. Denique cùm multi authores, præter Laertium, uti Aristoteles, Plutarchus, Empiricus, aliique, Parmenidem & ipsius dogmata memorarint, illud de *ortu Solari hominum*, si ipsius fuisset, ut maximè παρὰ τοὺς ἄλλους & præ cæteris memorabile, non præteriissent.

PARUM igitur recesserunt ab Ionicis Eleatici, quoad rerum ortum; si quem rerum ortum statuerunt; id enim de omnibus non constat. Et cùm motum è rebus sustulerint eorum nonnulli, hos in physicorum censum non admittit Aristoteles, idque rectè; nam sine motu nulla esset generatio aut corruptio, imò idem essent omnia, nulla corporum diversitas,

Phyf. auct.
l. 1. c. 2.

nulla compages, aut ornatus, aut aliud quicquam quòd *Mundum* appellare liceret. Ut mirum videri possit, quid sibi proposuerint Parmenides, Melissus, aliique; cùm è naturâ motum auferre, aut *apparentem*, non *verum*, esse vellent. Hoc accedit ad ingenium Pythagoricum & Platicum, qui res sensiles, aut rerum sensilium formas, quod fluxæ, caducæ, & instabiles essent, instar phantasmatum, aut instar nihili, habebant; ideoque ad rationes abstractas & immutabiles, veluti *numeros*, *proportiones*, aut *ideas*, pro rerum principiis confugiebant.

Ad hanc sectam Eleaticam aggregari solent Leucippus & Democritus, viri celebres & eximii, qui hypothesein Atomorum invexerunt: quæ, licet, meâ sententiâ, falsa sit & malè fundata, dedit tamen occasionem philosophandi strictius & accuratius. Hi enim non quærent corporum principia, aut agendi vires, inter *numeros*, *proportiones*, *harmonias*, *ideas*, *qualitates*, aut *formas elementares*, ut ab aliis factum est; sed ipsa adeunt corpora, eorumque condiciones Physicas & Mechanicas examinant, motum, figuram, partium situm, tenuitatem aut magnitudinem, & similia: & ex his cujusque virtutes æstimant, actiones

nes definiunt, effecta explicant, idque rectè solidèque, ut mihi videtur, hucusque. Quod verò has minutias indivisibiles esse vellent, aut innatum impetum habere, aut inclinationes ad certa loca, aut denique inanibus spatiis disjungi; hæc & hujusmodi, non tantum gratis dicta sunt, sed etiam claræ rationi refragantur. Utcunque, cum viam aperuerint ad saniores differendi methodum circa res physicas, & in hac parte de republicâ literariâ non malè meruerint, illos laude suâ ne fraudemus.

AGNOVIT Leucippus motum Terræ circa suum axem; & in primâ Telluris origine & formatione, cum massa fluida in corpus globosum subsidebat, ait hunc globum membranâ quadam circumductum fuisse, cætera omnia continente; eaque primum uda & limosa, postea induruit. Hanc membranâ primigeniam Leucippi facilè interpretari licet de primæ Telluris crustâ, molliori adhuc & tenerâ: quæ membranæ instar, Abyssu circumducta, cætera omnia involvebat; eademque aucta exteriùs, & exiccata, in primum orbem habitabilem cessit: juxta ea quæ de ortu Telluris in Theoriâ nostrâ explicuimus. Quùm autem Philosophica narrantur à viris parum philosophis, qualis fuisse mihi videtur Laertius, nil mirum si quædam mutilatè,

quædam perturbatè, recensantur, atque ipsa sententia Philosophi sæpe pereat. Ità quæ de hâc Cosmogoniâ Leucippeâ referuntur à Laertio, neque consistere, neque cohærere mihi videntur, nisi laxè admodum singula exponamus. Sæpè etiam propter menda, quibus scatet hic liber, sensus corrumpitur. Id tantùm præterea notandum de Leucippo, quod *situm Terræ* mutatum esse memoraverit: quod ex Plutarcho simul & Laertio discimus. Neque id ei esset conceptu difficile, cùm Terram pendulam & circa suum axem rotatam agnovcrit.

LEUCIPPUM audivit Democritus, & in Physicis secutus est. Hunc virum magnum in scientiarum studiis plurimùm profecisse, tam ex libris ipsius, quàm ex peregrinationibus, quas ad gentes ferè omnes sapientiâ claras, susceperat, conjicere licet. Præterquam enim quod à pueritiâ Magis quibusdam quos Xerxes apud patrem ipsius reliquerat, in rerum divinarum scientiâ & cognitione syderali instructus & institutus esse dicitur; versatus est postea cum sacerdotibus in Ægypto, & cum Chaldæis Babylone, in Perside cum Magis, & ad mare rubrum descendit, ut cum Arabibus, opinor, literarium commercium iniret; ita enim Plinius de Democrito, *peragratis Persidis, Arabia, Æthiopie, Ægyptique*

Suidas Æ-
lian. Var.
Hif. Diod.
Sic. Strabo.
l. 25. 2.

que Magis. Referunt eum denique ad Gymnosophistas tam in Indiâ, quàm Æthiopiâ, profectum esse; ac seipso teste, apud Clementem Alexandrinum, Strom. I. plures terras peragravit quàm Philosophorum quisquam alter. Quoad Libros ipsius, quamplurimos conscripsit, quorum septuaginta quinque numerat Laetius, præter dubios: multifariam Authoris eruditionem hæc scripta arguunt, omnia quidem exoptatissima; at si Physica illa, Diacosmus major, & Diacosmus minor superessent, & Astronomica quædam, cæterorum jacturam æquiori animo ferremus.

DE Physiologia Democriti non opus est seorsim differamus, cum illam Leucippi amplexus fuerit. Dicitur Lunam habuisse pro *alterâ Terrâ*, sive *corpore Terrestrî*; quod non tantum Ionici, sed Zenophanes etiam hujusce sectæ conditor, asseruit. Occurrit apud authorem φιλοσόφου ἰστορίας, ubi de Luna: Ἀναξαγόρας καὶ Δημόκριτος σέριωμα διάπυρον, ἔχον ἐν ἑαυτοῖς περὶ δία καὶ ὄρη καὶ θάλασσαν. Anaxagoras & Democritus voluerunt Lunam esse *Corpus solidum ignitum, in quo sunt campi, montes, & valles.* Ignitum, opinor, intelligunt in certis locis, quemadmodum est Terra nostra. Idem senserunt Stoici de Lunâ: Εἶναι δὲ τὸ μὲν ἥλιον εἰλικνεῖς πῦρ --- καὶ τὴν σελήνην & postea, τὴν σελή-

νηρ ἐκ ἰδίων ἔχειν φῶς, ἀλλὰ παρ' ἡλίου λαμβάνειν ἐπι-
 λαμπρομένην· quod Laertius refert in Zeno-
 ne. Et generatim quidem Philosophi
 antiqui, Ionici, Pythagorici, Eleatici,
 usque ad tempora Aristotelis, & postea
 Stoici, non malè statuisse videntur de ma-
 teriâ cœlorum, de Lunâ, de Sole & Fixis,
 & de spatiis cœlestibus. Illam, opacam
 & terrestrem esse plerumque voluerunt ;
 hos, igneos ; & repleti æthere spatia vel
 intervalla cœlestia. Hæc, inquam, ad
 tempora Aristotelis, qui novam faciem,
 vel potius larvam induxit philosophiæ.
 De Democrito, unde digressi sumus, &
 ipsius decretis, scripsit Theophrastus.
 De ipsius Libris Callimachus, de utrif-
 que nuperus author Chrysostomus Mag-
 nenus. Et de Sectâ Eleaticâ hæc bre-
 viter, satisque ; nam in his repetendis fa-
 cile est nimium temporis impendere.

Laert. in
 Theoph.
 Suid.

PERGAMUS ad Stoicos ; recentiores
 quidem multis aliis Græcorum sectis, Cy-
 renaicis, Cynicis, Pyrrhoniis, aliisque ; sed
 quæ in re physiologicâ non sunt memoratu
 dignæ. Et quoad Epicuream, Platoniam,
 & Peripateticam, de iis ultimo loco senten-
 tiam feremus. Stoici quidem disciplinâ
 Morali, quàm Physicâ, celebriores erant,
 hanc autem non prorsus neglectui habue-
 runt, & in eâdem recolendâ, totâque
 philosophiâ Stoicâ, non exiguam operam
 collocavit Justus Lipsius.

INTER

INTER Physica dogmata Stoicorum notissimum est illud de *mundi conflagratione* ; quid verò de *Mundi ortu* senserint, in quo res nostra agitur, non adeò clarum est. Voluerunt quidem Deum esse rerum omnium opificem ; quem ideò λόγον δημιουργόν & τεχνικόν, appellitabant ; oraculis sacris cognatam dictionem, neque minùs frequentem apud Platonicos Stoicosque Philosophos ; Patribusque Græcis, qui ex utroque fonte hauriebant, familiarem. Dein huic principio actuofo & opifici subjecerunt Materiam, purè passivam, ut dicunt, & inertem ; sine vi, sine motu, aut actione quâcunque ; sed quæ ab actione divinâ, Mentis aut λόγου, moveri, agitari, & in omnes formas deduci poterat. Hæc quidem rectissimè à Stoicis, & juxta antiquam doctrinam Ionicam, ut nihil dicam majus. Sed in explicandâ hâc materiâ, mundoque condendo, distinguunt inter *Elementa* & *Principia* : atque hæc pro ingentis & incorporeis habent. Διαφέρειν ὃ φασιν ἀρχὰς καὶ στοιχεῖα· τὰς μὲν γὰρ εἶναι ἀγνῆτας, ἀφάρτους· τὰ δὲ στοιχεῖα κατὰ τὴν ἐκπύρωσιν φθίρεσθαι. Ut Laertius in Zenone : *Principia* & *Elementa* inter se differre aiunt ; illa enim & nunquam orta esse, & nunquam interitura, *Elementa* autem in *Mundi exustione peritura* esse. Dein subjungit

subjungit aliam differentiam : Ἄλλα καὶ ἀσω-
 Voc ἀρχῆς. μάτες, ita enim lego juxta Suidam, εἶναι τὰς
 ἀρχὰς καὶ ἀμόρφους τὰ δὲ μεμορφωῖσθαι. *Præterea
 principia incorporea esse & formarum
 expertia, Elementa autem formam ha-*
bere.

Quid per has ἀρχὰς, hæc *initia* aut
principia, Stoici intellexerint, non facile
 est definire. Alii quidem præter Stoicos
 distinxerunt *Elementa* & *Principia*, sed
 ratione simplicitatis tantum; quod de Pla-
 tonicis, & Aristotelicis, addere etiam po-
 tuit, Epicureis, contra Thaletem nota-
 vit Plutarchus : Οἱ μὲν ἐν πλείοις Ἀριστοτέλῃ καὶ
 De Plac. Phil. lib. 1. Πλάτωνα διαφέρειν ἡγῶνται ἀρχὴν καὶ στοιχεῖα. Θεαλῆς
 c. 2. καὶ ὁ Μιλήσιος ταύτων νομίζει ἀρχὴν καὶ στοιχεῖα. Πλεί-
 ον δὲ ὅσον διαφέρει ἀλλήλων τὰ μὲν γὰρ στοιχεῖα ὄν-
 ται σύνθετα, τὰς δὲ ἀρχὰς φασὶν εἶναι ἕτερον σύνθετος, ἕτε-
 ρα ἀποτελέσματα. *Principia nec composita esse,*
instar elementorum, nec completè effecta.
 At Stoici non formâ aut gradu, sed toto
 genere differre voluerunt, cum hæc *prin-*
cipia incorporea & immortalia dixerint,
 ac si intellexissent *Numeros* aut *propor-*
tionēs, ut Pythagorici; vel *Ideas*, aut
 λόγους σπερματικούς. Neque enim ullam sub-
 stantiam penitus incorpoream esse credi-
 derunt Stoici; quod pluribus monstravit
 Phys. Stoi. Lipsius; sed illis vocibus σώματα & ἀσώ-
 lib. 2. c. 45. ματα ufi sunt quandoque nimis indis-
 tinctè.

QUARE,

QUARE, si non placent illa principia Pythagorica aut Platonica, ac dictas voces laxiùs interpretemur, ipsam ὕλην, nudam & simplicem, ἀμορφον καὶ ἀποιον quatenus elementis opponitur & corporibus perfectis, ἀσώματον dixisse Stoicos, non improbable erit, neque aliud per τὰς ἀρχὰς intellexisse. Hoc utique respondet iis quæ postea habet Laertius ex Zenone & Chrysippo, ubi ὕλην & σῶμα distinguit, atque illam eandem facit cum ἐσΐα, rerumque omnium fundamentum: 'Ουσΐαν δὲ φασὶ ὅμ' ὄντων ἀπάντων τὴν πρώτην ὕλην· ὕλη ὅτι ἐκτὸς ἧς οὐδὲν ποτὲν γίνεται· καλεΐται ὅτι διχῶς, ἐσΐα τε καὶ ὕλη· σῶμα ὅτι ἐκτὸς αὐτῆς ἢ ἐσΐα καὶ πεπερασμένη. *Corpus secundum eos est substantia definita & terminata*: quale non est materia prima, ideoque ἀσώματ' dicta.

DENIQUE, quod has ἀρχὰς & hanc ὕλην, ἀγεννήτες καὶ ἀφδάστες dixerint, nihil miror: fatendum est enim, statuisse ex antiquis plurimos, *Materiam* simplicem, informem & immotam, ab æterno extitisse, æternūque extituram; sed Mundum ortum esse & corruptibilem: vel ut alii distinguunt, Mundum *inconditum* æternum esse aiunt, *conditum* verò ex neutrà parte æternum: Ita Didymus apud Eusebium hunc duplicem mundum distinguit, signatque his verbis: Τὸ ἐκ πάσης τῆς ἐσΐας ποτὲν, καὶ τὸ ὅτι διαλύσασθαι τὴν τριαύτην καὶ διαταξιν ἔχον, διδὲ κατὰ μὲν τὴν περτέραν ἀπόδοσιν, αἰτίου

Præp. Ev.
lib. 15.
c. 15.

διου

διον] ὃ κόσμον εἶναι φασὶ κατὰ τὴν διακρίσιν, γεννητὸν καὶ μεταβλητὸν. Ubi pro voce πῶν legendum esse videtur ἀποιον; est enim materia ἀποιον, vel substantia ἀποιον, quæ est æterna. Verba itaque sic redduntur, *Mundus est, vel rerum omnium simplex massa, seu ex omni substantiâ massa qualitatum expers, vel illud quod ornatum & ordinationem jam talem habet; idèd, priore significatione, mundum æternum dicunt; posteriore, natum & mutabilem.* A mente scilicet superveniente æternæ moli, indito motu, in varias rerum formas simplex illa massa deducta est. In eâ fuisse sententiâ mihi videntur Ionici, Pythagorici, Platonici, Stoici; cæterique omnes qui non deterius aliquid, & à ratione magis alienum statuebant, ut Epicurei & Peripatetici: nam materiam, è nihilo productam, tum primùm extitisse cùm Tellus condita fuit; aliquot nempe retrò millenniis; videtur esse dogma gentibus & philosophis prorsus ignotum, & inopinabile. Sed redeamus ad Stoicos.

POSITIS his quibuscunque rerum principiis, è corporibus ignem primò factum esse supponunt, & ex igne cætera Elementa, uti ex elementis omne genûs corpora mixta. Hoc ità retulit ex Zenone & Chrysippo, aliisque, Laërtius; *ἵνα δὲ*

ἢ τὸν κόσμον, ὅταν ἐκ πυρὸς ἢ ἐξ αἰθέρος
εἰς ὑγρότητα, εἴτα τὸ παχυμερές αὐτῶς συστάν ἀποπ-
λεσθῇ ἢ τὸ ἢ λεπτομερές ἐξαερωθῇ, καὶ τετ' ἐπιπλέ-
ον λεπτυνθῇ πῦρ ἀπογεννήσῃ· εἴτα κατὰ μίξιν ἐκ τό-
των, φυτὰ τε, καὶ ζῶα, καὶ τὰ ἄλλα γένη. Ab ig-
ne incipiunt & ad eundem redeunt. Sed
cū Elementa se disponant, atque suas
sedes capeffant, ordine gravitatis, alias
aliis superiores, Aqua propterea occupa-
ret & circumiret totam Terram, ut Aer
aquam: quī igitur emerfit Terra, & a-
quis superior evasit? quomodo nudatum
est solum, cessitque in orbem habitabi-
lem? Hic labor, hoc opus est. Cū
verò Cosmologia Stoica eousque non per-
tingat, eam in hāc parte imperfectam,
aut per authores quī supersunt non satis
explicatam, relinquimus.

QUID de cœlis sensere Stoici, sparsim
nonnulla in antecedentibus præfati sumus.
Solem esse πῦρ εἰλικρινές, Lunam γεωδισέραν,
atque cætera astra πνευμά. ex sententiā Ze-
nonis notavit Laertius. Prætereā, ibidem
dicitur quoad motus Astrorum, τὰ μὲν ἀ-
πλανῇ συμπεριζέρεσθαι τῷ ὅλῳ ὕρῳ, τὰ ἢ πλανώμενα
κατ' ἰδίαις κινήσας κινήσεις. *Astra non errantia
cum universo cœlo unā circumvolvi: er-
rantia verò propriis motibus cieri.* Hæc
non usquequaque vera sunt, sed Aristoteli-
cis & Ptolomaicis veriora. De Fixis deni-
que illud rectè statuerunt, *Non omnes
esse in eādē superficie, sed alias aliis*
al-

Ecl. Phys.
c. de Stel.
nat. &c.

altiores. Ità intelligo Stobæi verba, *Ξενοκράτης κατὰ μᾶς ἐπιφανείας οἶσται κῆδαι τὰς αἰήρας· οἱ δ' ἄλλοι Στοῖκοι οὐδ' ἐτίρων ἐτίρες ἐν ὕψει καὶ βάθει.*

DENIQUE, quoad *periodos Mundanas, Fatumque* Stoicorum, hæc notiora sunt quàm quæ deceant repetitis sermonibus explicari. De periodis istis, vide, si libet, Theor. Tell. lib. 4. c. 5. Et quoad *Fatum Stoicum*, nihil aliud est, quàm rerum omnium immobilis & immutabilis ordo. Vel, ut idem pluribus enunciemus, est vicissitudo necessaria mundi creati & increati: unà cum ordine rerum omnium in mundo creato, tam Intellectuali-um quàm Corporalium: per omnia sæcula, omnes revolutiones, formas, & facies, donec regressus fiat ad statum mundi Increati. Hoc est, secundum eos, donec omnia resolvantur in Deum. A Jove enim suo mundum ordiuntur, & in eundem, completo Temporis orbe, omnia refundunt. Ab hâc sententiâ non abluere videtur illud Perictiones (quisquis fuit ille, vel illa, philosophorum) de *consummatâ sapientiâ* dictum, apud Stobæum: "Ὅστις ἐν ἀναλῦσι θεῷ δὲ πάντα γένη ὑπὸ μίαν καὶ πᾶν ἀντὶν ἀρχάν, καὶ πάλιν ἐν ταύταις συνθεῖναι καὶ ἀειδιδύσασθαι, ἔτι θεὸν δοκεῖ καὶ σωφρονεῖν εἶναι, καὶ ἀληθίζεσθαι· ἐπὶ δὲ καλὰν σκοπὴν ἀνευρηκέναι, ἐφ' ἧς δυνατὸς ἐσθίται τὸν τι θεὸν κατόψεσθαι, καὶ πάντα τὰ ἐν συσσιχείᾳ τε καὶ τάξει, τὰ ἐκείνῃ κατακεχωρισμένα.

Quis-

Serm. 1.
P. 7.

Quisquis igitur resolvere potis est omnia genera ad unum idemque principium, iterumque ex eo singula componere & enumerare, Hic & sapientissimus & veri maxime compos videtur; quin & pulchram speculam invenisse, in quâ poterit & Deum contemplari, & cætera omnia, in serie & ordine ab ipso sejuncta. Sed de his fatis.

LIBROS quàm plurimos scripsere Stoici, qui jam perierunt omnes. Zenonis, Sphæri, Chrysippi volumina enumerat Laertius, & Cleanthis κάλλιστα βιβλία, *præclaros Libros*, ut appellat; inter quos erant tractatus, Περὶ τῆς τοῦ Ζήνωνος φυσιολογίας, περὶ θεῶν, περὶ γιγάντων Ἀρχαιολογία. Ex quibus si extarent, spes esset eruendi, tam certiora, quàm præstantiora, circa physiologiam Stoicam, & circa rerum Origines. Citat præterea Laertius Libros Posidonii, Archedemi, Boethi, Antipatri, Apollodori, & aliorum Stoicorum, quos nimis essem si recenserem. Pro his omnibus utinam saltem extaret publicè Apollonius Tyrius, qui ante natum Christum, scripsit historiam sectæ Stoicæ, (ut testatur, præter Laertium, Strabo) Lib. 16. libro inscripto Πίναξ τῶν ἀπὸ Ζήνωνος φιλοσόφων καὶ τῶν βιβλίων, quòd scriptum latere aiunt in nonnullis Bibliothecis ineditum. Cùm hæc secta, numerosa & scripturiens, cæteris diutius duraverit, & apud gentem Ro-

Romanam in æstimatione fuerit, mirum est omnia ipsius monumenta Græca, quæ Physicam spectabant, excidisse. Hæc de Stoicis.

C A P. XIII.

De Platoniciis, Aristotelicis, & Epicureis.

SUPER SUNT Platonici, Peripatetici, Epicurei; de quibus pauca tantum summatim: cum satis notum sit, in re ferè qualibet, quid horum unusquisque statuit. Diximus antea Platonicos & Pythagoricos parum foeliciter exercuisse physiologiam; quasi alio sydere nati essent, ad contemplandam rerum rationes à materiâ abstractas magis idonei, quàm res ipsas corporales, earumque proprietates physicas. Hujus rei exemplum manifestum habemus in Timæo Platonis de ortu mundi, ubi singulis elementis figuras geometricas affingit, & componit locatque geometricè. Sed modum, si placeat, quo philosophatur, videamus.

PRIMO, numerum & dispositionem Elementorum hoc modo demonstrat; Cum oporteat mundum esse visibilem & tangibilem, nihil autem sit visibile sine igne, nihil

nihil tangibile sine Terrâ, corpore solido, hæc duo elementa imprimis erant necessaria ; ut verò cohæreat mundus & quid unum sit, opus esset ut hæc duo extrema per aliquod medium proportionale conjungerentur: *Solida* autem non uno, sed duobus semper mediis inter se copulantur. Deus igitur Ignem inter & Terram, ærem aquamque disposuit, tanquam proportionalia ; ideóque ex quatuor elementis, hoc modo dispositis, mundus necessario conflatus est.

DEIN cùm corpora solida resolvantur in plana, & plana iterùm, juxta Platonem, in Triangula, ideò elementa hæc ex triangulis composita esse voluit: et pro ratione figuræ quam cuilibet elemento attribuit, ex his aut illis triangulis, pluribus aut paucioribus, contextum arguit. Ità Ignem ponit esse figuræ Pyramidalis, propter penetrationem, & compositum ex quatuor triangulis. Terram figuræ Cubicæ, propter soliditatem, ideóque genitam ex sex planis, quorum unumquodque constat quatuor triangulis. Aerem facit octoëdram, productum ex octo superficiebus, quarum unaquæque in sex scalenos dispartitur. Denique Aquam facit Icosaëdram, ex viginti triangulis conditam, è scalenis itidem unoquoque compacto. Qualis hæc, quæso, Physiologia? Quis instructior evadit in naturâ

R

Ignis

Ignis aut Terræ, Aquæ aut Aeris, ab hâc eorum genesi aut compositione? Et cùm Mundi Corpus hoc modo construxerat, *Animam* ei Mathematicam, ex numeris & proportionibus conflata, inferit & associat.

HANC *Animam Platoniam* multis explicuere Platonis Interpretes, Chalcidius, Proclus, & quotquot in Timæum commentati sunt. Præterea Plutarchus, tractatu singulari, fusè disseruit *De procreatione Animæ* secundum Platonem. Sed his lectis omnibus, nihil proficies; nisi quod id forsân magis persuasum habueris, operam prorsus lusisse quotquot sudârunt in hâc arenâ. Nihil aliud mihi videtur illa *Ψυχὴ* Platonica, quàm lusus ingenii: vel Regia magica in aëre constructa, cujus fundum frustra quærimus. Cui notus est dialogus Timæi, satis erit apponere, non meam, sed nuperi Philosophi, eâ de re expostulationem. Si Plato suam illam de *Animæ naturâ*, communibus verbis exposuisset sententiam: ecquid putas grande, aut quod certè posset probare, dicere visus fuisset? Et fac jam illum in vivis esse: fac rogari ut sese clarè explicet: ut suum illum Chiasmum declaret? ut quid sit Idem, quid Diversum, quid tertia, ex dividuo individuoque, natura, exponat. Quî illæ Geometricæ Harmonicæque proportionibus in
Animâ

Animâ agnoscantur, aperiat. O quàm aberit, ut propterea Animæ naturam nobis perspektam faciat: quæ & illiusmet auditores, quos inter fuit etiam acutissimus Aristoteles, latuit: & manet etiamnum incomperta. Sed nempe, quia suam sententiam miris implicuit ambagibus, idcirco obtinuit, id quod velle potuit, ut putâ quod illam propterea miremur, suspiciamusque, & revereamur, tanquam insigne mysterium: opinemurque, nisi perfectè Animæ naturam noscamus, causam esse, quod non in mentem divini viri penetremus: nobisque impitemus, quod homunciones cùm simus, tantum consequi Heroem non possimus; et cùm nobis oculi Noctuæ, illi Aquilæ fuerint, ad illud jubar caligemus, quod ipse clarè perspexerit. Sed redcamus ad propositum.

QUO AD Principia rerum secundum Platonem, duo affert Laërtius, *Deum* & *Materiam*: Δύω δ' ἔστι πάντων ἀπείρονας ἀρχαί, θεὸν καὶ ὕλην, ὃν καὶ νῦν περσαγορεύει καὶ αἰτίον ἔσθαι καὶ ὕλην ἀσχημάτιστον καὶ ἀπειρον, ἐξ ἧς γίνεσθαι τὰ συγκείμελα' ἀτάκτως δὲ ποτε αὐτὴν κυρμένην, ὑπὸ τοῦ θεοῦ, φασὶν, εἰς ἕνα τόπον συναχθῆναι, τάξιν ἀταξίας κρείττονα ὕψισταιν. *Rerum omnium duo principia, Deum & Materiam, constituebat. Quem quidem, & Mentem, & causam, appellat. Materiam autem ex se figurarum expertem esse, atque in-*

finitam: & ex eâ gigni omne quod concretum est. Hanc olim inordinate motam, Deus unâ collegit, ordinem confuſioni præferens. His habes ſimillima in Timæo: neque aliud utrobique proponitur, quàm primum *Chaos*, laxiori modo deſcriptum.

De Plac.
Ph. lib. I
c. I.

SED duobus aliis principiis Platoniciſ, *Deo & Materiæ*, alii adjungunt tertium, non minùs Platonicum: nempe *ιδέα* ſive cauſam exemplarem. Ità Chalcidius in Timæum, *ſunt initia, Deus & Sylva & Exemplum.* Neque aliter Plutarchus: Socrati & Platoni ait, Τρεῖς εἶναι ἀρχαί, τὸν θεόν, τὴν ὕλην, καὶ τὴν ἰδέαν ἔστι δὲ ὁ θεὸς ὁ νῦν, ὕλη δὲ τὸ ὑποκείμενον πρῶτον γενέσθαι καὶ φθορᾶ, ἰδέα δὲ ὅσα ἀσώματά, ἐν τοῖς νοήματι καὶ ταῖς φαντασίαις οὐ θεῶ. Atque hanc fuiſſe ſententiam Platonis aperte conſtat in Timæo, cum de Mundi exemplari loquitur: apertiuſ adhuc apud Timæum Locrum, in principio: τὰ δὲ σύμπαντα, ἰδέαν, ὕλην, αἰδηρόν τι, οἷον ἐκγονον τῶντων, &c. Neque aliud voluiſſe Laertium veriſimile eſt, ut rectè Menag. ad notavit vir doctiſſimus. Sed in Laertio loc. noſtro, non mutila tantùm & confuſa, ſed & perverſa & diſtorta multa.

AT nimis vagamur extra terminos Phyſiologiæ, in quâ parùm claruit Platonis ingenium. Platonis inquam, quem, in Theologiâ & Diſciplinâ morali, meritò *Divinum* nuncupamus. Utì non omnis
fert

fert omnia tellus, ita mentis nostræ tantilla vis est, ut unam in multis præcellere, saltem in omnibus, non sit fortis humanæ. Sed præter res purè divinas, cum diù versatus fuerit in Ægypto hic Philosophus, retulit Archæologias non paucas: priscæ sapientiæ priscique mundi vestigia, in Timæo, Politico, Phædone, aliisque dissertationibus impressa. Hæc, inquam, ex Ægypto retulit, ut patet in Timæo: & secundum Jamblicum, ex ipsis Hermetis columnis desumpsit. Has ἀρχαίας De Myst: Ægy. Dec. 1. c. 2. παρὰ τῶν, quæ non sunt hujus loci, in progressu operis non negligenter inferemus, & elucidabimus. Interea de Platone hæc breviter dicta sunt. Lib. 2. c. 5.

QUOD Scriptores Platonicos, non pauci supersunt. Plotinus, Platonico-
rum Coryphæus, Porphyrius, Jamblicus, Proclus, Maximus Tyrius, Alcinous, Chalcidius, Apuleius, alique. Perit Crantor, antiquissimus Platonis interpres, Taurus, Amelius, & Numenius, cujus habes nonnulla apud Eusebium. Præterea, Olympiodorus & Syrianus, qui in Alcibiadem & Rempublicam scripserunt. Sed his recensendis aut examinandis non immoramur, cum ipsius Platonis opera supersint; neque rivos rivulósve sequimur, cum fontem adire licet. Hæc de Platone.

Peripat. &
Epicur.

AD fæces philosophiæ jam ventum est :
ad Epicuream nempe & Aristotelicam.
A temporibus Platonis ad initium curren-
tis sæculi, totum illud intervallum ἀφιλό-
σοφον mihi habetur ; cùm neque priscam
retinuerit sapientiam ætas illa intermedia,
neque novam invenerit : nisi garrulam
quandam, & sine fruge loquacem. In
Platone defiit antiquitas philosophica : se-
quiores illi Græcanica tantùm sapiunt, &
nullius sunt numeri inter veteres. Quoad
Aristotelem, ipsiusque Scholam, in eo ar-
gumento, quo versamur, nempe de re-
rum originibus, nihil habent sani aut so-
lidi. Volunt mundum esse Æternum,
tam quoad formam, quàm materiam.
Neque tantùm cælorum compagem, &
Telluris molem, sempiternas fuisse : sed
nos etiam miscellos homines, & animalcu-
la quæque in suo genere, marem & fœ-
minam, genuisse & genita esse, sine pri-
mogenito aut principio. Arbores præter-
eà, & prata, & flores, & fruges, to-
tàmque Terræ supellectilem, nunquam
non extitisse. Dogma non modo irreligi-
osum, sed tantum non ridiculum. Hoc
tamen ille tanti fecit, ut hujus decreti,
tanquam sibi proprii, laudem asciscere
voluit, atque omnibus antiquis præripe-
re. Ait enim, de mundo loquens, γενέ-
σθαι μὲν ἔν ᾧ πάντες εἶναι φασιν, ἀλλὰ γινόμενον οὐ
μὲν αἰδίων, οὐ δ' ὁθαλόν. *Omnes antiqui fac-
tura*


L. 1. de.

cæl. c. 10.

tum esse dicunt mundum: sed alii immortalem factum, alii corruptibilem.

Ille autem, ut singulari notâ emineret, ne factum quidem esse voluit.

PRÆTEREA, non videtur sibi convenire in suis placitis, de rerum ortu & primævo statu, Aristoteles. Ait enim elementa sua naturâ esse gravia & levia: & secundum hanc gravitatem & levitatem, suos habere situs & dispositiones naturales: ut in hoc Schemate,



Quæro igitur, unquamne fuerint Elementa in hoc situ, vel non? si nunquam fuisse dicas, quid impedit? quid ob stare potuit naturæ & motibus naturalibus Elementorum? Omnia fiunt secundum leges naturæ, nisi aliquid extranei & violenti intercefferit. Si verò olim fuerunt in hoc situ nativo, quid turba-

vit ordinem ? quare non in eodem permansere ad hodiernum diem ; stetitque Terra, aquis adhuc obruta, & inhabitabilis ? Præterea, si dixeris fuisse quidem primum Elementa omnia in situ naturali, & postea mutasse situm, causis novis supervenientibus ; diruis hypothesin Aristotelis, qui mundum nunquam non habitabilem & habitatum esse asserit.

REPETAMUS, si placet, hoc argumentum, aliis verbis : quo eadem sententia, non impia modò, sed inepta & absurda, demonstretur. Supponamus, cum Aristotele, Solem & Terram fuisse ab æterno, ideoque cœvos : quæro, sub quâ formâ erat Tellus cœva æterno Soli ? Sub formâ Elementari, (itâ enim appello formam illam simplicem, in schemate exhibitam, quâ singula Elementa suas tenent regiones) vel sub hodiernâ, terraqueâ & habitabili ? Si prius dixerit, Terramque transiisse, actione Solis, vel aliarum causarum, è formâ Elementari in Hodiernam, mundi sublunaris exordium agnoscit, propriamque destruit sententiam. Sin posterius, quæ de elementorum naturâ, legibus, & locis, tradiderat, funditus evertit : & seipsum denuò suâ manu interficit. His se difficultatibus irritum sensisse videtur Aristoteles : ubi in Meteoris, de *situ Terra & Aquæ*, & de *generatione maris*, verba facit. Nam
levif-

levissimè tangit istam materiam, refugitque statim, quasi vivos carbones tetigisset. Sed de hâc re satis.

Hæc de rerum ortu : de rerum natura quid sensit Aristoteles ? & primum de cœlis. Cœlos adamantinos esse voluit : atque Stellas, instar clavorum aureorum, in laquearibus Orbium defixas. Figmentum, quod Poëtam decet magis quàm Philosophum. Dein omnes simul Orbes invicem catenatos, totumque Universum, quantum quantum, singulis viginti quatuor horis, raptu primi cujusdam Mobilis, circumvolvi. Atque hunc circulum iterari quoquo die, in sæcula sæculorum. Ad hæc, Planetas simul ferri contrariis motibus : tam in Orientem, quàm Occidentem, eodem tempore. Denique materiam cœlorum ab omni sublunari penitùs aliam esse statuit : non gradu tantùm & qualitatibus, sed toto genere, ut altera in alteram nec mutetur unquam, nec mutari possit.

Si infra Lunam descendamus, statim incidimus in *Ignem Elementarem* : *Ignem* plus quàm *Fatum* ; cum tam luce, quàm calore careat. Ad Mediam aeris regionem delapsi, Galaxiam & Cometas Aristotelicos reperiemus. Hæc enim pro meteoris habet bonus ille philosophus, plebeiis oculis naturæ phœnomena contemplatus. Denique in ipsâ Terrâ, ne genera-

generalia quidem explicuit Aristoteles : qualia sunt motus maris, Phænomena magnetica, Metallorum & Mineralium vires & compositiones. Et quoad corpora singularia, ad explicandum eorum actiones & virtutes, abdicato motu locali, verisque materiæ & ipsius partium differentiis, *Formas*, nescio quas, *substantiales* : & *Qualitates específicas*, introduxit. Verba inania : quæ non magis valent in rebus naturalibus, quàm quæ rejecerat antea, Pythagoricorum Numeri & Harmoniæ. Ac uti agunt in se invicem corpora per has formas & qualitates, ità in sensus nostros agunt, si Diis placet, per *species intentionales* ; fucata ignorantia suæ asyla.

HÆC cum ità sint, atque talis fuerit Philosophia Aristotelis, satis admirari non possumus Orbis Christiani stuporem : qui, per tot sæcula, hanc disciplinam unice amplexus est : laudibus ad cælum extulit, omnibusque Scholis & Academiis publicè docendam & prælegendam commendavit : imò sancivit autoritate, & in dissentientes ab Aristotele, aut novam molientes Philosophiam, tanquam in Hæreticos & religionis Christianæ hostes, grassabatur. Hinc tardi scientiarum progressus : & à tot sæculis, quibus invaluit hæc philosophia, nulla inventa,
nulla

nulla commoda attulit humanæ vitæ.
Quot volumina Commentariorum, magna & inutilia? Quot præclara ingenia, hoc servile jugum ferre coacta, in colendo solo infrugifero frustra laborarunt? Sterilescebat orbis Christianus, quasi arenâ conspersus, ubicunque hæc philosophia disseminata fuit.

Errorum Aristotelis brevis conspectus.

Mundum Æternum esse statuit, ex utrâque parte : ingenitum & incorruptibilem.

Cœlos solidos, & eodem tempore in contrarias partes actos.

Materiam Cœlorum esse divinam, Quintessentialem, & immutabilem.

Fixas esse densiores partes suorum orbium : & Planetas lucidos suâ naturâ.

Lucem non esse corpus, aut qualemcunque motum corporum.

Sub concavo Lunæ latere ignem Elementarem.

Glaxiam esse Meteorum : & Cometas itidem, ultra mediam aëris regionem non eVectos.

Terram hædere immobilem in centro Universi.

Sursum

Sursum & deorsum in naturâ fundari, secundum rationes immutabiles.

Formas rerum animatarum esse substantiales: & qualitates sive affectiones corporum ab eorum modis prorsus distinguui.

Sensationem fieri per species intentionales, Rarefactionem & condensationem per incrementum & decrementum extensionis in materiâ.

Providentiam infra Lunam non descendere.

Animam esse ἐπιλήχαν, (vocem barbaram & ambiguum) & immortalitatis dubiæ.

GENIUM hominis si quæras, videtur lividus & μικροψυχος in veteres philosophos plerumque iniquus: quos in magnis præterit, in minutis refellit. Vale Stagirita, semper eris mihi *malus Astronomus, Theologus pejor, Physiologus pessimus.*

SEQUITUR Epicurus cum suo grege, vir parùm eruditus, sed ingenio non vulgari: ità tamen sensibus addicto, ut exinde, supremam veritatis normam & indicem semper desumendam esse putaverat. Gaudeat ille suis sensibus omniscientibus: suo Sole sesquipedali: suâ Terrâ,

Terrâ, non pendulâ, sed radicâtâ deorsum in infinitum : recurrente sole, qualibet nocte, per terrarum latera ad carceres Orientales. Hæc si philosophum decent, qualia sunt illa quæ decent vulgus & idiotas ? suam illis scientiam, suas voluptates, utrasque sensibiles, non invidéo : digni, qui cum corporibus vivant pereantque, Animi.

DE hujus viri philosophiâ nihil habeo commemoratione dignum. Democriti & Leucippi dogmata corrumpit potius quàm emendavit : antiquo-barbara & vetustissima ignoravit, novis inveniendis impar. Philosophatur laxè & per rationes fluctuantes, quæ non constringunt animum, neque ad assensum impellunt, nisi, suâ sponte, in partes indolemque Epicuri, propendeat. Quoad mundi ortum, quod proximè accedit ad argumentum nostrum, eâ in re se pessimè expeditivit Epicurus ; nam præterquam quod Atomorum illi motus, quos introduxit, tam *descensûs*, quàm *declinationis*, sunt fictitii, cum his figmentis rem suam necdum conficere potuit. Cum enim, in formandâ Tellure, præteriisset membranam illam Leucippi (cujus supra meminimus) orbemque primigenium levem & æquabilem, & ad hodiernam Terræ formam protinus aptare voluerit suam Cosmogoniam, planè

planè excidit proposito, atque frustra fuit; cùm neque maris, neque montium, neque cavitatem Terræ, aut cæterarum, quas in ipsius formâ conspiciamus, inæqualitatum, causas reddere poterat, aut verisimiles aut tolerabiles. Quare huic suæ doctrinæ de mundi origine, discutiendæ, non esset operæ pretium plus temporis impendere: cætera autem Epicuri sunt notissima; & in iis excolendis, Laertius olim, & nuper P. Gassendus, satis superque laborârunt: ad quos Lectorem *φιλεπικουρον* remitto. Denique quoad Libros Epicuri, erat enim *πολυγραφώτατος*, catalogum habes apud Laertium; sed è trecentis, quæ scripsisse dicitur, voluminibus, nullum hodiè integrum superest.

H Æ C de Sectis Græcorum Philosophorum, & de Philosophis ante-sectariis & Mythicis, dicta sunt. Quæ paucis perstrinximus, pro ratione argumenti nostri. De his sectis Græcorum per multi authores scripserunt, nobis hodiè deperditi: quales fuere Eratosthenes, Panetius Stoicus, Clitomachus, Apollodorus Atheniensis, & incertæ ætatis Hippobotus & Theodorus, à Laertio citati. De quibus figillatim videre licet diligenter

diligentissimum hæc in re scriptorum Joh. Hist. Phil.

Jonsium. Præterea, qui de *vitis & dogmatis Philosophorum* generatim scripserant, innumeri exciderunt: quales fuerint inter antiquos Chrysippus Stoicus,

Περὶ τῶν ἀρχαίων φυσολόγων. Apollodorus E-

phillus, Stoicus etiam, qui εἰσαγωγὰς εἰς τὰ δόγματα scripsit. Dein Porphyrius scrip-

sit τὴν φιλοσοφίαν ἰσοείας & Damascius simi-

lem & sub eodem titulo. Scripsit præ-

terea Hierocles φιλοσοφίαν παρὰ τῶν φιλοσόφων.

His adjungere licet incertioris ætatis scrip-

tores de *vitis Philosophorum*, uti Aëtium,

(nisi forsitan idem sit cum autore τῶν φιλοσόφων ἰσοείας, quæ Galeno datur.) A-

ristoclem peripateticum, Celsum quen-

dam: qui, referente Augustino, *opini-*

ones omnium philosophorum qui sectas

varias condiderunt, usque ad sua tem-

pora, sex non parvis voluminibus absol-

vit. Dioclem præterea, à Laertio sæpi-

us citatum: Lætum etiam Tatiani,

τὰς βίους τῶν φιλοσόφων ἐπ' ἀκριβὲς περιγματοεισάγων.

Præter alios minoris notæ, de quibus

singulis supra laudatum authorem, & com-

mentatores Laërtii consulere licet.

DENIQUE, cùm ex antiquis philosophis

multi, iique maximè, qui ex Oriente sua

dogmata petiverant, duplicem habuerint

doctrinam, δημόδιον καὶ ἀπόκρητον, *popularem*

& *arcanam*: qui hanc secretiorem &

sanc-

Præfat. lib.
de Hæres.

Cont. Græ.

sanctiorem tractârunt, uti pluris sunt æstima-
 mandi, ita seorsim recenferi merentur.
 Scripsit autem Pythagoras Zacynthius,
 τὰ ἀπὸ ῥήματα τῆ φιλοσοφίας, referente Laertio.
 Et Porphyrius exposuit τῶν φιλοσόφων τὰ ἀπὸ ῥή-
 ματα, teste Eunapio in ejus vita. Nu-
 menius etiam scripsit, τὰ παρὰ Πλάτωνα ἀ-
 πόρρητα* ut testatur Eusebius, adducto ip-
 sius fragmento. Neque de hoc argumen-
 to desideratissimo plures mihi hætenus
 occurrerunt : quod iis religio esset, in
 publicum spargere sua mysteria : aut sa-
 cra, aut philosophica.

L. 8. de
 Pyth. Præp.
 Ev. l. 13.
 c. 4. 5.

De Is. &
 Osir.
 Var. hist.
 l. 3. c. 18.

ULTIMO loco, antiquos Polyhistoras,
 qui cum suis historiis gentium archæo-
 logias & prisca dogmata tradiderunt, in-
 tercidisse querimus. In hoc genere non
 pauca scripsit Theopompus, ut ex ipsius
 fragmentis aut excerptis judicare licet.
 Tale est illud de Zoroastris doctrinâ a-
 pud Plutarchum, ex Theopompo. Et
 Midæ & Sileni historia, apud Ælianum,
 ex eodem. Præter corpus Historiarum,
 scripsit Theopompus *Epistolarum* volu-
 men, quas ἀρχαϊκὰς apellavit : cā forsan
 ratione, quod de rebus antiquis tractâ-
 rint. Neque multum id miror, quod
 Strabo in censuris paulò liberior, The-
 opompum incredibilia narrare dicat. Id
 enim accidit quandoque, ob materiam
 non vulgarem, aut propter Lectoris im-
 peritiam

peritiam. Theopompus ab Athenæo dicitur φιλαλήθης, virtus prima Historici. Et à Dion. Halicarnasseo, inter authores optimos, & quos imitemur dignissimos, numeratur. Audi utriusque verba.

L. 3. c. 8.

Ità Athenæus: μαθόντω καὶ παρὰ Θεοπόμπου τῶν ἱστορῶν, ἀνδρῶν φιλαλήθους, καὶ πολλὰ χρήματα καταναλώσαντων εἰς τὴν περὶ τῆς ἱστορίας ἐξέτασιν ἀκριβῆ.

Vid. Casau. in loc.

Dein Halicarnasseus, in Epistola ad Pompeium, cum Herodotum, Thucydidem, Zenophontem, Philistum & Theopompum, nominârat, subdit, τέττοις γὰρ ἐκκείνων

P. 128.

P. 131.

τοὺς ἀνδρῶν εἰς μίμησιν ἐπιτηδαιότατοι. Et postea in eâdem Epistolâ laudes ipsius magis magisque exaggerat. Denique ob

dicendi libertatem, & in res absconditas diligentem inquisitionem, eundem alibi magnoperè laudat. Hæc obiter in vindicias Theopompi Polyhistoris. Phavorinus *de omnifariâ historiâ*, sive περὶ παντοδαπῆς ὕλης ἱστορικῆς, desideratur inter Polyhistoras: eo enim sæpe sæpius usus est Laertius in Philosophorum vitis & dogmatis explicandis. Item Alexander dictus Polyhistor excidit: & Diodori Siculi, in rebus antiquis singularis eruditionis & diligentiae viri, e quadraginta libris quindecim tantum supersunt. Denique, apud Romanos, M. Terentius Varro, vir multifariam doctus, rerum humanarum & divinarum antiquitates scripsit; hunc laudat sequiturque Dion.

Ἀρχαίων ἐκστ. P. 70.

S

Hali-

Halicarnasseus, & in Archæologicis & in Theologicis. Veterum utique Theologiam Physicam explicavit Varro, & tractatus *de viris doctis*, aliosque quàm plurimos adornavit. E quibus, si extarent, Antiquorum placita & literaturam investigantibus, spes esset non parum lucis affulsurum. Sed pluribus superfedeo.

QUEMADMODUM in singulis Gentibus, & Sectis, authores proprios qui defiderantur, in hujus operis decursu, indicavimus : ità, coronidis loco, hos scriptores generales & miscellaneos de re philosophicâ, visum est paucis superaddere : quo minus miremur, rerum antiquarum notitias, unà cum suis custodibus, in eodem naufragio, magnam partem, periisse. Neque id mihi quispiam vitio vertat, quod ex Antiquorum sterquiliniis aliquas gemmas collegerim, relictis fordibus : id enim æqui animi & consilii esse videtur ; cùm ipsa temporis diuturnitas, per impuros canales decurrens, fæces & sordes auxerit, & ad imum detruferit. Præter eà cùm hoc opus qualecunque, ad purgandam veterem philosophiam, institutum fuerit ; satis esset, optima quæque seligere & conservare, cæteris in oblivionem

onem datis : ut, quem majoribus debemus, salvo honore, ex eorum rectè dictis & inventis, quantum licet proficiamus.

ATQUE ità tandem Gentes literatas, per terrarum orbem, & præcipuas Philosophorum Sectas, perlustravimus. Memorantur prætereà quædam magna nomina, Sapientum aut Mystrarum, hic illic sparsa : sed de quibus, præter nomina, nihil magni reperio. Hujusmodi sunt Atlantii vel Atlantici, in Libyâ : Idæi Daëtyli, vel Corybantes, in Phrygiâ : Cabirorum Mystæ, in Samothraciâ : Telchines, & postea Heliadæ, in Rhodo, secundum Diodorum. Denique, Hyperborei, & Apollinis sacerdotes, in extremitate Terræ. Apud horum singulos, aiunt nonnulli, reconditam sapientiam & arcana maxima olim latuisse. Sed latent adhuc, neque ullibi occurrunt diligentius indagantibus. Qui verò crepant mysteria, & nulla monstrant, gaudent sibi, non profunt aliis : & siquid habent veræ scientiæ, id nobis inter deperdita numerandum est. Nos verò aperte & in propatulo, ex scriptis monumentis, agimus : & ex singularum gentium thesauris, qui supersunt, Literariis, quasi communi censu aut Symbolo, aliquid, ad incrementum Scientiæ colligimus. Ne-

que in hâc brevi rerum & temporum recensione, nos ullum populum Sæctamve, veteres, & philosophiâ celebres, tacuisse aut prætermisisse arbitramur.

C A P. XIV.

De origine Philosophiæ Barbaricæ.

HÆC de Philosophiâ veterum, tam Græcâ, quam Barbaricâ, summatim diximus: & de eâ parte potissimum, quæ Mundi nostri ortum & occasum respicit. In origines utriusque philosophiæ à multis inquiritur, nec immeritò: est enim dignus vindice nodus. De Græcanicâ, minor quidem lis est aut quæstio: cum partim eam ab exteris derivatam esse, partim ab ipsis Græcis inventam, auctamve, multa veterum testimonia, multæque rationes, fidem faciant. Prout supra vidimus, Capite nono. Unde verò Ægyptii, Æthiopes, Chaldæi, Phœnices, Arabes, Indi, alique Orientales, suam hauserint Philosophiam, atque sua dogmata antiquissima, non adeò facile est explicatu. Dux sunt opiniones, maximè communes, de Philosophiæ Barbaricæ origine. Nonnulli statuunt ab ipsis

ipsis illis gentibus, suopte ingenio, inventam fuisse : alii ab Hebræis deductam & derivatam ad cæteras gentes ; à Mose scilicet, aut Abrahamo, omnium scientiarum, ut volunt, principibus. Ægriùs assentior harum alterutri opinionum. Quoad primam, quis tantum ingenii acumen, & rationis vim, & differendi facultatem & exercitationem, in priscis illis viris mihi commonstrare poterit ? quæ naturæ examina, & observationes, & experimenta, posteris prodiderunt ? Cedo mihi aliquot exempla & specimina, in Ægyptiis, in Chaldæis, in Bracmanis, cæterisque, hujus præclaræ & inventricis indolis : ut suâ vi, atque suis ratiociniis, tantarum sibi rerum comparâsse scientiam, non temerè credamus. Sua dogmata tradunt plerumque nudè & simpliciter, nullâ præeunte dissertatione, nullis munita rationibus : ab ipso nutu & autoritate docentis recipienda. Vel si fortè rationes afferant, sunt vagæ & instabiles : quæ plus minùs valent, ad Lectoris affectum & arbitrium. Mundi futura CONFLAGRATIO, est dogma perantiquum ; à gentibus ad Græcos deductum : sed neque ab his aut illis probatum legimus, nec tan diræ sententiæ causas aut modos exposuerunt. Quod si argumentis à naturâ rerum petitis & ratiocinativo, ut aiunt, orationis genere, in hujus rei notitiam

pervenissent, iisdem usi essent ad persuadendum aut revincendum alios, quos eâdem doctrinâ imbuere. Sed nudè accepta, nudè retulerunt : ut solent transferri παρρησιασται. Præterea, veterum dogma celeberrimum, circa *periodos mundanas*, vicissitudines, & renovationes rerum, nullis demonstrationibus nititur, sed autoritate repetitâ & irrefragabili. Atque, ut alterius generis exemplum afferam, doctrina μεταμύχωσης, sive de *præexistentiâ & revolutione Animarum*, pervetusta & universalis, siquæ alia : cum non tantum per Orientem ubique, sed etiam in Occidente, ut apud Druidas & *Pythagoreos*, obtinuerit. Hæc, inquam, doctrina, quasi cœlo demissa, ἀπ' οὐρανοῦ, ἀμύτωρ, ἀγενεαλόγητος, totum terrarum orbem pervagata est : necdum probare possumus, rationibus Physicis, Animas præexistere corporibus, aut in eadem sæpius reverti. Denique, ut plura non addam, Antiquorum κοσμογονίας, sive doctrina de ortu mundi ex Chao, prisca licet & latè diffusa, nunquam exposita & probata fuit philosophicè, & per rationes justas. Rerum procreationem alii explicuerunt μυθικῶς, sub nomine & genealogiis Deorum : alii ἠθικῶς, per *Amorem & Inimicitiam* : alii quidem φυσικῶς, per rationes Levium & Graviorum, sed laxas, vagas, & inexpletas : quibus consummare opus, atque suum

suum Chaos, à carceribus ad metam, à confusâ mole in formam orbis habitabilis, perducere nunquam poterant.

PLURA exempla non referam. Qui enim in literaturâ & lectione veterum vel mediocriter versati sunt, satis nôrunt, moris non fuisse priscis illis sapientibus, Theorias condere, neque dogmata sua per Causas aut Effecta demonstrare, ut solent hodierni Philosophi. Minus ope-rosa fuit primorum hominum Philosophia, cum nondum instructi essent tanto rerum apparatu ad observationes instituendas, vel in cœlis, vel in terris, vel in mari: vel circa aërem, aut aquam, aut circa ea quæ fiunt, ignis vi, in alia corpora. Utî mores hominum, & vita humana, ita cognitio pariter, in primis sæculis, simplicior erat, & paucis contenta. Rectè notat Clemens Alexandrinus, Philosophiam antiquo-barbaram fuisse facilem brevemque, per quæsitâ & responsa: non argumentativam & contentiosam, ut erat postea Græca. Ἄλλ' ἐδὲ οἱ παλαιῶται ἢ φιλοσόφων ἐπὶ

Strom. 8.
princ.

τῶ ἀμφοισθεντῶν καὶ ἀποριῶν ἐφέροντο. — οἱ μὲν γὰρ νεώτεροι ἢ περὶ Ἑλλησι φιλοσόφων, ὑπὸ φιλοτιμίας κατῆς τε καὶ ἀτελεῖς, ἐλεγκτικῶς ἅμα καὶ ἐριστικῶς, εἰς τὴν ἀχρηστον ἐξάγονται φλυασίαν ἐμπαλιν ἢ ἡ βάρεως φιλοσοφία τὴν πᾶσαν ἔχειν ἐκβάλλουσα, ζητῶντες, ἔ-
πειν, καὶ εὐρεῖσιν, κρέεσιν καὶ ἀνοιγίσσιναι ὑμῖν, &c.
Sed neque antiquissimi Philosophi ad contendendum ferebantur & ad dubitan-

dum. Recentiores autem Græcorum Philosophi, inani irritâque laudis cupiditate commoti, argutando & contendendo, ad nugacitatem deducuntur inutilem. Contrà autem barbara Philosophia, omnem expellens contentionem: Quærite, inquit, & invenietis, pulsate & aperietur, petite & dabitur vobis, &c. Nempe per breves interrogationes & responsiones rem suam expedit. Non erat artificiosa, & ἐπιστημονικῶς composita, εἰς κύκλους καὶ συστήματα. quod à Græcis postea factum est.

HINC fatis constare videtur, Priscorum Philosophiam fuisse traducem sive traditivam: Sed à quâ demùm origine, quæres? Ab Hebræis inquirunt nonnulli: atque Mosi aut Abrahamo acceptam referunt omnem sapientiam antiquo-barbaram. Quoad Mosem, constat ex sacris literis eum fuisse posteriorem sapientiâ Ægyptiacâ; & Discipulum potius quàm Doctorem istius gentis literatæ: diciturenim instructus & institutus à pueritiâ in sapientiâ Ægyptiorum. Verba Sancti Stephani hæc sunt: Ἀνέλατο αὐτὸν ἡ θυγάτηρ Φαραὼ, καὶ ἀνέθρεψεν αὐτὸν ἐαυτῇ εἰς υἱόν. Καὶ ἐπαδεδύθη Μωσὴς πάση σοφίᾳ Ἀγυπτίων. *Expositum autem illum sustulit filia Pharaonis, & enutrivit eum sibi in filium. Et eruditus vel institutus fuit Moses in omni sapientiâ Ægyptiorum.* Hæc igitur

tur sapientia non nata est primùm cum Mose: natales ipsius præcessit ab altiori origine repetenda.

SIMILITER quoad sapientiam Arabicam, Jobus, Arabs πολυκλαῖδς ἡ πολυμαθὴς, in cujus historiâ multa occurrunt antiquæ sapientiæ vestigia, antiquior habetur Mose. Idque multis patet indiciis: primò, quod nullibi meminerit rerum à Mose gestarum, sive in Ægypto, sive in exitu, sive in deserto; licet multus frequensque sit in celebrandâ Dei magnitudine: neque magis earum meminerunt ipsius Amici, in recolendâ Dei justitiâ & potentiâ: cum tamen nulla fuerit historia, post Diluvium, unde supremi Numinis, justî & potentis, gloria aptiùs illustrari potuisset, quam ab illâ Ægyptiacâ. Secundò, quod, cum vir pius & veri Numinis cultor fuerit, Legi Mosaicæ contraiverit, in sacrificiis faciendis. Sacerdotis officio ipse functus est, jure quodam naturali & primitivo, quo Pater familias Rex erat & Sacerdos apud suos; ad exemplum Noachi, Abrahami, Jethronis Midianitæ, & aliorum, qui, ante Legem latam à Mose, sacra faciebant. Tertio, ex ætatis & vitæ suæ mensurâ, in tertio, plus minus, à Diluvio sæculo, collocandus esse videtur: vixit enim ultrâ ducentos annos. Adhæc, in historiâ Jobi, summam quandam vetustatem redolent omnia.

Cum

Cap. xxxi.
26, 27.

Cap. xix.
24.

Cum de idololatriâ loquitur, memorat primum ipsius genus, Solis & Lunæ adorationem. Cum de conscribendis suis malis & miseriis verba facit, vetustissimum scriptionis genus, sculpturam scilicet, indicat. Ex re pecuariâ numerantur ipsius opes, & ex liberorum multitudine, felicitas. Præterea, in enarrandis Dei operibus, quod sæpius fit in hoc scripto, Mundi molitionem & diluvium celebrat author, recentiora nulla. Neque Sabbathi, neque ullius Legis factitiæ meminit: in moribus & pietate *præcepta Noachidarum* secutus. Denique, post formatam Rempublicam Judaicam, secretamque à cæteris gentibus, per instituta propria & Legem à Deo datam: non facile credo, hanc sanctam gentem, ejusdem temporis & sæculi alienigenam, vel hominem Gentilem, in exemplum pietatis proposituram, aut ipsius acta & historiam in sacros eorum codices relaturam. His omnibus adducor ut credam, Mosi Jobum tempore antecessisse.

Cap. 2.

QUOD Æthiopas, præcessere literis Ægyptios, secundum Diodorum: & secundum Lucianum, in rerum cœlestium cognitione. Prout antea notatum. Quantum ad Phœnices, Sanchoniathonis ætas incerta est: sed ante tempora Cadmi floruisse literas in Phœniciâ, non dubitatur. Denique, quoad Babylonios, Assyrios, Chal-

Chaldæos, eorum observationes cœlestes, ipsumque Imperium, multò altiùs natalibus Mosis ascendunt. Et, si forte non erraverit Justinus, apud Bactrianos erant Lib. ii Magi, tempore Nini, *qui mundi principia, syderumque motus, diligentissimè spectabant.*

HARUM rerum, ut videtur, conscius, Flavius Josephus; nempe Ægyptios, Arabes, aliàsque gentes sapientia celebres, Antiq. lib. i. c. 8, 9. ætatem Mosis præiisse; maluit ad Abrahamum referre originem omnis sapientiæ antiquo-barbaræ, & præsertim Ægyptiacæ. Sed quo, quæso, prætextu? quibus ductus argumentis hoc asserit? Hoccine in historiâ sacrâ traditum est? Hoccine in exoticâ legimus? Et si ratione agas, quantulùm fuit in Ægypto Abrahamus: qui potuit, infra biennium, peregrinus homo, sermonis alicui, gentem instruere scientiis, ut volunt, naturalibus & Mathematicis, earum antea ignaram & inasuetam? Quamobrem propriam gentem non priùs instruxit & edocuit has artes, filium suum & nepotes? Neque scientiâ naturali, neque Mathematicâ, celebres fuere Hebræi: & à se tamen edoctos esse volunt Ægyptios, qui, in his disciplinis, facilè cæteras omnes gentes olim superâsse perhibentur. Hæc non tantùm gratis dicuntur à Josepho, sed etiam contra omnem veri speciem aut similitudinem. Quare,

re, missis his præjudiciis Judæorum, qui sibi deberi volunt, & à se derivari, quicquid est, inter homines, divini aut eximii: depositis, dico, his præjudiciis, ascendamus altiùs in quærendâ origine Philosophiæ Barbaricæ: altiùs, inquam, Mo-
se aut Abrahamo: ad Diluvium usque, & communem Gentium & Judæorum Patrem, Noachum. Virum magnum, veri numinis cultorem, & utriusque mundi scientem. Quid ni credamus, ab hoc fonte, ab hoc viro originario, descendisse ad suos posteros, ad homines nempe postdiluvianos, ea Theologiæ & Philosophiæ capita, quæ apud gentes antiquo-barbaras reperiuntur? Suis liberis & nepotibus fertur tradidisse Noachus *præcepta* moralia, quæ *PRÆCEPTA NOACHIDARUM* dici solent; quid ni etiam Dogmata, quæ eodem jure *DOG-MATA NOACHIDARUM* sunt appellanda? Quemadmodum dein illa præcepta non versabantur circa res minutas, aut momenti minoris officia; sed ea spectabant quæ ad vitam ritè instituendam erant maximè necessaria: ita pariter hæc dogmata respiciunt summos ordines & momenta maxima Mundi Naturalis: unde incept, quâ formâ & structurâ primùm coaluit: quas vices, aut motus majores, aut jam subiit, aut olim subiturus est: an dissolvendus: an renovandus:

dus: & quis extremus rerum exitus
 & meta ultima. In his generalibus,
 in his maximis, versata est, ni fal-
 lor, sapientia Primæva: sive illa ip-
 sius pars quæ πειρὶ κόσμου καὶ πειρὶ φύσεως, insti-
 tuebatur. Sunt enim aliæ partes plures,
 πειρὶ θανάτου, πειρὶ ψυχῆς, πειρὶ ἡθελ, πειρὶ εἰμαρμένης,
 cum reliquis, quæ non sunt præsentis in-
 stituti. Hæc & hujusmodi capita com-
 plexa est priscorum philosophia; quæ,
 licet multis maculis conspersa, aut fordi-
 bus involuta, ad nos feros homines, ul-
 timam ferè Noachidarum progeniem, post
 aliquot millennia, pervenerit: veritate
 tamen aliunde repertâ & exploratâ, has
 labes eluere non penitus arduum est; &
 in his Antiquorum gemmis, vetustate li-
 cet decoloratis, vividas adhuc relucere
 scintillas, non sine admiratione sæpius
 adverti. Sed ad Noachum redeamus.

ÆQUUM est credere, Patres Antedi-
 luvianos non fuisse stipites, insulsos, &
 scientiarum expertes: horum autem com-
 munis hæres erat Noachus, plurimis coæ-
 taneus, & cæterorum literaturæ, facili
 traditione, particeps. Quicquid igitur
 sapuerunt longævi Patriarchæ, id Noacho
 innotuisse, maximam partem, probabile
 est: cum, per sexcentos annos, eorum
 uti potuit commercio & studiis. HIC
 igitur, me iudice, *utriusque mundi in-*
cola, scientiarum lampada ab illis ad hos
 tra-

tradidit : & propagavit per terram orbem, unâ cum suâ sobole, & primævis populis, quædam femina, tam naturalis, quam moralis, doctrinæ. Sed multum exaruisse sequioribus sæculis, utramque doctrinam, & succrescentibus zizaniis tantum non suffocatam esse, libens agnosco. Hæc facile redintegrari non possunt ex antiquis monumentis : sed potius ex ipsis naturæ, liquidæque rationis, principiis, renovanda sunt omnia ; & , per Theorias ritè constitutas, emendanda pariter & stabilienda. Ut, ingruente rerum fine, veritas rediiva, in futuræ renovationis præludium, clariùs clucescat.

Finis Libri primi.

A61

1453381

